

कर्मग्रंथ-कर्मप्रकृति-पंचसंग्रह.

मूलमात्रम् ।



प्रकाशिका-

श्रीमद् हेमचन्द्राचार्यग्रन्थमाला,

अमदावाद.

Cover printed at the Phoenix P. Works, Ahmedabad.



सद्गत शा. सांङलयंद युनीलाल.

मु. अमदावाद.

अहंम् ।

कर्मग्रंथ-कर्मप्रकृति-पंचसंग्रह मूलमात्र ।

श्रीमदाचार्यश्रीविजयनीतिसूरिजीना उपदेशी
प्रथमसहायक-
शेठ. चुनीलाल गोकलदास, घांचीनीपोळवाळा

प्रकाशक,
हेमचन्द्राचार्यग्रन्थमालाना कार्यवाहक
कोचिननिवासी शाह पोपटलाल मूळजी
श्रमदावाद.

प्रत ५००

पहेली आवृत्ति

सन १९२४,

आ ग्रन्थ-

शेठ चुनीलाल गोकलदासना
सुपुत्र सांकलचंद चुनीलालना
स्मरणार्थे छपाव्यो छे.

मुद्रक- जैन एडवोकेट प्रेसना
मालीक- शा. चीमनलाल
गोकलदास. ठे - घीकांटाघाडी
अमदावाद.

॥ ॐ ॥

॥ श्री परमगुरुभ्यो नमः ॥

॥ अथ श्री देवेन्द्रसूरिविरचिताः

॥ नव्याः पञ्चकर्मग्रन्थाः ॥

॥ कर्मविपाकनामा प्रथमः कर्मग्रन्थः ॥

मूलगाथा.

सिरिवीरजिणं वंदिय कम्मविवागं समासओ बुच्छं ।
कीरइ जिण्ण हेउहिं जेणं तो भण्णए कम्मं ॥ १ ॥
पयइठिइरसपएसा तं चउहा मोअगस्स दिठंता ।
मूलपगइठउत्तर पगई अडवन्नसयभेअं ॥ २ ॥
इह नाणदंसणावरणवेयमोहाउनामगोयाणी ।
विग्घं च पणनवदुअठवोसचउतिसयदुपणविहं ॥३॥
मइसुअओहीमणकेवलाणि नाणाणि तत्थ मइनाणं ।
वंजणवग्गह चउहा मणनयणविणिंदियचउक्का ॥४॥

अत्थुग्गहइहावा यधारणाकरणमाणसेहिं छहा ।
 इअ अठवीसभेअं-चउदसहा वीसहा व सुअं ॥ ५ ॥
 अक्खर सन्नी सम्मं साईअं खलु सपज्जवसिअं च ।
 गमिअं अंगपविठं सत्तवि एए सपडिवक्खा ॥ ६ ॥
 पज्जयअक्खरपयसंघाया पडिवत्ति तह य अणुअयोगो ।
 पाहुडपाहुडपाहुड वत्थपुव्वा य ससमासा ॥ ७ ॥
 अणुगामिवट्ठमाणयपडिवाईयरविहा छहा ओही ।
 रिउमइविउलमई मणनाणं केवलमिगविहाणं ॥ ८ ॥
 एसिं जं आवरणं पडुव्व चक्खुस्स तं तयावरणं ।
 दंसण चउ पण निहा वित्तिसमं दंसणावरणं ॥ ९ ॥
 चक्खुदिठिअचक्खू सेसिंदियओहिकेवलेहिं च ।
 दंसणमिह सामन्नं तस्सावरणं तयं चउहा ॥ १० ॥
 सुहपडिबोहा निदा निदानिदा य दुक्खपडिबोहा ।
 पयला ठिओवविट्ठुस्स पयलपयला उ चंक्रमअो ॥११॥
 दिणचिंतियत्थकरणी थीणद्धी अद्धचक्किअद्धबला ।
 महुलित्तखग्गधारा लिहणं व दुहा उ वेअणिअं ॥ १२ ॥
 ओसन्नं सुरमणुए सायमसायं तु तिरिअनिरएसु ।

मज्जं व मोहणीञ्चं दुविहं दंसणचरणमोहा ॥ १३ ॥
 दंसणमोहं तिविहं सम्मं मीसं तहेव मिच्छत्तं ।
 सुद्धं अद्धविसुद्धं अविस्सुद्धं तं हवइ कमसो ॥ १४ ॥
 जिअञ्चजिअपुण्णपावासवसंवरबंधमुक्खनिज्जरणा ।
 जेणं सदहइ तयं संमं खइगाइवहुभेअं ॥ १५ ॥
 मीसा न रागदोसो जिणधम्मो अंतमुहु जहा अन्ने ।
 नालिअरदीवमणुणो मिच्छं जिणधम्मविवरीअं ॥ १६ ॥
 सोलस कसाय नव नोकसाय दुविहं चरित्तमोहणियं ।
 अण अण्णच्चक्खाणा पच्चक्खाणा य संजलणा ॥ १७ ॥
 जाजीववरिसचउमासपक्खग्गा निरयतिरियनरअमरा ।
 सम्माणुसव्वविरइअहखायचरित्तघायकरा ॥ १८ ॥
 जलरेणुपुढविपव्वयरइसरिसो चउव्विहो कोहो ।
 तिणिसलयाकट्ठऽट्ठिअसेलत्थंभोवमो माणो ॥ १९ ॥
 मायावलेहिगोमुत्तिमिंढसिंघणवंसिमूलसमा ।
 लोहो हलिइखंजणकइमकिमिरागसामाणो ॥ २० ॥
 जस्सुदयो होइ जिण हासरइअरइसोगभयकुच्छा ।
 सनिमित्तमन्नहा वा तं इह हासाइमोहणिञ्चं ॥ २१ ॥


पुरिसिस्थितदुभयं पइ अहिलासो जव्वसा हवइ सो उ।
 थीनरनपुंवेउदओ फुंफुमतणनगरदाहसमो ॥ २२ ॥
 सुरनरतिरिनिरयाऊ हडिसरिसं नामकम्म चित्तिसमं ।
 बायालतिनवइविहं तिउत्तरसयं च सत्तठी ॥ २३ ॥
 गइजाइतणुउवंगा बंधणसंधायणाणि संघयणा ।
 संठाणवण्णगंधरसफासअणुपुव्विविहगगई ॥ २४ ॥
 पिंडपयडित्ति चउदस परघाउस्सासआयवुज्जोयं ।
 अगुरुलहुतित्थनिमिणोवघायमिअ अछ पत्तेआ ॥ २५ ॥
 तसवायरपज्जत्तं पत्तेयथिरं सुभं च सुभगं च ।
 सुसराइज्ज जसं तसदसगं थावरदसं तु इमं ॥ २६ ॥
 थावरसुहुमअपज्जं साहारणअथिरअसुभदुभगाणि ।
 दुस्तरणाइज्जाजसमिअनामे सेअरा वीसं ॥ २७ ॥
 तसचउथिरछक्कं अथिरछक्कसुहुमतिगथावरचउक्कं ।
 सुभगतिगाइविभासा तथाइसंखाहि पयडीहिं ॥ २८ ॥
 गइआईण उ क्कमसो चउपणपणतिपणपंचछक्कं ।
 पणदुगपणट्टचउदुग इय उत्तरभेअपणसठी ॥ २९ ॥
 अडवीसजुआ तिनवइ संते वा पनरबंधणे तिसयं ।

बंधणसंघायगहो तणूसु सामणवणवणञ्ज ॥ ३० ॥
 इअ सत्तठी बंधोदए य न य सम्ममीसया बंधे ।
 बंधुदए सत्ताए वीसदुवीसऽवणसयं ॥ ३१ ॥
 नरयतिरिनरसुरगई, इगबिअतिअचउपणिंदिजाईओ ।
 ओरालविउव्वाहारगतेअकम्मणपणसरीरा ॥ ३२ ॥
 बाहूरु पिट्ठि सिर उर, उयरंग उवंग अंगुलीपमुहा ।
 सेसा अंगोवंगा पढमतणुतिगस्सुवंगाणि ॥ ३३ ॥
 उरलाइपुग्गलाणं निबद्धबइझंतयाण संबंधं ।
 जं कुणइ जउसमं तं उरलाईबंधणं नेयं ॥ ३४ ॥
 जं संघायइ उरलाइपुग्गले तणगणं व दंताली ।
 तं संघायं बंधणमिव तणुनामेण पंचविहं ॥ ३५ ॥
 ओरालविउव्वाहारयाण सगतेअकम्मजुत्ताणं ।
 नवबंधणाणि इअर दुसहिआणं तिन्नि तेसिं च ॥ ३६ ॥
 संघयणमट्ठिनिचओ, तं छद्धा वजरिसहनारायं ।
 तह य रिसहनारायं नारायं अद्धनारायं ॥ ३७ ॥
 कीलिअ ठेवट्टं इह रिसहो पट्टो अ कीलिआ वज्जं ।
 उभओ मक्कडबंधो नारायं इममुरालगे ,। ३८ ॥

समचउरंसं निग्गोह साइखुज्जाइ वामणं हुंडं ।
संठाणा वण्णा किण्ह नीललोहियहलिइसिआ ॥३९॥
सुरहीदुरही रसा पण तित्तकडुकसायअंबिला मडुरा ।
फासा गुरुलहुमिउखरसीउण्हसिणिद्धरुक्खट्ठा ॥४०॥
नीलकसिणं दुगंधं तित्त कडुअं गुरुं खरं रुक्खं ।
सीअं च असुहनवगं, इक्कारसगं सुभं सेसं ॥४१॥
चउहगइव्वणुपुव्वी गइपुव्विदुगं तिगं नियाउजुअं ।
पुव्वीउदओ वक्के सुहअसुहवसुट्ठविहगगई ॥४२॥
परघाउदया पाणी परेसि बलिणं पि होइ दुद्धरिसो ।
उससणलद्धिजुत्तो हवेइ जसासनामवसा ॥ ४३ ॥
रविबिंबे उ जियंगं तावजुअ अयावाउ न उ जलणे ।
जमुसिणफासस्स तहिं लोहियवण्णस्स उदउत्ति ४४
अणुसिणपयासरूवं जियंगमुज्जोयए इहुज्जोया ।
जइ देवुत्तरविक्रिकअजोइसखज्जोअमाइव्व ॥४५॥
अंगं न गुरु न लहुअं जायइ जीवस्स अगुरुलहुउदया
तिस्थेण तिहुअणस्स वि पुज्जो से उदओ केवलिणो४६
अंगोवंगनिअमणं, निर्माणं कुणइ सुत्तहारसमं ।

उवघाया उवहम्मइ सतणुवयवलंविगाइहिं ॥ ४७ ॥
 वितिचउपणिंदियतसा वायरओ वायरा जिया थूला ।
 निअनिअपज्जतिजुआ, पज्जत्ता लद्धिकरणेहिं ॥४८॥
 पत्तेअ तणू पत्तेउदएणे दंतअट्टिमाइ थिरं ।
 नाभुवरि सिराइ सुहं सुभगाओ सव्वजणइट्ठो ॥४९॥
 सुसरा महरसुहझुणीं आइज्जा सव्वतोअगिइझवओ
 जसअओ जसकित्तीओ थावरदसगं विवज्जत्थं ॥५०॥
 गोअं दुहुच्चनीअं कुलाल इव सुघडभुंभलाइअं ।
 विग्घं दाणे लाभे भोगुवभोगेसुवीरिए अ ॥५१॥
 सिरिहरिअसमं एअं जह पडिकूलेण तेण रायाइ ।
 न कुणइ दाणाइअं एवं विग्घेण जीवो वि ॥५२॥
 पडिणीअत्तएनिन्हवउवघायपअओसअंतराएणं ।
 अच्चारु।यणयाए आवरणदुगं जिअओ जयइ ॥५३॥
 गुरुभत्तिखंतिकरुणावयजोगकसायविजयदाणजुओ ।
 दढधम्माइ अज्जइ सायमसायं विवज्जयअओ ॥५४॥
 उम्मग्गदेसणा मग्गनासणा देवदव्वहरणेहिं ।
 दंसणमोहं जिणमुणिचेइअसंघाइपडिणीअओ ॥५५॥

दुविहंपि चरणमोहं कसायहासाइविसयविवसमणो ।
 बंधइ नरयाउ महारंभपरिग्गहरओ रुद्धो ॥ ५६ ॥
 तिरिआउ गूढहियओ, सढो ससल्लो तथा मणुस्साउ
 पयईइ तणुकसाओ, दाणरुई मड्डिअमगुणो अ ॥५७
 अविरयमाइ सुराउं, बालतवोकामनिज्जरो जयइ ।
 सरलो अगारविल्लो, सुहनामं अन्नहा असुहं ॥५८॥
 गुणपेही मयरहिओ, अइअयणइअवणारुई निच्चं ।
 पकुणइ जिणाइभत्तो, उच्चं नीअं इअरहा उ ॥५९॥
 जिणपूआविग्घकरो, हिंसाइपरायणो जयइ विग्घं ।
 इय कम्मविवागोअं, लिहिओ देविंदसूरीहिं ॥६०॥



॥ ॐ नमोऽर्हते ॥

॥ अथ कर्मस्तवनामा द्वितीयः कर्मग्रन्थः ॥

तह धुणिमो वीरजिणं, जह गुणठाणेसु सयलकम्माइं ।
बंधुदयोदीरणयासत्तापत्ताणि खविआणि ॥ १ ॥
मिच्छे सासणमीसे, अविरयदेसे पमत्तअपमत्ते ।
निअट्टिअनिअट्टिसुहुमुवसमखीणसजोगिअजोगिगुणा २
अभिनवकम्मग्गहणं, बंधो ओहेण तत्थ वीससयं ।
तित्थयराहारगदुगवज्जं मिच्छंमि सतरसयं ॥ ३ ॥
नरयतिग जाइथावरचउ हुंडायवच्छिवट्टनपुमिच्छं ।
सोलंतो इगहिअसय, सासणि तिरिथीणदुहगतिगं ॥४
अणमज्जागिइसंधयणचउ निज्जोअकुखगइत्थित्ति ।
पणवीसंतो मीसे, चउसयरि दुहाउयअबंधा ॥५॥
सम्मे सगसयरि जिणाउबंधि वइरनरतिअविअकसाया
उरलदुगंतो देसे, सत्तट्ठी तिय कसायंतो ॥ ६ ॥

तेवन्नीपमत्ते सोग अरइ अथिरदुग अजसअस्सायं ।
 वुच्छिज्ज छच्च सत्त व, नेइसुराउं जया निठं ॥ ७ ॥
 गुणसठि अप्पमत्ते, सुराउ बंधं तु जइ इहागच्छे ।
 अन्नह अछावन्ना, जं आहारगदुगं बंधे ॥ ८ ॥
 अडवन्न अपुव्वाइमि, निहदुगंतो छपन्न पणभागे ।
 सुरदुगपणिंदिसुखगइतसनवउरलविणुतणुवंगा ॥९॥
 समचजरनिमिणजिणवन्नअगुरूलहुचउ छलंसि तीसंतो
 चरमे छवीसबंधो, हासरइकुच्छभयभेओ ॥ १० ॥
 अनिअट्टिभागपणगे, इगेगहीणो दुवीसविहबंधो ।
 पुमसंजलणचउण्हं, कमेण ठेओ सतर सुहुमे ॥११॥
 चउदंसणुच्चजसनाणविग्घदसगं ति सोलसुच्छेओ ।
 तिसु सायबंध छेओ, सजोगिवंधंतुणंतो अ ॥ १२ ॥
 उदओ विवागवेअणमुदीरणमपत्ति इह दुवीससयं ।
 सतरसयं मिच्छे मीससम्मआहारजिणणुदया ॥ १३ ॥
 सुहुमतिगायवमिच्छं, मिच्छंतं सासणे इगारसयं ।
 निरयाणुपुव्विणुदया, अणथावरइगविगलअंतो ॥१४॥
 मीसे सयमणुपुव्वीणुदया मीसोदएण मीसंतो ।

चउसयमजए सम्माणुपुव्विखेवा विअकसाया ॥१५॥
 मणुतिरिणुपुव्वि विउवठदुहगअण्णाइज्जदुगसतरठेओ ।
 सगसीइ देसि तिरिगइआउ निउज्जोअतिकसाया ॥१६॥
 अठच्छेओ इगसी, पमत्ति आहारजुअलपक्खेवा ।
 थीणतिगाहारगदुगठेओ छस्सयरि अपमत्ते ॥ १७ ॥
 सम्मत्तंतिमसंघयणतिअगच्छेओ बिसत्तरि अपुव्वे ।
 हासाइछक्कअंतो, छसट्ठि अनिअट्ठि वेअतिगं ॥ १८ ॥
 संजलणतिगं छठेओ, सठी सुहुमंमि तुरिअलोभंतो ।
 उवसंतगुणे गुणसट्ठि रिसहनारायदुगअंतो ॥ १९ ॥
 सगवन्न खीण दुचरमि, निइदुगंतो अ चरमि पणवन्ना ।
 नाणंतरायदंसणचउ ठेओ सजोगि बायाला ॥ २० ॥
 तित्थुदया उरलाथिरखगइदुग परित्ततिग छसंठाणा ।
 अगुरुलहुवन्नचउ निमिणतेअकम्माइसंघयणं ॥ २१ ॥
 सूसर दूसर सायासाएगयरं च तीस वुच्छेओ ।
 वारस अजोगि सुभगाइज्जजसन्नयरवेअणिअं ॥२२॥
 तसतिग पणिंदि मणुआउगइ जिणुच्चं ति चरमसमयंतो
 उदउव्वुदीरणया, परमपमत्ताइसगगुणेषु ॥ २३ ॥

एसा पयडीतिगूणा, वेअणिआहारजुअलथीणतिगं ।
 मणुआउ पमत्तंता, अजोगि अणुदीरगो भयवं ॥२४॥
 सत्ता कम्माण णिइ, बंधाइअलद्धअत्तलाभाणं ।
 संते अडयालसयं जा उवसमु विजिणु विअतइए ॥२५
 अणुवाइअचउक्के, अण तिरिनिरयाउविणु विआलसयं
 सम्माइचउसु सत्तगखयंमि इगचत्तसयमहवा ॥२६॥
 खवगं तु पप्प चउसु वि, पणयात्तं निरयतिरिसुराउ विणा
 सत्तग विणु अडतीसं, जा अनिअट्टि पढमभागो ॥२७॥
 थावरतिरिनिरयायवदुग थीणतिगेग विगल साहारं ।
 सोलखओ दुविससयं, विअंसि विअतिअकसायंतो २८
 तइआइसु चउदसतेरवारछपणचउतिहिअसय कमसो ।
 नपुइत्थिहासछगपुंसतुरिअकोहोमयमायखओ ॥ २९ ॥
 सुहुमि दुसय लोहंतो, खीणदुचरिमेगसय दुनिइखओ ।
 नवनवइ चरमसमए, चउदंसणनाणविग्घंतो ॥ ३० ॥
 पणसीइ सजोगि अजोगि दुचरिमे देवखगइगंधदुगं ।
 फासठवण्णरसतणुबंधणसंघायपण निमिणं ॥३१॥
 संघयणअथिरसंठाणछक्क अगुरुलहुचउ अपज्जतं ।

सायं व असायं वा, परित्तुवंगतिग सुसर निअं ॥३२॥
 विसयरि खओ अ चरिमे, तेरस मणुअतसतिग
 जसाइज्जं ।

सुभगजिणुच्च पणिंदिअ, सायासाएगयरठेश्चो ॥३३॥
 नरअणुपुव्वि विणा वा, बारस चरमसमयंमि जो खविउं
 पत्तो सिद्धिं देविंदवंदिअं नमह तं वीरं ॥ ३४ ॥



॥ अथ बंधस्वामित्वाख्यस्तृतीयः

कर्मग्रन्थः ॥

बंधविहाणविमुक्कं, वंदिअ सिरिवद्धमाणजिणचंदं ।
गइआईसु वुच्छं, समासओ बंधसामित्तं ॥ १ ॥
[गइ इंदीए य काए, जोए वेए कसाय नाणे य ।
संजम दंसण लेसा, भव सम्मे सन्नि आहारे ॥ २ ॥]
जिण सुरविउवाहारदु, देवाउ अ निरयसुहुमविगलतिगं
एगिदि थावरायव, नपु मिच्छं हुंड ठेवठं ॥ ३ ॥
अण मझागिइसंघयण, कुखगनिअ इत्थि दुहगथीणतिगं
उज्जोअ तिरिदुगं तिरिनराउ नरउरलदुग रिसहं ॥४॥
सुरइगुणवीसवज्जं, इगसउ ओहेण बंधहिं निरया ।
तित्थविणा मिच्छि सयं, सासणि नपुचउ विणा छनुई
विणु अणछवीस मीसे, विसयरि सम्मंमि जिणनराउजुआ
इअ रयणाइसु भंगो, पंकाइसु तित्थयरहीणो ॥ ६ ॥
अजिणमणुआउ ओहे, सत्तमिए नरदुगुच्चविणु मिच्छे


इगनवई सासाणे, तिरिआउ नपुंसचउवज्जं ॥ ७ ॥
 अणचउत्रीसविरहिआ, सनरदुगुच्चा य सयरिमीसदुगे
 सतरसओ ओहि मिच्छे, पज्जतिरिआ विणु जिणाहारं
 विणु निरयसोल सासणि, सुराउ अणएगतीस विणु मीसे
 ससुराउ सयरि सम्मे, बीअकसाए विणा देसे ॥ ९ ॥
 इअ चउगुणेषु वि नरा, परमजया सजिण ओहु देसाई
 जिणइक्कारसहीणं, नवसय अपज्जत्ततिरिअनरा ॥१०॥
 निरयव्व सुरा नवरं, ओहे मिच्छे इगिंदितिगसहिआ ।
 कप्पदुगे वि अ एवं, जिणहीणो जोइभवेणवणे ॥११॥
 रयणु व्व सणंकुमाराइ आणयाइ उज्जोअचउरहिआ ।
 अपज्जतिरिअ व्व नवसयमिगिंदिपुढविजलतरुविगद्धे १२
 छनवइ सासणि विणु सुहुमतेर केइ पुण विंति चउनवइं
 तिरिअनराऊहिं विणा, तणुपज्जत्तिं न जंति जओ॥१३॥
 ओहु पणिंदितसे गइतसे जिणिक्कारनरतिगुच्चविणा ।
 मणवयजोगे ओहो, उरले नरभंगु तम्मिस्से ॥ १४ ॥
 आहारछग विणोहे, चउदससउ मिच्छि जिणपणगहीणं
 सासणि चउनवइ विणा, तिरिअनराऊ सुहुमतेर ॥१५॥

अणचउवोसाइ विणा, जिणपणजुअ सम्मिजोगिणो सायं
 विणु तिरिनराउ कम्मे, वि एवमाहारदुगि ओहो ॥१६॥
 सुरओहो वेउव्वे, तिरिअनराउ रहिअो अ तम्मिस्से ।
 वेअतिगाइमविअतिअकसाय नव दु चउं पंचगुणा ॥१७॥
 संजलणतिगे नव दस, लोहे चउ अजइ दुति अनाणतिगे
 बारस अचक्खुचक्खुसु, पढमा अहखाय चरमचऊ ॥१८॥
 मणनाणि सग जयाई, समइअठेअ चउ दुन्नि परिहारे ।
 केवलदुगि दो चरमाजयाइ नव मइसुओहिदुगे ॥१९॥
 अड उवसमि चउ वेअगि, खइए इक्कार मिच्छतिगि देसे
 सुहुमि सठाणं तेरस, आहारगि निअनिअगुणोहो ॥२०॥
 परमुवसमि वट्टंता, आउ न बंधंति तेण अजयगुणे ।
 देवमणुआउहीणो, देसाइसु पुण सुराउविणा ॥२१॥
 ओहे अठारसयं, आहारदुगूणमाइलेसतिगे ।
 तं तित्थोणं मिच्छे, साणाइसु सव्वहिं ओहो ॥२२॥
 तेऊ नरयनवूणा, उज्जोअचउ नरयवार विणु सुक्का ।
 विणु नरयवार पम्हा, अजिणाहारा इमा मिच्छे ॥२३॥
 सव्वगुणभव्वसन्निस्सु, ओहु अभव्वा असन्नि मिच्छसम

सासणि असन्नि सन्निव्व, कम्मणभंगो अणाहारे ॥२४॥

तिसु दुसु सुक्काइगुणा, चउ सग तेरत्ति बंधसामित्तं ।

देविंदसूरिलिहिअं नेयं कम्मत्थयं सोउं ॥२५॥



॥ अथ षडशीतिकाख्यश्चतुर्थः

कर्मग्रन्थः ॥

नमिअ जिणं जिअमग्गणगुणठाणुवओगजोगलेसाओ ।

बद्धप्पवहूभावे, संखिजाई किमवि वुच्छं ॥ १ ॥

[नमिअ जिणं वत्तव्वा, चउदसजिणठाणएसु गुणठाणा ।

जोगुवओगो खेसा, बंधोदओदीरणा सत्ता (पाठांतरं)
 चउदस जिअठाणेसु, चउदस गुणठाणगाणि जोगा य ।
 उवओगखेसबंधोदओदीरणासंत अट्टपए ॥ २ ॥
 तह मूल चउदमग्गणठाणेसु बासठि उत्तरेसु च ।
 जिअगुणजोगुवओगालेसप्पबहुं च ठाणा ॥ पाठा०
 चउदस मग्गणठाणेसु मूलपएसु विसठि इअरेसु ।
 जिअगुणजोगुवओगालेसप्पबहुत्त छ ट्ठाणा ॥३॥
 चउदस गुणेसु जिअजोगुवओगखेसा य बंधहेज य ।
 बंधाइअ चउ अप्पाबहुं च तो भाव संखाई ॥ पाठा०
 चउदस गुणठाणेसु, जिअजोगुवओगलेस्सबंधा य ।
 बंधुदयुदीरणाओ, संतप्पबहुं च दसठाणा ॥ ४ ॥]
 इह सुहुमवायरेगिंदिवितिचउअसन्निसन्निपंचिंदि ।
 अपजत्ता पज्जत्ता, कमेण चउदस जिअठाणा ॥ ५ ॥
 वायरअसन्निविगले, अपज्ज पढमविअ सन्निअपजत्ते ।
 अजयजु असन्निपज्जे, सव्वगुणा मिच्छ सेसेसु ॥ ६ ॥
 अपजत्तछक्कि कम्मुरलमीसजोगा अपज्जसन्नीसु ।
 ते सविउव्वमीस एसु, तणुपज्जेसु उरलमन्ने ॥७॥

सव्वे सन्निपजत्ते, उरळं सुहुमे सभासु तं चउसु ।
 बायरि सविउव्विदुगं, पजसन्निसु बार उवओगा ॥ ८ ॥
 पजचउरिदिअसन्निसु, दुदंस दुअनाण—

दससु चरकुविणा ।

सन्निअपज्जे मणनाणचक्खुकेवलदुगविहूणा ॥ ९ ॥
 सन्निदुगि ठलेस अपज्जवायरे पढम चउ ति सेसेसु ।
 सत्तठ बंधुदीरण, संतुदया अठ तेरससु ॥ १० ॥
 सत्तठठेगबंधा, संतुदया सत्त अठ चत्तारि ।
 सत्त ठ छ पंच दुगं, उदीरणा सन्निपज्जते ॥ ११ ॥
 गइ इंदिए य काए, जोए वेए कसायनाणेषु ॥
 संजमदंसणलेसा, भवसम्मं सन्निआहारं ॥ १२ ॥
 सुरनरतिरिनिरयगई, इगविअतिअचउपणिदि छक्काया
 भूजलजलणाऽनिलवणतसा य मणवयणतणुजोगा ॥
 वेअ नरित्थिनपुंसा, कसाय कोहमयमायलोभत्ति ।
 मइसुयवहिमणकेवलविभंगमइसुअनाणसागारा ॥ १४ ॥
 सामाइअ ठेअ परिहारसुहुम अहखाय देस जय अजया
 चक्खु अचक्खु ओही,केवलदंसण अणागारा ॥ १५ ॥

किण्हा नीला काऊ, तेऊ पम्हा य सुक्क भविअरा ।
 वेअग खइगुवसम मिच्छ मीस सासाण सन्निअरे ॥१६॥
 आहारेअर भेआ, सुरनिरयविभंगमइसुअोहिदुगे ।
 सम्मत्तिगे पम्हासुक्कासन्नीसु सन्निदुगं ॥ १७ ॥
 तमसन्निअपज्जुअं, नरे सवायरअपज्ज तेउए ।
 थावर इगिंदि पढमा, चउ वार असन्नि दु दु विगळे १८
 दस चरम तसे अजयाहारगतिरितणुकसायदुअनाणे ।
 पढमतिलेसाभविअरअचक्खुनपुमिच्छि सव्वेवि ॥१९॥
 पजसन्नी केवलदुगे, संजममणनाणदेसमणमीसे ।
 पण चरम पज्ज वयणे, तिय छ व पज्जिअर चरकुंमि २०
 थीनरपणिंदि चरमा, चउ अणहारे दु सन्नि छ अपज्जा
 ते सुहुमअपज्ज विणा, सासणि इत्तो गुणे वुच्छं ॥२१॥
 पण तिरि चउ सुरनरण, नरसन्निपणिंदि भवतसि सव्वे
 इगविगलभूदगवणे, दु दु एगं गइतसअभववे ॥२२॥
 वेअ तिकसाय नव दस, लोभे चउ अजय दु ति
 अनाणतिगे ।

वारस अचरकुचरकुसु, पढमा अहखाइ चरम चऊ २३

मणनाणि सग जयाई, समइअठेअ चउ दुन्नि परिहारे
 केवलदुगि दो चरमाजयाइ नव मइसुओहिदुगे ॥२४॥
 अढ उवसमि चउ वेअगि, खइए इक्कार मिच्छतिगि देसे
 सुहुमे य सछाणं तेरस जोगे आहारसुक्काए ॥ २५ ॥
 असन्निसु पढमदुगं, पढमतिद्वेसासु छच्च दुसु सत्त ।
 पढमंतिमदुगअजया, अणहारे मग्गणासु गुणा ॥२६॥
 सच्चेत्र मीस असच्चमोस मण वइ विउव्विआहारा ।
 उरलं मीसा कम्मण, इअ जोगा कम्ममणहारे ॥२७॥
 नरगइ पणिंदि तस तणु, अचख्कु नर नपु कसाय
 सम्मदुगे ।
 सन्नि छलेसाहारग, भव मइ सुअ ओहिदुगि सव्वे २८
 तिरि इत्थि अजय सासण,अनाण उवसम अभवमिच्छेसु
 तेराहारदुगूणा, ते उरलदुगूण सुरनरए ॥ २९ ॥
 कम्मुरलदुगं थावरि, ते सविउव्विदुग पंच इगि पवणे ।
 छ असन्नि चरिमवइजुअ,ते विउव्विदुगूण चउ विगले३०
 कम्मुरलमीस विणु मण,वइ समइअ ठेअ चक्खु मणनाणे
 उरलदुगकम्म पढमंतिमणवइ केवलदुगंमि ॥ ३१ ॥

मणवइउरला परिहारि सुहुमि नव ते उ मीसि सविउव्वा
 देसे सविउव्विदुगा, सकम्मुरलमीस अहखाए ॥३२॥
 तिअनाण नाण पण चउ, दंसण वार जिअलक्खणुवञ्चोगा
 विणु मणनाण दुकेवल, नव सुरतिरिनिरयअजएसु ॥३३
 तस जोअ वेञ्च सुक्काहार नर पणिंदि सन्नि भवि सव्वे
 नयणेअर पण लेसा, कसाय दस केवलदुगूणा ॥३४॥
 चउरिंदि असन्नि दुअनाणदंसण इग वि ति थावरि
 अचरुकु ।

ति अनाण दंसणदुगं, अनाणतिगि अभव्वमिच्छदुगे ३५
 केवलदुगे निअदुगं, नव ति अनाण विणु खइअअहखाए
 दंसणनाणतिगं देसि मीसि अन्नाणमिसं तं ॥ ३६ ॥
 मणनाणचक्खुवज्जा, अणहारि तिन्निदंसण चउनाणा
 चउनाणसंजमोवसमवेअगे ओहिदंसे अ ॥ ३७ ॥
 दो तेर तेर वारस, मणे कमा अठ दु चउ चउ वयणे
 चउ दु पण तिन्नि काए, जिञ्चगुणजोगोवओगन्ने ३८
 छसु वेसासु सठाणं, एगिंदि असन्निभूदगवणेसु ।
 पढमा चउरो तिन्नि उ, नारयविगलग्गिपवणेसु ॥३९॥

अहखायसुहुमकेवलदुगि सुक्का छावि सेसठाणेसु ।
 नरनिरयदेवतिरिआ, थोवा दु असंखणंतगुणा ॥४०॥
 पण चउ ति दु एगिंदी, थोवा तिन्नि अहिया अणंतगुणा
 तस थोव असंखग्गी, भूजलानिलअहिअ वणणंता ॥४१॥
 मणवयणकायजोगी, थोवा असंखगुणा अणंतगुणा ।
 पुरिसा थोवा इत्थि, संखगुणाणंतगुण कीवा ॥४२॥
 माणी कोही माई, लोभी अहिअ मणनाणिणो थोवा ।
 ओहि असंखा मइसुअ, अहिअ सम असंख विभंगा ॥४३॥
 केवलीणाणंतगुणा, मइसुअअन्नाणिणंतगुण तुल्ला ।
 सुहुमा थोवा परिहार संख अहखाय संखगुणा ॥४४॥
 ठेअ समईअ संखा, देस असंखगुणाणंतगुण अजया ।
 थोव असंख दुणंता, ओहि नयण केवल अचक्खु ॥४५॥
 पच्छाणुपुवि लेसा, थोवा दोसंखणंत दो अहिआ ।
 अभविअर थोवणंता, सासण थोवोवसम संखा ॥४६॥
 मीसा संखा वेअग, असंखगुण खइअ मिच्छ दु अणंता
 सन्निअर थोवणंताणहार थोवेअर असंखा ॥४७॥
 सब्वजिअट्टाण मिच्छे सग सासणि पणअपज्जसन्निदुगं

सम्मे सन्नी दुविहो, सेसेसु सन्निपज्जत्तो ॥ ४८ ॥
 मिच्छदुगि अजइ जोगाहारदुग्णा अपुवपणगे उ ।
 मणवइउरलं सविउव्व, मीसि सविउव्वदुग देसे ॥४९॥
 साहारदुग पमत्ते, ते विउवाहारमास विणु इअरे ।
 कम्मुरलदुगंताइममणवयण सजोगि न अजोगि ॥५०॥
 तिअनाण दुदंसाइमदुगे अजइ देसि नाणदंसतिगं ।
 ते मीसि मीसा समणा, जयाइ केवलदुगंतदुगे ॥५१॥
 सासणभावे नाणं विउव्वगाहारगे उरलमिस्सं ।
 नेगिंदिसु सासाणो, नेहाहिगयं सुअमयंपि ॥५२॥
 छसु सवा तेउतिगं, इगि छसु सुक्का अजोगि अल्लेसा
 बंधस्स मिच्छअविरइ, कसाय जोग ति चउ हेऊ ॥५३॥
 अभिगहिअमणभिगहिआभिनिवेसिअसंसइअमणाभोगं ।
 पण मिच्छवार अविरइ, मणकरणोऽनिअमु छ जिअवहो ॥
 नव सोल कसाया पनरजाग इअउत्तरा उ सगवणणा ।
 इगचउपणतिगुणेषु, चउतिदुइगपच्चओ बंधो ॥५५॥
 चउमिच्छमिच्छअविरइपच्चइआ सायसोलपणतीसा ।
 जोग विणु तिपच्चइआहारगजिणवज्ज सेसाओ ॥५६॥

पणपन्नं पन्ना तिअच्छहिअचत्त गुणचत्त छचउदुगवीसा ।
 सोलस दस नव नव सत्त हेउणो न उ अजोगिंमि५७॥
 पणपन्न मिंच्छि हारगदुगूण सासाणि पन्न मिच्छ विणा
 मीसदुगकम्मअण विणु.तिचत्त मीसे अह छचत्ता ॥५८
 सदुमीसकम्म अजए अविरइकम्मुरलमीसविकसाए ।
 मुत्तु गुणचत्त देसे, छवीस साहारदु पमत्ते ॥५९॥
 अविरइ इगार तिकसायवज्जं अपमत्ति मीसदुगरहिआ
 चउवीस अपुव्वे पुण, दुवीस अविउविआहारा ॥६०॥
 अछहास सोल बायरि, सुहुमे दस वेअसंजलणति विणा
 खीणुवसंति अलोभा,सजोगि पुव्वुत्त सग जोगा ॥६१॥
 अपमत्तता सत्तठ मीसअपुव्ववायरा सत्त ।
 बंधइ छस्सुहुमो एगमुवरिमाऽबंधगा जोगी ॥६२॥
 आसुहुमं संतुदए, अठ वि मोह विणु सत्त खीणंमि ।
 चउ चरिमदुगे अठ उ, संते उवसंति सत्तुदए ॥६३॥
 उइरंति पमत्तता, सग ठ मीस ठ वेअआउ विणा ।
 छग अपमत्ताइ तओ, छ पंच सुहुमो पणुवसंतो ॥६४॥
 पण दो खीण दु जोगी, एदीरगजोगि थोव उवसंता

संखगुण खीण सुहुमानिअट्टिअपुव्व सम अहिआ ॥६५
 जोगि अपमत्त इयरे, संखगुणा देससासणामीसा ।
 अविरइ अजोगिमिच्छा, असंखचउरो दुवे णंता ॥६६॥
 उवसमखयमीसोदयपरिणामा दु नव ञार इगवीसा ।
 तिअभेअ सन्निवाइअ, सम्मं चरणं पढमभावे ॥६७॥
 बीए केवलजुअलं, सम्मं दाणाइलद्धि पण चरणं ।
 तइए सेसुवओगा, पणलद्धी सम्मविरइदुगं ॥६८॥
 अन्नाणमसिद्धत्तासंजमलेसाकसायगइवेअ ।
 मिच्छं तुरिए भव्वाभवत्तजिअत्तपरिणामे । ६९।
 चउ चउगईसु मीसगपरिणामुदएहिं चउ सखइएहिं ।
 उवसमजुएहिं वा चउ,केवलि परिणामुदयखइए॥७०॥
 खयपरिणामे सिद्धा, नराण पण जोगुवसमसेठीए ।
 इअ पनर सन्निवाइअभेआ वीसं असंभविणो ॥७१॥
 मोहे व समो मीसो, चउघाइसु अठकम्मसु य सेसा
 धम्माइ पारिणामिअभावे खंधा उदइए वि ॥७२॥
 सम्माइचउसु तिग चउ, भावा चउपणुवसामगुवसंते ।
 चउ खीणापुव्वे तिन्नि सेसगुणठाणगेग जिए ॥७३॥

संखिज्जेगमसंखं, परित्तजुत्तनिअपयजुअं तिविहं ।
 एवमणंतं पि तिहा, जहन्नमज्जुक्कसा सव्वे ॥७४॥
 लहु संखिज्जं दुच्चिअ,अथो परं मज्झिमं तु जा गुरुअ
 जंबूद्वीवपमाणय, चउपल्लपरुवणाइ इमं ॥७५॥
 पल्लाण वठ्ठिअ सलागपडिसलागमहासलागक्खा ।
 जोयण सहसोगाढा, सवेइअंता ससिहभरिआ ।७६॥
 ता दीवुदहिसु इक्किक्कसरिसवं खिविअनिठ्ठिए पढमे
 पढमं व तदंतं चिअ, पुण भरिए तम्मि तह खीणे७७
 खिप्पइ सलागपल्लेगुसरिसवो इय सलागखवणेणं ।
 पुण्णो वीअथो अ तओ, पुठ्वं पि व तम्मि उद्धरिए।७८
 खीणे सलाग तइए, एवं पढमेहिं वीअयं भरसु ।
 तेहिं तइअं तेहि अ, तुरिअं जा किर फुडां चउरो।७९॥
 पढमतिपल्लुद्धरिआ, दीवुदही पल्लचउसरिसवा य ।
 सवो वि एस रासी, रूवूणो परमसंखिज्जं ॥ ८० ॥
 रूवजुअं तु परित्तासंखं लहु अस्स रासि अब्भासे ॥
 जुत्तासंखिज्जं लहु, आवलिआसमयपरिमाणं ॥८१॥
 वितिचउपंचमगुणणे, कमा सगासंखपढमचउसत्ता ।

णंता ते रूवजुआ, मज्जा रूवूण गुरु पच्छा ॥ ८२ ॥
 इय सुत्तत्तं अन्ने, वग्गिअमिक्कसि चउत्थयमसंखं ।
 होइ असंखासंखं, लहु रूवजुअं तु तं मज्जं ॥ ८३ ॥
 रूवूणमाइमं गुरु, तिवग्गिउं तत्थिमे दस क्खेवे ।
 लोगागासपएसा, धम्माधम्मेगजिअदेसा ॥ ८४ ॥
 ठिइबंधज्झवसाया, अणुभागा जोग ठेश्च पलिभागा ।
 दुण्ह य समाण समया, पत्तेअनिगोअए खिवसु ।
 पुणरवि तंमि तिवग्गिय, परित्तणंत लहु तस्स रासीणं ।
 अब्भासे लहु जुत्ताणंतं अभवजिअमाणं ॥ ८६ ॥
 तवग्गे पुण जायइ, णंताणंत लहु तं च तिक्खुत्तो ।
 वग्गसु तहवि न तं होइ णंतक्खेवे खिवसु छ इमे ॥ ८७ ॥
 सिद्धा निगोअजीवा, वणस्सइ काल पुग्गला चेव ।
 सब्बमलोगनहं पुण, तिवग्गिउं केवल्लदुगंमि ॥ ८८ ॥
 खित्ते णंताणंतं, हवेइ जिष्ठं तु ववहरइमज्झं ।
 इय सुहुमत्थविआरो, लिहिअो देविंदसूरीहिं ॥ ८९ ॥

॥ इति षडशीतिकाख्यश्चतुर्थकर्मग्रन्थः ॥

॥ ॐ परमगुरुभ्यो नमः ॥

॥ अथ शतकनामा पञ्चमः

कर्मग्रन्थः ॥

नमिथ्य जिणं ध्रुवबंधोदयसत्ताघाड्पुण्णपरिअत्ता ।
सेअर चउहविवागा, बुच्छं बंधविह सामी य ॥ १ ॥
वण्णचउतेअकम्मागुरुलहुनिमिणोवघायभयकुच्छा ।
मिच्छकसायावरणा, विग्घं ध्रुवबंधिसगचत्ता ॥२॥
तणुवंगागिइसंघयणजाइगइखगइपुव्विजिणुसासं ।
उज्जोयायवपरघातसवीसागोअवेयणियं ॥ ३ ॥
हासाइजुअलदुगवेअआउ तेवुत्तरी अध्रुवबंधो ।
भंगा अणाइसाइ, अणंतसंतुत्तरा चउरो ॥ ४ ॥
पढमविआ ध्रुवउदइसु, ध्रुवबंधिसु तइअवज्जभंगतिगं ।
मिच्छम्मि तिन्निभंगा, दुहावि अध्रुवा तुरिअभंगा ॥५॥
निमिण थिरअथिर अगुरुअ,सुहअसुहं तेह कम्म चउवन्ना
नाणंतराय दंसण, मिच्छं ध्रुवउदय सगवीसा ॥ ६ ॥

थिरसुभिअर विणु अधुवबंधी मिच्छ विणु मोहधुवबंधी ।
 निहोवघायमीसं, सम्मं पणनवइ अधुवुदघा ॥७॥
 तसवण्णवीससगतेअकम्म धुवबंधि सेस वेयतिगं ।
 आगिइतिग वेअणिअं, दुजुअल सग उरल सासचऊट
 खगइतिरिदुग नीअं, धुवसंता सम्ममीसमणुअदुगं ।
 विउव्विक्कारजिणाउ, हारसगुच्चा अधुवसंता ॥ ९ ॥
 पढमतिगुणेषु मिच्छं, निअमा अजयाइअठगे भज्जं ।
 सासाणे खलु सम्मं, संतं मिच्छाइ दसगे वा ॥१०॥
 सासणमीसेसु धुवं, मीसं मिच्छाइनवसु भयणाए ।
 आइदुगे अण नियमा, भइआ मीसाइ नवगम्मि ॥११
 आहारगसत्तगं वा, सव्वगुणे व्रितिगुणे विणा तित्थं ।
 नोभयसते मिच्छो, अंतमुहुत्तं भवे तित्थे ॥ १२ ॥
 केवलजुअलावरणा, पण निदा वारसाइमकसाया ।
 मिच्छंति सव्वघाई, चउनाणतिदंसणावरणा ॥१३॥
 संजलण नोकसाया, विग्घं इअ देसघाइय अघाई ॥
 पत्तेअतणुठाऊ, तसवीसा गोअदुग वण्णा ॥ १४ ॥
 सुरनरतिगुच्च सायं, तसदस तणुवंग वइरचउरंसं ।

परघासगतिरिआउ, वण्ण चउ पणिदि सुभखगइ॥१५॥
 बायाल पुण्णपगई, अपढमसंठाणखगइसंघयणा ।
 तिरिदुग असाय नीओवघाय इग विगल निरयतिगं१६॥
 थावरदस वण्णचउक्क घाइपणयालसहिअ बासीई ॥
 पावपयडि त्ति दोसु वि, वण्णाइगहा सुहा असुहा ॥१७॥
 नामधुवबंधिनवगं, दंसण पणनाण विग्घ परघायं ।
 भय कुच्छ मिच्छ सासं, जिणगुण तीसा अपरियत्ता॥१८॥
 तणुअठ वेअ दुजुअल, कसाय उज्झोअगोयदुगनिदा ।
 तसवीसाउ परित्ता, खित्तविवागाऽणुपुवीओ ॥१९॥
 घणघाइ दुगोअ जिणा, तसिअरतिगसुभगदुभगचउसासं
 जाइतिग जिअविवागा, आज्ज चउरो भवविवागा॥२०॥
 नामधुवोइय चउतणुवघायसाहारणियर जोअतिगं ।
 पुग्गलविवागि बंधो, पयइठिइरसपएसत्ति ॥२१॥
 मूलपयडीण अडसत्तठेगबंधेसु तिन्नि भूगारा ।
 अप्पत्तरा तिअ चउरो, अवठिआ न हु अवत्तव्वो ॥२२॥
 एगादहिगे भूओ, एगाइ उणगम्मि अप्पतरो ।
 तम्मत्तोअवठियओ, पढमे समये अवत्तव्वो ॥२३॥

नव छ चउदंसे दुदु, ति दु मोहे दु इगबीस सत्तरस ।
 तेरस नव पण चउ ति दु, इक्को नव अठ दस दुन्नि ॥२४
 तिपणछअठनवहिया, बीसा तीसेगतीस इग नामे ।
 छस्सगअठति बंधा, सेसेसु य ठाणमिक्किं ॥२५॥
 बीसयरकोडिकोडी, नामे गोए य सत्तरी मोहे ।
 तीसयर चउसु उदही, निरयसुराउंमि तित्तीसा ॥२६॥
 मुत्तुं अकसाय ठिइं, बार मुहुत्ता जहन्न वेयणिए ।
 अट्ट ठ नामगोए सु सेसएसुं मुहुत्ततो ॥ २७ ॥
 विग्धावरणअसाए, तीसं अठार सुहुमविगलतिगे ।
 पढमागिइसंघयणे, इस दुसुवरिमेसु दुगबुद्धी ॥२८॥
 चालीस कसाएसु, मिउलहुनिद्धुणहसुरहिसियमहुरे ।
 दस दोसद्वसमहिया, ते हालिदंबिलाईणं ॥२९॥
 दस सुहविहगइउच्चे, सुरदुग थिरछक्क पुरिसरइहासे ।
 मिच्छे सत्तरि मणुदुग, इच्छीसाएसु पण्णरस ॥३०॥
 भयकुच्छअरइसोए, विउवितिरिउरलनिरयदुगनीए ।
 तेअपण अथिरछक्के, तसचउ थावर इग पणिंदि ॥३१॥
 नपु कुखगइ सासचउ, गुरुकक्खडरुक्खसीयदुगंगंधे ।

वीस कोडाकोडी, एवइआबाह वाससया ॥३२॥
 गुरु कोडिकोडि अंतो, तित्थाहाराण भिन्नमुहु बाहा ।
 लहुठिइ संखगुण्णा, नरतिरियाणाउ पल्लतिगं ॥३३॥
 इगविगल पुव्वकोडिं, पलियासंखंस आउचउ अमणा।
 निरुवकमाण छमासा, अबाह सेसाण भवतंसो ॥३४॥
 लहुठिइबंधो संजलणलोहपणविग्घनाणदंसेसु ।
 भिन्नमुहुत्तं ते अट्ट, जसुच्चे बारस य साए ॥ ३५ ॥
 दो इगमासो परुखो, संजलणतिगे पुमट्टवरिसाणि ।
 सेसाणुक्कोसाओ, मिच्छत्तठिईइ जं लद्धं ॥ ३६ ॥
 अयमुक्कोसो गिंदिसु, पलियाऽसंखंसहीणलहुबंधो ।
 कमसो पणवीसाए, पन्ना सय सहस्स संगुणिओ ३७॥
 विगलि असन्निसु जिट्टो, कणिट्टओ पल्लसंखभागूणो ।
 सुरनरयाउ समादससहस्स सेसाउ खुड्ड भवं ॥३८॥
 सबाण वि लहुबंधे, भिन्नमुहु अबाह आउजिट्टे वि ।
 केइ सुराउसमं जिणमंतमुहु बिंति आहारं ॥३९॥
 सत्तरस समहिआ किर,इगाणुपाणुंमि हुंति खुड्डभवा ।
 सगतीससयतिहुत्तर, पाणू पुण इगमुहुत्तंमि ॥ ४० ॥

पणसठिसहस्सपणसय, छत्तीसा इगमुहुत्त खुड्ढुभवा ।
 आवलियाणं दोसय, ठप्पन्ना एग खुड्ढुभवे ॥४१॥
 अविरयसम्मो तित्थं, आहारदुगामराउ य पमत्तो ।
 मिच्छद्विठी बधइ, जिट्ठिइं सेसपयडीणं ॥४२॥
 विगलसुहुमाउगतिगं, तिरिमणुया सुरविउविनिरयदुगं ।
 एगिंदिथावरायव, आईसाणा सुरूकोसं ॥४३॥
 तिरिउरलदुगुज्जोअं, छिवट्ट सुरनिरय सेस चउगइआ ।
 आहारजिणमपुवो, नियट्ठि संजलणपुरिसखहुं ॥४४॥
 सायजसुच्चावरणाविग्घं सुहुमो विउविच्छ असन्नि ।
 सन्नीवि आउ वायरपज्जेगिंदी उ सेसाणं ॥४५॥
 उक्कोसजहण्णीयर, भंगा साई अणाइ धुव अधुवा ।
 चउहा सग अजहन्नो, सेसतिगे आउचउसु दुहा ॥४६॥
 चऊभेओ अजहन्नो, संजलणावरणनवगविग्घाणं ।
 सेसतिगि साइअधुवो, तह चउहा सेस पयडीणं ॥४७॥
 साणाइअपुव्वंते, अयरंतो कोडिकोडिओ नहिगो ।
 बंधो नहु हीणो न य, मिच्छे भवियरसनिंमि ॥४८॥
 जइ लहुबंधो वायर, पज्ज असंखगुण सुहुमपज्जहिगो ।

एसिं अप्पजाण लहु, सुहुमेअर अपज्जपज्जगुरु ॥४९॥
 लहु विअ पज्जअपज्जे, अपज्जेयरविअ गुरुहिगो एवं ।
 ति चउ असन्निसु नवरं, संखगुणो विअअमणपज्जत्ते५०
 तो जइ जिठो बंधो, संखगुणो देसविरय हस्सिअरो ।
 सम्मचउ सन्निचउरो, ठिइबंधाणुकमसंखगुणा ॥५१॥
 सव्वाण वि जिठिइ, असुहा जं साइसंकिद्वेसेणं ।
 इअरा विसोहिओ पुण, मुत्तं नरअमरतिरिआउं ॥५२॥
 सुहुमनिगोआइखणप्पजोग वायरयविगलअमणमणा ।
 अपज्ज लहु पढमदु गुरु, पजहस्सिअरो असंखगुणो ॥५३॥
 असमत्ततमुक्कोसो, पज्जजहन्नियरु एव ठिइठाणा ।
 अपजेयरसंखगुणा, परमपज्जविए असंखगुणा ॥५४॥
 पइखणमसंखगुणविरिय अपज्ज पइठिइमसंखलोगसमा ।
 अज्झवसाया अहिया, सत्तसु आउसु असंखगुणा ॥५५॥
 तिरिनिरयतिजोयाणं, नरभवजुअ सचउपल्ल तेसठं ।
 थावरचउइगविगलायवेसु, पणसीइसयमयरा ॥५६॥
 अपढमसंघयणागिइखगइअणमिच्छदुभगथीणतिगं ।
 निअ नपुइत्थि दुतीसं, पणिंदिसु अबंधठिइपरमा ॥५७॥

विजयाइसु गेविज्जे, तमाइ दहिसय दुतीस तेसठं ।
 पणसीइ सययबंधो, पल्लतिगं सुरविउव्विदुगे ॥५८॥
 समयादसंखकालं, तिरिदुग नीएसु आउ अंतमुहु ।
 उरलि असंखपरट्टा, सायठिई, पुव्वकोडुणा ॥५९॥
 जलहिसयं पणसीयं, परघुस्सासे पण्णिंदितसचउगे ।
 वत्तीसं सुहविहगइपुमसुभगतिगुच्चचउरंसे ॥६०॥
 असुहखगइजाइआगिइसंघयणाहारनिरयुजोयदुगं ।
 थिरसुभजसथावरदसनपुइत्थीदुजुअलमसायं ॥६१॥
 समयादंतमुहुत्तं, मणुदुगजिणवइरउरलुवंगेसु ।
 तित्तीसयरा परमो, अंतमुहु लहु वि आउजिणे ॥६२॥
 तिवो असुहसुहाणं, संकेसविसोहिओ विवज्जयञ्चो ।
 मंदरसो गिरिमहिरयजलरेहासरिसकसाएहिं ॥६३॥
 चउठाणाई असुहा सुहन्नहा विग्घदेस(घाइ)आवरणा ।
 पुमसंजलणिगदुतिचउठाणरसा सेस दुगमाई ॥६४॥
 निंबुच्चुरसो सहजो, दुतिचउभागकट्ठिइक्कभागंतो ।
 इगठाणाई असुहो. असुहाण सुहो सुहाणं तु ॥६५॥
 तिवमिगथावरायव, सुरमिच्छा विगलसुहुमनिरय तिगं ।

तिरिमणुआउ तिरिनरा, तिरिदुगढेवठ सुरनिरया ॥६६॥
 विउव्विसुराहारगदुगं, सुखगइवन्नचउतेयजिणसायं ।
 समचउपरघातसदस, पणिंदिसासुच्च खवगाउ ॥६७॥
 तमतमगा उज्जोयं, सम्मसुरा मणुयउरलदुगवइरं ।
 अपमत्तो अमराउं, चउगइ मिच्छा उ सेसाणं ॥६८॥
 थीणतिगं अणमिच्छं, मंदरसं संजमुम्मुहो मिच्छो ।
 वियतियकसाय अविरय, देस पमत्तो अरइसोए ॥६९॥
 अपमाइ हारगदुगं, दुनिइअसुवन्नहासरइकुच्छा ।
 भयमुवघायमपुव्वो, अनियट्टी पुरिससंजलणे ॥७०॥
 विग्धावरणे सुहुमो मणुतिरिआ सहुमविगलतिगआउ।
 वेउविच्छकममरा, निरया उज्जोयउरलदुगं ॥ ७१ ॥
 तिरिदुगनियं तमतमा, जिणमविरय निरयविणिगथावरयं
 आसुहुमायव सम्मोव सायथिरसुहजसासियरा ॥७२॥
 तसवन्नतेअचउमणुखगइदुगपणिंदिसासपरघुच्च ।
 संवयणागिइ नपुथ्थीसुभगियरति मिच्छ चउगइआ७३
 चउतेअवन्न वेअणिअनामणुक्कोस सेसधुवबंधी ।
 घाईणं अजहन्नो गोए दुविहो इमो चउहा ॥ ७४ ॥

सेसंमि दुहा इगदुगणुगाइजाअभवणंतगुणिआणू ।
 खंधा उरलोचियवग्गणा उ तह अगहणंतरिया ॥७५॥
 एमेव विउवाहारतेअभासाणुपाणमणकम्मे ।
 सुड्डमा कमावगाहो, ऊणूणंगुलअसंखंसो ॥ ७६ ॥
 इक्किक्कहिया सिद्धाणंतंसा अंतरेसु अगहणा ।
 सबत्थ जहन्नुचिया, नियणंतंसाहिआ जिष्ठा ॥ ७७ ॥
 अंतिमचउफास दुगंधपंचवन्नरसकम्मखंधदलं ।
 सबजियणंतगुणरसमणुजुत्तमणंतयपएसं ॥७८॥
 एगपएसोगाढं, निअसवपएसओ गहेइ जिओ ।
 थोवो आउ तदंसो, नामे गाए समो अहिओ ॥७९॥
 विग्घावरणे मोहे, सबोवरि वेअणीय जेणप्पे ।
 तस्स फुडत्तं न हवइ, ठिईविसेसेण सेसाणं ॥ ८० ॥
 निअजाइलद्धदलिआणंतंसो होइ सबवघाईणं ।
 बइझंतीण विभज्जइ, सेसं सेसाण पइसमयं ॥८१॥
 सम्मदरसवविरई अणविसंजोअदंसखवगे अ ।
 मोहसमसंतखवगे, खीणसजोगीअर गुणसेढी ॥८२॥
 गुणसेढी दलरयणाणुसमयमुदयादसंखगुणणाए ।

एअगुणा पुण कमसो, असंखगुण निज्जरा जीवा ॥
 पलिआसंखसमुहु, सासणइअरगुण अंतरं हस्सं ।
 गुरु मिच्छि बे छसत्ती, इयरगुणे पुग्गलद्धंतो ॥८४॥
 उद्धारअद्धखित्तं, पलिय तिहा समयवाससय समए ।
 केसवहारो दीवोदहिआउतसाइपरिमाणं ॥८५॥
 दब्बे खित्ते काले, भावे चउह दुह वायरो सुहुमो ।
 होइ अणंतुस्सप्पिणिपरिमाणो पुग्गलपरद्धो ॥८६॥
 उरलाइसत्तगेणं, एगजिओ मुअइ फुसिय सव्वअणू ।
 जत्तिअकालि स थूलो, दब्बे सुहुमो सगन्नयरा ॥८७॥
 लोगपएसोसप्पिणिसमया अणुभागबंधछाणाय ।
 जह तह कममरणेणं, पुछा खित्ताइ थूलियरा ॥८८॥
 अप्पयरपयडिबंधी, उक्कडजोगी अ सन्निपज्जत्तो ।
 कुणइ पएसुक्कोसं, जहन्नयं तस्स वच्चासे ॥८९॥
 मिच्छ अजयचउ आऊ, वितिगुणविणु मोहि सत्त मिच्छाइ
 छण्हं सतरस सुहुमो, अजया देसा बितीकसाए ॥९०॥
 पण अनिअट्ठी सुखगइ, नराउसुरसुभगतिगविउविदुगं ।
 समचउरंसमसायं, वइरं मिच्छो व सम्मो वा ॥९१॥
 निहापयलादुजुअल्लभयकुच्छातिथ संमगो सुजई ।

आहारदुगं सेसा, उक्कोसपएसगा मिच्छो ॥९२॥
 सुमुणी दुन्नि असन्नी, नरयतिगसुराउसुरविउव्विदुगं
 सम्मो जिणं जहन्नं, सुहुमनिगोआइखणि सेसा ॥९३॥
 दंसणछगभयकुच्छावितितुरिअकसायविग्घनाणाणं ।
 मूलछगे एक्कोसो, चउह दुहा सेसि सव्वत्थ ॥९४॥
 सेढिअसंखिज्जंसे, जोगठाणाणि पयडिठिइभेआ ।
 ठिइबंधज्झवसायाणुभागठाणा असंखगुणा ॥ ९५ ॥
 तत्तो कम्मपएसो, अणंतगुणिया तत्रो रसच्छेया ।
 जोगा पयडिपएसं, ठिइअणुभागं कसायाओ ॥९६॥
 चउदसरज्जू लोगो, बुद्धिकओ होइ सत्तरज्जुघणो ।
 तद्दीहेगपएसो, सेढी पयरो अ तव्वग्गो ॥ ९७ ॥
 अणदंसनपुंसित्थो, वेअछक्कं च पुरिसवेअं च ।
 दोदो एगंतरिए, सरिसे सरिसं उवसमेइ ॥ ९८ ॥
 अणमिच्छमीससम्मं, तिआउइगविगलथीणतिगुज्जोअ
 तिरिनरयथावरदुगं, साहारायवअडनपुत्थी ॥९९॥
 छगपुंसंजलणा दोनिहविग्घवरणक्खए नाणी ।
 देविंदसूरीलिहिअं, सयगमिणं आयसरणठा ॥१००॥
 ॥ इति शतकनामा पञ्चमकर्मग्रन्थः ॥

॥ अहम ॥

॥अथ प्राचीनाः कर्मग्रन्थाः
प्रारभ्यन्ते ॥

श्वेताम्बराग्रण्यश्रीमद्गर्गमहर्षिविरचितः

॥ कर्माविपाकाख्यः प्रथमः
कर्मग्रन्थः ॥

ववगयकम्मकलंकं, वीरं नमिउण कम्मगइकुसलं ।
वोच्छं कम्मविवागं, गुरुवइट्टं समासेणं ॥१॥
कीरइ जओ जिएणं, मिच्छत्ताईहिं चउगइगएणं ।
तेणिह भणणइ कम्मं, अणाइयं तं पवाहेणं ॥ २ ॥
तस्स उ चउरो भेया, पगईमाईउ हुंति नायव्वा ।
मोयगदिष्ठंतेणं पगईभेओ इमो होइ ॥ ३ ॥

मूलपयडीउ अट्ट उ, उत्तरपयडीण अठवन्नसयं ।
 तासिं सभावभेया, हुंति हु भेया इमे सुणह ॥ ४ ॥
 पढमं नाणावरणं, वीयं पुण दंसणस्स आवरणं ।
 तइयं च वेयणीयं, तहा चउत्थं च मोहणियं ॥ ५ ॥
 आउ नामं गोयं, अट्टमयं अंतराइयं होइ ।
 मूलपयडीउ एया, उत्तरपयडीउ कित्तेमि ॥ ६ ॥
 पंचविहनाणवरणं, नव भेया दंसणस्स दो वेए ।
 अठावीसं मोहे, चत्तारि य आउए हुंति ॥ ७ ॥
 नामे तिउत्तरसयं, दो गोए अंतराइए पंच ।
 एएसिं भेयाणं, होइ विवागो इमो सुणह ॥ ८ ॥
 पडपडिहारसिमज्जाहडिचित्तकुलालभंडगारि ।
 जह एएसिं भावा, कम्माणवि जाण तह चेव ॥९॥
 सरउग्गयससिनिम्मलयरस्स जीवस्स छायाणं जमिह ।
 नाणावरणं कम्मं, पडोवमं होइ एवं तु ॥ १० ॥
 जह निम्मलावि चक्खू, पडेण केणावि छाइया संती
 मंदं मंदतरागं, पिच्छइ सा निम्मला जइवि ॥११॥
 तह मइसुयणाणाणं, ओहीमणकेवलाण आवरणं ।

जीवं निम्मलरूवं, आवरेइ इमेहिं भेएहिं ॥ १२ ॥
 अट्टावीसइभेयं, मइनाणं इत्थ वणिणयं समए ।
 त आवरेइ जं तं, मइआवरणं हवइ पढमं ॥ १३ ॥
 चोइसभेएसु गयं, सुयनाणं इत्थ वणिणयं समए ।
 तस्सावरणं जं पुण, सुयआवरणं हवइ वीयं ॥ १४ ॥
 अणुगामिवड्ढमाणयभेयाइसु वणिणओ इह ओही ।
 तं आवरेइ जं तं, अवहीआवरणयं जाण ॥ १५ ॥
 रिउमइविउलमईहिं, मणपज्जवनाणवणणं समए ।
 तं आवरियं जेणं, तं पि हु मणपज्जवावरणं ॥ १६ ॥
 लोयालोयगएसुं, भावेसुं जं गयं महाविमलं ।
 तं आवरियं जेणं, केवलआवरणयं तं पि ॥ १७ ॥
 एवं पंचविअप्पं, नाणावरणं समासओ भणियं ।
 वीयं दंसणवरणं, नवभेयं भणणए सुणह ॥ १८ ॥
 दंसणसीले जीबे, दंसणघायं करेइ जं कम्मं ।
 तं पडिहारसमाणं, दंसणवरणं भवे वीयं ॥ १९ ॥
 जह रन्नो पडिहारो, अणभिप्पेयस्स सो उ लोगस्स ।
 रण्णो तहिं दरिसावं, न देइ दट्ठुं पि कामस्स ॥२०

जह राया तह जीवो, पडिहारसमं तु दंसणावरणं ।
 तेण्ह विबंधणं, न पिच्छणं सो घडाईयं ॥ २१ ॥
 निदापणं तत्थ उ, चउभेया दंसणस्स आवरणे ।
 सुहपडिबोहा निदा, बीया पुण निदानिदा य ॥२२॥
 सा दुक्खबोहणीया, पयला पुण जा ठियस्स उच्चाइ।
 पयलापयल चउत्थी, तीए उदओ उ चंकमणे ॥२३॥
 थीणद्धी पुण दिणचिंतियस्स अत्थस्स साहणी पायां।
 सा संकिलिट्ठकम्मस्स उदयओ होइ नियमेणं ॥२४॥
 निदापणं एयं, चक्खू आवरइ चक्खुआवरणं ।
 सेसिंदियआवरणं, होइ अचक्खुस्स आवरणं ॥ २५ ॥
 सामन्नुवओगं जं, वरेइ तं ओहिदंसणावरणं ।
 केवलसामन्नं जं, वरेइ तं केवलस्स भवे ॥ २६ ॥
 भणियं दंसणवरणं, तइयं कम्मं तु होइ वेयणियं ।
 तं असिधारासरिसं, जह होइ तहो निसामेह ॥२७॥
 महुलित्तनिसियकरवालधारजीहाइ जारिसं लिहणं ।
 तारिसयं वेयणियं, सुहदुहउप्पायगं मुणह ॥ २८ ॥
 महुआसायणसरिसो, सायावेयस्स होइ हु विवागो ।

जं असिणा तहि छिज्जइ, सो उ विवागो असायस्स ॥
 एयं सुहदुक्खकरं, चउगइमावन्नयाण जीवाणं ।
 सामन्नेणं भणिमो, सुहदुक्खं दुसु दुसु गईसु ॥३०॥
 देवेसु य मणुएसु य, तत्थ विसिट्ठेसु कामभोगेसु ।
 जं उवभुंजइ जीवो, सो उ विवागो उ सायस्स ॥३१॥
 नरएसु य तिरिएसु य, तेसु य दुक्खाइं णेगरूवाइं ।
 जं उवभुंजइ जीवो, सो उ विवागो असायस्स ॥३२॥
 एयमिह वेयणीयं, चउत्थकम्मं तु होइ मोहणियं ।
 तं मज्जपाणसरिसं, जह होइ तहा निसामेह ॥३३॥
 जह मज्जपाणमूढो, लोए पुरिसो परवसो होइ ।
 तह मोहेणवि मूढो, जीवोवि परवसो होइ ॥ ३४ ॥
 मोहेइ मोहणीयं, तं पि समासेण भण्णए दुविहं ।
 दंसणमोहं पढमं, चरित्तमोह भवे वीयं ॥ ३५ ॥
 दंसणमोहं तिविहं, सम्मं मीसं च तह य मिच्छत्तं ।
 सुद्धं अद्धविसुद्धं, अवि सुद्धं तं जहाकमसो ॥ ३६ ॥
 केवलनाणुवलद्धे, जीवाइपयत्थ सदहे जेणं ।
 तं संमत्तं कम्मं, सिवसुहसंपत्तिपरिणामं ॥ ३७ ॥

रागं नवि जिणधम्ममे, नवि दोसं जाइ जस्स उदएणं।
 सो मीसस्स विवागो, अंतमुहुत्तं भवे कालं ॥ ३८ ॥
 जिणधम्मंमि पओसं, वहइ य हियएण जस्स उदएणं
 तं मिच्छत्तं कम्मं, संकिट्ठो तस्स उ विवागो ॥ ३९ ॥
 जं पि य चरित्तमोहं, तं पि हु दुविहं समासओ होइ।
 सोल्लस जाण कसाया, नव भेया नोकसायाणं ॥४०॥
 कोहो माणो माया, लोभो चउरोवि हुंति चउभेया ।
 अणअप्पच्चखाणा, पच्चखाणा य सजलणा ॥ ४१ ॥
 कोहो माणो माया, लोभो पढमा अणंतबंधी उ ।
 एयाणुदए जीवो, इह संमत्त न पावेइ ॥ ४२ ॥
 जं परिणामो किट्ठो, मिच्छाओ जाव सासणो ताव ।
 संमामिच्छाईसु, एसिं उदओ अओ नत्थि ॥४३॥
 कोहो माणो माया, लोभो बीया अपच्चखाणा उ ।
 एयाणुदए जीवो, विरयाविरइं न पावेइ ॥ ४४ ॥
 एसिं जाण विवागो, मिच्छाओ जाव अविरओ ताव
 परओ देसजयाइसु, नत्थि विवागो चउण्हंपि ॥४५॥
 कोहो माणो माया, लोभो तइआ उ पच्चखाणा उ ।

एयाणुदए जीवो पावेइ न सव्वविरइं तु ॥ ४६ ॥
 एसिं जाण विवागो, मिच्छाओ जाव विरयविरओ उ ।
 परओ पमत्तमाइसु, नत्थि विवागो चउणहंपि ॥४७॥
 कोहो माणो माया, लोभो चरिमा उ हुंति संजलणा
 एयाणुदए जीवो, न लहइ अहखायचारित्तं ॥ ४८ ॥
 एसिं जाण विवागो, मिच्छाओ जाव बायरो तिण्हं ।
 लोभस्स जाव सुहुमो, होइ विवागो न परओ उ ॥४९॥
 नव नोकसाय भणिमो, वेया तिम्नेव हासच्छकं च ।
 इत्थीपुरिसनपुंसग, तेसि सरूवं इमं होइ ॥ ५० ॥
 पुरिस पइ अहिलासो, उदएणं होइ जस्स कम्मस्स।
 सो फुफुमदाहसमो, इत्थीवेयस्स उ विवागो ॥ ५१ ॥
 इत्थीए पुण उवरिं, जस्सिह उदएण रागमुप्पज्जे ।
 सो तणदाहसमाणो, होइ विवागो पुरिसवेए ॥ ५२ ॥
 इत्थीपुरिसाणुवरिं, जस्सिह उदएण रागमुप्पज्जे ।
 नगरमहादाहसमो, सो उ विवागो अपुमवेए ॥ ५३ ॥
 तिण्हवि होइ विवागो, मिच्छाओ जाव बायरो ताव ।
 हासरईअरइभयं, सोगदुगुंच्छा उ अह भणिमो ॥५४॥

सनिमित्तऽनिमित्तं वा, अं हासं होइ इत्थ जीवस्स ।
 सो हासमोहणीयस्स होइ कम्मस्स उ विवागो ॥५५॥
 सच्चित्ताचित्तेसु य, बाहिरदब्बेसु जस्स उदए ।
 होइ रई रइमोहे सो उ विवागो वियाणाइ ॥ ५६ ॥
 सच्चित्ताचित्तेसु य, बाहिरदब्बेसु जस्स उदएणं ।
 अरई होइ हु जीवे, सो उ विवागो अरइमोहे ॥५७॥
 भयवज्जियंमि जीवे, जस्सिह उदएणं हुंति कम्मस्स ।
 सत्तवि भयठाणाइं, भयमोहे सो विवागो उ ॥५८॥
 सोगरहियंमि जीवे, जस्सिह उदएण होइ कम्मस्स ।
 अक्कंदणाइसोगो, त जाणह सोगमोहणियं ॥५९॥
 दुग्गंधमलिणगेसु य, अब्भिंभतरबाहिरेसु दब्बेसु ।
 जेण विलीयं जीवे, उप्पज्जइ सा दुगुठा उ ॥ ६० ॥
 छणहवि होइ विवागो, मिच्छाओ जा अपुव्वकरणस्स ।
 चरमसमउ त्ति परओ, नत्थि विवागो उ ठणहंपि ॥६१॥
 भणिओ मोहविवागो, आउयकम्मं तु पंचमं भणिमो
 तं होइ चउपयारं नरतिरिय मणुदेवभेएहिं ॥ ६२ ॥
 दुक्खं न देइ आउं, नेय सुहं देइ चउसुवि गईसु ।

दुक्खसुहाणाहारं, धरेइ देहद्वियं जीवं ॥ ६३ ॥
 जं नेरइयं नारयभवम्मि तहिं धरइ उवियंतं पि ।
 जाणसु तं निरयाउं, हडिसरिसो तस्स उ विवागो ॥
 एवं तिरियं मणुयं, देवं तिरियाइएसु भावेसु ।
 जं धरइ तब्भवगयं, तं तेसिं आउयं भणियं ॥ ६५ ॥
 भणियं आउयकम्मं, छट्टं कम्मं तु भणणए नामं ।
 तं चित्तगरसमाणं, जह होइ तहा निसामेह ॥ ६६ ॥
 जह चित्तयरो निउणो, अणेगरूवाइं कुणइ रूवाइं ।
 सोहणमसोहणाइं, चुक्खाचुक्खेहिं वणणेहिं ॥ ६७ ॥
 तह नामं पि य कम्मं, अणेगरूवाइं कुणइ जीवस्स ।
 सोहणमसोहणाइं, इट्ठाणिट्ठाइं लोयस्स ॥ ६८ ॥
 गइयाइएसु जीवं, नामइ भेएसु जं तओ नामं ।
 तस्स उ बायालीसं, भेया अहवावि सत्तट्ठी ॥ ६९ ॥
 अहवावि हु तेणउई, भेया पयडीण हुंति नामस्स ।
 अहवा तिउत्तरसयं, सव्वेवि जहकम्मं भणिमो ॥ ७० ॥
 पढमा बायालीसा, गइ जाइ सरीर अंगुवंगे य ।
 बंधण संघायण संघयण संठाणनामं च ॥ ७१ ॥

तह वणणगंधरसफासनाम अगुरुलहुयं च बोधवं ।
 उवघायपराघायाणुपुवि उस्सासनामं च ॥ ७२ ॥
 आयावुज्जोय विहायगई तसथावराभिहाणं च ।
 बायर सुहुमं पज्जत्तापज्जत्तं च नायवं ॥ ७३ ॥
 पत्तेयं साहारण, थिरमथिरसुभासुभं च नायवं ।
 सूभगदूभगनामं, सूसर तह दूसरं च ॥ ७४ ॥
 आइज्जमणाइज्जं, जसकित्तीनाममजसकित्ती य ।
 निम्माणं तित्थयरं, भेषाण वि हुंतिमे भेषा ॥ ७५ ॥
 गइ होइ चउब्भेया, जाईवि य पंचहा मुण्येयव्वा ।
 पंच य हुंति सरीरा, अंगोवंगाई तिन्नेव ॥ ७६ ॥
 छस्संघयणा जाणसु, संछाणावि य हवंति छच्वेव ।
 वणणार्इण चउक्कं, अगुरुलहुवघायपरघायं ॥ ७७ ॥
 अणुपुवी चउभेया, उस्सासं आयवं च उज्जोयं ।
 सुहअसुहविहायगई, तसाइवीसं च निम्माणं ॥७८॥
 तित्थयरेण य सहिया, सत्तट्ठी एव हुंति पयडीओ ।
 सम्मा मीसेहि विणा, तेवन्ना सेसकम्माणं ॥७९॥
 एवं विसुत्तरसयं बंधे पयडीण होइ नायवं ।

बंधणसंघायावि य, सरीरगहणेण इह गहिया ॥८०॥
 बंधणभेया पंच उ, संघायावि य हवंति पंचेव ।
 पण वण्णा दो गंधा, पंच रसा अट्ट फासा य ॥८१॥
 दस सोलस छवीसा, एया मेलेहि सत्तसट्ठीए ।
 तेणउई होइ तओ, बंधणभेया उ पण्णरस ॥ ८२ ॥
 सव्वेहिं वि छ्ठेहिं, तिगअहियसयं तु होइ नामस्स ।
 एएसिं तु विवागं, बुच्छामि अहाणुपुव्वीए ॥ ८३ ॥
 नारयतिरियनरामरगइभेया चउव्विहा गई होइ ।
 एसा खलु ओदइए, होइ हु भावे जअओ आह ॥८४॥
 जीए उदएण जीवो, नेरइओ होइ नरयपुढवीए ।
 सा भणिया नरयगई, सेसगईअओवि एमेव ॥ ८५ ॥
 इगदुगतिगचउरिंदियजाई पंचिंदियाण पंचमिया ।
 खयउवसमिए भावे, हुंति हु एया जओ आह ॥८६॥
 एगिंदिएसु जीवो, जस्सिह उदएण होइ कम्मस्स ।
 सा एगिंदियजाई, जाईओ एव सेसा उ ॥ ८७ ॥
 ओरालियवेउव्वियआहारयतेयकम्मए चेव ।
 एवं पंच सरीरा, तेसि विवागो इमो होइ ॥ ८८ ॥

ओरालियं सरीरं, उदएणं होइ जस्स कम्मस्स ।
 तं ओरालियनामं, सेससरीरा वि एमेव ॥ ८९ ॥
 अंगोवंगविभागो, उदएणं होइ जस्स कम्मस्स ।
 तं अंगुवंगनामं, तस्स विवागो इमो होइ ॥ ९० ॥
 सीसमुरोयरपिट्ठी, दो वाहू उरुया य अट्टंगा ।
 अंगुलिमाइउवंगा, अंगोवंगाइं सेसाइं ॥ ९१ ॥
 आइल्लाणं तिण्हं, हुंति सरीराण अंगुवंगाइं ।
 नो तेयगकम्माणं, बंधणनामं इमं होइ ॥ ९२ ॥
 ओरालियओरालिय, ओरालियतेयबंधणं बीयं ।
 ओरालकम्मबंधण, तिण्हवि जोगे चउत्थं तु ॥ ९३ ॥
 ओरालपुग्गला इह, बद्धा जीवेण जे उरालत्ते ।
 अन्ने उ बज्झमाणा, ओरालियपुग्गला जे य ॥ ९४ ॥
 तेसिं जं संबंधं, अवरोप्पर पुग्गलाणमिह कुणइ ।
 तं जउसरिसं जाणसु, ओरालियबंधणं पढमं ॥ ९५ ॥
 एवोरालियतेयग, ओरालियकम्मबंधणं तह य ।
 ओरालतेयकम्मगबंधणनामं पि एमेव ॥ ९६ ॥
 वेउव्वियवेउव्विय, वेउव्वियतेयबंधणं बीयं ।

वेउव्विकम्मबंधण, तिणहवि जोए चउत्थं तु ॥९७॥
 वेउव्विपुग्गला इह, बद्धा जीवेण जे विउव्वित्ते ।
 अन्ने य वज्झमाणा, वेउव्वियपुग्गला जे उ ॥ ९८ ॥
 तेसिं जं संबंधं, अवरोप्पर पुग्गलाणमिह कुणइ ।
 तं जउसरिसं जाणसु, वेउव्वियबंधणं पढमं ॥९९॥
 एवं विउव्वितेयग, वेउव्वियकम्मबंधणं तह य ।
 वेउव्वितेयकम्मगबंधणनामं पि एमेव ॥ १०० ॥
 आहारगआहारग, आहारगतेयबंधणं वायं ।
 आहारकम्मबंधण, तिणहवि जोए चउत्थं तु ॥१०१॥
 आहारपुग्गला इह, आहारत्तेण जे निबद्धा उ ।
 अन्ने य वज्झमाणा, आहारगपुग्गला जे उ ॥१०२॥
 तेसिं जं संबंधं, अवरोप्पर पुग्गलाणमिह कुणइ ।
 त जउसरिस जाणसु, आहारगबंधणं पढमं ॥१०३॥
 एवाहारगतेयग, आहारगकम्मबंधणं तह य ।
 आहारतेयकम्मगबंधणनामं पि एमेव ॥ १०४ ॥
 एवं तेयगतेयग, तेयगकम्मे य बंधणं तह य ।
 कम्मइगं कम्मइगं, वधणनामं पि पनरसमं ॥१०५॥

संघायनाममहुणा, संघायइ जेण तेण संघायं ।
 ओरालियसंघायं, वेउव्विय जाव कम्मइंगं ॥ १०६ ॥
 ओरालाई जे देहपुग्गला हौंति जंमि ठाणंमि ।
 ते ठंति तंमि ठाणे, संघायणकम्मणो उदए ॥१०७॥
 वज्जरिसहनारायं, रिसहं नारायमद्धनारायं ।
 कीलिय तह ठेवट्ट, तेसि सरूवं इमं होइ ॥ १०८ ॥
 रिसहो य होइ पट्टो, वज्जं पुण कीलिया मुण्येयव्वा ।
 उभओ मक्कडवंधं, नाराय तं त्रियाणाहि ॥ १०९ ॥
 जस्सुदएणं जीवे, संघयणं होइ वज्जरिसहं तु ।
 त वज्जरिसहनामं, सेसावि हु एव संघयणा ॥११०॥
 समचउरंसे नग्गोहमंडल साइवामणे खुज्जे ।
 हुंडेवि य संठाणे, तेसि सरूवं इमं होइ ॥ १११ ॥
 तुल्लं त्रित्थडबहुलं, उस्सेहवहुं च मडहकोष्ठं च ।
 हिठिल्लकायमडहं, सव्वत्थासंठियं हुंडं ॥ ११२ ॥
 जस्सुदएणं जीवे, चउरंसं नाम होइ संठाणं ।
 तं चउरंसं नामं, सेसावि हु एव संठाणा ॥ ११३ ॥
 किण्हा नीला लोहिय, हालिद्दा तह य हुंति सुक्किलया

जियदेहाणं वण्णा, उदएणं वण्णनामस्स ॥ ११४ ॥
गंधेण सुरभिगंधं, अहवा गंधेण दुरभिगंधं तु ।
होइ जियाणं देहं, उदएणं गंधनामस्स ॥ ११५ ॥
तित्तगकडुयकसाया, अंबिलमहुरा रसा वि पंच भवे ।
तेवि हु जियदेहाणं, रसनामुदएण खज्जंता ॥ ११६ ॥
गुरुलहुमिउकटिणावि य, निद्धा लुक्खा य हेति सीउण्हा
जियदेहाणं फासा, उदएणं फासनामस्स ॥ ११७ ॥
गुरुअं न होइ देहं, न य लहुयं होइ सव्वजीवाणं ।
होइ हु अगुरुयलहुयं, अगुरुलहुयनामउदएणं ॥ ११८ ॥
अंगावयवो पडिजिब्भियाइ जो अप्पणो उवग्घायं ।
कुणइ हु देहमि ठिअो, सो उवघायस्स उ विवागो ११९
तयविसदंतविसाइ, अंगावयवो य जो उ अन्नेसिं ।
जीवाण कुणइ घायं, सो परघायस्स उ विवागो ॥१२०॥
नारयतिरियनरामरभवेसु जंतस्स अंतरगईए ।
अणुपुवीए उदअो, सा चउहा सुणसु जह होइ ॥१२१॥
नरयाउयस्स उदए, नरए वक्केण गच्छमाणस्स ।
नरयाणुपुव्वियाए, तर्हि उदओ अन्नहिं नत्थि ॥१२२॥

एवं तिरिमणुदेवे, तेसु वि वक्केण गच्छमाणस्स ।
 तेसिमणुपुवियाणं, तहिं उदच्चो अन्नहिं नत्थि ॥१२३॥
 जस्सुदएणं जीवे, निप्फत्ती होइ आणपाणूणं ।
 तं उसासं नामं, तस्स विवागो सरीरम्मि ॥ १२४ ॥
 जस्सुदएणं जीवे होइ सरीरं तु ताविलं इत्थ ।
 सो आयवे विवागो, जह रविबिंबे तहा जाण ॥ १२५ ॥
 न भवइ तेयसरीरे, जेण उ नेयस्स उस्सिणफासस्स ।
 होइ हु उदच्चो नियमा, तह लोहियवण्णनामस्स ॥१२६॥
 जस्सुदएणं जीवो अणुस्सिणदेहेण कुणइ उज्जोयं ।
 तं ऊज्जोय नामं, जाणसु खज्जोयमाइणं ॥ १२७ ॥
 जस्सुदएणं जीवो, वरवसभगईए गच्छइ गईए ।
 सा सुहया विहगगई, हंसाईए भवे सा उ ॥ १२८ ॥
 जस्सुदएणं जीवो, अमणिछाए उ गच्छइ गईए ।
 सा असुहा विहगगई, उट्टाईए भवे सा उ ॥ १२९ ॥
 तसबायरपज्जत्तं, पत्तेयथिरं सुभ च सुभगं च ।
 सूत्तर आइज्जजसं, तसाइदसगं इमं होइ ॥ १३० ॥
 आइम्मि तसचउक्कं, थिराइछक्कं तु उवरिमं होइ ।


थावरदसगं अहुणा, थावर सुहुमं अपज्जत्तं ॥ १३१ ॥
 होइ तहा साहारं, अथिरं असुभं च दूभगं चेव ।
 दूसरणाइजेहिं अ, अजसेहिं य बीयदसगं तु ॥१३२॥
 आइम्मि थावरचऊ, सुहुमतिगं उवरिमं भवे इत्थ ।
 अथिराइछक्कमुवरिं, विवागभेअं अओ भणिमो ॥१३३
 तसनामुदए जीवो, वेइदियमाइ जाइ जीवेसु ।
 थावरनामुदए पुण, पुढवीमाइसु सो जाइ ॥ १३४॥
 बायरनामुदएणं, बायरकाओ उ होइ सो नियमा ।
 सुहुमेण सुहुमकाओ, अंतमुहुत्ताउओ होइ ॥ १३५॥
 आहारसरीरिंदियपज्जत्तीआणपाणभासमणे ।
 चत्तारि पंच छप्पि य, एगिंदियविगलसन्नीणं ॥१३६॥
 एयासिं निप्फत्ती, उदएणं जस्स होइ कम्मस्स ।
 तं पज्जत्तं नामं, इयरुदए नत्थि निप्फत्ती ॥ १३७ ॥
 इक्किक्कयंमि जीवे, इक्किक्कं जस्स होइ उदएणं ।
 ओरालाइ सरीरं, तं नामं होइ पत्तेयं ॥ १३८ ॥
 जीवाणमणंताणं, इक्कं ओरालियं इह सरीरं ।
 हवइ हु जस्सुदएणं, तं साहारं हवइ नामं ॥१३९॥

दंतट्टाइथिराणं, अंगावयवाण जस्स उदएणं ।
 निप्फत्ती उ सरीरे, जायइ तं होइ थिरनामं ॥१४०॥
 जीहाभमुहाईणं, अंगावयवाण जस्स उदएणं ।
 निप्फत्ती उ सरीरे, जायइ तं अथिरनामं तु ॥१४१॥
 सिरमाईण सुहाणं, अंगावयवाण जस्स उदएणं ।
 निप्फत्ती उ सरीरे, जायइ तं होइ सुभनामं ॥१४२॥
 पायाई असुहाणं, अंगावयवाण जस्स उदएणं ।
 निप्फत्ती उ सरीरे, जायइ तं असुभनामं तु ॥१४३॥
 सूभगकम्ममुदएणं, हवइ हु जीवो उ सबजणइट्ठो ।
 दूहगकम्ममुदए पुण, दुहओ सो सयललोयस्स ॥१४४॥
 सूसरकम्ममुदएणं, सूसरसद्दो य होइ इह जीवो ।
 दूसर उदए विसरो, जंपंतो होइ जणवेसो ॥१४५॥
 आएज्जकम्मउदए, चिट्ठा जीवाण भासणं जं च ।
 तं बहु मन्नइ लोत्थो, अबहुमयं इयर उदएणं ॥१४६॥
 जस्सुदएणं जीवो, लहइ हु कित्तिं जसं च लोगम्मि ।
 तं जसनामं कम्मं; अजसुदए लहइ विवरीयं ॥१४७॥
 देहंगावयवाणं, लिंगागिइ जाइ नियमणं जं च ।

तहिं सुत्तहारसरिसो, निम्माणे होइ हु विवागो ॥१४८
 उदए जस्स सुरासुरनखइनिवहेहिं पूईओ होइ ।
 तं तिथयरं नामं, तस्स विवागो उ केवल्लिणो ॥१४९॥
 भणियं नामं कम्मं, अहुणा गोयं तु सत्तमं भणिमो ।
 तंपि कुलालसमाणं, दुविहं जह होइ तह भणिमो ॥
 जह इत्थ कुंभकारो, पुढवीए कुणइ एरिसं रूवं ।
 जं लोयाओ पूयं, पावइ इह पुण्णकलसाई ॥ १५१॥
 भुंभुलमाई अन्नं, सो च्चिय पुढवीए कुणइ रूवं तु ।
 जं लोयाओ निंदं, पावइ अकएवि मज्जमि ॥१५२॥
 एव कुलालसमाणं, गोय कम्मं तु होइ जीवस्स ।
 उच्चानीयविवागो, जह होइ तहा निसामेह ॥१५३॥
 अधणी बुद्धिविउत्तो, रूवविहूणोवि जस्स उदएणं ।
 लोयंमि लहइ पूयं, उच्चागोयं तयं होइ ॥ १५४॥
 संधणो रूवेण जुओ, बुद्धीनिउणो वि जस्स उदएणं
 लोयंमि लहइ निंदं, एयं पुण होइ नीय तु ॥ १५५ ॥
 गोयं भणियं अहुणा, अट्टमयं अंतराययं होइ ।
 तं भंडारियसरिसं, जह होइ तहा निसामेह ॥ १५६ ॥

जह राया इह भंडारिण कुणइ दाणाई ।
 तेण उ पडिकूलेणं, न कुणइ सो दाणमाईणि ॥१५७॥
 जह राया तह जीवो, भंडारी जह तहंतरायं च ।
 तेण उ विबन्धणं, न कुणइ सो दाणमाईणि ॥१५८॥
 तं दाणलाभभोगोवभोगविरियंतराय पंचमयं ।
 एएसिं तु विवागं, वोच्छामि अहाणुपुवीए ॥१५९॥
 सइ फासुयंमि दाणे, दाणफलं तहय बुज्झई अउलं ।
 बंभच्चेराइजुयं, पत्तंपि य विज्जए तत्थ ॥ १६० ॥
 दाउं नवरि न सक्कइ, दाणविधायस्स कम्मणो उदए ।
 दाणंतरायमेय, लाभे वि य भणणए विग्घं ॥ १६१ ॥
 जइ वि पसिद्धो दाया, जायणनिउणो वि जायगो जइ वि
 न लहइ जस्सुदएणं एयं पुण लाभविग्घं तु ॥१६२॥
 मणुयत्ते वि य पत्ते, लद्धे वि हु भोगसाहणे विभवे ।
 भुत्तुं नवरि न सक्कइ, विरइविहूणो वि जस्सुदए ॥१६३॥
 भोगस्स विग्घमेयं, उवभोगे आवि विग्घमेवेव ।
 भोगुवभोगाणेसिं, नवरि विसेसो इमो होइ ॥१६४॥
 सइ भुज्झइ त्ति भोगो, सो पुण आहारपुप्फमाईओ ।

उवभोगो य पुणो पुण, उवभुज्जइ भवणविलियाई ॥
 बलवं रोगविउत्तो, वयसपण्णो वि जस्स उदएणं ।
 विरिएण होइ हीणो, वीरियविग्घं तु पंचमयं ॥१६६॥
 एवं पंचवियप्पं, अट्टमयं अतराइयं होइ ।
 भण्णो कम्मविवागो समासओ गग्गरिसिणा उ ॥
 एय गाहाण सय, अहिय छावट्टिए उ पढिउणं ।
 जो गुरु पुच्छइ नाही, कम्मविवागं च सो अइरा ॥१६८



॥ अहम ॥

॥ कर्मस्तवारूयः द्वितीयः

कर्मग्रन्थः ॥

नमिऊण जिणवरिंदे, तिहुयणवरनाणदंसणपईवे ।
बंधुदयसंतजुत्तं, वोच्छामि थयं निसामेह ॥ १ ॥
मिच्छदिष्ठी सासायणे य तह सम्ममिच्छदिष्ठी य ।
अविरयसम्मदिष्ठी, विरयाविरए पमत्ते य ॥ २ ॥
तत्तो य अप्पमत्ते नियट्टि अनियट्टिबायरे सुहुमे ।
उवसंत खीणमोहे, होइ सजोगी अजोगी य ॥ ३ ॥
मिच्छे सोलस पणुवीस सासणे अविरए य दस पयडी
चउछक्कमेग देसे, विरए य कमेण वोच्छिन्ना ॥ ४ ॥
दुग तीस चउर पुब्बे, पंच नियट्टिमि बंधवोच्छेओ ।
सोलस सुहुमसरागे, साय सजोगी जिणवरिंदे ॥ ५ ॥
पण नव इग सत्तरसं, अड पंच य चउर ठक्क छ च्चेय
इग दुग सोलस तीसं, वारस उदए अजोगंता ॥ ६ ॥

पण नव इग सत्तरसं, अठठ य चउर ठक छ च्चेव ।
 इग दुग सोल गुयालं, उदीरणा होइ जोगंता ॥ ७ ॥
 अणमिच्छमीससम्मं, अत्रियसम्माइअप्पमत्तंता ।
 सुरनरयतिरियआउं, निययभवे सव्वजीवाणं ॥ ८ ॥
 सोलस अठ्ठेक्कं, छक्केक्केक्केक्क खीणमनियट्ठी ।
 एगं सुहुमसरागे, खीणकसाए य सोलसगं ॥ ९ ॥
 वावत्तरिं दुचरिमे, तेरस चरिमे अज्जोगिणो खीणे ।
 अडयालं पयडिसयं, ख्रविय जिणं निव्वुयं वंदे ॥१०॥
 नाणस्स दसणस्स य, आवरणं वेयणीयमोहणियं ।
 आउय नामं गोयं, तहंतरायं च पयडीओ ॥ ११ ॥
 पंच नव दोन्नि अट्ठावीसा चउरो तहेव वायाला ।
 दोणिण य पंच य भणिया,पयडीओ उत्तरा चेव ॥१२॥
 मिच्छ नपुंसगवेयं नरयाउं तह य चेव नरयदुगं ।
 इगविगल्लिंदियजाई, हुंडमसंपत्तमायावं ॥ १३ ॥
 थावर सुहुमं च तहा, साहारणयं तहा अपज्जत्तं ।
 एया सोलस पयडी, मिच्छंमि य बंधवोच्छेओ ॥१४॥
 थोणतिगं इत्थी वि य, अण तिरियाउं तहेव तिरियदुगं ।

मज्झिम चउ संठाणं, मज्झिम चउ चेव संघयणं ॥१५॥
 उज्जोयमप्पसत्था, विहायगइ दूभगं अणाएज्जं ।
 दूसर नीयागोयं, सासणसम्ममि वोच्छिन्ना ॥ १६ ॥
 बायकसायचउक्कं मणुयाउं मणुयदुग य ओरालं ।
 तस्स य अंगोवंगं, संघयणाइं अविरयंमि ॥ १७ ॥
 तइयकसायचउक्कं, विरयाविरयंमि बंधवोच्चेओ ।
 अस्सायमरइ सोय, तइ चेव य अथिरमसुभ च ॥१८॥
 अज्जसकित्ती य तथा, पमत्तविरयंमि बंधवोच्चेओ ।
 देवाउयं च एगं, नायठवं अप्पमत्तमि ॥ १९ ॥
 निद्दापयला य तथा, अपुव्वपढमंमि बंधवोच्चेओ ।
 देवदुग पंचिंदिय उरालवज्जं चउसरीरं ॥ २० ॥
 समचउरं वेउव्वियआहारय अंगुवंगनामं च ।
 वण्णचउक्कं च तथा, अगुरुयलहुयं च चत्तारि ॥ २१ ॥
 तस चउ पसत्थमेव य, विहायगइ थिर सुभं च नायठवं
 सुहयं सुस्सरमेव य, आएज्जं चेव निमिणं च ॥२२॥
 तित्थयरमेव तीसं, अपुव्वच्छवभाग बंधवोच्चेओ ।
 हासरइभयदुगुंछा, अपुव्वचरमंमि वोच्छिन्ना ॥ २३ ॥

पुरिसं चउ संजलणं, पंच य पयडीओ पंच भागंमि ।
 अनियट्टीअच्चाए, जहक्कमं बंधवोच्चेओ ॥ २४ ॥
 नाणंतरायदसगं, दसण चत्तारि उच्च जसकित्ती ।
 एया सोलस पयडी, सुहुमकसायंमि वोच्छिन्ना ॥ २५ ॥
 उवसत खीणमोहे, जोगिंमि उ सायबंधवोच्चेओ ।
 नायवो पयडीणं, बधस्सतो अणंतो य २६।बंधो सम्मत्तो
 मिच्छत्त आयावं, सुहुम अपज्जत्तया य तह चेव ।
 साहारणं च पंच य, मिच्छमि य उदयवोच्चेओ ॥ २७ ॥
 अण एगिंदियजाई, विगल्लिंदियजाइमेव थावरयं ।
 एया नव पयडीओ सासणसम्मंमि वोच्छिन्ना ॥ २८ ॥
 सम्मामिच्छत्तंगं, सम्मामिच्छंमि उदयवोच्चेओ ।
 वीयकसायचउक्कं तह चेव य नरयदेवाऊ ॥ २९ ॥
 मणुयतिरियाणुपुठ्वी, वेउव्वियठक्क दूहयं चेव ।
 अणएज्जं चेव तहा, अज्जसकित्ती अवरियंमि ॥ ३० ॥
 तइयकसायचउक्कं, तिरियाऊ तह य चेव तिरियगई ।
 उज्जोय नीयगोयं, विरयाविरियंमि वोच्छिन्ना ॥ ३१ ॥
 थीणतिगं चेव तहा, आहारदुगं पमत्तविरियंमि ।

सम्मत्तं संघयणं, अतिमतिगमप्पमत्तमि ॥ ३२ ॥
 तह नोकसायछकं, अपुव्वकरणमि उदयवोच्चेओ ।
 वेयतिग कोहमाणामायासंजलणमनियट्ठी ॥ ३३ ॥
 संजलणलोभमेगं, सुहुमकसायंमि उदयवोच्चेओ ।
 तह रिसहंनारायं, नारायं चैव उवसंते ॥ ३४ ॥
 निदा पयला य तहा, खीणदुचरिमंमि उदयवोच्चेओ ।
 नाणंतरायदसगं, दंसण चत्तारि चरिमंमि ॥ ३५ ॥
 अन्नयरवेयणीयं, ओरालियतेयकम्मनामं च ।
 छ च्चैव य संठाणा, ओरालिय अंगुवंगं च ॥ ३६ ॥
 आइमसंघयणं खलु, वणणचउक्कं च दो विहायगती ।
 अगुरुयलहुयचउक्कं, पत्तेय थिराथिरं चैव ॥ ३७ ॥
 सुभसुस्सरजुयला वि य, निमिणं च तहा हवति नायवा
 एया तीसं पयडी, सजोगिचरिमंमि वोच्छिन्ना ॥३८॥
 अन्नघरवेयणीयं, मणुयाऊ मणुयगइ य बोद्धवा ।
 पंचिंदियजाई वि य, तस सुभगाएज्ज पज्जत्तं ॥३९॥
 बायर जसकित्ती वि य, तित्थयरं उच्चगोययं चैव ।
 एया बारस पयडी, अजोगिचरिमंमि वोच्छिन्ना॥४०॥
 उदयो सम्मत्तो ॥

उदयस्सुदीरणाए, सामित्ताओ न विज्जइ विसेसो ।
 मोत्तूण तिन्नि ठाणे, पमत्त जोगी अजोगी य ॥४१॥
 तीसं वारस उदए, केवलिणो मेलणं च काऊण ।
 सायासायं च तहा, मणुयाउं अवणिसं किच्चा ॥४२॥
 सेसं इगुयालीसं, जोगिमि उदीरणा य बोद्धवा ।
 अवणीय तिन्नि पयडी, पमत्तउदयंमि पक्खित्ता ॥४३॥
 तह चेव अठ पयडी, पमत्तविरए उदीरणा होइ ।
 नत्थि त्ति अजोगिजिणे, उदीरणा होइ नायवा ॥४४॥

उदीरणा सम्मत्ता ॥

अणमिच्छमीससम्मं, अविरयसम्माइअप्पमत्तता ।
 सुरनरयतिरियआउं, निययभवे सव्वजीवाणं ॥४५॥
 थीणतिगं चेव तहा, नरयदुगं चेव तह य तिरियदुगं ।
 इगिविगल्लिंदियजाइ, आयावुज्जोयथावरयं ॥ ४६ ॥
 साहारण सुहुमं चिय, सोलस पयडीओ होंति नायवा
 बीयकसायचउक्कं, तइयकसायं च अठेव ॥ ४७ ॥
 एग नपुंसगवेयं, इत्थीवेयं तहेव एगं च ।
 तह नोकसायल्लक्कं, पुरिसं कोहं च माणं च ॥४८॥

मायं चिय अनियट्टीभागं गंतूण संतवोच्छेओ ।

लोहं चिय संजलणं, सुहुमकसायंमि वोच्छिन्ना ॥४९॥

खीणकसाय दुचरिमे, निहं पयलं च हणइ छउमत्थो ।

नाणंतरायदसगं, दंसण चत्तारि चरिममि ॥ ५० ॥

देवदुग पणसरीरं, पंचसरीरस्स बंधणं चेव ।

पंचेव य संघाया, संठाणा तह य छक्कं च ॥ ५१ ॥

तिन्नि य अंगोवंगा, संघयणं तह य होइ छक्कं च ।

पंचेव य वणरसा, दो गंधा अट्ट फासा य ॥५२॥

अगुरुयलहुयचउक्कं, विहायगइदुग थिराथिरं चेव ।

सुहसुस्सरजुयला वि य, पत्तेय दूभगं अजसं ॥५३॥

अणएज्जं निमिणं चिय, अपजत्तं तह य नीयगोयं च

अन्नयरवेयणियं, अजोगिदुचरमंमि वोच्छिण्णा ॥५४॥

अन्नयरवेयणीयं, मणुयाज मणुयदुवय बोद्धव्वा ।

पंचिंदियजाई वि य, तस सुभगाएज्ज पज्जत्तं ॥५५॥

बायर जसकित्ती वि य, तित्थयरं उच्चगोययं चेव ।

एया तेरस पयडी, अजोगिचरिमंमि वोच्छिन्ना ॥५६॥

सत्ता सम्मत्ता ॥

सो मे तिहुयणमहिओ, सिद्धो बुद्धो निरंजणो निच्चो ।
दिसउ वरणाणलंभं, दंसणसुद्धिं समाहिं च ॥५७॥

॥ इति कर्मस्तवाख्यो द्वितीयः
कर्मग्रन्थः समाप्तः ॥

॥ अर्हम् ॥

॥ बन्धस्वामित्वाख्यस्तृतीयः
कर्मग्रन्थः ॥

नमिऊण वद्धमाणं, गइयाईठाणदेसयं सिद्धं ।
गइयाइएसु वोच्छं, बंधस्सामित्तमोघेणं ॥ १ ॥

गइ इंदिए थ काए , जोए वेए कसायनाणे थ ।
 संजम दंसण लेसा , भव सम्भे सणिण आहारे ॥२॥
 गुणठाणा सुरनिरए, चउ पण तिरिएसु चउदस नरेसु ।
 जीवट्टाणा तिरिए, चउदस सेसेसु दुग दुगं जाण ॥३॥
 निरयतिगं मिच्छत्तं, नपुंस इगविगलजाइ आयावं ।
 ठेवट्ट थावरचऊ, हुंडं चिय मिच्छदिट्ठिमि ॥४॥
 थाणतिगित्थी अण तिरितिग कुविहगई थ नीयमुज्जोयं
 दूभगतिग पणुवीसा, मज्झिमसंठाणसंघयणा ॥५॥
 थावरचउ जाई चउ, विउवाहारदुग सुरनिरतिगणि ।
 आयवजुयाऽऽहिं ऊणं, एगहियसयं नरयबंधे ॥६॥
 तित्थोणं सय मिच्छा, साणा नपुहुंडठेयमिच्छोणं ।
 मीसा नराउपणुवीसोणं सम्भा नराउतित्थजुयं ॥७॥
 पंकाइसु तित्थोणं, नराउहीणं सयं तु सत्तमिए ।
 मणुदुगउच्चेहिं विणा, मिच्छा बंधंति ठणणउइं ॥८॥
 हुंडाईचउरहियं, साणा तिरियाउणा थ इगनउइं ।
 इगुणपणुवीसरहिया, सनरदुगुच्चा सयरि मीसे ॥९॥
 तित्थाहारदुगूणा, तिरिया बंधंति सबपयडीओ ।

पज्जत्ता तह मिच्छा, साणा उण सोल्लसविहीणा ॥१०॥
 नरतिगसुराउउसभं, उरलदुगं मोत्तु पण्णवीसं च ।
 अण्हत्तरिं तु मीसा, सुराउणा सत्तरी सम्मा ॥ ११ ॥
 बीयकसायूणा देस अपज्जत्ता सयं नवग्गं तु ।
 मोत्तूणमोघबन्धा, निरसुरआउं विउव्विच्छं च ॥ १२ ॥
 तिरिया व नरा पयडी बंधंती मिच्छमाइत्था पंच ।
 अजयाइ पंच तित्थं, अपमत्तनियट्ठि आहारं ॥१३॥
 कम्मत्थयबंधसमो, पमत्तमाईण होइ बन्धो उ ।
 अप्पज्जत्ता मणुया, तिरया व सयं नवग्गं तु ॥ १४ ॥
 वेउवाहारदुगं, नारयसुरसुहुमविगलजाइतिगं ।
 मोत्तु चउरग्गसयं, देवा बंधति ओहेणं ॥ १५ ॥
 तित्थोणं तं मिच्छा, साणा ठेवट्ठुंडनपुमिच्छं ।
 एगिंदिथावरायवपयडी मोत्तूण छन्नउइं ॥ १६ ॥
 ओघुत्तं पणुवीसं, नराउजुत्तं विवज्जिउं मीसा ।
 बंधंति सयरिमजया, तित्थनराऊहिं बिगसयरी ॥१७॥
 मिच्छाइत्थविरयंता, देवोघ तित्थहीण बंधंति ।
 भवणवणजोइदेवा देवीओ च्चैव सवाओ ॥ १८ ॥


सामन्नदेवभंगो, सोहम्मोसाण मिच्छमाईणं ।
सहसारंता इगिथावरायवोणं सणंकुमाराई ॥ १९ ॥
रयणानारयसरिसा, सहसारंता सणंकुमाराई ।
इगिथावरायवतिरितिगुज्जोऊण तु आणयाईया ॥ २० ॥
तित्थं नपुचउ तिरितियउज्जोऊण पणवीस सनराउं ।
मोत्तूण मिच्छमाई, नराउतित्थेहि अजया उ ॥ २१ ॥
तित्थाहारं निरयसुराउ मोत्तुं विउविच्छक्कं च ।
इगविगलिंदी बंधहि, नवुत्तरं ओघ मिच्छा य ॥ २२ ॥
साणा बधहि सोलस निरतिगहीणा य मोत्तू छन्नउइं ।
ओघेणं वीसुत्तरसयं च पचिदिया बंधे ॥ २३ ॥
इगिविगलिंदी साणा तणुपउज्जत्तिं न जंति जंतेण ।
निरतिरियाउअबधा, मयंतरेणं तु चउणउई ॥ २४ ॥
भूदगवणकाया एगिंदिसमा मिच्छसाणदिष्ठीओ ।
मणुयतिगुच्चं मोत्तुं, सुहुमतसा ओघ थूलतसा ॥ २५ ॥
मणवइजोगचउक्के, ओघो उरले वि ओघनरभंगो ।
निरतिगसुराउआहारगं, तु हिच्चा उ तं मीसे ॥ २६ ॥
सुरदुगविउव्वियदुगं, तित्थं हिच्चा सयं नवंगं तु ।

बंधति उरलमिस्से, मिच्छा उ सजोगिणो सायं ॥२७
 निरतिगहीणा सोलस, तिरिनरञ्चाउं पि मोत्तु साणा वि
 तिरियाउविहीणं पणवीसमुज्झत्तु अविरए बंधे ॥२८॥
 तित्थ वेउव्विदुगं, सुरदुगसहियं उरलमिस्से ।
 सामन्नदेवनारयबंधो नेञ्चो विउव्विजोगे वि ॥ २९ ॥
 वेउव्वियमीसम्मि वि, तिरियनराउहिं वज्जिया सेसा ।
 तित्थोणा ता मिच्छा, बंधहिं साणा उ चउणउइं ॥३०
 एगिंदिथावरायवसंठाइचउक्कवज्जिया सेआ ।
 तिरियाऊणं पणुवीस मोत्तू अजया सतित्था उ ॥३१॥
 तेवढ्ढाहारदुगे, जहा पमत्तस्स कम्मणे बंधो ।
 आउतिगं निरयतिगं, आहारय वज्जिउं अओघो ॥३२॥
 सुरदुगतित्थविउव्वियदुगाणि मोत्तुण बंधहिं मिच्छा ।
 निरतिगहीणा सोलस, वज्जित्ता सासणा कम्मे ॥३३
 तिरियाऊणं पणवीस मोत्तु सुरदुगविउव्विदुगजुत्तं ।
 अजया तित्थेण समं, सजोगि सायं समुग्घाए ॥३४॥
 वेयतिएवोघेणं, बंधो जा बायरो हवइ ताव ।
 कोहाइसु चउसोघो, मिच्छाओ जाव अनियट्ठिं ॥३५

अण्णाणत्तिएवोघो, मिच्छासाणेसु नवसु नाणत्तिए ।
 मणपज्जवे वि सत्तसु, ओघं दुसु केवलिस्सावि ॥३६॥
 सामाइयठेएसुं, पमत्तमाईसु चउसु ओघो त्ति ।
 परिहारस्स पमत्ते, अपमत्ते सुहुम सट्ठाणे ॥ ३७ ॥
 उवसंताइसु अहखाय देसविरयस्स होइ सट्ठाणे ।
 मिच्छाईसु चउसुं, ओघो अस्संजयस्सावि ॥३८॥
 चक्खुअचक्खू ओघो, मिच्छाई खीणमोह ओहिस्स
 अजयाइनवसु केवलदंसण केवलिदुगे चेव ॥ ३९ ॥
 उच्चउसु तिण्णि तासुं, छण्हं सुक्का अजोगि अल्लेसा
 आहारूणा आइतिलेसी बंधंति सव्वपयडोओ ॥४०॥
 मिच्छा तित्थोणा ता, साणा उण सोलसविहूणा ।
 सुरनरआऊ पणवीस मोत्तु बंधंति मीसा उ ॥४१॥
 सुरनरआउयसहिया, अविरयसम्मा उ होंति नायवा।
 तित्थयरेण जुया तह, तेऊत्तेसे परं वोच्छं ॥४२॥
 विगलतिगं निरयतिगं सुहुमतिगूणं सयं तु एक्कारं ।
 तित्थाहारूणा मिच्छ साण इगितिगन पुचऊणा ॥४३
 मीसाईपंचगुणा, ओघं बंधंति पम्हलेसावि ।

विगलतिगं निरयतिगं, सुहुमतिगेगिंदिथावरायावं ॥४४॥
 हिच्चा सयमट्टहियं, तित्थाहारदुगहीण मिच्छाआ ।
 संढाइचउक्कोणं, साणा मीसाइ पणगओयं तु ॥४५॥
 बंधंति सुक्कलेसा, नारयतिरिसुहुमविगलजाइतिग ।
 इगिथावरायवुज्जोय वज्जिय सयं तु चउरहियं ॥४६॥
 तित्थाहारदुगूणं, एगहियसयं तु बंधही मिच्छा ।
 संढाइ चउक्कोणं, साणा बंधति सगनउइ ॥ ४७ ॥
 तिरितियउज्जोऊणं, पणुवीसं मोत्तु सुरनराउजुयं ।
 चउहत्तरिं तु मीसा, बंधहिं कम्माण पयडीओ ॥४८॥
 तित्थयरसुरनराउयसहिया अजयम्मि होइ सगसयरी।
 देसाइनवसु ओघो, भव्वेसु वि सो अब्भव मिच्छसमा
 ओघो वेयगसम्मे, अजयाइचउक्क खाइगेवोघो ।
 अजयादजोगि जाव उ, ओघो उवसामिए होइ ॥५०॥
 उवसम्मे वट्टंता, चउणहमिक्कंपि आउयं नेय ।
 बंधंति तेण अजया, सुरनरआऊहिं ऊणं तु ॥ ५१ ॥
 ओघो देसजयाइसु, सुराउहीणा उ जाव उवसंतो ।
 ओघो सणिसु नेओ, मिच्छाभंगो असण्णीसु ॥५२॥

साणे वि असणिणस्सा, भंगा सण्णुब्भवा मुणेयवा ।
 आहारगेसु ओघो, इयरेसु य कम्मणो भंगो ॥५३॥
 इय पुव्वसूरिकयपगरणेसु जडबुद्धिणा मए रइयं ।
 बंधस्सामित्तमिणं, नेयं कम्मत्थयं सोउं ॥ ५४ ॥



॥ समाप्तश्चायं बन्धस्वामित्वाख्यस्तृतीयः
 कर्मग्रन्थः ॥

॥ अहम् ॥

॥ श्रीमज्जिमवल्लभगणिप्रणीतः ॥

॥ षडशीतिनामा चतुर्थः
 कर्मग्रन्थः ॥

निच्छिन्नमोहपासं, पसरियविमलोरुकेवलपयासं ।

पणयजणपूरियासं, पयओ पणमित्तु जिणपासं ॥ १ ॥
 वोच्छामि जीवमग्गणगुणठाणुवओगजोगलेसाई ।
 किंचि सुगुरूवएसा, सन्नाणसुझाणहेउ त्ति ॥ २ ॥
 इह सुहुमवायरेगिंदिवित्तिचउअसन्निसन्निपंचिंदी ।
 अपजत्ता पज्जत्ता, कमेण चउदस जियट्ठाणा ॥ ३ ॥
 सव्वभणियव्वमूलेसु तेसु गुणठाणगाइ ता भणिमो ।
 पढमगुणा दो वायरवित्तिचउरअसन्नि अपजत्ते ॥ ४ ॥
 सन्नि अपज्जत्ते मिच्छदिट्ठिसासाणअविरया तिन्नि ।
 सव्वे सन्नि पजत्ते, मिच्छं सेसेसु सत्तसु वि ॥ ५ ॥
 जोगा छसु अप्पज्जत्तएसु कम्मइगउरलमिस्सा दो ।
 वेउव्वियमीसजुया, सन्नि अपज्जत्तए तिन्नि ॥ ६ ॥
 विंति अपज्जत्ताणवि, तणुपज्जत्ताण केइ श्रोराळं ।
 वायरपज्जत्ते तिन्नि उरल वेउव्वियदुगं च ॥ ७ ॥
 उरलं सुहुमे चउसु य, भासजुयं पनरसावि सन्निम्मा ।
 उवओगा दससु तओ, अचक्खुदंसणमनाणदुगं ॥ ८ ॥
 चक्खुजुया चउरिंदियअसन्नि पज्जत्तएसु ते चउरो ।
 मणनाणचक्खुकेवलदुगरहिया सन्नि अपजत्ते ॥ ९ ॥

सव्ये सन्निषु एत्तो, क्षेसाओ छावि दुविह सन्निमि ।
 चउरो पढमा बायर, अपजत्ते तिन्नि सेसेसु ॥१०॥
 सत्तट्ट१अट्ट२सत्तट्ट३अट्ट४ बंधु१दयु२दीरणा३संता ४ ।
 तेरससु जीवठाणेषु सन्निपज्जत्तए ओघो ॥ ११ ॥
 एत्तो गइइंदियकायजोयवेए कसायनाणेषु ।
 संजमदंसणक्षेसाभवसम्ममे सन्निआहारे ॥ १२ ॥
 सुरनरतिरिनरयगई,इगवितिचउरिंदिया य पंचिंदी ।
 पुढवीआऊतेऊवाऊवणसइतसा काया ॥ १३ ॥
 मणवइकाया जोगा, इस्थी पुरिसो नपुंसगो वेया ।
 कोहो माणो माया, लोभो चउरो कसाय त्ति ॥१४॥
 मइसुयओहीमणकेवलाणि मइसुयअनाणविब्भंगा ।
 सामइयठेयपरिहारसुहुमअहखायदेसजयअजया ॥१५॥
 अच्चक्खुचक्खुओही, केवलदंसणमओ य छल्लेसा ।
 किणहा नीला काऊ, तेऊ पम्हा य सुक्का य ॥ १६ ॥
 भव्वअभव्वा खउवसमखइयउवसमियमीससासाणं ।
 मिच्छो य सन्नसन्नी, आहारणहार इय भेया ॥ १७ ॥
 सुरनिरए सन्निदुगं, नरेसु तइओ अ्सन्निअपजत्तो ।

तिरियगईए चउदस, एगिंदिसु आइमा चउरो ॥१८॥
 वितिचउरिंदिसु दो दो, अंतिम चउरो पणिंदिसु भवंति
 थावरपणगे पढमा, चउरो चरमा दस तसेसु ॥१९॥
 विगलतिअसन्निसन्नी, पज्जत्ता पंच होंति वइजोगे ।
 मणजोगे सन्निक्को, पुमित्थिवेए चरम चउरो ॥२०॥
 काओगिनपुंसकसायमइसुयअनाणअविरयअचक्खू ।
 आइतिहेसा भविवयरमिच्छ आहारगे सठवे ॥२१॥
 मइसुयओहीदुगविभंगपम्हसुक्कासु तिसु य सम्मेसु ।
 सन्निम्मि य दो ठाणा, सन्निअपज्जत्तपज्जत्ता ॥२२॥
 मणपज्जवकेवलदुगसंजयदेसजयमीसदिट्ठीसु ।
 सन्नीपज्जो चक्खुंमि तिन्नि छ व पज्जियर चरमा ॥२३॥
 सत्त उ सासाणे बायराइ छ अपज्ज सन्निपज्जो य ।
 तेउल्लेसे बायरअपजत्तो दुविह सन्नी य ॥२४॥
 अस्सन्नि आइ बारस, अणहारे अठ सत्त अपजत्ता ।
 सन्नी पज्जत्तो तह, इय गइयाइसु जियठाणा ॥२५॥
 मिच्छे सासणमीसे, अविरयदेसे पमत्तअपमत्ते ।
 नियट्ठि अनियट्ठि सुहुमुवसम खीणसजोगिअजोगि गुणा

चत्तारि देवनरएसु पंच तिरिएसु चउदस नरेसु ।
 इगिविगलेसुं दो दो, पंचिंदिसु चउदस वि ॥ २७ ॥
 भूदगतरुसु दो दो, इगमगणिवाउसु चउदस तसेसु ।
 जोए तेरस वेए तिकसाए नव दस य लोभे ॥ २८ ॥
 मइसुयओहिदुगे नव, अजयाइ जयाइ सत्त मणनाणे ।
 केवलदुगंमि दो तिन्नि दो व पढमा अनाणतिगे ॥ २९ ॥
 सामाइयठेएसु, चउरो परिहार दो पमत्ताई ।
 देससुहुमे सगं पढमचरमचउ अजयअहखाए ॥ ३० ॥
 बारस अचक्खुचक्खुसु, पढमा लेसास तिसु छ दुस सत्त
 सुक्काए तेरस गुणा, सव्वे भव्वे अभव्वेगं ॥ ३१ ॥
 वेयगखइगउवसमे, चउरो एक्कारसठ तुरियाइं ।
 सेसतिगे सठाणं, सन्निसु चउदस असन्निसु दो ॥ ३२ ॥
 आहारगेसु पढमा, तेरसऽणाहारगेसु पंच इमे ।
 पढमंतिमदुगअविरय, गइयाइसु इय गुणटाणा ॥ ३३ ॥
 सच्चं मोसं मीसं, असच्चमोसं मणं तह वई य ।
 उरलविउवाहारा; मीसा कम्मइगमिय जांगा ॥ ३४ ॥
 एक्कारस सुरनारयगईसु आहारउरलदुगरहिया ।

जोगा तिरियगईए, तेरस आहारगदुग्णा ॥ ३५ ॥
नरगइपणिंदितसतणु नर अपुम कसायमइसुओहिदुगे।
अचक्खुछल्लेसा भवसम्मदुगसन्निसु य सव्वे ॥३६॥
एगिंदिएसु पंच उ, कम्मइगविउव्विउरलजुयलाणि ।
कम्मुरलदुगं अंतिमभासा विगलेसु चउरोत्ति ॥ ३७ ॥
कम्मुरलदुगं थावरकाए वाए विउव्विजुयलजुयं ।
पढमंतिममणवइदुगकम्मुरलदु केवलदुगंमि ॥३८॥
थीवेअन्नाणोवसमअजयसासणअभव्वमिच्छेसु ।
तेरस मणवइमणनाणठेयसामइयचक्खुसु य ॥३९॥
परिहारसुहुम्मे नव, उरलवइमणा ते सकम्मुरलमिस्सा ।
अहखाए सविउवा,मोसे देसे सविउविदुगा ॥४०॥
कम्मुरलविउव्विदुगाणि चरमभासा य छ उ असन्निसि
जोगा अकम्मगाहारगेसु कम्मणमणाहारे ॥ ४१ ॥
नाणं पंचविहं तह, अन्नाणतिगं ति अठ सागारा ।
चउदंसणमणगारा, बारस जियलक्खणुवओगा ॥४२॥
मणुयगईए बारस, मणकेवलदुरहिया नवन्नासु ।
थावरइगिवितिइंदिसु, अचक्खुदंसणमनाणदुगं ॥४३॥

चक्खुजुयं चउरिंदिसु, तं चिय वारसपणिंदितसकाए ।
 जोए वेए सुक्काए भवसन्नीसु आहारे ॥४४॥
 केवलदुगहीणा दस, कसायपणलेसुचक्खुचक्खूसु ।
 केवलदुगे नियदुगं, खइगे नव नो अनाणतिगं ॥४५॥
 पढमचउनाणसंजमवेयगउवसमियओहिदंसेसु ।
 नाएचउदंसणतिगं, केवलदुजुयं अहक्खाए ॥४६॥
 नाणतिगदंसणतिगं, देसे मीसे अनाणमीसं तं ।
 केवलदुगमणपज्जववजा अस्संजयंमि नव ॥४७॥
 अन्नाणतिगअभव्वे, सासणमिच्छे य पंच उवओगा ।
 दो दंसण तियनाणा, ते अविभंगा असन्निम्मि ॥४८॥
 मणनाणचक्खुरहिया, दस उ अणाहारगेषु उवओगा ।
 इय गइयाइसु नयमयनाणत्तमिणं तु जोगेषु ॥४९॥
 तणुवइमणेषु कमसो, दुचउतिपंचा दुअठचउचउरो ।
 तेरसदुवारतेरस, गुणजीवुवओगजोग ति ॥ ५० ॥
 लेसा उ तिन्नि पढमा, नारगविगलग्गिवाउकाएसु ।
 एगिंदिभूतरूदगअसन्निंसुं पढमिया चउरो ॥५१॥
 केवलजुयलअहक्खायमहुमरागेषु सुक्खलेसेव ।

लेसासु ठसु सठाणं, गइयाइसु छावि सेसेसु ॥५२॥
 गइयाइसु अप्पवहुं, भणाभि सामन्नओ सठाणे वि ।
 नरनिरयदेवतिरिया, थोवा दुअसंखणंतगुणा ॥५३॥
 पणचउतिदुएगिंदी, थोवा तिन्नि अहिया अणंतगुणा ।
 तसतेउपुढविजलवाउहरियकाया पुण कमेणं ॥५४॥
 थोवा असंखगुणिया, तिन्नि विसेसाहिया अणंतगुणा ।
 मणवयणकायजोगी' थोवा संखगुणि अणंतगुणा ॥५५॥
 पुरिसेहिंतौ इत्थी, संखेज्जगुणा नपुंसणंतगुणा ।
 माणी कोही मायी, लोभी कमसो विसेसहिया ॥५६॥
 मणपज्जविणो थोवा, ओहीनाणी तओ असंखगुणा ।
 मइसुयनाणी तत्तो, विसेसअहिया समा दो वि ॥५७॥
 विब्भंगिणो असंखा, केवलनाणी तओ अणंतगुणा ।
 तत्तोऽणंतगुणा दो, मइसुयअन्नाणिणो तुल्ला ॥५८॥
 सुहुमपरिहारअहखायठेयसामइयदेसजइअजया ।
 थोवा संखेज्जगुणा, चउरो अस्संखणंतगुणा ॥५९॥
 इय ओहिचक्खुकेवलअचक्खुदंसी कमेण विन्नेया ।
 थोवा अस्संखगुणा, अणंतगुणिया अणंतगुणा ॥६०॥

सुक्का पम्हा तेऊ, काऊ नीळा य किण्हसेसा य ।
 थोवा दोऽसंखगुणाऽणंतगुणा दो विसेसहिया ॥६१॥
 थोवा जहन्नजुत्ताणंतयतुल्ल ति इह अभवजिया ।
 तेहितोऽणंतगुणा, भव्वा निव्वाणगमणरिहा ॥६२॥
 सासणउवसमियमिस्सवेयगक्खइयमिच्छदिट्ठीओ ।
 थोवा दो संखगुणा, असंखगुणिया अणंता दो ॥६३॥
 सन्नी थोवा तत्तो अणंतगुणिया असन्निणो हेंति ।
 थोवाणाहारजिया, तदसंखगुणा सआहारा ॥६४॥
 मिच्छे सव्वे छ अपज्ज सन्निपज्जत्तगो य सासाणे ।
 सम्मे दुविहो सन्नी, सेसेसुं सन्निपज्जत्तो ॥६५॥
 इय जिणठाणा गुणठाणएसु जोगाइ वोच्छमेत्ताहे ।
 जोगाहारदुगूणा, मिच्छे सासण अविरए य ॥६६॥
 उरलविउव्वइमणा, दस मीसे ते विउव्विमीसजुया ।
 वेसजए एक्कारस, साहारदुगा पमत्ते ते ॥६७॥
 एक्कारस अपमत्ते, मणवइआहारउरलवेउवा ।
 अप्पुवाइसु पंचसु, नव ओरात्तो मणवई य ॥६८॥
 चरमाइममणवइदुगकम्मुरलदुगं ति जोगिणो सत्त ।

गयजोगो य अजोगी, वोच्छमओ वारसुवञ्चोगे ॥६९॥
 अचक्खुचक्खुदंसणमन्नाणतिगं च मिच्छसासाणे ।
 अविरयसम्मे देसे, तिनाणदंसणतिगं ति ठ उ ॥७०॥
 मीसे ते च्चिय मीसा, सत्त पमत्ताइसुं समणनाणा ।
 केवलियनाणदंसणउवओगा जोगजोगीसु ॥७१॥
 सासणभावे नाणं, विउव्विगाहारगे उरलमिस्सं ।
 नेगिं^१सु सासाणो, नेहाहिगयं सुयमयंपि ॥७२॥
 लेसा तन्न पमत्तं, तेउपम्हा उ अप्पमत्तंता ।
 सुक्का जाव सजोगी, निरुद्धलेसो अजोगि त्ति ॥७३॥
 बंधस्स मिच्छअविरइकसायजोग त्ति हेयवो चउरो ।
 पंच दुवालस पणुवीस पनरस कमेण भेया सिं ।
 आभिग्गहियं अणभिग्गहं च तह अभिनिवेसियं चेव ।
 संसइयमणाभोगं, मिच्छत्तं पंचहा एवं ॥७५॥
 वारसविहा अविरई, मणइंदियअनियमो छकायवहो ।
 सोलस नव य कसाया, पणुवीसं पन्नरस जोगा ॥७६॥
 पणपन्नपन्नतियछहिय, चत्तउणचत्तछचउदुगवीसा ।
 सोलसदसनवनवसत्त हेउणो न उ अजोगिम्मि ॥७७

तो नाणदंसणावरणवेयणीयाणि, मोहणिज्जं च ।

आउयनामं गोयंतरायमिइ अठ कम्माणि ॥७८॥

सत्तट्ठेगबंधा संतुदया अठसत्त चत्तारि ।

सत्तछ्छपंचदुगं, उदीरणाठाणसंखेयं ॥७९॥

अपमत्तंता सत्तट्ठ मीसअप्पुव्वायरा सत्त ।

बंधंति छ सुहुमो एग मुवरिमाबंधगोऽजोगी ॥८०॥

जा सुहुमो ता अट्ठ वि, उदए संते य हेअंति १.डीअो

सत्तट्ठुवसंते खीणि सत्त चत्तारि सेसेसु ॥८१॥

सत्तट्ठ पमत्तंता, कम्मे उइरिंति अठ मीसो उ ।

वेयणिआउ विणा छ उ, अपमत्तअपुव्वअनियट्ठी ॥८२॥

सुहुमो छ पंच उइरेइ पंच उवसंतु पंच दो खीणो ।

जोगी उ नामगोए, अजोगि अणुदीरगो भयवं ॥८३॥


उवसंतजिणा थोवा संणेज्जगुणा उ खीणमोहजिणा ।

सुहुमनियधिनिट्ठी, तिन्नि वि तुल्ला विसेसहिया ॥८४॥

जोगिअपमत्तइयरे, संखगुणा देससासणा मिस्सा ।

अविरयअजोगिमिच्छा, असंख चउरो दुवेऽणंता ॥८५॥

जिणवल्लहोवणीयं, जिणवयणामयसमुद्दविंदुमिमं ।
हियकंखिणो बुहजणा निसुणंतु गुणंतु जाणंतु ॥८६॥



॥ अर्हम् ॥

श्रीमच्छिवशर्मसूरीश्वरसन्धः

॥ श्रीबन्धशतकनामा पञ्चमः
कर्मग्रन्थः ॥

अरहन्ते भगवन्ते अणुत्तरपरक्रमे पणमिज्जं ।
बन्धसयगे निबद्धं संगहमिणमो पवक्खामि ॥ १० ॥

सुणह इह जीवगुणसन्निघण्टुसु ठाणेषु सारजुत्ताञ्चो ।
 वोच्छं कइवइयाओ गाहाओ दिट्ठिवायाओ ॥ २ ॥
 उवओगाजोगविही, जेसु अ ठाणेषु जत्तिया अत्थि ।
 जप्पच्चइओ बन्धो, होइ जहा जेसु ठाणेषु ॥३॥
 बन्धं उदयमुदीरणविहिं च तिन्हं पि तेसि संजोगं ।
 बन्धविहाणे य तथा किंचि समासं पवक्खामि ॥४॥
 तिरियगतीए चोइस हवंति सेसासु जाण दो दो उ ।
 मग्गण्ठाणसेवं, नेयाणि समासठाणाणि ॥५॥
 एक्कारसेसु तिय तिय दोसु चउक्कं च बारसेक्कम्मि ।
 जीवसमासेसेवं उवओगविही मुणेयवो ॥६॥
 नवसु चउक्के एक्के जोगा एगो य दोन्नि पन्नरस ।
 तब्भवगएसु एए भवन्तरगएसु काओगा ॥७॥
 उवओगा जोगविही जीवसमासेसु वन्निया एवं ।
 एत्तो गुणेहि सह परिगयाणि ठाणाणि मे सुणसु ॥८॥
 मिच्छद्दिठीसासणमिस्से अजए य देसविरए य ।
 नव संजएसु एवं चोइस गुणनामठाणाणि ॥९॥
 सुरनारएसु चत्तारि होन्ति तिरिएसु जाण पंचेव ।

मण्यगईए उ तहा चोदस गुणनामठाणाणि ॥१०॥
 दोणहं पञ्च उ छच्चेव दोसु एगम्मि हेांति वामिस्सा ।
 सत्तुवओगा सत्तसु दो चेव य दोसु ठाणेसु ॥ ११॥
 तिसु तेरस एगे दस नव जोगा हुंति सत्तसु गुणेसु ।
 एक्कारस य पमत्ते सत्त सजोगे अजोगेक्कं ॥१२ ॥
 तेरस चउसु दसेगे पंचसु नव दोसु हेांति एक्कारा ।
 एक्कमि सत्त जोगा अजोगि ठाणं हवइ एक्कं ॥१३॥
 चउ पच्चइओ बंधो पढमे उवरिमतिगे तिपच्चइओ ।
 मीसगबीओ उवरिमदुगं च देसिक्कदेसम्मि ॥१४॥
 उवरिल्लपंचगे पुण दुपच्चओ जोगपच्चओ तिणहं ।
 सामन्नपच्चया खदु अठणहं हेांति कम्माणं ॥१५॥
 पडणीयअंतराइय उवघाए तप्पओसनिन्हवणे ।
 आवरणदुगं भूओ बंधइ अच्चासणाए य ॥१६॥
 भूयाणुकंपवयजोगउज्जओ खंतिदाणगुरुभत्तो ।
 बंधइ भूओ सायं विवरीए बंधए इयरं ॥१७॥
 अरहंत सिद्ध चेइय तव सुयगुरुसाहुसंघपडणीओ ।
 बंधइ दंसणमोहं अणंतसंसारिओ जेणं ॥१८॥

तिक्कसाओ बहुमोहपरिणओ रागदोससंजुत्तो ।
 बंधइ चरित्तमोहं दुविहंपि चरित्तगुणघाइं ॥१९॥
 मिच्छदिट्ठी महारंभपरिग्गहो तिक्कलोहनिस्सीलो ।
 निरयाउयं निबंधइ पावमई रुद्धपरिणामो ॥१०॥
 उम्मग्गदेसओ मग्गनासओ गूढहिययमाइल्लो ।
 सट्ठीसीलो य ससल्लो तिरियाउं बंधए जीवो ॥२१॥
 पयईइ तणुकसाओ दाणरओ सीलसंजमविहूणो ।
 मज्झिमगुणेहि जुत्तो मणुयाउं बंधए जीवो ॥२२॥
 अणुवयमहव्वएहि य बालतवाकामनिज्जराए य ।
 देवाउयं निबंधइ सम्मदिट्ठी उ जो जीवो ॥२३॥
 मणवयणकायवंको माइल्लो गारवेहि पडिबद्धो ।
 असुहं बंधइ नामं तप्पडिक्खेहि सुहनामं ॥२४॥
 अरहंताइसु भत्तो सुत्तरुई पयणुमाण गुणपेही ।
 बंधइ उच्चागोयं विवरीए बंधइ अ इयरं ॥२५॥
 पाणिव्हाईसु रथ्यो जिणपूयामोक्खमग्गविग्घकरो ।
 अज्जेइ अंतरायं न लहइ जेणिच्छियं लाभं ॥२६॥
 छसु ठाणगेषु सत्तठविहं बंधंति तिसु य सत्त विहं ।

छविहमेगो तिन्नेगबंधगाऽबंधगो एगो ॥२७॥
 सत्तठविहठ (विह)बंधगा वि वेयंति अठगं नियमा ।
 एगविहबंधगा पुण चत्तारि व सत्त वेयंति ॥ २८॥
 मिच्छादिठिप्पभिई अठ उईरंति जा पमत्तो ति ।
 अद्धावलियासेसे तहेव सत्तेवुदीरिंति ॥ २९॥
 वेयणियाउयवज्जे छक्कम्म उदीरयंति चत्तारि ।
 अद्धावलियासेसे सुहुमो उइरेइ पंचेव ॥३०॥
 वेयणियाउयमोहे वज्ज उईरेति दोन्नि पंचेव ।
 अद्धावलियासेसे नामं गोयं च अकसाई ॥३१॥
 उइरेइ नामगोए ठक्कम्मविवज्जिया सयोगी उ ।
 वटंतो उ अजोगी न किंचि कम्मं उईरेइ ॥३२॥
 अणुदीरंत अयोगी अणुहवइ चउठ्विहं गुणविसालो ।
 इरियावहं न बंधइ आसन्नपुरक्खडो ंतो ॥३३॥
 इरियावहमाउत्ता चत्तारि व सत्त चेव वेयंति ।
 उइरिंति दोन्नि पंच व संसारगयम्मि भयणिज्जो ॥३४॥
 छप्पंच उईरंतो बंधइ सो छविहं तणुकसाओ ।
 अट्टविहमणुहवंतो सुक्कज्जाणे उहइ कम्मं ॥३५॥

अष्ठविहं वेयंता छव्विहमुइरंति सत्त बधंति ।
 अणियट्ठी य नियट्ठी अपमत्तजई य ते तिन्नि ॥३६॥
 अवसेसट्ठविहकरा वेयंति उदीरया वि अट्ठणहं ।
 सत्तविहगा वि वेइंति अठगमुईरणे भज्जा ॥३७॥
 नाणस्स दंसणस्स य आवरणं वेयणीयमोहणियं ।
 आउयनामं गोयं तहंतरायं च पयडीओ ॥३८॥
 पंच नव दोन्नि अट्ठावीसा चउरो तहेव बायाला ।
 दोन्नि य पंच य भणिया पयडीओ उत्तरा चेव ॥३९॥
 साइअणाईधुवअच्छुवो य बंधो उ कम्मलक्कस्स ।
 तइए साइगसेसो, अणाइधुवसेसओ आऊ ॥४०॥
 उत्तरपगईसु तहा धुवियाणं बन्धचउविगप्पोय ।
 साई अच्छुवियाओ सेसा परियत्तमाणीओ ॥४१॥
 चत्तारि पगइठाणाणि तिन्नि भूगारअप्पतरगाणि ।
 मूलपगडीसु एवं अवठिओ चउसु नायव्वो ॥४२॥
 तिन्नि दस अट्ठठाणाणि दंसणावरणमोहनामाणं ।
 एत्थ य भूओगारो सेसेसेगं हवइ ठाणं ॥४३॥
 सव्वासिं पयडीणं मिच्छद्विट्ठीउ बंधगोभणिओ ।

तित्थयराहारदुगं मोत्तूणं सेसपयडीणं ॥४४॥
 सम्मत्तगुणनिमित्तं तित्थयरं संजमेण आहारं ।
 बंधंति सेसियाओ मिच्छत्ताई हि हेऊहिं ॥४५॥
 सोलसमिच्छत्तंता पणुवीसं हुंति सासणंताओ ।
 तित्थयराउदुसेसा अविरइयंता उ मीसस्स ॥४६॥
 अविरइयन्ताओ दस विरयाविरयंतिया उ चत्तारि ।
 छुच्चेव पमत्तंता एगा पुण अप्पमत्तंता ॥४७॥
 दोतीसं चत्तारि य भागे भागेषु संखसण्णाए ।
 चरिमे य जहासंख अपुव्वकरणंतिया हेअंति ॥४८॥
 संखेज्जइमे सेसे आढत्ता षायरस्स चरिमंते ।
 पंचसु एक्केक्कंतो सुहुमंता सोलस हवंति ॥ ४९ ॥
 सायंतो जोगंतो एत्तो परओ उ नत्थि बंधो त्ति ।
 नायव्वो पयडीणं बन्धस्संतो अणंतो य ॥ ५० ॥
 गइयाइएसु एवं तप्पओगाण मोहसिद्धाणं ।
 सामित्तं नेयव्वं पयडीणं ठाणमासज्ज ॥ ५१ ॥
 सत्तरि कोडाकोडी अयराणं होइ मोहणीयस्स ।
 तीसं आइतिगंते वीसंनामे य गोए य ॥ ५२ ॥

तेत्तीसुदही आउंमि केवला होइ एवमुक्कोसा ।
 मूल पयडीण इत्तो ठिई जहन्ना निसामेह ॥ ५३ ॥
 मूलठिईण जहण्णो सत्तण्हं साइयाइओ बन्धो ।
 सेसतिगे दुविगप्पो आउचउक्केवि दुविगप्पो ॥ ५४ ॥
 अट्टारस पयडीणं अजहन्नो बन्ध चउविगप्पो उ ।
 साइ अ अधुवबन्धो सेसतिगे होइ बोधवो ॥ ५५ ॥
 उक्कोसाणुक्कोसो जहन्नमजहन्नगो य ठिइबन्धो ।
 साईयअधुवबन्धो सेसाणं होइ पयडीणं ॥ ५६ ॥
 सव्वासिंपि ठिईओ सुभासुभाणं पि हेांति असुभाओ
 माणुसतिरिक्खदेवाउयं च मोत्तूण सेसाणं ॥ ५७ ॥
 सव्वठिइणमुक्कोसगो उ उक्कोससंकिद्धेसेगं ।
 विवरीण उ जहन्नो आउगतिगवज्जसेसाणं ॥ ५८ ॥
 सव्वुक्कोसठिईणं मिच्छद्दिट्ठी उ बन्धगो भणिओ ।
 आहारगतित्थयरं देवाउं वावि मोत्तूणं ॥ ५९ ॥
 देवाउयं पमत्तो आहारगमप्पमत्तविरथो उ ।
 तित्थयरं च मणूसो अविरयसम्मो समज्जेइ ॥ ६० ॥
 पन्नरसण्हं ठिइमुक्कोसं बन्धंति मणुयतेरिच्छा ।

छणहं सुरनेरइया ईसाणंता सुरा तिणहं ॥ ६१ ॥
 सेसाणं चउगइया ठिइमुक्कोसं करंति पयडीणं ।
 उक्कोससंकिलेसेण ईसिअहमज्झमेणावि ॥ ६२ ॥
 आहारगतित्थयरं नियट्ठि अनियट्ठि पुरिससंजलणं ।
 बन्धइ सुहुमसरागो सायजसुच्चावरणविग्घं ॥ ६३ ॥
 छणहमसण्णी कुणइ जहन्नठिइमाउगाणमन्नयरो ।
 सेसाणं पज्जत्तो बायर एगिंदियविसुद्धो ॥ ६४ ॥
 घातीणं अजहन्नोणुक्कोसो वेयणीयनामाणं ॥ ।
 अजहन्नमणुक्कोसो गोए अणुभागबन्धंमि ॥ ६५ ॥
 साई अणाई धुवअद्धुवो य बन्धो उ मूलपयडीणं ।
 सेसम्मि उ दुविगप्पो आउचउक्के वि दुविगप्पो ॥ ६६ ॥
 अछणहमणुक्कोसो तेयालाणमजहन्नगो बन्धो ।
 नेओ हि चउविगप्पो सेसतिगे होइ दुविगप्पो ॥ ६७ ॥
 उक्कोसमणुक्कोसो जहन्नमजहन्नगोवि अणुभागो ।
 साई अद्धुवबन्धो पयडीणं होइ सेसाणं ॥ ६८ ॥
 सुभपयडीण विसोहीए तिवमसुभाण संकिलेसेणं ।
 तिवरीए उ जहन्नो अणुभागो सबपयडीणं ॥ ६९ ॥

वायालं पि पसत्था विसोहिगुणउक्कडस्स तिक्वाओ ।
 वासीइमप्पसत्था मिच्छुव्वुडसंकिलिट्टस्स ॥ ७० ॥
 आयव नामुज्जोयं माणुसतिरियाउयं पसत्थासु ।
 मिच्छस्स हुंति तिक्वा सम्मदिट्ठिस्स सेसाओ ॥ ७१ ॥
 देवाउमप्पमंतो तिक्वं खवगा करेन्ति वत्तीसं ।
 बन्धंति तिरियमणुया एक्कारसमिच्छभावेण ॥ ७२ ॥
 पंच सुरसम्मदिष्ठी सुरमिच्छो तिन्नि जयइ पयडीओ ।
 उज्जोयं तमतमगा सुरनेरइया भवे तिण्हं ॥ ७३ ॥
 सेसाणं चउगइया तिवणुभागं करेन्ति पयडीणं ।
 मिच्छदिष्ठी नियमा तिवकसा उक्कडा जीवा ॥ ७४ ॥
 चोइससरागचरिमे पंचमनियट्ठि नियट्ठिक्कारं ।
 सोलसमं दुणुभागा संजमगुणपत्थिओ जयइ ॥ ७५ ॥
 आहारमप्पमत्तो पमत्तसुद्धो उ अरइसोगाणं ।
 सोलस माणुसतिरिया सुरनारगतमतमा तिन्नि ॥ ७६ ॥
 एगिंदियथावरयं मंदणुभागं करेन्ति ति गर्इया ।
 परियत्तमाणमाज्झमपरिणामा नेरइयवज्जा ॥ ७७ ॥
 आसोहम्मायावं अवरियमणुओ य जयइ तित्थयरं ।

चउगइ उक्कड मिच्छा पन्नरसदुवे विसोहीए ॥७८॥
 सम्मदिही मिच्छोव अछ परियत्तमज्झिमो जयइ ।
 परियत्तमाणमज्झिममिच्छदिही उ तेवीसं ॥ ७९ ॥
 केवलनाणावरणं दंसणल्लक्कं च मोहवारसगं ।
 ता सव्वघाइसन्ना हवंति मिच्छत्तवीसइमं ॥ ८० ॥
 नाणावरणचउक्कं दंसणतिगमंतराइए पंच ।
 पणुवीसदेसघाई संजलणा नोकसाया य ॥ ८१ ॥
 अवसेया पयडीओ अघाइया घाइयाहि पलिभागा ।
 ता एव पुन्नपावा सेसा पावा मुण्णेषवा ॥ ८२ ॥
 आवरणदेसघायंतरायसंजलणपुरिससत्तरस ।
 चउविहभावपरिणया तिविह परिणया भवे सेसा ॥८३॥
 चउपच्च एग मिच्छत्त सोलस दुपच्चया य पणतीसं ।
 सेसा तिपच्चया खलु तित्थयराहारवज्जाओ ॥ ८४ ॥
 पंचग छत्तिय छप्पंच दुन्नि पंचय हवंति अट्टेव ।
 सरिराई फासंता, पयडीओ आणुपुवीए ॥ ८५ ॥
 अगुरुलहुपराघ्रायोवघायउज्जोवआयवनिमेणं ।
 पत्तेयथिरसुभेयरनामाणि य पोग्गलविवागा ॥ ८६ ॥

आऊणि भवविवागा खित्तविवागा य आणुपुव्वीओ ।
 अरसेसा पयडीओ जीवविवागा मुणेयवा ॥ ८७ ॥
 एगपएसोगाढं सव्वपएसेहि कम्मणो जोग्गं ।
 बन्धइ जहुत्तहेउं साइयमणाइयं वावि ॥ ८८ ॥
 पंचरसपंचवन्नेहि संजुयं दुविहगंधचउफासं ।
 दवियमणंतपएसं सिद्धेहि अणंतगुणहीणं ॥ ८९ ॥
 आउयभागो थोवो नामे गोए समो तओ अहिओ ।
 आवरणमंतराए तुल्लो अहिओ य मोहे वि ॥ ९० ॥
 सव्वुवरि वेयणीए भागो अहिगो य कारणं किन्तु ।
 सुहदुक्खकारणत्ता ठिईविसेसेण सेसाणं ॥ ९१ ॥
 छणहंपि अणुक्कोसो पएसबन्धे चउव्विहो बन्धो ।
 सेसतिगे दुविगप्पो मोहाउय सव्वहिं चेव ॥ ९२ ॥
 तीसणहमणुक्कोसो उत्तरपयडीसु चउविहो बन्धो ।
 सेसतिगे दुविगप्पो सेसासुं चउविगप्पो वि ॥ ९३ ॥
 आउक्कस्स पएसस्स पंच मोहस्स सत्त ठाणाणि ।
 सेसाणि तणुकसाओ बन्धइ उक्कोसए जोगे ॥ ९४ ॥
 सुहुमनिगोयापज्जत्तगस्स पढमे जहन्नए जोगे ।

सत्तण्हं तु जहन्ना आउगबन्धे वि आउस्स ॥९५॥
 सत्तर सुहुमसरागो पंचगमनियट्टि संमगो नवगं ।
 अजई बीयकसाए देसजई तइयए जयइ ॥ ९६ ॥
 तेरस बहुप्पएसा सम्मो मिच्छो व कुणइ पयडीओ ।
 आहारमप्पमत्तो सेसपएसुक्कडं मिच्छो ॥ ९७ ॥
 सन्नी उक्कडजोगी पज्जत्तो पयडिबन्धमप्पयरो ।
 कुणइ पएसुक्कोसं जहन्नयं जाण विवरीयं ॥ ९८ ॥
 घोलणजोगि असन्नी बन्धइ चउ दुन्नि अप्पमत्तो य ।
 पंचासंजयसम्मो भवाइसुहुमो भवे सेसा ॥ ९९ ॥
 जोगा पयडिपएसं ठिइअणुभागं कसायओ कुणइ ।
 कालभवखित्तवेक्खो उदओ सविवाग अविवागो ॥१००॥
 सेट्ठिअसंखेज्जइमे जोगठाणाणि हुंति सव्वाइं ।
 तेसिमसंखेज्जगुणो पयडीणं संगहो सव्वो ॥ १०१ ॥
 तासिमसंखेज्जगुणा ठिईविसेसा हवंति नायव्वा ।
 ठिइबंधज्जवसाणाणि असंखगुणाणि एत्ताओ ॥१०२॥
 तेसिमसंखेज्जगुणा अणुभागे हुंति बंधठाणाणि ।
 एत्तो अणंतगुणिआ कम्मपएसा मुणेयव्या ॥१०३॥

अविभागपलिच्छेआ अणंतगुणिआ हवंति इत्तो य ।
 सुयपवरदिष्ठिवाए विसिष्ठमइत्थो परिकहंति ॥ १०४ ॥
 एसो बन्धसमासो पिंडुक्खेवेण वन्निओ कोवि ।
 कम्मप्पवायसुयसागरस्स निस्संदमेत्तो य ॥ १०५ ॥
 बन्धविहाणसमासो रइओ अप्पसुयमन्दमइणा उ ।
 संबन्धमोक्खनिउणा पूरेऊणं परिकहिंतु ॥१०६॥
 इयकम्मपयडिपगयं संखेवुद्धिद्वनिच्छियमहत्थं ।
 जो उवजुंजइ बहुसो सो नाही बंधमोक्खत्थं ॥१०७॥

॥ इति श्रीशतकनामा पञ्चमः
 कर्मग्रन्थः ॥

॥ अहंम ॥

॥ श्रीचंद्रमहत्तराचार्यप्रणीतः

॥ सप्ततिकानामा षष्ठः

कर्मग्रन्थः ॥

सिद्धपएहिं महत्थं, बंधोदयसंतपयडिठाणाणं ।
बुच्छं सुण संखेवं, नीसंदं दिट्ठिवायस्स ॥ १ ॥
कइ बन्धंतो वेअइ, कइ कइ वा पयडिसंतठाणाणि ।
मूढुत्तरपगईणं, भंगविगप्पा मुणेअव्वा ॥ २ ॥
अट्टविहसत्तछब्बन्धएसु अठेव उदयसंताइं ।
एगविहे तिविगप्पो, एगविगप्पो अबन्धंमि ॥ ३ ॥
सत्तट्टबन्धअट्टुदयसंत तेरससु जीवठाणेसु ।
एगंमि पंच भंगा, दो भंगा हुंति केवलिणो ॥ ४ ॥
अठसु एगविगप्पो, छस्सु वि गुणसन्निएसु दु विगप्पा
पत्तेयं पत्तेयं, बन्धोदयसंतकम्माणं ॥ ५ ॥
पंच नव दुण्णिअठावीसा चउरो तहेव बायाला ।

दुष्णिण य पंच य भणिया, पयडीओ आणुपुठ्वीए ॥६
 बंधोदयसंतंसा, नाणावरणंतराइए पंच ।
 बंधोवरमे वि तथा उदसंता हुंति पंचेव ॥ ७ ॥
 बंधस्स य संतस्स य, पगइट्टाणाइ तिन्नि तुल्लाईं ॥
 उदयट्टाणाइं दुवे, चउ पणगं दंसणावरणे ॥८॥
 वीयावरणे नवबंधएसु चउ पंच उदय नव संता ।
 छच्चउ बंधे चेवं, चउ बंधुदए छलंसा य ॥ ९ ॥
 उवरयबंधे चउपण, नवंस चउरुदय छच्च चऊसंता ।
 वेयणियाउअगोए, विभज्ज मोहं परं वुच्छं ॥१०॥
 (गोअम्मि सत्त भंगा, अठय भंगा हवंति वेयणिए ।
 पण नव नव पण भंगा,आउचउक्कवि कमसो उ ॥११)
 बावीस इक्कवीसा, सत्तरसा तेरसेव नव पंच ।
 चउ तिग दुगं च इक्कं, बंधठाणाणि मोहस्स ॥ १२ ॥
 एक्कं च दो व चउरो, एत्तो एगाहिआ दसुक्कोसा ।
 ओहेण मोहणिज्जे, उदए ठाणाणि नव हुंति ॥१३॥
 अठगसत्तगलच्चउतिगदुगएगाहिआ भवे वीसा ।
 तेरस बारिक्कारस, एत्तो पंचाइएकूणा ॥१४॥

संतस्स पयडिठाणाणि ताणि मोहस्स हुंति पन्नरस ।
 बन्धोदयसंते पुण, भंगविगप्पा बहू जाण ॥ १५ ॥
 छब्बावीसे चउ इगवीसे सत्तरस तेरसे दोदो ।
 नवबंधगे वि दुन्निउ, एक्केक्कमओ परं भंगा ॥१६॥
 दस बावीसे नव इगवीसे सत्ताइ उदयठाणाइं ।
 छाई नव सत्तरसे, तेरे पंचाइ अठेव ॥ १७ ॥
 चत्तारिमाइ नवबंधएसु उक्कोस सत्तमुदयंसा ।
 पंचविहवन्धगे पुण, उदओ दोणहं मुणेअव्वो ॥१८॥
 एत्तो चउ बन्धाइ, एक्केक्कुदया हवंति सब्बे वि ।
 बन्धोवरमे वि तहा, उदयाभावे वि वा होजा ॥१९॥
 एक्कगच्छक्केक्कारस, दस सत्त चउक्क एक्कगं चेव ।
 एए चउवीस गया, चउवीस दुगेक्कमेक्कारा ॥२०॥
 नवतेसीइसएहिं, उदयविगप्पेहिं मोहिआ जीवा ।
 अउणुत्तरिसीआला, पयविंदसएहिं विन्नेआ ॥२१॥
 नवपंचाणउइसए, उदयविगप्पेहिं मोहिआ जीवा ।
 अउणत्तरिएगुत्तरि, पयविंदसएहिं विन्नेआ ॥ २२ ॥
 तिन्नेव उ बावीसे, इगवीसे अट्टवीस सत्तरसे ।

छच्चेव तेर नव बन्धेषु पंचेव ठाणाणि ॥ २३ ॥
 पंचविह चउव्विहेसु, छ छक्क सेसेणु जाण पंचेव ।
 पत्तेअं पत्तेअं, चत्तारि उ बंध वोच्चेअो ॥२४॥
 दसनवपन्नरसाइं, बंधोदयसंतपयडिठाणाइं ।
 भणिआणि मोहणिज्जे, इत्तो नामं परं वोच्छं ॥२५॥
 तेवीसपन्नवीसा, छवीसा अट्टवीस गुणतीसा ।
 तीसेगतीसमेक्कं, बंधछाणाणि नामस्स ॥ २६ ॥
 चउ पणवीसा सोलस, नव बाणउईसया य अडयाला
 एयालुत्तर छायालसया य एक्केक्कबंधविही ॥ २७ ॥
 वीसिगवीसा चउवीसिगाइ एगाहिआ उ इगतीसा ।
 उदयछाणाणि भवे, नव अछ य हुंति नामस्स ॥२८॥
 एगवियालेक्कारस, तित्तीसा छस्सयाणि तित्तीसा ।
 बारससत्तरससयाणहिगाण विपंचसीईहिं ॥ २९ ॥
 अउणत्ती सेक्कारससयाहिगा सतरसपंचसठीहिं ।
 एक्केक्कगं च वीसादट्ठुदयंतेसु उदयविही ॥३०॥
 त्तिदुनउई गुणनउई, अट्टच्छलसी असीई गुणसीई ।
 अट्टयछप्पन्नत्तरि, नव अछय नाम संताणि ॥३१॥

अठ य बारस बारस, बंधोदयसंतपयडिठाणाणि ।
 ओहेणाएसेण य, जत्थ जहासंभवं विभजे ॥३२॥
 नव पंचोदयसंता, तेवीसे पणवीस छवीसे ।
 अठ चउरछवीसे, नवसत्तिगुणतीस तीसम्मि ॥३३॥
 एगेमेगतीसे, एगे एगुदय अट्ट संतंमि ।
 उवरयबंधे दस दस, वेयगसंतंमि ठाणाणि ॥ ३४ ॥
 तिविगप्पपगइट्टाणेहिं जीवगुणसन्निएसु ठाणेषु ।
 भंगा पउंजियवा, जत्थ जहा संभवो भवइ ॥ ३५ ॥
 तेरससु जीवसंखेवएसु नाणंतरायतिविगप्पो ।
 एगंमि तिदुविगप्पो, करणं पइ इत्थ अविगप्पो ॥३६॥
 तेरे नव चउ पणगं, नव संतेगम्मि भंगमेक्कारो ॥
 वेअणियाउयगोए, विभज्ज मोहं परं वुच्छं ॥३७॥
 (पज्जत्तगसन्निअरे, अठ चउक्कं च वेगणिय भंगा ।
 सत्तग तिगं च गोए, जीवठाणेषु वत्तव्वा ॥३८॥
 पज्जत्तापज्जत्तग, समणे पज्जत्त अमण सेसेसु ।
 अट्टावीसं दसगं, नवगं पणगं च आउस्स ॥३९॥)
 अठसु पंचसु एगे, एग दुगं दस य मोह बंधगए ।

तिग चउ नवं उदय गए, तिग तिग पन्नरस संतंमि ॥
 पण दुग पणगं पणचउ, पणगं पणगा हवंति तिण्णेव
 पण्णप्पणगं छच्छप्पणगं अठ दसगं ति ॥४१॥
 सत्तेव अपज्जत्ता, सामी तह सुहुम बायरा चेव ।
 विगलिंदिआ य तिन्नि य, तह असन्नी य सन्नी या ॥४२
 नाणंतराय तिविहमवि, दससु दो हुंति दोसु ठाणेसुं ।
 मिच्छासाणे वीए, नव चउ पण नव य संतंसा ॥४३॥
 मिस्साई नियट्ठी उ, छ चउ पण नव य संतकम्मंसा ।
 चउबंध तिगे चउ पण, नवंस दुसु जुअल छस्संता ॥४४
 उवसंते चउ पण नव, खीणे चउरुदय छच्च चउसंतं ।
 वेअणियाउयगोए, विभज्ज मोहं परं वुच्छं ॥ ४५ ॥
 (चउ छस्सु दोन्नि सत्तसु, एगे चउगुणिसु वेअणिअभंगा
 गोए पण चउ दो तिसु, एगट्ठसु दोन्नि एक्कंमि ॥४६
 अट्ठच्छाहिगवीसा, सोलस वीसं च बारस छ दोसु ।
 दो चउंसु तीसु एक्कं, मिच्छाइसु आउए भंगा ॥४७)
 गुणठाणगेसु अठसु, एक्किक्कं मोहबंधठाणेसु ।
 पंचानिअट्ठि ठाणे, बंधोवरमो परं तत्तो ॥ ४८ ॥

सत्ताइ दस उ मिच्छे, सासायणमीसए नबुक्कोसा ।
 छाई नव उ अविरए, देसे पंचाइ अठेव ॥ ४९ ॥
 विरए खओवसमिए, चउराई सत्त छच्च पुव्वंमि ।
 अनियट्टिवायरे पुण, इक्कोव दुवे व उदयंसा ॥५०॥
 एगं सुहुमसरागो, वेएइ अवेअगा भवे सेसा ।
 भंगाणं च पमाणं, पुव्वुद्धिट्ठेण नायव्वं ॥ ५१ ॥
 एक्के ठक्केक्कारे, सेव एक्कारसेव नव तिन्नि ।
 एए चउवीसगया, बार दुगे पंच इक्कंमि ॥ ५२ ॥
 बारसपणसट्टिसया, उदयविगप्पेहिं मोहिआ जीवा ।
 चुलसीई सत्तुत्तरि, पयविंदसएहिं विन्नेआ ॥ ५३ ॥
 (अठग चउ चउ चउरठगाय चउरो अ हुंति चउवीसा
 मिच्छाइ अपुव्वंता, बारस पणगं च अनिअट्टे ॥५४॥)
 जोगोवओगळेसाइएहिं गुणिआ हवंति कायव्वा ।
 जे जत्थ गुणठाणेसु; हेअंति ते तत्थ गुणकारा ॥५५॥
 अठट्ठी बत्तीसं, बत्तीसं सट्टिमेव वावन्ना ।
 चोआल दोसु वीसा, मिच्छामाईसु सामन्नं ॥ ५६ ॥
 तिन्नेगे एगेगं, तिग मीसे पंच चउसु नियट्टिए तिन्नि ।

एक्कार बायरंमि उ, सुहुमे चउ तिन्नि उवसंते ॥५७
 छन्नव ठक्कं तिग सत्त, दुगं दुगतिग दुगं तिगट्ट चउ।
 दुगछक्कचउ दुग पण चउ चउ, दुग चउ पणेग चउ ॥
 एगेगमठ एगेगमठ छउमत्थकेवल्लिजिणाणं ।
 एगचऊएगचऊ, अट्टचउ दु छक्कमुदयंसा ॥ ५९ ॥
 (चउ पणवीसा सोलस, नव चत्तालासयाय बाणउइ ।
 बत्ती सुत्तर छायालसया मिच्छस्स बंधविही ॥६०॥
 अठ सया चउसठी, बत्तीससयाय सासणे भेआ ।
 अठावीसाईसु, सव्वाणठाहिअ छन्नउइ ॥ ६१ ॥
 एग चत्तिगार बत्तीस छसय इगतिसिगार नवनउइ
 सत्तरिगंसि गुत्तिस, चउद इगार चउसट्टि मिच्चुदया ॥
 बत्तीस दुन्निअट्टय, वासीइ सया य पंच नव उदया ।
 बारहिआ तेवीसा, बावन्निकार ससयाय ॥ ६३ ॥)
 दो छक्कठ चउक्कं, पण नव एक्कार छक्कगं उदया ।
 नेरइआईसु सत्ता, ति पंच एक्कारस चउक्कं ॥६४॥
 इगविगलिंदिअ सगले, पण पंच य अट्ट बंधठाणाणि ।
 पण छक्केक्कारुदया, पण पण बारस य संताणि ॥६५

इय कम्मपगइष्ठाणाइं सुट्ठु बन्धुदयसंतकम्माणं ।
 गइआइएहिं अठसु, चउप्पयारेण नेयाणि ॥ ६६ ॥
 (गइ इंदिए अ काए, जोए वेए कसाय नाणेअ ।
 संजमदंसणलेसा, भव संमे सन्नि आहारे ॥ ६७ ॥
 संतपयपरूवणया, दव्वपमाणं च खित्तफुसणा य ।
 कालो य अंतरं भागभावे अप्पावहुं चेव ॥६८॥)
 उदयस्सुदीरणाए, सामित्ताओ न विज्जइ विसेसो ।
 मोत्तूण य इगयालं, सेसाणं सव्वपयडीणं ॥ ६९ ॥
 नाणंतरायदसगं, दंसणनव वेयणिज्जमिच्छत्तं ।
 संमत्तं लोभवेश्चाउगाणि नव नाम उच्चं च ॥७०॥
 मणुयगइ जाइ तस बायरं च पज्जत्त सुभगमाइज्जं ।
 जसकित्ती तित्थयरं, नामस्स हवंति नव एया ॥७१॥
 तित्थयराहारगविरहिआओ अज्जेइ सव्वपयडीओ ।
 मिच्छत्तवेअगो सासाणो गुणवीससेसाओ ॥७२॥
 छायालसेस मीसो, अविरयसम्मो तिआलपरिसेसा ।
 तेवन्नदेसविरओ, विरओ सगवन्नसेसाओ ॥ ७३ ॥
 इगुसट्ठिमप्पमत्तो, बन्धइ देवाउअस्स इअ्यरो वि ।

अठावणमपुव्वे, छप्पणं वा वि ष्ठीसा ॥ ७४ ॥
 बावीसा एगूणं, बन्धइ अठारसंतमनिअट्ठी ।
 सत्तरसुहुमसरागो, सायममोहो सजोगित्ति ॥७५॥
 एसो उ बन्धसामित्तओहो गइआइएसु वि तहेव ।
 ओहाओ साहिज्जा जत्थ जहा पयडिसब्भावो ॥७६॥
 तित्थयरदेवनिरआउगं च तिसु तिसु गइसु बोधव्वं ।
 अवसेसा पयडीओ, हवंति सव्वासु वि गइसु ॥७७॥
 पढमकसायचउक्कं, दंसणतिग सत्तगा वि उवसंता ।
 अविरयसम्मत्ताओ, जाव नियट्ठित्ति नायव्वा ॥७८॥
 (सत्त छ नव य पनरस, सोलस अठारसेव इगवीसा ।
 एगाहि दु चउवीसा, पणवीसा बायरे जाण ॥७९॥
 सत्तावीसं सुहुमे, अठावीसं पि मोहपयडीओ ।
 उवसंतवीअरागे, उवसंता हुंति नायव्वा ॥८०॥)
 पढमकसायचउक्कं, इत्तो मिच्छत्तमीससम्मत्तं ।
 अविरयसम्ममे देसे, पमत्ति अपमत्ति खीयंति ॥८१॥
 (अनिअट्ठिवायरे थीणगिद्धित्तिगनिरयतिरिअनामाओ ।
 संखिज्जइमे सेसे, तप्पाओगाओ खीयंति ॥ ८२ ॥

एतो हणइ कसायद्वुगंपि पच्छा नपुंसगं इत्थी ।
 तो नोकसायछक्कं, बुहइ संजलणकोहम्मि ॥८३॥
 पुरिसं कोहे कोहं, माणे माणं च बुहइ मायाए ।
 मायं च बुहइ लोहे, लोहं सुहुमं पि तो हणइ ॥८४॥
 (खीणकसायदुचरिमे,निद्दा पयला च हणइ छउमत्थो ।
 आवरणमंतराए, छउमत्थो चरमसमयम्मि ॥८५॥)
 देवगइसहगयाओ, दुचरमसमयभविअंमि खीअंति ।
 सविवागेअरनामा, नीआगोअं पि तत्थेव ॥८६॥
 अन्नयरवेअणिज्जं, मणुआउअ उच्चगोय नवनामा ।
 वेएइ अजोगिजिणो, उक्कोसो जहन्न इक्कारं ॥८७॥
 मणुअगइ जाइ तस बायरं च पज्जत्तसुभगमाइज्जं ।
 जसकित्ती तित्थयरं, नामस्स हवंति नव एआ ॥८८॥
 तच्चाणुपुविसहिआ, तेरस भवसिद्धिअस्स चरमंमि ।
 संतंसगमुक्कोसं, जहन्नयं बारस हवंति ॥८९॥
 मणुअगइसहगयाओ, भवखित्तविवागजिवविवागित्ति ॥
 वेअणियअन्नयरुच्चं, चरमभवियस्स खीयंति ॥९०॥
 अह सुइअसयलजगसिहरमरुवनिरुवमसहावसिद्धिसुहं

अनिहणमव्वावाहं, तिरयणसारं अणुहवंति ॥ ९१ ॥
 दुरहिगम निउण परमत्थ रुइर बहुभंग दिठ्ठिवायाओ
 अत्था अणुसरिअवा, बंधोदयसंतकम्माणं ॥ ९२ ॥
 जो जत्थ अपडिपुन्नो, अत्थो अप्पागमेण वद्धोवि ।
 तं खमिउण बहुसुआ, पूरेऊणं परिकहंतु ॥ ९३ ॥
 (गाहग्गं सयरीए, चंदमहत्तर मयाणुसारीए ।
 टीगाइ नियमिआणं, एगूणा होइ नउईओ ॥ ९४ ॥)

॥ इति सप्ततिकानामा षष्ठः
 कर्मग्रन्थः ॥

॥ अर्द्धम् ॥

॥ अथ श्रीमच्छिवशर्मसूरीश्वर- प्रणीता कर्मप्रकृतिः ॥

॥ बन्धनकरणम् ॥

सिद्धं सिद्धत्थसुयं, वंदिय निद्धोयसव्वकम्ममलं ।
कम्मट्टगस्स करणठमुदयसंताणि वोच्छामि ॥ १ ॥
बंधण१संकमणु २ वट्टणा य३अववट्टणा४उदीरणया५ ।
उवसामणा६निहत्ती७निकायणा ८ च त्ति करणाइं ॥२॥
विरियंतरायदेसक्खएण सव्वक्खएण वा लद्धी ।
अभिसंधिजमियरं वा, तत्तो विरियं सलेसस्स ॥३॥
परिणामालंबणगहणसाहणं तेण लद्धनामतिगं ।
कज्जब्भासन्नोन्नप्पवेसविसमीकयपएसं ॥ ४ ॥
अविभागवग्गफट्टुगअंतरठाणं अणंतरोवणिहा ।
जोगे परंपशवुट्ठिसमयजीवप्पबहुगं च ॥ ५ ॥

पण्णाढेयणच्छिन्ना, लोगासंखेज्जगप्पएससमा ।
 अविभागा एक्केक्के, हेति पएसे जहन्नेणं ॥६॥
 जेसिं पएसाण समा, अविभागा सव्वतो य थोवतमा
 ते वग्गणा जहन्ना, अविभागहिया परंपरउं ॥७॥
 सेढ्ढिअसंखिअमित्ता, फड्डगमेत्तो अणंतरा नत्थि ।
 जाव असंखा लोगा, तो बीयाई य पुव्वसमा ॥८॥
 सेढ्ढिअसंखिअमेत्ताइं, फड्डगाइं जहन्नयं ठाणं ।
 फड्डगपरिवुद्धिअओ, अंगुलभागो असंखतमो ॥ ९ ॥
 सेढ्ढिअसंखियभागं, गंतुं गंतुं हवन्ति दुगुणाइं ।
 पल्लासंखियभागो, नाणागुणहाणिठाणाणि ॥१०॥
 बुद्धीहाणिचउक्कं तम्हा कालोत्थ अंतिमल्लीणं ।
 अंतोमुहुत्तमावलि असंखभागो य सेसाणं ॥ ११ ॥
 चउराई जावठगमित्तो जाव दुगं ति समयणं ।
 पज्जत्तजहन्नाओ जावुक्कोसं ति उक्कोसो ॥ १२ ॥
 एगसमयं जहन्नं ठाणाणप्पाणि अट्ट समयणि ।
 उभअओ असंखगुणियाणि समयसो ऊण ठाणाणि ॥१३॥
 सव्वत्थोवो जोगो साहारणसुहुमपढमसमयम्मि ।

वायरवियतियचउरमणसन्नपज्जत्तगजहन्नो ॥ १४ ॥
 आइदुगुक्कोसो सिं पज्जत्तजहन्नगेयरे य कमा ।
 उक्कोसजहन्नियरो असमत्तियरे असंखगुणो ॥१५॥
 अमणाणुत्तरगेविज्जभोगभूमिगय तइयतणुगेसुं ।
 कमसो असंखगुणिओ सेसेसु य जोगु उक्कोसो ॥१६॥
 जोगेहिं तयणुरुवं परिणमइ गिण्हिऊण पंच तणू ।
 पाउग्गे वालंबइ भासाणुमणत्तणे खंधे ॥ १७ ॥
 परमाणुसंखऽसंखाऽणंतपएसा अभवणंतगुणा ।
 सिद्धाणणंतभागो आहारगवग्गणा तितणू ॥१८॥
 अग्गहणंतरियाओ तेयगभासामणे य कम्मे य ।
 धुवअधुवअच्चित्तासुन्नाचउअंतरेसुप्पिं ॥ १९ ॥
 पत्तेगतणुसु वायरसुहुमनिगोए तहा महाखंधे ।
 गुणनिप्फन्नसनामा असंखभागंगुलवगाहो ॥ २० ॥
 एगमवि गहणदठवं सठवप्पणयाइ जीवदेसम्मि ।
 सठवप्पणया सठवत्थ वावि सठवे गहणखंधे ॥२१॥
 नेहप्पच्चयफडुगमेगं अविभागवग्गणा णंता ।
 हस्सेण बहू वद्धा असंखसोगे दुगुणहीणा ॥ २२ ॥

नामप्पञ्चोगपच्चयगेसु वि नेया अणंतगुणणाए ।
 धणिया देसगुणा सिं जहन्नजेट्टे सगे कट्टु ॥२३॥
 मूढुत्तरपगईणं अणुभागविसेसओ हवइ भेओ ।
 अविसेसियरसपगईउ, पगईबंधो मुणेयव्वो ॥२४॥
 जं सव्वघाइपत्तं सगकम्मपएसणंतमो भागो ।
 आवरणाण चउद्धा तिहा य अह पंचहा विग्घे ॥२५॥
 मोहे दुहा चउद्धा य पंचहा वा वि वज्झमाणीणं ।
 वेयणिधाउयगोएसु वज्झमाणीण भागो सिं ॥२६॥
 पिंडपगईसु वप्पंतिगाए वण्णरसगंधफासाणं ।
 सव्वासिं संघाए तणुम्मि य तिगे चउक्केवा ॥२७॥
 सत्तेक्कारविगप्पा बंधणनामाण मूलपगईणं ।
 उत्तरसगपगईणं य अप्पबहुत्ता विसेसो सिं ॥२८॥
 गहणसमयम्मि जीवो उप्पाएई गुणे सपच्चयओ ।
 सव्वजियाणंतगुणे कम्मपएसेसु सव्वेसुं ॥२९॥
 सव्वप्पगुणा ते पढमवग्गणा सेसिया विसेसूणा
 अविभागुत्तरियाओ सिद्धाणमणंतभागसमा ॥३०॥
 फड्डगमणंतगुणियं सव्वजिएहिं पि अंतरं एवं ।

सेसाणि वग्गणाणं समाणि ठाणं पढममेत्तो ॥३१॥
 अंतरतुल्लं अंतरमणंतभागुत्तरं विइयमेवं ।
 अंगुलअसंखभागो अणंतभागुत्तरं कंडं ॥ ३२ ॥
 एगं असंखभागेणणंतभागुत्तरं पुणो कंडं ।
 एवं असंखभागुत्तराणि जा पुव्वतुल्लाणि ॥३३॥
 एगं संखेज्जुत्तरमेत्तो तीयाण तिच्छिया वीयं ।
 ताण वि पढमसमाइं संखेज्जगुणोत्तरं एक्कं ॥ ३४ ॥
 एत्तो तीयाणि अइच्छियाण विइयमवि ताणि पढमस्स
 तुल्लाणसंखगुणियं एक्कं तीयाण एक्कम्म ॥३५॥
 विइयं ताणि समाइं पढमस्साणंतगुणियमेगं तो ।
 तीयाणइच्छियाणं ताण वि पढमस्स तुल्लाइं ॥ ३६ ॥
 सव्वजियाणमसंखेज्जलोग संखेज्जगस्स जेठस्स ।
 भागो तिसु गुणणा तिसु छ्छाणमसंखिया लोगा ॥३७॥
 बुद्धो हाणी छक्कं तम्हा दोण्हं पि अंतमल्लीणं ।
 अतोमुहुत्तमावलि असंखभागा उ सेसाणं ॥ ३८ ॥
 चउराइं जावठगमेत्तो जावं दुगं तिसमयाणं ।
 ठाणाणं उक्कोसो जहणणओ सव्वहिं समओ ॥३९ ॥

दुसु जवमघ्नं थोवाणि अट्टसमयाणि दोसु पासेसु ।
 समऊणियाणि कमसो असंखगुणियाणि उप्पि च ॥४०॥
 सुहुमगणिपवेसणया अगणिकाया य तेसि कायठिई ।
 कमसो असंखगुणियाणपुवसाणाणि चणुभागे ॥४१॥
 कडजुम्मा अविभागा ठाणाणि य कंडगाणि अणुभागे
 पज्जयसाणमणंतगुणाओ उप्पि नणंतगुणं ॥४२॥
 अप्पबहुमणंतरओ असंखगुणियाणणंतगुणमाई ।
 तविवरीयमियरओ संखेज्जक्खेसु संखगुणं ॥ ४३ ॥
 थावरजीवाणंता एक्केक्के तसजिया असंखेज्जा ।
 लोगा सिमसंखेज्जा अंतरमह थावरे नत्थि ॥४४॥
 आवलिअसंखभागो तसा निरंतरं अहेगठाणम्मि ।
 नाणा जीवा एवइकालं एगिंदिया निच्चं ॥ ४५ ॥
 थोवा जहन्नठाणे जा जवमघ्नं विसेसओ अहिया ।
 एत्तो हीणा उक्कोसगं ति जीवा अणंतरओ ॥४६॥
 गंतूणमसंखेज्जे लोगे दुगुणाणि जाव जवमघ्नं ।
 एत्तो य दुगुणहीणा एवं उक्कोसगं जाव ॥ ४७ ॥
 नाणंतराणि आवलियअसंखभागो तसेसु इयरेसुं ।

एगंतरा असंखिय गुणाइँ नाणंतराइँ तु ॥ ४८ ॥
 फासणकालो तीए थोवो उक्कोसगे जहन्ने उ ।
 होइ असंखेज्जगुणो य उ कंडगे तत्तिओ चेव ॥४९॥
 जवमप्रकंडगोवरि हेट्टा जवमप्रओ असंखगुणो ।
 कमसो जवमज्जुवरिं कंडगहेट्टा य तावइओ ॥५०॥
 जवमज्जुवरि विसेसो कंडगहेट्टा य सब्बहिं चेव ।
 जीवप्पावहुमेवं अप्रवसाणेसु जाणेज्जा ॥ ५१ ॥
 एक्केक्कम्मि कसायोदयम्मि लोगा असंखिया हेति।
 ठिइबंधछाणेसु वि अप्रवसाणाण ठाणाणि ॥५२॥
 थोवाणि कसानदये अप्रवसाणाणि सब्बडहरम्मि ।
 विइयाइ विसेसहियाणि जाव उक्कोसगं ठाणं ॥५३॥
 गंतूणमसंखेज्जे लोगे दुगुणाणि जाव उक्कोसं ।
 आवलिअसंखभागो नाणागुणबुद्धिठाणाणि ॥५४॥
 सब्बासुभपगईणं सुभपगईणं विवज्जयं जाण ।
 ठिइबंधछाणेसु वि आजगवज्जाण पगडीणं ॥५५॥
 पल्लासंखियभागं गंतुं दुगुणाणि आउगाणं तु ।
 थोवाणि पढमबंधे विइयाइ असंखगुणियाणि ॥५६॥

घाईणमसुभवणरसगंधफासे जहन्नठिइबंधे ।
 जाणप्वसोणाइं तदेगदेसो य अन्नाणी ॥ ५७ ॥
 पल्लासंखिय भागो जावं विइयस्स होइ विइयम्मि ।
 आ उक्कस्सा एवं उवघाए वा वि अणुकट्ठि ॥ ५८ ॥
 परघाउज्जोउस्तासायवधुव नाम तणुउवंगाणं ।
 पडिलोमं सायस्स उं उक्कोसे जाणि समऊणे ॥ ५९ ॥
 ताणि य अन्नाणैवं ठिइबंधो जा जहन्नगमसाए ।
 हेट्टुज्जोयसमेवं परत्तमाणीण उ सुभाणं ॥ ६० ॥
 जाणी असायजहन्ने उदहिपुहुत्तं ति ताणी अन्नाणी ।
 आवरणसमं उप्पिं परित्तमाणीणमसुभाणं ॥ ६१ ॥
 सेकाद्वे सम्मत्तं पडिवज्जंतस्स सत्तमखिईए ।
 जो ठिइबंधो हस्सो इत्तो आवरणतुल्लो य ॥ ६२ ॥
 जा अभवियपाउग्गा उप्पिमसायसमया उ आ जेठा ।
 एसा तिरियगतिदुगे नीयागोए य अनुकट्ठी ॥ ६३ ॥
 तसवायरपज्जत्तगपत्तेयगाण परघायतुल्लाउ ।
 जाव चारसकोडाकोडी हेठा य साएणं ॥ ६४ ॥
 तणुतुल्ला तित्थयरे अणुकट्ठि तिक्कमंदया एत्तो ।

सव्वपगईण नेया जहन्नयाई अणंतगुणा ॥ ६५ ॥
 निव्वत्तणा उ एक्किक्कस्स हेठोवरिं तु जेठियरे ।
 चरमठिईणुक्कोसो परित्तमाणीण उ विसेसो ॥६६॥
 ताणन्नाणि त्ति परं असंखभागाहिं कंडगेक्काण ।
 उक्कोसियरा नेया जा तक्कंडकोवरि समत्ती ॥६७॥
 ठिइबंधठाणाइं सुहुमअपज्जत्तगस्स थोवाइं ।
 बायरसुहुमेयरवित्तिचउरिंदियअमणसंझीणं ॥६८॥
 संखेज्जगुणाणि कमा असमत्तियरे य विंदियाइम्मि ।
 नवरमसंखेज्जगुणाईं संकिलेसाय सव्वत्थ ॥६९॥
 एमेव विसोहीओ विग्घावरणेसु कोडिकोडीओ ।
 उदही तीसमसाते अद्धं थीमणुयदुगसाए ॥७०॥
 तिविहे मोहे सत्तरि चत्तालीसा य वीमईं य कमा ।
 दस पुरिसे हासरईं देवदुगे खगइचेट्टाए ॥७१॥
 थिरसुभपंचगउच्चे चेवं संठाणसंधयणमूद्धे ।
 तब्बीयाइ विवुड्डी अठारससुहुमविगलतिगे ॥७२॥
 तित्थगराहारदुगे अंतो वीसा सनिच्चनामाणं ।
 तेत्तीसुदही सुरनारयाउ सेसाउ पल्लतिगं ॥ ७३ ॥

आउचउक्कुक्कोसो पल्लासंखेज्जभागममणेसु ।
 सेसाण पुव्वकोडी साउतिभागो अवाहा सिं ॥७४॥
 वाससहस्समवाहा कोडाकोडीदसगस्स सेसाणं ।
 अणुवाओ अणुवट्टणगाउसु छम्मासिगुक्कोसो ॥७५॥
 भिन्नमुहुत्तं आवरणविग्घदंसणचउक्कलोभंते ।
 वारस सायमुहुत्ता अट्ट य जसकित्तिउच्चेसु ॥७६॥
 दो मासा अद्धद्धं संजलणे पुरिस अठ वासाणि ।
 भिन्नमुहुत्तमवाहा सवासिं सबहिं हस्से ॥७७॥
 खुड्ढागभवो आउसु उववायाउसु समा दस सहस्सा ।
 उक्कोसा संखेज्जा गुणहीण आहारतित्थयरे ॥७८॥
 वग्गुक्कोसठिईणं मिच्छत्तुक्कोसगेण जं लद्धं
 सेसाणं तु जहन्नो पल्लासंखेज्जगेणूणो ॥७९॥
 एसेगिंदियडहरो सवासिं ऊणसंजुओ जेट्ठो ।
 पणवीसा पन्नासा सयं सहस्सं च गुणकारो ॥ ८० ॥
 कमसो विगलअसन्नीण पल्लसंखेज्जभागहा इयरो ।
 विरए देसजइदुगे सम्मचउक्केयसंखगुणो ॥८१॥
 सन्निपज्जत्तियरे अब्भिंभतरओ य कोडिकोडीओ ।

ओषुक्कोसो सन्निस्स होइ पज्जत्तगस्सेव ॥८२॥
 मोत्तूण सगमवाहं पढमाइ ठिइ बहुतरं दव्वं ।
 एत्तो विसेसहीणं जावुक्कोसं ति सव्वेसिं ॥८३॥
 पल्लासंखियभागं गंतुं दुगुणूणमेवमुक्कोसा ।
 नाणंतराणि पल्लस्स मूलभागो असंखतमो ॥ ८४ ॥
 मोत्तूण आउगाइं समए समए अवाहहाणीए ।
 पल्लासंखियभागं कंडं कुण अप्पबहुमेसिं ॥८५॥
 बंधावाहाणुक्कस्सयरं कंडकअवाहबंधाणं ।
 ठाणाणि एक्कनाणंतराणि अत्थेण कंडं च ॥ ८६ ॥
 ठिइबंधे ठितिबंधे अप्पवसाणाणसंखया लोगा ।
 हस्साविसेसवुड्डी आज्जणमसंखगुणवुड्डी ॥८७॥
 पल्लासंखियभागं गंतुं दुगुणाणि जाव उक्कोसा ।
 नाणंतराणि अंगुलमूलच्छेयणमसंखतमो ॥ ८८ ॥
 ठिइदीहयाइकमसो असंखगुणियाणि णंतगुणणाए ।
 पढमजहणुक्कोसं वितिय जहन्नाइ आ चरमा ।
 बंधंता धुवपगडी परित्तमाणिग सुभाग तिविहरसं ।
 चउ तिग विष्ठाणगयं त्रिवरीयतिगं च असुभाणं ॥९०

सव्वविसुद्धा बंधंति मग्निमा संकिलिष्ठतरगा य ।
 ध्रुवपगडि जहन्नठिइं सव्वविसुद्धा उ बंधंति ॥९१॥
 तिट्ठाणे अजहणं विट्ठाणे जेट्ठगं सुभाण कमा ।
 सट्ठाणे उ जहन्नं अजहन्नुक्कोसमियरासिं ॥९२॥
 थोवा जहन्नियाए होति विसेसाहिअोदहिसयाइं ।
 जीवा विसेसहीणा उदहिसयपुहुत्त मो जाव ॥९३॥
 एवं तिट्ठाणकरा विट्ठाणकरा य आ सुभुक्कोसा ।
 असुभाणं विट्ठाणे तिचउट्ठाणे य उक्कोसा ॥ ९४ ॥
 पट्ठ्ठासंखियमूलानि गंतुं दुगुणा य दुगुहीणा य ।
 नाणंतराणि पट्ठस्स मूलभागो असंखतमो ॥९५॥
 अणगारप्पाउग्गा विट्ठाणगया उ दुविहपगडीणं ।
 सागारा सव्वत्थ वि हिट्ठा थोवाणि जवमप्रा ॥९६॥
 ठाणाणि चउट्ठाणा संखेज्जगुणाणि उवरिमे एवं ।
 तिट्ठाणे विट्ठाणे सुभाणि एगंतमीसाणि ॥ ९७ ॥
 उवरिं मिस्साणि जहन्नगो सुभाणं तओ विसेसहिओ
 होइ असुभाण जहणो संखेज्जगुणाणि ठाणाणि ॥९८
 बिठ्ठाणे जवमप्रा हेट्ठा एगंत मीसगाणुवरिं ।

एवं ति चउछाणे जवमप्राओ य डायठिई ॥९९॥
 अंतो कोडाकोडी सुभविट्टाण जवमप्राओ उवरिं ।
 एगंतगा विसिट्टा सुभजिट्टा डायठिइजेट्टा ॥१००॥
 संखेज्जगुणा जीवा कमसो एएसु दुविहपगईण ।
 असुभाणं तिछाणे सव्वुवरि विसेसओ अहिया ॥१०१॥
 एव बंधणंकरणे परुविए सह हि बंधसयगेणं ।
 बंधविहाणाहिगमो सुहमभिगंतुं लहुं होइ ॥१०२॥

॥ इति बन्धनकरणम् ॥

॥ अथ संक्रमकरणम् ॥

सो संक्रमो त्ति वुच्चइ जं बंधणपरिणओ पओगेणं ।
 पगयंतरत्थदलियं परिणमयइ तयणुभावे जं ॥१॥
 दुसु चेगे दिठ्ठिदुगं बंधण विणा वि सुद्धदिठ्ठिस्स ।
 परिणामयइ जीसे तं पगईइ पडिग्गहो एसा ॥२॥
 मोहदुगाउगभूलपगडीण न परोप्परंमि संक्रमणं ।
 संक्रमबंधुदउव्वट्टणालिगाईणकरणाइं ॥३॥

अंतरकरणम्मि कए चरित्तमोहे एणुपुविसंकमणं ।
 अन्नरथ सेसिगाणं च सवहिं सवहा बंधे ॥४॥
 तिसु आवलियासु समऊणियासु अपडिग्गहा उ संजलणा
 दुसु आवलियासु पढमठिईए सेसासु वि य वेदो ॥५॥
 साइअणाईधुवअधुवा य सवधुवसंतकम्माणं ।
 साइअधुवा य सेसा मिच्छावेयणीयनीएहिं ॥६॥
 मिच्छत्तजढाय पडिग्गहम्मि सवधुवबंधपगईअओ ।
 नेया चउविवग्पा साई अधुवा य सेसाओ ॥७॥
 पगईठाणे वि तहा पडिग्गहो संकमो य बोधव्वो ।
 पढमंतिमपगईणं पंचसु पंचणह दो वि भवे ॥८॥
 नवगच्छक्कचउक्के नवगं छक्कं च चउसु विइयम्मि ।
 अन्नयरस्स अन्नयरा वि य वेयणीयगोएसु ॥९॥
 अट्टचउरहियवीसं सत्तरसं सोलसं च पन्नरसं ।
 वज्जिय संकमठाणाइं हेांति तेवीसइं मोहे ॥१०॥
 सोलस वारसगट्टग वीसग तेवीसगाइगे छच्च ।
 वज्जिय मोहस्स पडिग्गहा उ अट्टारस हवन्ति ॥११॥
 छवीससत्तवीसाण संकमो होइ चउसु ठाणेषु ।

बाबीसपन्नरसगे एकारसङ्गुणवीसाए ॥ १२ ॥
 सत्तरस एकवीसासु संकमो होइ पन्नवीसाए ।
 नियमा चउसु गईसु नियमा दिट्ठि कए तिविहे ॥१३॥
 बाबीसपन्नरसगे सत्तगएक्कारसिगुणवीसासु ।
 तेवीसाए नियमा पंच वि पंचिंदिएसु भवे ॥१४ ॥
 चोइसगदसगसत्तगअठारसगे य होइ बाबीसा ।
 नियमा मणुयगईए नियमा दिठ्ठी कए दुविहे ॥ १५ ॥
 तेरसगनवगसत्तगसत्तरसगपणगएक्कवीसासु ।
 एक्कावीसा संकमइ सुद्धसासाणमीसेसु ॥ १६ ॥
 एत्तो अविसेसा संकमंति उवसामगे व खवगे वा ।
 उवसामगेसु वीसा य सत्तगे छक्क पणगे य ॥१७॥
 पंचसु एगुणवीसा अट्टारस पंचगे चउक्के य ।
 चउदस छसु पगईसु तेरसगं छक्कपणगम्मि ॥ १८ ॥
 पंच चउक्के बारस एक्कारस पंचगे तिगचउक्के ।
 दसगं चउक्कपणगे नवगं च तिगम्मि बोधव्वं ॥१९॥
 अट्ट दुगतिगचउक्के सत्तचउक्के तिगे य बोधव्वा ।
 छक्कं दुगम्मि नियमा पंच तिगे एक्कगदुगे य ॥२०॥

चत्तारि तिगचउक्के तिन्नि तिगे एक्कगे य बोधव्वा ।
 दो दुसु एक्काए विय एक्का एक्काए बोधव्वा ॥२१॥
 अणुपुब्बिअणाणुपुब्बी झीणमझीणे य दिठिमोहम्मि
 उवसामगे य खवगे य संकमे मग्गणोवाया ॥२२॥
 त्तिदुगेगसयं छप्पणचउत्तिगनउई य इगुणनउईया ।
 अठचउदुगेक्कसीइय संकमा बारस य छठे ॥२३॥
 तेवीसपंचवीसा छवीसा अठवीसगुणतीसा ।
 तीसेक्कतीसएगं पडिग्गहा अट्ट नामस्स ॥२४॥
 एक्कगदुगसय पणचउनउई ता तेरसूणिया वावि ।
 परभवियबंधवोच्छेय उपरि सेढीइ एक्कस्स ॥२५॥
 तिगदुगसयं छपंचगनउइ य जइस्स एक्कतीसाए ।
 एगंतसेढिजोगे वज्जियतीसिगुणतीसासु ॥२६॥
 अट्ठावीसाए वि ते वासीइतिसयवज्जिया पंच ।
 ते च्चिय वासीइजुया सेसेसुं छन्नउई य वज्जा ॥२७॥
 ठिइसंकमो त्ति वुच्चइ मूलुत्तरपगइअो य जा हि ठिई ।
 उव्वट्टिया व ओवट्टिया व पगइं निया वऽण्णं ॥२८॥
 तीसासत्तरि चत्तालीसावीसुदहिकोडि कोडीणं ।

जेष्ठा आलिगदुगहा सेसाण वि आलिगतिगूणा ॥२९॥
 मिच्छत्तस्सुक्कोसो भिन्नमुहुत्तणगो उ सम्मत्ते ।
 मिस्सेवंतोकोडाकोडी आहारतित्थये ॥३०॥
 सव्वासिं जठिइगो सावलिगो सो अहाउगाणं तु ।
 बंधुक्कोसुक्कोसो सावाहठिई य जठिइगो ॥३१॥
 आवरणविग्घदंसणचउक्कलोभंतवेयगाऊणं ।
 एगा ठिई जहन्नो जठिइ समयहिगावलिगा ॥३२॥
 निदादुगस्स एक्का आवलिगदुगं असंखभागो य ।
 जठिइ हासच्छक्के संखिज्जाओ समाओ य ॥३३॥
 सोणमुहुत्ता जठिइ जहन्नबंधो उ पुरिससँजलणे ।
 जठिइ सगऊणजुत्तो आवलिगदुगूणओ तत्तो ॥३४॥
 जोगंतियाण अंतोमुहुत्तिओ सेसियाण पल्लस्स ।
 भागो असंखियतमो जठिइगो आलिगाइ सह ॥३५॥
 मूलठिई अजहन्नो सत्तणह तिहा चउविहो मोहे ।
 सेस विगप्पा तेसिं दुविगप्पा संकमे हेति ॥३६॥
 धुवसंतकम्मिगाणं तिहा चउद्धा चरित्तमोहाणं ।
 अजहन्नो सेसेसु य दुहेतरासिं च सव्वत्थ ॥३७॥

बन्धाओ उक्कोसो जासिं गंतूण आलिगं परञ्चो ।
 उक्कोससामिञ्चो संकमेण जासिं दुगं तासिं ॥३८॥
 तस्संतकम्मिगो बंधिऊण उक्कोसगं मुहुत्तंतो ।
 सम्मत्तमोसगाणं आवलिया सुद्धदिठी उ ॥३९॥
 दंसणचउक्कविग्घावरणं समयाहिगालिगा छउमो ।
 निद्दाणावलिगदुगे आवलियअसंखतमसेसे ॥४०॥
 समयाहिगालिगाए सेसाए वेअगस्स कयकरणो ।
 सक्खवगचरमखंडगसंबुभणादिट्टिमोहाणं ॥४१॥
 समउत्तरालिगाए लोभे सेसाइ सुहुमरागस्स ।
 पढमकसायाण विसंजोयणसंछोभणाए उ ॥४२॥
 चरिमसजोगे जा अत्थि तासि सो चेव सेसगाणं तु ।
 खवगक्कमेण अनियट्टिबायरो वेयगो वेए ॥४३॥
 मूढुत्तरपगइगतो अणुभागे संकमो जहा बंधे ।
 फड्डगनिद्देसो सिं सव्वेयरघायऽघाईणं ॥ ४४ ॥
 सव्वेसु देसघाइसु सम्मत्तं तदुवरिं तु वा मिस्सं ।
 दारुसमाणस्साणंतमोत्ति मिच्छत्तमुप्पिमओ ॥ ४५ ॥
 तत्थठपयं उव्वद्विया व ओवद्विया व अविभागा ।

अणुभागसंकमो एस अन्नपगइं निया वावि ॥४६॥
 दुविहपमाणे जेट्ठो सम्मत्तदेसघाइ दुष्ठाणा ।
 नरतिरियाजआयवमिस्से विय सव्वघाइम्मि ॥४७॥
 सेसासु चउट्टाणे मंदो संमत्तपुरिससंजलणे ।
 एगट्टाणे सेसासु सव्वघाइम्मि दुष्ठाणे ॥४८॥
 अजहण्णो तिण्ह तिहा मोहस्स चउव्विहो अहाउस्स
 एवमणुक्कोसो सेसिगाण तिविहो अणुक्कोसो ॥४९॥
 सेसा मूलपगइसु दुविहा अह उत्तरासु अजहन्नो ।
 सत्तरसण्ह चउद्धा तिविकप्पो सोलसण्हं तु ॥५०॥
 तिविहो छत्तीसाए णुक्कोसो ह नवगस्स य चउद्धा ।
 एयासिं सेसगा सेसगाण सव्वे य दुविगप्पा ॥५१॥
 उक्कोसगं पबंधिय आवलियमइच्छिज्जण उक्कोसं ।
 जाव न घाएइ तगं संकमइ य आमुहुत्तंतो ॥५२॥
 असुभाणं अन्नयरो सुहुम अपज्जत्तगाइ मिच्छो य ।
 वज्जिय असंखवासाउए य मणुओववाए य ॥५३॥
 सव्वत्थायावुज्जोयमणुयगइ पंचगाण आऊणं ।
 समयाहिगाळिगा सेसयत्ति सेसाण जागंता ॥ ५४ ॥

खवगस्संतरकरणे अकए घाईण सुहुमकम्मुवरिं ।
 केवलिणो णंतगुणं असन्निओ सेसअसुभाणं ॥५५॥
 सम्मदिठी न हणइ सुभाणुभागे असम्मदिठी वि
 सम्मत्तमीसगाणं उक्कोसं वज्जिया खवणं ॥ ५६ ॥
 अंतरकरणा उवरिं जहन्नठिइसंकमो उ जस्स जहिं ।
 घाईणं नियगचरमरसखंडे दिठिमोहदुगे ॥ ५७ ॥
 आऊण जहन्नठिई बंधिय जावत्थि संकमो ताव ।
 उव्वलणत्थिसंजोयणा य पढमालियं गंतु ॥ ५८ ॥
 सेसाण सुहुम ह्यसंतकम्मिगो तस्स हेठओ जाव ।
 बंधइ तावं एगिंदिओ व णेगिंदिओ वावि ॥५९॥
 जं दलियमन्नपगइं निज्जइ सो संकमो पएसस्स ।
 उव्वलणो विप्राओ अहापवत्तो गुणो सव्वो ॥६०॥
 आहारतणू भिन्नमुहुत्ता अविरइगओ पउव्वलए ।
 जा अविरतो त्ति उव्वलइ पल्लभागे असंखतमे ॥६१॥
 अतोमुहुत्तमद्धं पल्लासंखिज्जमित्तिठिइखंडं ।
 उक्किरइ पुणो वि तथा उणूणमसंखगुणहं जा ॥६२॥
 तं दलियं सघाणे समए समए असंखगुणियाए ।

सेढीए परठाणे विसेसहाणीए संबुभइ ॥ ६३ ॥
 जं दुचरमस्स चरिमे अन्नं संकमइ तेण सव्वं पि ।
 अंगुलअसंखभागेण हीरए एस उव्वलणा ॥ ६४ ॥
 चरममसंखिज्जगुणं अणुसमयमसंखगुणियसेढीए ।
 देइ परत्थाणे एवं संबुभतीणमवि कसिणो ॥ ६५ ॥
 एवं मिच्छदिठिस्स वेयगं मीसगं ततो पच्छा ।
 एगिंदियस्स सुरदुगमओ सव्वेउव्वि निरयदुगं ॥ ६६ ॥
 सुहुमतसेगो उत्तममओ य नरदुगमहानियट्ठिमि ।
 छत्तीसाए नियगे संजोयण दिट्ठिजुयत्ते य ॥ ६७ ॥
 जासि न बंधो गुणभवपच्चयओ तासि होइ विप्राओ
 अंगुलअसंखभागो ववहारो तेण सेसस्स ॥ ६८ ॥
 गुणसंकमो अब्रंतिगाण असुभाणपुव्वकरणाई ।
 बंधे अहापवत्तो परित्तिओ वा अबंधे वि ॥ ६९ ॥
 थोवोवहारकालो गुणसंकमणेणसंखगुणणाए ।
 सेसस्स अहापवत्ते विज्झाए उव्वलणनामे ॥ ७० ॥
 पल्लासंखियभागेणहापवत्तेण सेसगवहारो ।
 उव्वलणेण वि थिबुगो अणुइन्नाए उ जं उदए ॥ ७१ ॥

ध्रुवसंकम अजहन्नो णुक्कोसो तासि वा विवज्जित्तु ।
 आवरणनवगविग्घं ओरालियसत्तगं चेव ॥७२॥
 साइयमाइ चउद्धा सेसविगप्पा य सेसगाणं च ।
 सव्वविगप्पा नेया साई अधुवा पएसम्मि ॥ ७३ ॥
 जो बायरतसकालेणूणं कम्मठिइं तु पुढवीए ।
 बायरपज्जत्तापज्जत्तगदीहेयरद्धासु ॥ ७४ ॥
 जोगकसाउक्कोसो बहुसो निच्चमवि आउबंधं व ।
 जोगजहण्णेणुवरिल्ल ठिइनिसेगं वहुं किच्चा ॥७५॥
 बायरतसेसु तक्कालमेवमंते य सत्तमखिईए ।
 सबलहुं पज्जत्तो जोगकसायाहिअो बहुसो ॥७६॥
 जोगजवमप्पउवरिं मुहुत्तमच्छित्तु जीवियवसाणे ।
 तिचरिमदुचरिमसमए पूरित्तु कसायउक्कस्सं ॥७७॥
 जोगुक्कोसं चरिमदुचरिमे समए य चरिमसमयम्मि ।
 संपुण्णगुणियकम्मो पगयं तेणेह सामित्ते ॥७८॥
 तत्तो उव्वट्टित्ता आवलिगासमयतव्वभवत्थस्स ।
 आवरणविग्घचोइसगोरालियसत्त उक्कोसो ॥७९॥
 कम्मचउक्के असुभाण बप्पमाणीण सुहुमरागंते ।

संछोभणंमि नियगे चउवीसाए नियट्टिस्स ॥८०॥
 तत्तो अणंतरागयसमयादुक्कस्स सायबंधद्धं ।
 बंधिय असायबंधालिगंतसमयम्मि सायस्स ॥८१॥
 संछोभणाए दोएहं मोहाणं वेयगस्स खणसेसे ।
 उप्पाइय सम्मत्तं मिच्छत्तगए तमतमाए ॥८२॥
 भिन्नमुहुत्ते सेसे तच्चरमावस्सगाणि किच्चेत्थ ।
 संजोयणा विसंजोयगस्स संछोभणा एसिं ॥८३॥
 ईसाणागयपुरिसस्स इत्थियाए व अठवासाए ।
 मासपुहुत्तहिब्भए नपुंसगे सब्बसंकमणे ॥८४॥
 इत्थीए भोगभूमिसु जीविय वासाणऽसंखियाणि तओ
 हस्सठिई देवत्ता सब्बलहुं सब्बसंछोभे ॥ ८५ ॥
 वरिसवरिद्धि पूरिय सम्मत्तमसंखवासियं लहियं ।
 गंता मिच्छत्तमओ जहन्नदेवठिई भोच्चा ॥ ८६ ॥
 आगंतु लहुं पुरिसं, संबुभमाणस्स पुरिसवेयस्स ।
 तस्सेव सगे कोहस्स माणमायाणमवि कसिणो ॥८७॥
 चउरुवसमित्तु खिप्पं लोभजसाणं ससंकमस्संते ।
 सुभधुवबंधिगनामाणावलिगं गंतु बंधंता ॥ ८८ ॥

निदसमा य थिरसुभा, सम्मद्विद्विस्स सुभधुवाञ्चो वि
 सुभसंघयणजुयाओ, वत्तीससयोदहिचियाञ्चो ॥८९॥
 पूरित्तु पुव्वकोडीपुहुत्त संछोभगस्स निरयदुगं ।
 देवगईनवगस्स य सगबंधंतालिगं गंतुं ॥९०॥
 सव्वचिरं सम्मत्तं, अणुपालिय पूरइत्तु मणुयदुगं ।
 सत्तमखिइनिग्गइए, पढमे समए नरदुगस्स ॥९१॥
 थावरतज्जाआयावुज्जोयाओ नपुंसगसमाओ ।
 आहारगतित्थयरं थिरसममुक्कस्स सगकालं ॥९२॥
 चउरुवसमित्तु मोहं मिच्छत्तगयस्स नीयबंधंतो ।
 उच्चागोउक्कोसो तत्तो लहुसिप्पओ होइ ॥ ९३ ॥
 पल्लासंखियभागोण कम्मठिइमच्छिओ निगोएसु ।
 सुहुमेसुऽभवियजोग्गं जहन्नयं कट्टु निग्गम्म ॥९४॥
 जोग्गोसु संखवारे सम्मत्तं लभिय देसविरयं च ।
 अट्टक्खुत्तो विरई संजोयणहा य तइवारे ॥ ९५ ॥
 चउरुवसमित्तु मोहं लहुं खवेंतो भवे खवियकम्मो ।
 पाएण तहिं पगयं पडुच्च काई वि सविसेसं ॥ ९६॥
 आवरणसत्तगम्मि उ सहोहिणा तं विणोहिजुयत्तम्मि

निहादुगंतराइयहासचउक्के य बंधंते ॥ ९७ ॥
 सायस्स णुवसमिच्चा असायबंधाण चरिमबंधंते ।
 खवणाए लोभस्स वि अपुव्वकरणाणिगाअंतंते ॥९८॥
 अयरच्छावट्टिदुगं गालिय थीवेयथीणगिच्छित्तिगे ।
 सगखवणहापवत्तस्संत एमेव मिच्छत्ते ॥९९॥
 हस्सगुणसंकमद्धाए पूरयित्ता समीससम्मत्तं ।
 चिरसम्मत्ता मिच्छत्तगयस्सुव्वलणथोगो सिं ॥१००॥
 संजोयणाण चतुरुवसमित्तु संजोजइत्तु अप्पच्छं ।
 अयरच्छावट्टिदुगं पालिय सकहप्पवत्तंते ॥१०१॥
 अट्टकसायासाए य असुभधुव्वबंधि अरिथरतिगे य ।
 सव्वल्लहं खवणाए अहापवत्तस्स चरिमम्मि ॥१०२॥
 पुरिसे संजलणतिगे य घोलमाणेण चरमवद्धस्स ।
 सगअंतिमे असाएण समा अरई य सोगो य ॥१०३॥
 वेउव्विक्कारसगं उव्वलियं बंधिउण अप्पच्छं ।
 जिठ्ठिई निरयाओ उव्वट्टित्ता अबन्धिन्नु ॥१०४॥
 थावरगयस्स चिउव्वलणे एयस्स एव उच्चस्स ।
 मणुयदुगस्स य तेउसु वाउसु वा सुहुमवद्धाणं ॥१०५॥

हस्सं कालं बन्धिय विरओ आहारसत्तगं गंतुं ।
 अविरेइ महुव्वलंतस्स तस्स जा थोव उव्वलणा ॥१०६॥
 तेवट्टिसयं उदहीण स चउपल्लाहियं अबन्धित्ता ।
 अंते अहप्पवत्तकरणस्स उज्जोवतिरियदुगे ॥१०७॥
 इगविगल्लिंदियजोग्गा अट्ट पज्जत्तगेण सह तासिं ।
 तिरियगइसमं नवरं पंचासीउदहिसयं तु ॥१०८॥
 छत्तीसाए सुभाणं सेढिमणारुहिय सेसगविहीहिं ।
 कट्टु जहन्नं खवणं अपुव्वकरणालिया अंते ॥१०९॥
 सम्मदिठ्ठिअजोग्गाण सोलसण्हं पि असुभपगईणं ।
 थीवेएण सरिसगं नवरं पढमं तिपल्लेसु ॥११०॥
 नरतिरियाण तिपल्लस्संते ओरालियस्स पाउग्गा ।
 तित्थयरस्स थ बन्धा जहन्नओ आलिगं गंतु ॥१११॥

॥ इति संक्रमकरणम् ॥

॥ अथ उद्वर्त्तनापवर्त्तनाकरणम् ॥

उव्वट्टणा ठिईए उदयावलियाए बाहिरठिईणं ।

होइ अवाहा अइत्थावणाउ जा वालिया हस्सा ॥१॥
 आवलियअसंखभागाइ जाव कम्मठिइ त्ति निक्खेवो ।
 समउत्तरालियाए सावाहाए भवे ऊणे ॥२॥
 निवाघाएणेवं वाघाए संतकम्महिगबन्धो ।
 आवलिअसंखभागादि होइ अइत्थावणा नवरं ॥३॥
 उवटंतो य ठिइं उदयावलिवाहिरा ठिइविसेसा ।
 निक्खिवइ तइअभागे समयहिए सेसमइवईय ॥४॥
 वड्डइ ततो अतित्थावणा उ जावालिया हवइ पुन्ना ।
 ता निक्खेवो समयाहिगालिग दुग्गण कम्मठिई ॥५॥
 वाघाए समऊणं कंडगमुक्कस्सिया अइत्थवणा ।
 डायठिई किंचूणा ठिइ कंडुक्कस्सगपमाणं ॥६॥
 चरमं नोव्वट्टिज्जइ जावाणंताणि फड्डगाणि ततो ।
 उस्सक्किय ओकड्डइ एवं उवट्टणाईओ ॥७॥
 थोवं पएसगुणहाणि अंतरे दुसु जहन्ननिक्खेवो ।
 कमसो अणंतगुणिओ दुसु वि अइत्थावणा तुल्ला ॥८॥
 वाघाएणणुभागक्कंडगमेक्काए वग्गणाऊणं ।
 उक्कोसो निक्खेवो ससंतबंधो य सविसेसो ॥९॥

आवन्धा उक्कड्डइ सव्वहितोकड्डणा ठिइरसाणं ।
किट्ठीवज्जे उभयं किट्ठिसु ओवट्टणा नवरं ॥१०॥

॥ इति उद्वर्तनापवर्तनाकरणम् ॥

॥ अथ उदीरणाकरणम् ॥

जं करणेणोकड्डिय उदए दिज्जइ उदीरणा एसा ।
पगइठिइअणुभागप्पएसमूलुत्तरविभागा ॥१॥
मूलपगईसु पंचणह तिहा दोणहं चउव्विहा होइ ।
आउस्स साइ अधुवा दसुत्तरसउत्तरासिंपि ॥२॥
मिच्छत्तस्स चउद्धा तिहा य आवरणविग्घचउदसगे ।
धिरसुभ सेयर उवघायवज्ज धुवबंधिनामे य ॥३॥
घाईणं छउमत्था उदीरगा रागिणो य मोहस्स ।
तइयाऊण पमत्ता जोगंता उ त्ति दोणहं च ॥४॥
विग्घावरणधुवाणं छउमत्था जोगिणो उ धुवगाणं ।
उवघायस्स तणुत्था तणुकिट्ठीणं तणुगरागा ॥५॥
तसवायरपज्जत्तग सेयर गइजाइदिठिवेयाणं ।

आजण य तन्नामा पत्तेगियरस्स उ तणुत्था ॥६॥
 आहारग नरतिरिया सरीरदुगवेयए पमोत्तणं ।
 ओरालाए एवं तदुवंगाए तसजियाओ ॥७॥
 वेउव्वियाए सुरनेरईया आहारगा नरो तिरिओ ।
 सग्गी वायरपवणो य लद्धिपज्जत्तगो होज्जा ॥८॥
 वेउव्विउवंगाए तणुत्तुल्ला पवणवायरं हिच्चा ।
 आहारगाए विरओ विउव्वयंतो पमत्तो य ॥९॥
 उण्हं संठाणाणं संघयणाणं च सगलतिरियनरा ।
 देहत्था पज्जत्ता उत्तमसंघयणिणो सेढी ॥१०॥
 चउरंसस्स तणुत्था उत्तरतणु सगलभोगभूमिगया ।
 देवा इयरे हुंडा तसतिरियनरा य सेवट्टा ॥११॥
 संघयणाणि न उत्तरतणुसु तन्नामगा भवंतरगा ।
 अणुपुव्वीणं परघायस्स उ देहेण पज्जत्ता ॥१२॥
 वायरपुढवी आयावस्स य वज्जित्तु सुहुमसुहुमतसे ।
 उज्जोयस्स य तिरिए उत्तरदेहो य देवजई ॥१३॥
 सगलो य इठखगइ उत्तरतणुदेवभोगभूमिगया ।
 इट्टसराए तसो वि य इयरासि तसा सनेरइया ॥१४॥

उस्सासस्स सराण य पज्जत्ता आणपाणभासासु ।
 सव्वन्नूणुस्सासो भासा वि य जा न रुज्झंति ॥१५॥
 देवो सुभगाएज्जाण गप्पवक्कंतिओ य कित्तीए ।
 पज्जत्तो वज्जित्ता ससुहुमनेरइयसुहुमतसे ॥ १६ ॥
 गोउत्तमस्स देवा नरा य वइणो चउण्हमियरासिं ।
 तवइरित्ता तित्थगरस्स उ सव्वन्नूयाए भवे ॥१७॥
 इंदियपज्जत्तीए दुसमयपज्जत्तगाए पाउग्गा ।
 निदापयद्दाणं खीणरागखवगे परिच्चज्ज ॥ १८ ॥
 निदानिदाईण वि असंखवासा य मणुयतिरिया य ।
 वेउव्वाहारतणू वज्जित्ता अप्पमत्ते य ॥ १९ ॥
 वेयणियाण पमत्ता ते ते बंधंतगा कसायाणं ।
 हासाईळक्कस्स य अपुव्वकरणस्स चरमंतं ॥२०॥
 जावूणखणो पढमो सुहरइहासाणमेवमियरासिं ।
 देवा नेरइया वि य भवठिइ केइ नेरइया ॥२१॥
 पंचणहं च चउण्हं बिइए एक्काइ जा दसण्हं तु ।
 तिगहीणाइ मोहे मिच्छे सत्ताइ जाव दस ॥२२॥
 सासणमीसे नव अविरए य ठाई पग्ग्मि पंचाई ।

अट्ट विरए य चउराइ सत्त छच्चोवरिल्लंमि ॥२३॥
 अनियट्टिमि दुगेगं लोभो तणुरागेगो चउवीसा ।
 एक्कगछक्केक्कारस दस सत्त चउक्क एक्काओ ॥२४॥
 एग वियालापण्णाइ सत्तपण्णत्ति गुणिसु नामस्स ।
 नव सत्त तिन्नि अट्ट य छ पंच य अत्तमत्ते दो ॥२५॥
 एगं पंचसु एक्कम्मि अत्त षाणक्कमेण भंगा वि ।
 एक्कग तीसेक्कारस इगवीस सबार तिसए य ॥२६॥

इगवीसा छच्च सया छहि अहिया नवसया य एगहि ॥२७॥
 अउणुत्तराणि चउदस सयाणि गुणनउइ पंचसया ॥ २७ ॥
 पंच नव नवगछक्काणि गइसु षाणाणि सेसकम्माणं ।
 एगेगमेव नेयं साहित्तेगेगपगइउ ॥ २८ ॥
 संपत्तिए अ उदए पओगओ दिस्सए उईरणा सा ।
 सेचीका ठिइहितो जाहितो तत्तिगा एसा ॥ २९ ॥

मूलठिई अजहन्ना मोहस्स चउव्विहा तिहा सेसा ।
 वेयणियाऊण दुहा सेसविगप्पा च सब्वासिं ॥३०॥
 मिच्छत्तस्स चउद्धा अजहन्ना धुवउदीरणाण तिहा ।
 सेस विगप्पा दुविहा सबविगप्पा य सेसाणं ॥३१॥

अद्वाच्छेओ सामित्तं पिय ठिइसंकमे जहा नवरं ।
 तव्वेइसु निरयगईए वा वि तिसु हिट्ठिमखिईसु ॥३२॥
 देवगतिदेवमणुयाणुपुवी आयाव विगलसुहुमतिगे ।
 अंतोमुहुत्त भग्गा तावइगूणं तदुक्कस्सं ॥ ३३ ॥
 तित्थयरस्स य पल्लासंखिज्जइमे जहन्नगे इत्तो ।
 थावरजहन्नसंतेण समं अहिगं व बन्धन्तो ॥३४॥
 गन्तूणावलिमित्तं कसायवारसगभयदुगंछाणं ।
 निद्दाइपंचगस्स य आयावुज्जोयनामस्स ॥ ३५ ॥
 एगिंदियजोग्गाणं इयरा बंधित्तु आलिगं गन्तुं ।
 एगिंदियागए तठिईए जाईणमवि एवं ॥ ३६ ॥
 वेयणिया नोकसाया समत्तसंघयणपंचनीयाण ।
 तिरियदुग अयस दूभगणाइज्जाणं च सन्निगए ॥३७॥
 अमणागयस्स चिरठिइ अंत सुरनरयगइउर्वगाणं ।
 अणुपुवी तिसमइगे नराण एगिंदियागयगे ॥ ३८ ॥
 समयाहिगालियाए पढमठिईए उ सेसवेलाए ।
 मिच्छत्ते वेएसु य संजलणासु वि य समत्ते ॥ ३९ ॥
 पल्लासंखियभागूणुदहो एगिंदियागए मिस्से ।

बेसत्तभागवेउठ्वियाए पवणस्स तस्संते ॥ ४० ॥
 चउरुवसमेत्त पेज्जं पच्छा मिच्छं खवेत्तु तेत्तीसा ।
 उक्कोससंजमद्धा अंते सुतणूउवंगाणं ॥ ४१ ॥
 छउमत्थखीणरागे चउदस समयाहिगालिगटिईए ।
 सेसाणुदीरणंते भिन्नमुहुत्तो ठिईकालो ॥ ४२ ॥
 अणुभागुदीरणाए सन्ना य सुभासुभा विवागो य ।
 अणुभागबंधभणिया नाणत्तं पच्चया चेमे ॥ ४३ ॥
 मीसं दुष्ठाणे सव्वघाइदुष्ठाणएगठाणे य ।
 सम्मत्तमंतरायं च देसघाई अचक्कू य ॥ ४४ ॥
 ठाणेषु चउसु अपुमं दुष्ठाणे कक्कडं च गुरुकं च ।
 अणुपुव्वीओ तीसं नरतिरिएगंतजोग्गा य ॥ ४५ ॥
 वेया एगठाणे दुष्ठाणे वा अचक्खु चक्खू य ।
 जस्सत्थि एगमवि अक्खरं तु तस्सेगठाणाणि ॥४६॥
 मणनाणं सेससमं मीसगसम्मत्तमवि य पावेसु ।
 छट्ठाणवडियहीणा संतुक्कस्सा उदीरणया ॥ ४७ ॥
 विरियंतरायकेवलदंसणमोहणीयणाणवरणाणं ।
 असमत्तपज्जएसु सव्वदव्वेसु उ विवागो ॥ ४८ ॥

गुरुलघुगा णंतपएसिएसु चक्खुस्स रूविदव्वेसु ।
 ओहिस्स गहणधारणजोग्गे सेसंतरायाणं ॥ ४९ ॥
 वेउव्वियतेयगकम्मवन्नरसगंधनिद्धलुक्खाओ ।
 सीउण्ह थिरसुभेयरअगुरुलघुगो य नरतिरिए ॥ ५० ॥
 चउरंसमउयलहुगापरघाउज्जोयइठखगइसरा ।
 पत्तेगतणू उत्तरतणूसु दोसु वि य तणू तइया ॥ ५१ ॥
 देस विरयविरयाणं सुभगाएज्जजसकित्तिउच्चाणं ।
 पुव्वाणुपुव्विगाए असंखभागो थियाईणं ॥ ५२ ॥
 तित्थयरं घाईणि य परिणामपच्चयाणि सेसाओ ।
 भवपच्चइया पुव्वुत्ता वि य पुव्वुत्तसेसाणं ॥ ५३ ॥
 घाईणं अजहन्ना दोण्हमणुक्कोसियाओ तिविहाओ ।
 वेयणिएणुक्कोसा अजहन्ना मोहणीए उ ॥ ५४ ॥
 साइअणाई धुव अधुवा य तस्सेसिगा य दुव्विगप्पा
 आउस्स साइ अधुवा सव्वविगप्पा उ विन्नेया ॥ ५५ ॥
 मउलहुगाणुक्कोसा चउव्विहा तिण्हमवि य अजहन्ना
 णाइगधुवा य अधुवा वीसाए होयणुक्कोसा ॥ ५६ ॥
 तेवीसाए अजहन्ना विय एयासि सेसगविगप्पा ।

सव्वविगप्पा सेसाण वावि अधुवा य साई य ॥ ५७
 दाणाइ अचक्खूणं जेठा आइम्मि हीणलद्धिस्स ।
 सुहुमस्स चक्खुणो पुण तेइंदिय सव्वपज्जत्ते ॥५८॥
 निद्दाइपंचगस्स य मज्झिमपरिणामसंकिलिठस्स ।
 अपुमादि असायाणं निरए जेठा ठिइसमत्ते ॥५९॥
 पंचिंदियतसवायरपज्जत्तगसाइसुस्सरगईणं ।
 वेज्जवुस्सासाणं देवो जेट्टुठिइसमत्तो ॥ ६० ॥
 सम्मत्तमीसगाणं सेकाले गहिहिइत्ति मिच्छत्तं ।
 हासरईणं सहस्सारगस्स पज्जत्तदेवस्स ॥ ६१ ॥
 गइहुंडुवघायाणिखठगइनीयाण दुहचउक्कस्स ।
 निरउक्कस्ससमत्ते असमत्ताए नरस्संते ॥ ६२ ॥
 कक्खडगुरुसंघयणात्थीपुमसंठाणतिरियनामाणं ।
 पंचिंदियो तिरिक्खो अट्टमवासट्टुवासाओ ॥ ६३॥
 मणुओरालियवज्जरिसहाण मणुओ तिपल्लपज्जत्तो ।
 नियगठिई उक्कोसो पज्जत्तो आउगाणं पि ॥६४॥
 हस्सट्टिइ पज्जत्ता तन्नामा विगलजाइसुहुमाणं ॥
 थावरनिगोयएगिंदियाणमवि वायरो नवरिं ॥ ६५ ॥

आहारतणू पज्जत्तगो य चउरंसमउयलहुगाणं ।
 पत्तेयखगइपरघायाहारतणूण य विसुद्धो ॥ ६६ ॥
 उत्तरवेउठ्विजई उज्जोवस्सायवस्स खरपुढवी ।
 नियगगईणं भणिया तइए समए णुपुढवीणं ॥६७॥
 जोगंते सेसाणं सुभाणमियरासि चउसु वि गईसु ।
 पज्जत्तुककडमिच्छस्सोहीणमणोहिलद्धिस्स ॥ ६८ ॥
 सुयकेवलिणो मइसुयचक्खुअचक्खूणुदीरणा मंदा ।
 विपुलपरमोहिगाणं मणणाणोही दुगस्सावि ॥६९॥
 खवणाए विग्घकेवल्लसंजलणाण य सनोकसायाणं ।
 सयसयउदीरणंते निदापयलाणमुवसंते ॥ ७० ॥
 निदानिदाईणं पमत्तविरए विसुप्पमाणम्मि ।
 वेयगसम्मत्तस्स उ सगखवणोदीरणाचरमे ॥ ७१ ॥
 सेकाले सम्मत्तं ससंजमं गिण्हओ य तेरसगं ।
 सम्मत्तमेव मीसे आज्जण जहन्नगठिईसु ॥ ७२ ॥
 पोग्गलविवागियाणं भवाइसमये विसेसमवि चासिं ।
 आइतणूणं दोण्हं सुहुमो वाज्ज य अप्पाज्ज ॥ ७३ ॥
 बेइंदिय अप्पाउग निरय चिरिठिई असन्निणो वा वि

अंगोवंगाणाहारगाए जइणोप्पकालम्मि ॥७४॥
 अमणो चउरंसुसभाणण्पाऊ सगचिरट्टिई सेसे ।
 संघयणाण य मणुओ हुंडुवघायाणमवि सुहुमो ॥७५॥
 सेवट्टस्स विइंदिय वारसवासस्स मउयलहुगाणं ।
 सन्नि विसुद्धाणाहारगस्स वीसा अइकिलिठे ॥७६॥
 पत्तेगमुरालसमं इयं हुंडेण तस्स परघाओ ।
 अप्पाउस्स य आयावुज्जोयाणमवि तज्जोगो ॥७७॥
 जा नाउज्जियकरणं तित्थगरस्स नवगस्स जोगंते ।
 कक्खडगुरूणमंथे नियत्तमाणस्स केवलिणो ॥७८॥
 सेसाण पगइवेई मप्पिमपरिणामपरिणओ होज्जा ।
 पच्चयसुभासुभा वि य चिंतिय नेओ विवागे य ॥७९॥
 पंचणहमणुक्कोसा तिहा पएसे चउव्विहा दोण्हं ।
 सेसविगप्पा दुविहा सव्वविगप्पा य आउस्स ।
 मिच्छत्तस्स चउद्धा सगयालाए तिहा अणुक्कोसा ।
 सेसविगप्पा दुविहा सव्वविगप्पा य सेसाणं ॥८१॥
 अणुभागुदीरणाए जहन्नसामी पएसजेष्ठाए ।
 घाईणं अन्नयरो ओहीण विणोहिलंभेण ॥ ८२ ॥

वेद्यगियाणं गहिहिइ से काले अप्पमायमिय विरओ ।
 संघयणपणगतणुदुगउज्जोया अप्पमत्तस्स ॥८३॥
 देवनिरयाउगाणं जहन्नजेठट्ठिई गुरुअसाए ।
 इयराऊण वि अट्टमवासे णेयोऽदुवासाऊ ॥८४॥
 एगंत तिरियजोग्गा नियगविसिठ्ठेसु तह अपज्जत्ता ।
 संमुच्छिममणुयंते तिरियगई देसविरयस्स ॥८५॥
 अणुपुव्विगइदुगाणं सम्मदिट्ठी उ दूभगार्इणं ।
 नीयस्स य से काले गहिहिइ विरय त्ति सो चेव ॥८६॥
 जोगंतुदीरगाणं जोगंते सरदुगाणुपाणूणं ।
 नियगंते केवलिणो सब्बविसुद्धीए सब्बासिं ॥ ८७॥
 तप्पगओदीरगतिसंकिलिठ्ठभावो अ सब्बपगार्इणं ।
 नेयो जहन्नसामी अणुभागुत्तो य तित्थयरे ॥ ८८ ॥
 ओहीणं ओहिजुए अइसुहवेईयआउगाणं तु ।
 पढमस्स जहन्नठिई सेसाणुक्कोसगठिईओ ॥८९॥

॥ इति उदीरणाकरणम् ॥

॥ अथ उपशमनाकरणम् ॥

करणकया करणा वि य दुविहा उवसामण तथ विइयाए
अकरणअणुइन्नाए अणुओगधरे पणिवयामि ॥ १ ॥
सवस्स य देसस्स य करणुवसमणा दुसन्नि एक्किक्का ।
सव्वस्स गुणपसत्था देसस्स वि तासि विवरीया ॥२॥
सव्वुवसमणा मोहस्सेव उ तस्सुवसमक्किया जोग्गो ।
पंचेदिओ उ सन्नी पज्जत्तो लद्धितिगजुत्तो ॥३॥
पुव्वं पि विसुप्पंतो गंठियसत्ताणइक्कमिय सोहिं ।
अन्नयरे सागारे जोगे य विसुद्धत्तेसासु ॥ ४ ॥
ठिइ सत्तकम्म अंतोकोडीकोडी करेत्त सत्तण्हं ।
दुष्ठाणं चउष्ठाणे असुभ सुभाणं च अणुभागं ॥५॥
बंधंतो धुवपगडी भवपाउग्गा सुभा अणाऊ य ।
जोगवसा य पएसं उक्कोसं मप्पिम जहण्हं ॥६॥
ठिइबंधच्चापूरे नवबंधं पल्लसंखभागूणं ।
असुभसुभाणणुभागं अणंतगुणहाणिवुड्डीहिं ॥७॥
करणं अहापवत्तं अपुव्वकरणमनियट्टिकरणं च ।

अंतोमुहुत्तियाइं उवसंतद्धं च लहइ कमा ॥८॥
अणुसमयं वडुंतो अप्रवसाणाण णंतगुणणाए ।
परिणामघाणाणं दोसु वि लोगा असंखिज्जा ॥९॥
मंदविसोही पढमस्स संखभागाहि पढमसमयम्मि ।
उक्कस्सं उप्पिमहो एक्केकं दोण्ह जीवाणं ॥१०॥
आचरमाओ सेसुक्कोसं पुव्वप्पवत्तमिइनामं ।
विइयस्स विइयसमए जहणमवि अणंतरुक्कस्सा ११॥
निव्वयणमवि ततो से ठिइरसघायठिइबंधगच्चा उ ।
गुणसेढी वि य समगं पढमे समये पवत्तंति ॥१२॥
उयहिपुहत्तुक्कस्सं इयरं पल्लस्स संखतमभागो ।
ठिइकंडगमणुभागाणणंतभागा मुहुत्तंते ॥१३॥
अणुभागकंडगाणं बहुहिं सहस्सेहिं पूरण एक्कं
ठिइकंड सहस्सेहिं तेसिं वीयं समाणेहिं ॥ १४ ॥
गुणसेढी निक्खेवो समये समये असंखगुणणाए ।
अच्चादुगाइरित्तो सेसे सेसे य निक्खेवो ॥ १५ ॥
अनियट्टिम्मि वि एवं तुल्ले काले समा तओ नामं ।
संखिज्जइमे सेसे भिन्नमुहुत्तं अहो मुच्चा ॥ १६ ॥

किंचूणमुहत्तसमं ठिइबंधद्धाइ अंतरं किञ्चा ।
 आवलिदुगेक्कसेसे आगाल उदीरणा समिया ॥१७॥
 मिच्छत्तुदए खीणे लहए सम्मत्तमोवसमियं सो ।
 लंभेण जस्स लप्पइ आयहियमलद्धपुव्वं जं ॥१८॥
 तं कालं बीयठिइं तिहाणुभागेण देसघाइ तथ ।
 सम्मत्तं सम्मिस्सं मिच्छत्तं सव्वघाइओ ॥ १९ ॥
 पढमे समए थोवो सम्मत्ते मीसए असंखगुणो ।
 अणुसमयमवि य कमसो भिन्नमुहुत्ता हि विप्राओ २०
 ठिइरसघाओ गुणसेढी विय तावं पि आउवज्जाणं ।
 पढमठिइए एगदुगावलिसेसम्मि मिच्छत्ते ॥२१॥
 उवसंतद्धा अंते विहिणा ओकट्टियस्स दलियस्स ।
 अप्पवसाणणुरूवस्सुदओ तिसु एक्कयरयस्स ॥२२॥
 सम्मत्तपढमलंभो सव्वोवसमा तथा विगिठो य ।
 छालिगसेसाइ परं आसाणं कोइ गच्छेज्जा ॥ २३ ॥
 सम्मदिठी जीवो उवइट्ठं पवयणं तु सदहइ ।
 सदइह असव्भावं अजाणमाणो गुरुनियोगा ॥२४॥
 मिच्छदिट्ठी नियमा उवइठं पवयणं न सदहइ ।

सदहइ असब्भावं उवइठं वा अणुवइठं ॥ २५ ॥
 सम्मामिच्छद्दिट्ठी सागारे वा तहा अणागारे ।
 अह वंजणोग्गहम्मि य सागारे होइ नायवो ॥ २६ ॥
 वेयगसम्मदिट्ठी चरित्तमोहुवसमाए चिठंतो ।
 अजओ देसजई वा विरतो व विसोहिअद्धाए ॥ २७ ॥
 अन्नाणाणब्भुवगमजयणाहजओ अवज्जविरईए ।
 एगवयाइ चरिमो अणुमइमित्तो त्ति देसजई ॥ २८ ॥
 अणुमइविरथो य जई दोणह वि करणाणि दोण्ह न
 उ तईयं ।
 पच्छा गुणसेढी सिं तावइया आलिगा उप्पिं ॥ २९ ॥
 परिणामपच्चया उ णाभोगगया गया अकरणा उ ।
 गुणसेढी सिं निच्चं परिणामा हाणिवुद्धिजुया ॥ ३० ॥
 चउगइया पज्जत्ता तिन्नि वि संयोयणा विजोयंति ।
 करणेहिं तीहिं सहिया नंतरकरणं उवसमो वा ॥ ३१ ॥
 दंसणमोहे वि तहा कयकरणद्धाइ पच्छिमे होइ ।
 जिणकालगो मणुस्सो पठवगो अट्ठवासुप्पिं ॥ ३२ ॥
 अहवा दंसणमोहं पुढवं उवसामइत्तु सामन्ने ।

पढमठिइमावलियं करेइ दोणहं अणुदियाणं ॥३३॥
 अद्धापरिवित्तीओ पमत्त इयरे सहस्ससो किच्चा ।
 करणाणि तिन्नि कुणए तइयविसेसे इमे सुणसु ॥३४॥
 अंतोकोडाकोडी संतं अनियट्टिणो य उदहीणं ।
 बंधो अंतोकोडी पुव्वकमा हाणि अप्पवहू ॥ ३५ ॥
 ठिइकंडगमुक्कस्सं पि तस्स पल्लस्स संखतमभागो ।
 ठिइबंधवहुसहस्से सेक्केक्कं जं भणिस्सामो ॥३६॥
 पल्लदिवद्धुविपल्लाणि जाव पल्लस्स संखगुणहाणी ।
 मोहस्स जाव पट्ठं संखेज्जइभागहाऽमोहा ॥३७॥
 तो नवरमसंखगुणा एक्कपहारेण तीसगाणमहो ।
 मोहे वीसग हेठा य तीसगागुप्पि तइयं च ॥ ३८ ॥
 तो तीसगाणमुप्पिं च वीसगाइं असंखगुणणाए ।
 तइयं च विसगाहि य विसेसमहियं कमेणेति ॥३९॥
 अहुदीरणा असंखेज्जसमयवद्धाण देसघाइ त्थ ।
 दाणंतराय मणपज्जवं च तो ओहिदुगलाभो ॥४०॥
 सुयभोगाचक्खूओ य ततो मई सपरिभोगा ।
 विरियं च असेट्ठिगया बंधंति उ सव्वघाईणि ॥४१॥

संजमघाईणंतरमेत्थ उ पढमट्टिई य अन्नयरे ।
 संजलणावेयाणं वेइज्जंतीण काळसमा ॥४२॥
 दुसमयकयंतरे आलिगाण छण्हं उदीरणाभिनवे ।
 मोहे एक्कछाणे बंधुदया संखवासाणि ॥४३॥
 संखगुणहाणिवंधो एत्तो सेसाण संखगुणहाणी ।
 पउवसमए नपुंसं असंखगुणणाइ जावंतो ॥४४॥
 एवित्थी संखतमे गयम्मि घाईण संखवासाणि ।
 संखगुणहाणि एत्तो देसावरणाणुदगराई ॥ ४५ ॥
 ता सत्तण्हं एवं संखतमे संखवासितो दोण्हं ।
 विइयो पुण ठिइबंधो सव्वेसिं संखवासाणि ॥४६॥
 छस्सुवसमिज्जमाणे सेक्का उदयठिई पुरिससेसा ।
 समऊणावलिगदुगे बद्धा वि य तावदद्धाए ॥४७॥
 तिविहमवेओ कोहं कमेण सेसेवि तिविहतिविहे वि ।
 पुरिससमा संजलणा पढमट्टिई आलिगा अहिगा ॥४८
 लोभस्स बेतिभागा ठिइय विभागोत्थ किट्टकरणद्धा ।
 एगफडुगवग्गणअणंतभागो उ ता हेछा ॥४९॥
 अणुसमयं सेढीए असंखगुणहाणि जा अपुव्वाओ ।

तविवरीयं दलियं जहन्नगाई विसेसूणं ॥५०॥
 अणुभागो णंतगणो चाउम्मासाइ संखभागूणो ।
 मोहे दिवसपुहुत्तं किट्टीकरणाइसमयम्मि ॥५१॥
 भिन्नमुहुत्तो संखिज्जेसु य घाईण दिणपुहुत्तं तु ।
 वाससहस्सपुहुत्तं अंतोदिवसस्स अंते सिं ॥ ५२॥
 वाससहस्सपुहुत्ता विवस्स अंतो अघाइकम्माणं ।
 लोभस्स अणुवसंतं किट्टीओ जं च पुव्वुत्तं ॥५३॥
 सेसच्चं तणुरागो तावईया किट्टिओ य पढमठिई ।
 वज्जिय असंखभागं हेहुवरिमुदीरई सेसा ॥५४॥
 गिण्हंतो य मुयंतो असंखभागं तु चरमसमयम्मि ।
 उवसामेइय विईय ठिइं पि पुव्वं व सव्वच्चं ॥५५॥
 उवसंतद्धा भिन्नमुहुत्तो तीसे य संखतमतुल्ला ।
 गुणसेढी सव्वच्चं तुल्ला य पएसकाक्षेहिं ॥५६॥
 उवसंता य अकरणा संकमणोवट्टणा य दिट्ठितिगे ।
 पच्छाणुपुव्विगाए परिवडइ पमत्तविरतोत्ति ॥५७॥
 ओकट्टित्ता विइठिइहिं उदयादिसुं खिवइ दव्वं ।
 सेढीइ विसेसूणं आवलिउप्पि असंखगुणं ॥५८॥

वेङ्जंतीणेवं इयरासिं आलिगाइ बाहिरओ ।
न हि संकमोणुपुठ्विं छावलिगोदीरणाउप्पिं ॥५९॥
वेङ्जमाणसंजलणद्धाए अहिगा उ मोहगुणसेढी
तुडला य जयारूढो अतो य सेसेहि से तुडला ॥६०॥
खवगुवसामगपडिवयमाणदुगुणो तहिं तहिं बंधो ।
अणुभागो णंतगुणो असुभाण सुभाण विवरोओ ॥ ६१॥
किच्चा पमत्ततदियरठाणे परिवत्ति बहुसहस्साणि ।
हिट्ठिल्लाणंतरदुगं आसाणं वा वि गच्छिज्जा ॥६२॥
उवसमसम्मत्तद्धा अंतो आउक्खया धुवं देवो ।
तिसु आउगेषु बद्धेषु जेण सेढिं न आरुहइ ॥६३॥
उग्घाडियाणि करणाणि उदयट्ठिइमाइगं इयरतुडलं ।
एगभवे दुक्खुत्तो चरित्तमोहं उवसमेइ ॥६४॥
उदयं वज्जी इत्थी इत्थिं समयइ अवेयगा सत्त
तह वरिसवरो वरिसवरिं इत्थिं समगं कमारद्धे ॥६५॥

॥ इति सर्वोपशमना ॥

॥ अथ देशोपशमना ॥

पगइठिई अणुभागप्पएसमूळुत्तराहि पविभत्ता ।
 देसकरणोवसमणा तीए समियस्स अठपयं ॥६६॥
 उवट्टणओवट्टणसंकमणाइं च तिननि करणाइं ।
 पगइंतयासमईओ पहू नियट्टिमि वट्टंतो ॥ ६७ ॥
 दंसणमोहाणंताणुबंधिणं सगनियट्टिओ णुप्पि ।
 जा उवसमे चउद्धा मूळुत्तरणाइसंताओ ॥ ६८ ॥
 चउरादिजुया वीसा एकवीसा य मोहठाणाणि ।
 संकमनियट्टिपाउग्गाइं सजसाइं नामस्स ॥ ६९ ॥
 ठिइसंकम व ठिइउवसमणा णवरि जहन्निया कज्जा
 अब्भवसिद्धि जहन्ना उवल्लगनियट्टिगे वियरा ॥७०॥
 अणुभागसंकमसमा अणुभागुवसामणा नियट्टिमि ।
 संकमप्पएसतुल्ला पएसुवसामणा चेतथ ॥ ७१ ॥

॥ इति देशोपशमना ॥

॥ अथ निद्धत्तिनिकाचनाकरणम् ॥

देसोवसमणतुल्ला होइ निहत्ती निकाइया नवरं ।
 संकमणं पि निहत्तीइ नत्थि सेसाण वियरस्स ॥ १ ॥
 गुणसेढिपएसग्गं थोवं पत्तेगसो असंखगुणं ।
 उवसमणाइसु तीसु वि संकमणेहप्पवत्ते य ॥ २ ॥
 थोवा कसायउदया ठिइबंधोदीरणा य संकमणा ।
 उवसामणाइसु अप्पवसाया कमसो असंखगुणा ॥ ३ ॥
 ॥ इति निद्धत्तिनिकाचनाकरणम् ॥

॥ अथ उदयः ॥

उदओ उदीरणाए तुल्लो मीत्तूण एक्कचत्तालं ।
 आवरणविग्घसंजलणलोभवेए य दिठ्ठिदुगं ॥ १ ॥
 आलिगमहिगं वेएति आउगाणं पि अप्पमत्ता वि ।
 वेयणियाण य दुसमय तणुपज्जत्ता य निहाओ ॥२॥
 मणुयगइजाइतसवायरं च पज्जत्तसुभगमाएज्जं ।

जसकित्तिमुच्चगोयं चाजोगी केइ तित्थयरं ॥३॥
ठिइउदओ वि ठिइक्खयपओगसाठिइउदीरणा अहिगो
उदयठिईए हस्सो ठत्तीसा एग उदयठिई ॥ ४ ॥
अणुभागुदओ वि जहन्न नवरि आवरण विग्घवेयाणं ।
संजलणलोभसम्मत्ताण य गंतूणमावलिंगं ॥ ५ ॥
अजहन्नाणुक्कोसा चउ त्तिहा छणह चउ विवहा मोहे ।
आउस्स साइ अधुवा सेसविगप्पा य सव्वेसिं ॥६॥
अजहन्नाणुक्कोसो सगयालाए चउत्तिहा चउहा ।
मिच्छत्ते सेसासिं दुविहा सव्वे य सेसाणं ॥७॥
सम्मत्तुप्पा सावय विरए संजोयणाविणासे य ।
दंसणमोहक्खवगे कसाय उवसामगुवसंते ॥८॥
खवगे य खीणमोहे जिणे य दुविहे असंखगुणसेढी ।
उदओ तविवरीओ कालो संखेज्जगुणसेढी ॥९॥
तिन्नि वि पढमिल्लाओ मिच्छत्तगए वि होज्ज अन्नभवे
पगयं तु गुणियकम्मे गुणसेढीसीसगाणुदये ॥१०॥
आवरणविग्घमोहाण जिणोदइयाण वावि नियगंते ।
लहुखवणाए ओहीणणोहिलद्धिस्स उक्कस्सो ॥११॥

उवसंतपढमगुणसेढीए निहादुगस्स तस्सेव ।
 पावइ सीसगमुदर्यति जायदेवस्स सुरनवगे ॥१२॥
 मिच्छत्तमीसणंताणुबंधिअसमत्तथीणगिच्छीणं ।
 तिरिउदएंगताण य विइया तइया य गुणसेढी ॥१३॥
 अंतकरणं होहि त्ति जाय देवस्स तं मुहुत्तंतो ।
 अछण्हकसायाणं छण्हं पि य नोकसायाणं ॥१४॥
 हस्सठिइं बंधित्ता अच्चाजोगाइठिइनिसेगाणं ।
 उक्कस्सपए पढमोदयम्मि सुरनारगाऊणं ॥
 अच्चाजोगुक्ककोसो बंधित्ता भोगभूमिगेसु लहुं ।
 सव्वप्पजीवियं वज्जइत्तु ओवट्टिया दोण्हं ॥१६॥
 दूभगणाएज्जाजस गइदुगअणुपुव्वितिगसनीयाणं ।
 दंसणमोहक्खवणे देसविरइ विरइगुणसेढी ॥१७॥
 संघयणपंचगस्स य विइयाईतिन्नि हेांति गुणसेढी ।
 आहारगउज्जोयाणुत्तरतणु अप्पमत्तस्स ॥१८॥
 वेइंदिय थावरगो कम्मं काऊण तस्समं खिप्पं ।
 आयावस्स उ तव्वेइ पढमसमयम्मि वट्टंतो ॥१९॥
 पगयं तु खवियकम्मे जहन्नसामी जहन्नदेवठिइ ।

भिन्नमुहुत्ते सेसे मिच्छत्तगतो अतिकिलिष्ठो ॥२०॥
 कालगण्गिंदियगो पढमे समथे व मइसुयावरणे ।
 केवलदुगमणपज्जवचक्खुअचक्खूण आवरणा ॥२१॥
 अओहीणसंजमाओ देवत्तगए गयस्स मिच्छत्तं ।
 उक्कोसठिइबंधे विकड्डुणा आलिंगं गंतुं ॥२२॥
 वेयणियंतरसोगारउच्च ओहि व्व निहपयला य ।
 उक्कस्स ठिईबंधा पडिभग्गपवेइया नवरं ॥ २३ ॥
 वरिसवरतिरियथावरनीयं पि य मइसमं नवरि तिन्नि ।
 निहानिदा इंदियपज्जत्ती पढमसमयम्मि ॥ २४ ॥
 दंसणमोहे तिविहे उदीरणुदए उ आलिंगं गंतुं ।
 सत्तरसण्ह वि एवं उवसमइत्ता गए देवे ॥ २५ ॥
 चउरुवसमित्तु पच्छा संजोइय दीहकालसम्मत्ता ।
 मिच्छत्तगए आवलिगाए संजोयणाणं तु ॥ २६ ॥
 इत्थीए संजमभवे सव्वनिरुद्धम्मि गंतु मिच्छत्तं ।
 देवीए लहुमिच्छी जेठठिइ आलिंगं गंतुं ॥ २७ ॥
 अप्पद्धाजोगचियाणाऊणुक्कस्सगठिईणंते ।
 उवरिं थोवनिसेगे चिरतिव्वासायवेईणं ॥ २८ ॥

संजोयणा विजोजिय देवभवजहन्नगे अइनिरुद्धे ।
 बंधिय उक्कस्सठिई गंतूणेगिंदिया सन्नी ॥२९॥
 सव्वलहुं नरयगए निरयगई तम्मि सव्वपज्जत्ते ।
 अणुपुव्वीओ य गईतुल्ला नेया भवादिम्मि ॥३०॥
 देवगई ओहिसमा नवरिं उज्जोयवेयगो ताहे ।
 आहार जाय अइचिरसंजममणुपालिऊणंते ॥३१॥
 सेसाणं चक्खुसमं तंमि व अन्नंमि व भवे अचिरा ।
 तज्जोगा बहुगीओ पवेययं तस्स ता ताओ ॥३२॥

॥ इति उदयः ॥

॥ अथ सत्ता ॥

मूलुत्तरपगइगयं चउव्विहं संतकम्ममवि नेयं ।
 धुवमद्धवणाईयं अऊणहं मूलपगईणं ॥ १ ॥
 दिछिदुगाउगछग्गति तणुचोदसगं च तित्थगरमुच्चं ।
 दुविहं पढमकसाया हेअंति चउद्धा तिहा सेसा ॥२॥
 छउमत्थंता चउदस दुचरमसमयंमि अत्थि दो निहा ।

बद्धाणि ताव आऊणि वेइयाइं ति जा कसिणं ॥३॥
तिसु मिच्छत्तं नियमा अट्टसु ठाणेषु होइ भइयव्वं ।
आसाणे सम्मत्तं नियमा सम्मं दससु भज्जं ॥४॥
विइयतइंएसु मिस्सं नियमा ठाणनवगम्मि भयणिज्जं
संजोयणा उ नियमा दुसु पंचसु होइ भइयव्वं ॥५॥
खवगानियट्टिअद्धा संखिज्जा हेअंति अट्ट वि कसाया ।
निरयतिरियतेरसगं निदानिदातिगेणुवरिं ॥६॥
अपुमित्थीए समं वा हासच्छक्कं च पुरिससंजलणा ।
पत्तेगं तस्स कमा तणुरागतो त्ति लोभो य ॥७॥
मणुयगइजाइतसवायरं च पज्जत्तसुभगआएज्जं ।
जसकित्ती तित्थयरं वेयणिउच्चं च मणुयाणं ॥८॥
भवचरिमस्समयम्मि उ तम्मग्गिल्लसमयम्मि सेसाउ ।
आहारगतित्थयरा भज्जा दुसु नत्थि तित्थयरं ॥९॥
पढमचरिमाणमेगं छन्नवचत्तारि बीयगे तिन्नि ।
वेयणियाउयगोएसु दोन्नि एगो त्ति दो हेअंति ॥१०॥
एगाइ जाव पंचगमेक्कारस वार तेरसिगविसा ।
विय तिय चउरो छ सत्त अठवीसा य मोहस्स ॥११॥

तिन्नेग तिगं पणगं पणगं पणगं च पणगमहदोन्नि ।
 तस तिन्नि दोन्नि मिच्छाङ्गेषु जावोवसंतो त्ति ॥१२॥
 संखीणदिष्ठिमोहे केई पणवीसइं पि इच्छंति ।
 संजोयणाण पच्छा नासं तेसिं उवसमं च ॥ १३ ॥
 तिदुगसयं छप्पंचगतिगनउई नउइ इगुणनउई य ।
 चउतिगदुगाहिगासी नव अठ य नामठाणाइं ॥१४॥
 एगे छ दोसु दुगं पंचसु चत्तारि अठगं दोसु ।
 कमसो तीसु चउक्कं ठत्तु अजोगम्मि ठाणाणि ॥१५
 मूलठिई अजहन्नं तिहा चउद्धा य पढमगकसाया ।
 तित्थयरुव्वलणायुगवज्जाणि तिहा दुहाणुत्तं ॥१६॥
 जेठठिई बंधसमं जेठुं बंधोदया उ जासि सह ।
 अणुदयबंधपराणं समऊणा जठिई जेठं ॥१७॥
 संकमओ दीहाणं सहालिगाए उ आगमो संतो ।
 समऊणमणुदयाणं उभयासिं जठिई तुल्ला ॥१८॥
 संजलणतिगे सत्तसु य नोकसाएसु संकमजहन्नो ।
 सेसाण ठिई एगा दुसमयकाला अणुदयाणं ॥१९॥
 ठिइसंतठाणाइं नियगुक्कस्सा हि थावरजहन्नं ।


नेरंतरेण हेट्टा खवणाइसु संतराईं पि ॥ २० ॥
 संकमसममणुभागे नवरि जहन्नं तु देसघाईणं ।
 छन्नोकसायवज्जाण एगट्टाणमि देसहरं ॥२१॥
 मणनाणे दुट्टाणं देसहरं सामिगो य सम्मत्ते ।
 आवरणविग्घसोलसग किट्टिवेएसु य सगंते ॥२२॥
 मइसुय चक्खुअचक्खूण सुयसमत्तस्स जेठलद्धिस्स ।
 परमोहिस्सोहिदुगं मणनाणं विउलनाणस्स ॥ २३ ॥
 बंधहयहयहउप्पत्तिगाणि कमसो असंखगुणियाणि ।
 उदयोदीरणवज्जाणि हेांति अणुभागठाणाणि ॥ २४ ॥
 सत्तण्हं अजहन्नं तिविहं सेसा दुहा पएसम्मि ।
 मूलपगईसु आउसु साई अधुवा य सव्वे वि ॥ २५ ॥
 बायालाणुक्कस्सं चउवीससया जहन्न चउतिविहं ।
 होइह छण्ह चउद्धा अजहन्नमभासियं दुविहं ॥ २६ ॥
 संपुन्नगुणियकम्मो पएसउक्कस्ससंतसामी उ ।
 तस्सेव उ उप्पिविणिग्गयस्स कासिंचि वन्नेहिं ॥२७॥
 मिच्छत्ते मीसम्मि य संपक्खित्तम्मि मीससुद्धाणं ।
 वरिसवरस्स उ ईसाणगस्स चरमम्मि समयम्मि ॥२८॥

ईसाणे पूरित्ता नपुंसगं तो असंखवासासु ।
 पल्लासंखियभागेण पूरिण इत्थिवेयस्स ॥ २९ ॥
 पुरिसस्स पुरिससंकमपएसउक्कस्स सामिगस्सेव ।
 इत्थी जं पुण समयं संपक्खित्ता हवइ ताहे ॥३०॥
 तस्सेव उ संजलणा पुरिसाइकमेण सव्वसंढोभे ।
 चउरुवसमित्तु खिप्पं रागंते सायउच्चजसा ॥३१॥
 देवनिरियाउगाणं जोयुक्कस्सेहिं जेठगद्धाए ।
 बद्धाणि ताव जावं पढमे समए उदिन्नाणि ॥३२॥
 सेसाउगाणि नियगेषु चेव आगम्म पुव्वकोडीए ।
 सायबहुलस्स अचिरा बंधंते जाव नोवट्टे ॥३३॥
 पूरित्तु पुव्वकोडीपुहुत्त नारगदुगस्स बंधंते ।
 एवं पल्लतिगंते वेउव्विय सेसनवगम्मि ॥३४॥
 तमतमगो सव्वलहुं सम्मत्तं लंभिय सव्वचिरमद्धं ।
 पूरित्ता मणुयदुगं सवज्जरिसहं सबंधंते ॥३५॥
 सम्महिठि धुवाणं वत्तिसुदहीसयं चउक्खुत्तो ।
 उव्वसामइत्तु मोहं खवेंतगे नीयगबंधंते ॥ ३६ ॥
 धुव्वबन्धीण सुभाणं सुभथिराणं च नवरि सिग्घयरं ।

तिरथगराहारगतणू तेत्तीसुदही विरचिया य ॥ ३७ ॥
 तुल्ला नपुंसवेएणेगिंदिय थावरायवुज्जोवा ।
 विगलसुहुमत्तियाविय नरतिरियचिरज्जिया हेअंति ॥३८॥
 खवियंसयम्मि पगयं जहन्नगे नियगसंतकम्मंते ।
 खणसंजोइयसंजोयणाण चिरसम्मकालंते ॥ ३९ ॥
 उव्वलमाणीण उव्वलणा एगच्छिई दुसामइगा ।
 दिच्छिदुगे वत्तीसे उदहिसए पालिए पच्छा ॥४०॥
 अंतिमलोभजसाणं मोहं अणुवसइत्तु खीणाणं ।
 नेयं अहापवत्तकरणस्स चरमम्मि समयम्मि ॥४१॥
 वेउठ्विक्कारसगं खणबंध गते उ नरय जिच्छिद्विइं ।
 उव्वट्टित्तु अबंधिय एगेदिगए चिरुव्वलणे ॥४२॥
 मणुयदुगुच्चागोए सुहुमखणबद्धगेषु सुहुमतसे ।
 तित्थयराहारतणू अप्पच्चा बंधिया सुच्चिरं ॥४३॥
 चरमावलियपविट्ठा गुणसेढा जासिमत्थि न य उदओ ।
 आवलिगासमयसमा तासिं खल्लु फडुगाइं तु ॥४४॥
 संजलणतिगे चेवं अहिगाणि य आलिगाए समएहिं ।
 दुसमयहीणेहिं गुणाणि जोगट्ठाणाणि कसिणाणि ४५

वेएसु फड्डगदुगं अहिगा पुरिसस्स बे उ आवलिया।
 दुसमयहीणा गुणिया जोगट्टाणेहिं कसिणेहिं ॥४६॥
 सव्वजहन्नाढत्तं खंधुत्तरओ निरंतरं उप्पि ।
 एगं उव्वलमाणी लोभजसा नोकसायाणं ॥४७॥
 ठिइखंडगविच्छेया खीणकसायस्स सेसकालसमा ।
 एगहिया घाईणं निदापयलाण हिच्चेकं ॥ ४८ ॥
 सेलेसिसंतिगाणं उदयवईणं तु तेण कालेणं ।
 तुल्ला णेगहियाइं सेसाणं एगज्जणाइं ॥ ४९ ॥
 संभवतो ठाणाइं कम्मपएसेहिं हेांति नेयाइं ।
 करणेसु य उदयम्मि य अणुमाणेणेवमेएणं ॥ ५० ॥
 करणोदयसंताणं पगइछाणेसु सेसयतिगे य ।
 भूयक्कारप्पयरो अवच्छिओ तह अवत्तव्वो ॥५१॥
 एगादहिगे पढमो एगाईऊणगम्मि विइओ उ ।
 तत्तियमेत्तो तईओ पढमे समये अवत्तव्वो ॥५२॥
 करणोदयसंताणं सामित्तोघेहिं सेसगं नेयं ।
 गईयाइमग्गणासुं संभवओ सुहु आगमिय ॥५३॥
 बंधोदीरणसंकमसंतुदयाणं जहन्नगाईहिं ।

संवेहो पगइ ठिई अणुभागपएसओ नेओ ॥५४॥
 करणोदयसंतविऊ तन्निज्जरकरणसंजमुज्जोगा ।
 कम्मट्टगुदयनिष्ठाजणियमगिठ्ठं सुहमुवेंति ॥ ५५ ॥
 इय कम्मप्पगडीओ जहासुयं नीयमप्पमइणा वि ।
 सोहियणाभोगकयं कहंतु वरदिठ्ठिवायन्नू ॥५६॥
 जस्स वरसासणावयवफरिसपविकसियविमल्लमइकिरण ।
 विमल्लंति कम्ममइत्थे सो मे सरणं महावीरो ॥५७॥



॥ अथ श्रीमच्चन्हर्षिमहत्तरसङ्कलितः ॥

॥ पञ्चसङ्ग्रहः ॥

नमिऊण जिणं वीरं सम्मं दुठ्ठकम्मनिट्ठवगं ।
 वोच्छामि पंचसंगहमेयमहत्थं जहत्थं च ॥१॥
 सयगाइ पंचगंथा जहारिहं जेण एत्थ संखित्ता ।
 दाराणि पंच अहवा तेण जहत्थाभिहाणमिणं ॥२॥
 एत्थ य जोगुवयोगाणमग्गणा बंधगा य वत्तवा ।
 तह बंधियव्व य बंधहेयवो बंधविहिणो य ॥३॥
 सच्चमसच्चं उभयं असच्चमोसं मणोवई अठ्ठ ।
 वेउवाहारोरालमिस्ससुद्धाणि कम्मयगं ॥४॥
 अन्नाणतिगं नाणाणि, पंच इइ अठ्ठहा उ सागारो ।
 अचरुबुदंसणाइचउहुवओगो अणागारो ॥५॥
 विगलासन्नीपज्जत्तएसु लप्भंति कायवइयोगा ।
 सव्वेवि सन्निपज्जत्तएसु सेसेसु काओगो ॥६॥
 लद्धीए कारणेहि य, ओरास्सियमीसगो अपज्जत्ते ।

पज्जत्ते ओरालो, वेउव्विय मीसगो वावि ॥७॥
 (कम्मुरलदुगमपज्जे, वेउव्विदुगं च सन्निलद्धिल्ले ।
 पज्जेसु उरलोच्चिय, वाए वेउव्वियदुगं च ॥ १ ॥)
 मइसुयअन्नाण, अचक्खुदंसणेक्कारसेसु ठाणेसु ।
 पज्जत्तचउपणिदिसु, सचक्खुसन्नीसु बारसवि ॥८॥
 इगिविगलथावरेसु, न मणो दोभेय केवलदुगम्मि ।
 इगिथावरे न वाया, विगलेसु असच्चमोसेव ॥९॥
 सच्चा असच्चमोसा, दो दोसुवि केवलेसु भासाओ ।
 अंतरगइकेवलिएसु कम्मयन्नत्थ तं विवक्खाए ॥१०॥
 मण्णनाणविभंगेसु, मीसं उरलंपि नारयसुरेसु ।
 केवलथावरविगले वेउव्विदुगं न संभवइ ॥११॥
 आहारदुगं जायइ, चोदसपुव्विस्स इइ विसेसणञ्चो ।
 मण्णुगइपंचेन्दीयमाइएसु समईए जोएज्जा ॥१२॥
 मण्णुयगईए बारस, मण्णकेवलवज्जिया नवन्नासु ।
 इगिथावरेसु तिन्नि उ, चउ विगले बार तससगले ॥१३॥
 जोए वेए सन्नी, आहारगभव्वसुकुलेसासु ।
 बारस संजमसम्मे, नव दस लेसाकसाएसु ॥१४॥

(१७४)

सम्मत्तकारणेहिं, मिच्छनिमित्ता न हेअंति उवअयोगा ।
केवलदुगेण सेसा, संतेव अचख्खुचख्खूसु ॥१५॥
जोगाहारदुगूणा, मिच्छे सासायणे अविरए य ।
अपुव्वाइसु पंचसु नव अोरालो मणवई य ॥१६॥
वेउव्विणा जुया ते, मीसे साहारगेण अपमत्ते ।
देसे दुविउव्विजुया, आहारदुगेण य पमत्ते ॥१७॥
अज्जोगो अज्जोगी, सत्त सजोगंमि हेअंति जोगा उ ।
दो दो मणवइजोगा, उरालदुगं सकम्मइगं ॥१८॥
अचख्खुचख्खूदंसणमन्नाणतिगं च मिच्छसासाणे ।
विरयाविरए सम्मे, नाणतिगं दंसणतिगं च ॥१९॥
मिस्संमि वामिस्सं, मणनायजुयं पमत्तपुव्वाणं ।
केवलियनाणदंसणउवओग अजोगिजोगीसु ॥२०॥
गइइंदिए य काए, जोगे वेए कसायनाणे य ।
संजमदंसणलेसा, भवसम्मे सन्नि आहारे ॥ २१ ॥
तिरियगइए चोइस, नारयसुरनरगईसु दो ठाणा ।
एगिंदिएसु चउरो, विगलपणिंदीसु छच्चउरो ॥२२॥
दस तसकाए चउ चउ, थावरकाएसु जीवठाणाइं ।

चत्तारि अट्ट दोन्निय, कायवई माणसेसु कमा ॥२३॥
 चउ चउ पुमित्थिवेए, सव्वाणि नपुंससंपराएसु ।
 किण्हाइतिगाहारगभव्वाभवे य मिच्छे य ॥२४॥
 तेज लेसाइसु दोन्नि, संजमे एक्कमट्टमणहारे ।
 सण्णी सम्मंमि य दोन्नि सेसयाइं असंनिम्मि ॥२५॥
 दुसु नाणदंसणाइं, सव्वे अन्नाणिणो य विन्नेया ।
 सन्निमि अयोगिअवेइएवमाइ मुण्येयव्वं ॥ २६ ॥
 दोमइसुयओहिदुगे, एकं मणनाणकेवलविभंगे ।
 ठतिगं व चरुकुदंसणचउदस ठाणाणि सेसतिगे ॥२७॥
 सुरनारएसु चत्तारि, पंच तिरिएसु चोइस मणूसे ।
 इगिविगत्तेसु जुयलं, सव्वाणि पणिंदिसु हवंति ॥२८॥
 सव्वेसु वि मिच्छो, वाउतेउसुहुमतिगं पमोत्तूण ।
 सासायणो उ सम्मो, सन्निदुगे सेससन्निमि ॥२९॥
 जा बायरो ता वेएसु, तिसु वि तह तिसु य संपराएसु
 लोभंमि जाव सुहुमो, छल्लेसा जाव सम्मो त्ति ॥३०॥
 अपुव्वाइसु सुक्का, नत्थि अजोगिम्मि तिन्नि सेसाणं
 मीसो एगो चउरो, असंजया संजया सेसा ॥ ३१ ॥

अब्भविण्णसु पढमं, सव्वाणियरेसु दो असन्नीसु ।
 सन्नीसु वार केषलि नो सन्ना नो असण्णीवि ॥३२
 अपमत्तुवसन्त अजोगि, जाव सव्वेवि अविरयाईया ।
 वेयगउवसमखाइयदिट्ठी कमसो मुणेयव्वा ॥ ३३ ॥
 आहारगेसु तेरस, पंच अणाहारगेसु वि भवंति ।
 भणिया जोगुवयोगाण, मग्गणा बंधगे भणिमो ॥३४
 ॥ इति योगोपयोगमार्गणाख्यं प्रथमं द्वारम् ॥

॥ अथ द्वितीयं बंधकद्वारम् ॥

अउदसविहा वि जीवा, विबंधगा तेसिमंतिमो भेत्थो
 चोदसहा सव्वेवि हु, किमाइसंताइपयनेया ॥ १ ॥
 किं जीवा उवसममाइएहिं संजुयं दह्वं ।
 कस्स सरूवस्स पहू, केणन्ति न केणइ कयाउ ॥ २ ॥
 कत्थ सरीरे लोए व, हुंति केवचिर सव्वकालंतु ।
 कइ भावजुया जीवा दुगतिगचउपंचमीसेहिं ॥ ३ ॥

सुरनेरइया तिसु तिसु, वाउपणिंदीतिरिक्ख चउ चउसु
मणुया पंचसु सेसा, तिसु तणुसु अविग्गहा सिद्धा ४
पुढवाईचउ चउहा साहारणवणंपि संतयं सययं ।
पत्तेय पज्जपज्जा, दुविहा सेसा उ उववन्ना ॥५॥
मिच्छा अविरयदेसा, पमत्तअपमत्तया सजोगी य ।
सव्वच्चं इयरगुणा, नाणाजीवेसु वि न हेअंति ॥६॥
इगदुगजोगाईणं, ठवियमहो एगण्णो इइ जुयलं ।
इगि जोगाउ दु दु गुणा, गुणियविमिस्सा भवे भंगा ७॥
अहवा एक्कपईया, दो भंगा इगिवहुत्तसन्ना जे ।
एए च्चिय पयवुद्धीए, तिगुणा दुगसंजुया भंगा ॥८॥
साहारणाण भेया, चउरो अणंता असंखया सेसा ।
मिच्छाणंता चउरो, पलियासंखंससेससंखेज्जा ॥९॥
पत्तेय पज्जवणकाइआओ पयरं हरंति लोगस्स ।
अंगुलअसंखभागेण, भाइयं भूदगतण य ॥१०॥
आवलिवग्गो ऊणावलीए गुणिउ हु वायरा तेज्ज ।
वाऊ य लोगसंखं, सेसतिगमसंखिया लोगा ॥११॥
पज्जत्तापज्जत्ता, वितिचउअसन्निणो अवहरंति ।

(१७८)

अंगुलसंखासंखप्पएसभइयं पुढो पयरं ॥१२॥
सन्नी चउसु गईसु, पढमाए असंखसेढिनेरइया ।
सेढिअसंखेज्जसो, सेसासु जहोत्तरं तह य ॥१३॥
संखेज्जजोयणाणं, सूइपएसेहिं भाइओ पयरो ।
वंतरसुरेहिं हीरइ, एवं एकेक्कभेएणं ॥१४॥
ठप्पन्नदोसयंगुलसूइपएसिं भाइओ पयरो ।
जोइसिएहिं हीरइ, सछाणे त्थीय संखगुणा ॥१५॥
अस्संखसेढिखपएसतुल्लया पढमदुइयकप्पेसु ।
सेढिअसंखससमा, उवरिं तु जहोत्तरं तह य ॥१६॥
सेढीएक्केक्कपएसरइयसूइणमंगुलप्पमियं ।
घम्माए भवणसोहम्मयाण माणं इमं होइ ॥१७॥
छप्पन्नदोसयंगुलभूओ भूओ विगप्प मूलतिगं ।
गुणिया जहुत्तरत्था, रासीओ कमेण सूइओ ॥१८॥
अहवंगुलप्पएसा, समूलगुणिया उ नेरइयसूइ ।
पढमदुइयापयाइं, समूलगुणियाइं इयराणं ॥१९॥
अंगुलमूलासंखियभागप्पमिया उ हांति सेढीओ ।
उत्तरविउव्वियाणं, तिरियाण य सन्निपज्जाणं ॥२०॥

उक्कोसपए मणुया, सेढीरूवाहिया अवहरंति ।
 तइयमूलाहंएहिं, अंगुलमूलप्पएसेहिं ॥२१॥
 सासायणाइचउरो, हेांति असंखा अणंतया मिच्छा ।
 कोडिसहस्सपुहुत्तं, पमत्तइयरे उ थोवयरा ॥२२॥
 एगाइ चउप्पण्णा, समगं उवसामगा य उवसंता ।
 अद्धं पडुच्च सेढीए, हेांति सव्वेवि संखेज्जा ॥२३॥
 खवगा खीणाजोगी, एगाइ जाव हेांति अठसयं ।
 अद्धाए सयपुहुत्तं, कोडिपुहुत्तं सजोगीओ ॥२४॥
 अप्पज्जत्ता दोन्निवि, सुहुमा एगिंदिया जए सव्वे ।
 सेसा य असंखेज्जा, वायरपवणा असंखेसु ॥२५॥
 सासायणाइ सव्वे, लोयस्स असंखयंमि भागम्मि ।
 मिच्छा उ सव्वलोए, होइ सजोगीवि समुग्घाए ॥२६॥
 वेयणकसायमारणवेउव्वियतेउहारकेवल्लिया ।
 सग पण चउ तिन्नि कमा, मणुसुरनेरइयतिरियाणं २७
 पंचेदियतिरियाणं, देवाण व हेांति पंच सन्नीणं ।
 वेउव्वियवाऊणं, पढमा चउरो समुग्घाया ॥२८॥
 चउदसविहावि जीवा, समुग्घाएणं फुसंति सव्वजगं ।

रिउसेढीए व केई, एवं मिच्छा सजोगीया ॥२९॥
 मीसा अजया अड अड, बारस सासायणा छ देसजई
 सग सेसा उ फुसंति, रज्जू खीणा असंखंसं ॥३०॥
 सहसारंतियदेवा, नारयनेहेण जंति तइयभुवं ।
 निज्जंति अच्चुयं जा अच्चुयदेवेण इयरसुरा ॥३१॥
 छट्टाए नेरइओ, सासणभावेण एइ तिरिमणुए ।
 लोगंतनिरकुडेसु जंतत्ते(तो)सासणगुणत्था ॥३२॥
 उवसामगउवसंता, सव्वठे अप्पमत्तविरया य ।
 गच्छंति रिउगईए, पुंदेसजया उ बारसमे ॥३३॥
 सत्तण्हमपज्जाणं, अंतमुहुत्तं दुहावि सुहुमाणं ।
 सेसाणंपि जहन्ना, भवठिई होइ एमेव ॥३४॥
 बावीससहस्साइं, बारस वासाइं अउणपन्नदिणा ।
 छम्मासपुव्वकोडीतेत्तीसयराइं उक्कोसा ॥३५॥
 होइ अणाइ अणंतो, अणाइ संतो य साइसंतो य
 देसूणपोग्गलच्छं, अंतमुहुत्तं चरिममिच्छो ॥३६॥
 पोग्गलपरियट्ठो इह, दव्वाइ चउव्विहो मुणेयव्वो ।
 एक्केको पुण दुविहो, वायरसुहुमत्तभेएणं ॥३७॥

संसारंमि अडंतो, जाव य कालेण फुसिय सवाणू ।
 इगू जीवु मुषइ वायर, अन्नयरतणुट्टिओ सुहुमो ॥३८॥
 लोगस्स पएसेसु, अणंतरपरंपराविभत्तीहिं ।
 खेत्तंमि बायरो सो सुहुमो उ अणंतरमयस्स ॥३९॥
 उस्सप्पिणिसमएसु, अणंतरपरंपराविभत्ताहिं ।
 कालम्मि बायरो सो सुहुमो उ अणंतरमयस्स ॥४०॥
 अणुभामछाणेषुं अणंतरपरंपराविभत्तीहिं ।
 भावंमि बायरो सो, सुहुमो सव्वेसुणुक्कमसो ॥४१॥
 आवलियाणं छक्कं, समयादारब्भ सासणो होइ ।
 मीसुवसम अंतमुहू, खाइयदिछी अणंतद्धा ॥४२॥
 वेयगअविरयसम्मो, तेत्तीसयराइं साइरेगाइं ।
 अंतमुहुत्ताओ पुव्वकोडी देसो उ देसूणा ॥४३॥
 समयाओ अंतमुहू, पमत्तअपमत्तयं भयंति मुणी ।
 देसूणपुव्वकोडिं, अन्नोन्नं चिछहिं भयंता ॥४४॥
 समयाओ अंतमुहू, अपुव्वकरणाउ जाव उवसंतो ।
 खीणाजोगीणंतो, देसस्सव जोगिणो कालो ॥४५॥
 एगिंदियाणणंता, दोणिण सहस्सा तसाण कायठिई ।

अयराण इगपण्डिसु, नरतिरियाणं सगठभवा ॥४६॥
 पुव्यकोडिपुहुत्तं, पल्लतियं तिरिनराण कावेणं ।
 नाणाइगपज्जत्तमणूण पल्लसंखंस अंतमुहू ॥४७॥
 पुरिसत्तं सन्नित्तं, सयपुहुत्तं तु होइ अयराणं ।
 थी पलियसयपुहुत्तं , नपुंसगतं अणंतद्धा ॥ ४८ ॥
 वायरपज्जेगिंदियविगलाण य वाससहस्स संखेज्जा ।
 अपज्जंतसुहुमसाहारणाण पत्तेगमंतमुहू ॥४९॥
 पत्तेयवायरस्स उ, परमा हरियस्स होइ कायठिई ।
 ओसप्पिणी असंखा, साहारत्तं रिउगइयत्तं ॥५०॥
 मोहठिइवायराणं, सुहुमाण असंखया भवे लोगा ।
 साहारणेसु दोसद्धपुग्गला निविसेसाणं ॥५१॥
 सासणमासाओ हवंति, सन्तया पलियसंखइगकाला ।
 उवसामगउवसंता, समयाओ अंतरमुहुत्तं ॥५२॥
 खवगा खीणा जोगी, हेअंति अणिच्चावि अंतरमुहुत्तं ।
 नाणाजीवे तं चिय, सत्तहिं समएहिं अब्भहियं ॥५३॥
 एगिंदित्तं सययं तसत्तणं सम्मदेसचारित्तं ।
 आवलियासंखंसं, अडसमय चरित्तसिद्धीय ॥५४॥

उवसमसेढीउवसंतया य मणुयत्तणुत्तरसुरत्तं ।
 पडिवज्जंते समया संखेया खवगसेढी य ॥५५॥
 वत्तीसा अडयाला, सट्टी बावत्तरी य चुलसीई ।
 छन्नउइ दुअठसयं, एगाए जहुत्तरे समए ॥५६॥
 गब्भयतिरिमणुसुरनारयाण विरहो मुहुत्तवारसगं ।
 मुच्छिमनराण चउवीस, विगलअमणाण अंतमुहू ॥५७॥
 तसवायरसाहारणअसन्निअपुमाण जो ठिईकालो ।
 सो इयराणं विरहो, एवं हरियेयराणं च ॥५८॥
 आईसाणं अमरस्स, अंतरं हीणयं मुहुत्तंतो ।
 आसहसारे अच्चुयणुत्तर दिण मास वास नव ॥५९॥
 थावरकाद्दुक्कोसो, सब्बे वीयओ न उववाओ ।
 दो अघरा विजयाइसु नरएसु वि याणुमाणेणं ॥६०॥
 पलियासंखो सासायणंतरं सेसयाण अंतमुहू ।
 मिच्छस्स बे छसठी, इयराणं पोग्गलच्छं तो ॥६१॥
 वासपुहुत्तं उवसामगाण विरहो छमास खवगाणं ।
 नाणाजीएसु सासाणमीसाणं पल्लसंखंसो ॥६२॥
 सम्माई तिन्नि गुणा, कमसो सगचोइपन्नरदिणाणि ।

छम्मास अजोगिन्तं, न कोवि पडिवज्जए सययं ॥६३॥
 सम्माइचउसु तिय चउ, उवसमगुवसंतयाण चउ पंच
 चउ खीणअपुवाणं, तिन्नि उ भावावसेसाणं ॥६४॥
 थोवा गढभयमणुया, तत्तो इत्थीओ तिघणगुणियाओ।
 बायरतेउक्काया, तासिमसंखेज्ज पज्जत्ता ॥६५॥
 तत्तोणुत्तरदेवा, तत्तो संखेज्ज जाणओ कप्पो ।
 तत्तो असंखगुणिया, सत्तमछ्ठी सहस्सारो ॥६६॥
 सुक्कंमि पंचमाए, खंतय चोत्थीए बंभतच्चाए ।
 माहिंदसणकुमारे, दोच्चाए मुच्छिमा मणुया ॥६७॥
 ईसाणे सव्वत्थवि, वत्तीसगुणाओ हेअंति देवीओ ।
 संखेज्जा सोहम्मे, तओ असंखा भवणवांसी ॥६८॥
 रयणप्पभिया खहयरपणिंदि संखेज्ज तत्तिरिक्खीओ ।
 सव्वत्थ तओ थलयरजलयरणजोइसा चेवं ॥६९॥
 तत्तो नपुंसखहयरसंखेज्जा थलयरजलयरनपुंसा ।
 चउरिंदि तओ पणवितिइंदियपज्जत्त किंचि(च)हिया ७०
 असंखा पण किंचि(च)हिय,सेस कमसो अपज्ज ओभयओ
 पंचेदिय विसेसहिया, चउतियवेइंदिया तत्तो ॥ ७१ ॥

पञ्चतवायरपत्तेयतरू असंखेज्ज इति निगोयाओ ।
 पुढवी आऊवाउ, वायरअपज्जत्ततेउ तथ्यो ॥७२॥
 वादरतरूनिगोया, पुढवीजलवाउतेउ तो सुहुमा ।
 तत्तो विसेसअहिया, पुढवीजलपवणकाया उ ॥७३॥
 संखेज्जसुहुमपज्जत्त, तेउ किंचि(च)हियभुजलसमीरा ।
 तत्तो असंखगुणिया, सुहुमनिगोया अपज्जत्ता ॥७४॥
 संखेज्जगुणा तत्तो पज्जत्ताणंतया तओ भवा ।
 पडिवडियसम्मसिद्धा, वणवायरजीवपज्जत्ता ॥७५॥
 किंचि(च)हिया सामन्ना, एए उ अंसंखवणअपज्जत्ता
 एए सामन्नेणं, विसेसअहिया अपज्जत्ता ॥७६॥
 सुहुमा वणा असंखा, विसेसअहिया इमे उ सामन्ना ।
 सुहुमवणा संखेज्जा, पज्जत्ता सब किंचि(च)हिया ॥७७॥
 पज्जत्तापज्जत्ता, सुहुमा किंचि(च)हिया भव्वसिद्धीया ।
 तत्तो वायरसुहुमा, निगोयवणस्सइ जिया तत्तो ॥७८॥
 एगिंदिया तिरिक्खा, चउगइमिच्छा य अविइजुया व
 सकसाया छउमत्था, सजोगसंसारि सबवेवि ॥७९॥
 उवसंतखवगजोगी अपमत्तपमत्तदेससासाणा ।

मीसा विरया चउ चउ जडुत्तरं संखसंखगुणा ॥८०॥
 उक्कोसपए संता मिच्छा तिसु गईसु हांतसंखगुणा ।
 तिरिए सणंतगुणिया सन्निसु मणुएसु संखगुणा ॥८१॥
 एगिंदियसुहुमियरा सन्नियर पणिंदिया सबित्तिचऊ ।
 पज्जत्तापज्जत्ताभेएणं चोदसग्गामा ॥ ८२ ॥
 मिच्छा सासणमिस्सा अविरयदेसा पमत्तअपमत्ता ।
 अपुव्ववायरसुहुमोवसंतखीणा सजोगियरा ॥ ८३ ॥
 तेरसवि बंधगा ते अट्टविहं बंधियव्वयं कम्मं ।
 मूलुत्तरभेयं ते साहिमो ते निसामेह ॥ ८४ ॥

॥ इति द्वितीयं बन्धकद्वारं समाप्तम् ॥

॥ अथ तृतीयं बन्धव्यद्वारं प्रारभ्यते ॥
 नाणस्स दंसणस्स य आवरणं वेयणीयमोहणीयं ।
 आउ य नामं गोयं तहंतरायं च पयडीओ ॥ १ ॥
 पंच नव दोन्नि अट्टावीसा चउरो तहेव वायाला ।
 दोन्नि य पंचय भणिया, पयडीओ उत्तरा चेव ॥२॥
 मइसुयओहीमणकेवलाण आवरणयं भवे पढमं ।

तह दाणलाभभोगोवभोगविरियंतराययं चरिमं ॥३॥
 नयणेयरोहिकेवल दंसण आवरणयं भवे चउहा ।
 निदापयलाहिं छहा निदाइदुरुत्तथोणद्धो ॥ ४ ॥
 सोलस कसाय नव नोकसाय दंसणतिगं च मोहणीयं
 सुरनरतिरिनिरयाऊ सायामायं च नीउच्चं ॥ ५ ॥
 गइजाइसरीरंगं, बंधणसंघायणं, च संघयणं ।
 संठाणवन्नगंधरसफासअणुपुव्विविहगगई ॥६॥
 अगुरुयलहु उवघायं, परघाउस्सास आयवुज्जोयं ।
 निम्माणतित्थनामं च, चोइस अड पिंडपत्तेया ॥७॥
 तस वायरपज्जत्तं, पत्तेयथिरं सुभं च नायव्वं ।
 सुस्सरसुभगाइज्जं, जसकित्ती सेयरा वीसं ॥८॥
 गईयाईयाणभेया, चउ पण पणति पण पंच छ छक्कं ।
 पण दुग पणट्ट चउ दुग, पिंडुत्तरभेय पणसठी ॥९॥
 ससरीरंतरभूया, बंधणसंघायणाउ बंधुदण ।
 वणणाइविगप्पावि हु, बधे नो सम्ममीसाइं ॥१०॥
 वेउवाहारोरालियाण सगतेय कम्मजुत्ताणं ।
 नव बंधणाणि इयर, दुजुत्ताणं तिण्णि तेसिं च ॥११॥

ओरालियाइणं, संघाया बंधगाणि य सजोगे ।
बंधसुभसंतउदया, आसज्ज अणेगहा नामं ॥१२॥
नीलकसीणं दुगंधं, तित्तं कडुयं गुरुं खरं रुक्खं ।
सीयं च असुभनवगं, एगारसगं सुभं सेसं ॥१३॥
धुवबंधिधुवोदयसव्वघाइपरियत्तमाणअसुभाओ ।
पंच य सपडिवक्खा, पगई य विवागओ चउहा ॥१४॥
नाणंतरायदंसण, धुवबंधि कसायमिच्छभयकुच्छा ।
अगुरुलघुनिमिणतेयं, उवघायं वणणचउकम्मं ॥१५॥
निम्माणथिराथिरतेयकम्मवण्णाइअगुरुसुहमसुहं ।
नाणंतरायदसगं, दंसणचउमिच्छ निच्चुदया ॥१६॥
केवलियनाणदंसणआवरणं बारसाइमकसाया ।
मिच्छत्तं निदाओ, इय वीसं सव्वघाईओ ॥ १७ ॥
सम्मत्तनाणदंसणचरित्तघाइत्तणा उ घाईओ ।
तस्सेसदेसघाइत्तणा उ पुण देसघाईओ ॥ १८ ॥
नाणावरणचउक्कं दंसणतिगनोकसायविग्घपणं ।
संजलण देसघाई, तइयविग्घपो इमो अन्नो ॥ १९ ॥
नाणंतरायदंसणचउक्कं परघायतित्थउस्सासं ।

मिच्छभयकुच्छधुवबंधिणी उ नामस्स अपरियत्ता ॥२०॥
 मणुयतिगं देवतिगं, तिरियाऊसास अठतणुयंगं ।
 विहगइवण्णाइसुभं, तसाइदसतित्थनिम्माणं ॥२१॥
 चउरंसउसभआयवपराघायपणिंदिअगुरुसाउच्चं ।
 उज्जोयं च पसत्था, सेसा वासीइ अपसत्था ॥२२॥
 आयावं संठाणं, संघयणसरीरअंगउज्जोयं ।
 नामधुवोदयउवपरघायं पत्तेयसाहारं ॥ २३ ॥
 उदइयभावा पोग्गलविवागिणो आउ भवविवागीणि ।
 खेत्तविवागणुपुव्वी जीवविवागा उ सेसाओ ॥ २४ ॥
 मोहस्सेव उवसमो खाओवसमो चउण्ह घाईणं ।
 खयपरिणामियउदया अठण्ह वि हेअंति कम्माणं ॥२५॥
 सम्मत्ताइ उवसमे खाओवसमे गुणा चरित्ताई ।
 खइए केवलमाई, तव्ववएसो उ उदईए ॥ २६ ॥
 नाणंतरायदंसणवेयणियाणं तु भंगया दोन्नि ।
 साइसपज्जवसाणोवि होइ सेसाण परिणामो ॥२७॥
 चउतिठाणरसाइं, सव्वघाईणि हेअंति फडुअं ।
 दुठाणियाणि मीसाणि देसघाईणि सेसाणि ॥ २८ ॥

निहएसु सबघाईरसेसु फड्डेसु देसघाईणं ।
 जीवस्स गुणा जायंति ओहिमणचरुवुमाईया ॥२९॥
 आवरणमसव्वग्घं, पुंसंजलणंतरायपयडीओ ।
 चउठाणपरिणयाओ, दुत्तिचउठाणाउ सेसाओ ॥३०॥
 उप्पलभूमीवाल्लुयजलरेहासरिससंपराएसुं ।
 चउठाणाई असुभाण, सेसयाणं तु वच्चासो ॥३१॥
 घोसाडइनिंबुवमो, असुभाण सुभाण खीरखंडुवमो ।
 एगछाणो उ रसो, अणंतगुणिया कमेणियरे ॥३२॥
 उच्चं तित्थं सम्मं, मीसं वेउविच्छक्कमाऊणि ।
 मणुदुगआहारदुगं, अछारस अधुवसत्ताओ ॥३३॥
 पढमकसायसमेया, एयाओ आउतित्थवज्जाओ ।
 सत्तरसुव्वलणाओ, तिगेसु गइआणुपुव्वाऊ ॥ ३४ ॥
 नियहेउसंभवे वि डु, भयणिज्जो जाण होइ पयडीणं ।
 बंधो ता अधुवाओ, धुवा अभयणिज्जबंधाओ ॥३५॥
 दवं खेत्तं कालो, भवो य भावो य हेयवो पंच ।
 हेउसमासेणुदओ, जायइ सवाण पगईणं ॥३६॥
 अबोच्छिन्नो उदओ, जाणं पगईण ता धुवोदइया ।

वोच्छिन्नो वि हु संभवइ, जाण अधुवोदया ताश्चो ३७।
 असुभसुभत्तणघाइत्तणाइं रसभेयश्चो मुणिज्जाहि ।
 सविसयघायणभेएण वा वि घाइत्तणं नेयं ॥३८॥
 जो घाएइ सविसयं, सयलं सो होइ सब्बघाइरसो ।
 सो निच्छिद्धो निद्धो, तणुओ फलिहप्भहरविमलो ३९॥
 देसविघाइत्तणओ, इयरो कडकंबलंसुसंकासो ।
 विविहबहुच्छिद्भरिओ, अप्पसिणेहो अविमलो य ॥४०॥
 जाण न विसओ घाइत्तणंमि ताणंपि सब्बघाइरसो ।
 जायइ घाइसगासेण, चोरया वेह चोराणं ॥४१॥
 घाइखश्चोवसमेणं, सम्मचरित्ताइं जाइं जीवस्स ।
 ताणं हणंति देसं, संजलणा नोकसाया य ॥४२॥
 विणिवारिय जा गच्छइ, बंधं उदयं च अन्नपगईए ।
 सा हु परियत्तमाणी, अणिवारेती अपरियत्ता ॥४३॥
 दुविहा विवागओ पुण, हेउविवागाउ रसविवागाउ ।
 एक्केक्का वि य चउहा, जओ च सद्दो विगप्पेणं ॥४४॥
 जा जं समेच्च हेउं, विवागउदयं उवेति पगईओ ।
 ता तव्विवागसन्ना, सेसभिहाणाइं सुगमाइं ॥४५॥

अरइरईणं उदओ, किन्न भवे पोग्गलाणि संपप्प ।
 अप्पुट्टेहि वि किन्नो, एवं कोहाइयाणंपि ॥४६॥
 आउव्व भवविवागा, गई न आउस्स परभवे जह्हा ।
 नो सव्वहा वि उदओ, गईण पुण संकमेणत्थि ॥४७॥
 अणुपुव्वीणं उदओ, किं संकमणेण नत्थि संते वि ।
 जह खेत्त हेउओ ताण न तह अन्नाण सविवागो ॥४८॥
 संपप्प जीयकाले, उदयं काओ न जंति पगईओ ।
 एवमिणमोहहेउं, आसज्ज विसेसयं नत्थि ॥ ४९ ॥
 केवलदुगस्स सुहमो हासाइसु कह न कुणइ अपुव्वो
 सुभगाईणं मिच्छो, किलिडुओ एगठाणिरसं ॥५०॥
 जलरेहसमकसाए वि, एगठाणी न केवलदुगस्स ।
 जं अणुयंपि हु भणियं आवरणं सव्वघाई से ॥ ५१ ॥
 सेसासुभाण वि न जं, खवगियराणं न तारिसा सुद्धी ।
 न सुभाणंपि हु जम्हा, ताणं बंधो विसुप्पंति ॥५२॥
 उक्कोसठिई अप्पवसाणेहिं एगठाणियो होही ।
 सुभियाण तन्न जं ठिइअसंखगुणियाउ अणुभागा ॥५३॥
 दुविहमिह संतकम्मं, धुवाधुवं सूइयं च सहेण ।

ध्रुवसन्तं चिय पढमा, जओ न नियमा विसंजोगो ५४
देवनिरयाउवेउव्विच्छक्कआहारजुयलतित्थाणं ।

बंधो अणुदयकाले, ध्रुवोदयाणं तु उदयम्मि ॥५५॥

गयचरिमलोभध्रुवबंधिमोहहासरइमणुयपुव्वीणं ।

सुहुमतिगआयवाणं, सपुरिसवेयाण बंधुदया ॥५६॥

वोच्छिज्जंति समं चिय, कमसो सेसाण उक्कमेणं तु
अण्हमजससुरतिगवेउवाहारजुयलाणं ॥ ५७ ॥

ध्रुवबन्धिणी उ तित्थगरनाम आउ य चउक्क वावन्ना ।

एया निरंतरा उ, सगवीसुभ संतरा सेसा ॥ ५८ ॥

चउरंसउसभपरघाउसासपुंसगलसायसुभखगई ।

वेउव्विउरलसुरनरतिरिगोयदु सुसरतस तिचज्ज ॥५९॥

समयाओ अंतमुहू, उक्कोसो जाण संतरा ताओ ।

बन्धेहियंसि उभया, निरंतरा तम्मि उ जहन्ने ॥६०॥

उदए व अणुदए वा, बन्धाओ अन्नसंकमाओ वा ।

ठिइ संतं जाण भवे, उक्कोसं ता तयक्खाओ ॥६१॥

मणुगइ सायं सम्मं, थिरहासाइछ वेयसुभखगई ।

रिसहचउरंसगाई, पणुच्च उदसंकमुक्कोसा ॥ ६२ ॥

मणुयाणुपुव्विमीसगआहारगदेवजुगलविगलाणि ।
सुहुमाइतिगं तित्थं, अणुदयसंकमण उक्कोसा ॥ ६३ ॥
नारयतिरिउरलदुगं, ठेवठेगिंदिथावरायावं ।
निहा अणुदयजेठा, उदउक्कोसा पराणाऊ ॥ ६४ ॥
चरिमसमयंमि दलियं, जासिं अन्नत्थसंकमे ताओ ।
अणुदयवइ इयरीओ, उदयवई हेांति पगईओ ॥ ६५ ॥
नाणंतरायआउगदंसणचउवेयणीयमपुमित्थी ।
चरिमुदयउच्चवेयग, उदयवई चरिमलोभो य ॥ ६६ ॥
॥ इति बन्धव्याभिधानं तृतीयं द्वारम् ॥

॥ अथ बंधहेतुलक्षणं चतुर्थं द्वारम् ॥

बन्धस्स मिच्छअविरइकसायजोगा य हेयवो भणिया
ते पंच दुवात्तस पन्नवीस पन्नरस भेइल्ला ॥ १ ॥
आभिग्गहियमणाभिग्गहं च अभिनिवेसियं चेव ।
संसइयमणाभोगं, मिच्छत्तं पंचहा होइ ॥ २ ॥
छक्कायवहो मणइंदियाण अजमो असंजमो भणिओ
इइ चारसहा सुगमो, कसायजोगा य पुव्वुत्ता ॥ ३ ॥

चउपच्चइश्रो मिच्छे, तिपच्चओ मीससासणाविरए ।
 दुगपच्चओ पमत्ता , उवसंता जोगपच्चइश्रो ॥ ४ ॥
 पणपन्न पन्न तियछहियचत्त गुणचत्त छक्कचउसहिया ।
 दुजुया य वीस सोलस,दस नव नव सत्त हेऊय ॥५॥
 दस दस नव नव अड पच्च,जइतिगे दुदुग सेसयाणेगो
 अड सत्त सत्त सत्तग, छ दो दो दो इगि जुया वा ६
 मिच्छत्तकायएगाइघायअन्नयरअक्खजुयलुदओ ।
 वेयस्स कसायाण य , जोगस्सणभयदुगंछा वा ॥७॥
 इच्चेसिमेगगहणे तस्संखा भंगया उ कायाणं ।
 जुयलस्स जुयं चउरो , सया ठवेज्जा कसायाणं॥८॥
 जा बायरो ता बाओ,विगप्प इइ जुगवबन्धहेऊणं ।
 अणबन्धिभयदुगंछाण चारणा पुण विमज्जेसु॥ ९ ॥
 अणउदयरहियमिच्छे,जोगा दस कुणइ जन्न सो कालं
 अणणुदश्रो पुण तदुवलगसम्मदिट्ठिस्स मिच्छुदए १०
 सासायणम्मि रूवं,चय वेयहयाणनियगजोगाण ।
 जम्हा नपुंसउदए, वेउव्वियमीसगो नत्थि ॥ ११ ॥
 चत्तारि अविरए चय,थीउदएविउव्वियमीसकम्मइया ।

(१९६)

इत्थिनपुंसगउदए, ओरालियमीसगो नत्थि ॥ १२ ॥
दोरुवाणि पमत्ते, चयाहि एगं तु अप्पमत्तंम्मि ।
जं इत्थिवेयउदए, आहारगमीसगा नत्थि ॥ १३ ॥
सव्वगुणठाणगेषु, विसेसहेऊण एत्तिया संखा ।
ढायाललक्ख चासीई, सहस्स सय सत्त सयरी य ॥१४
सोलसठारस हेऊ, जहन्न उक्कोसया असन्नीणं ।
चोद्दसठारसऽपज्जस्स सन्निणो सन्निगुणगहिओ ॥१५॥
मिच्छत्तं एगं चिय, ठक्कायवहो तिजोगसन्निम्मि ।
इंदियसंखा सुगमा, असन्निविगलेसु दो जोगा ॥१६॥
एवं च अपज्जाणं, वायरसुहुमाण पज्जयाण पुणो ।
तिण्णोक्ककायजोगा, सण्णिण अपज्जे गुणा तिन्नि १७॥
उरत्थेण तिन्नि छण्हं, सरीरपज्जत्तयाण मिच्छाणं,
सविउव्वेणं सन्निस्स, सम्ममिच्छस्स वा पंच ॥१८॥
सोलस मिच्छनिमित्ता, ब्रह्महि पणतीस अविरईए य ।
सेसा उ कसाएहिं, जोगेहि य सायवेयणीयं ॥१९॥
त्तिथयराराहाणं, बंधे सम्मत्तसंजमा हेऊ ।
पयडीपएसबंधा, जोगेहिं कसायओ इयरं ॥ २० ॥

(१९७)

खुप्पिवासुणहसीयाणि, सेज्जा रोगो वहो मलो ।
तणफासो चरीया य, दंसेक्कारस जोगिसु ॥ २१ ॥
वेयणीयभवा एए पन्नानाणा उ आइमे ।
अट्टमंमि अलाभोत्थो छउमत्थेसु चोइस ॥ २२ ॥
निसेज्जा जायणाकोसो, अरई इत्थिनग्गया ।
सक्कारो दंसणं मोहा, बावीसा चेव रागिसु ॥ २३ ॥

॥ इति बंधहेतुलक्षणं चतुर्थं द्वारम् ॥

॥ अथ बन्धविधिलक्षणं पंचमं द्वारम् ॥

बद्धस्सुदओ उदए, उदीरणा तदवसेसयं संतं ।
तम्हा बंधविहाणे, भन्नंते इइ भणियव्वं ॥ १ ॥
जा अपमत्तो सत्तट्टुबंधगा सुहुम छण्हमेगस्स ।
उवसंतखीणजोगी, सत्तण्हं नियट्टिमीसअनियट्टी ॥२॥
जा सुहुमसंपराओ, उइन्न संताइं ताव सव्वाइं ।
सत्तट्टुवसंते खीणे, सत्त सेसेसु चत्तारि ॥ ३ ॥
बंधंति सत्तअट्ट व, उइन्नसत्तट्टुगा उ सव्वे वि ।

सत्तद्वृत्तेगबंधगभंगा पज्जत्तसनिमि ॥ ४ ॥
 जाव पमत्तो अट्टण्हदीरगो वेयआउवज्जाणं ।
 सुहुमो मोहेण य जा, खीणो तप्परओ नामगोयाणं ॥
 जावुदओ ताव उदीरणा वि वेयणीयआउवज्जाणं ।
 अद्धावलिया सेसे, उदए उ उदीरणा नत्थि ॥ ६ ॥
 सायासायाऊणं, जाव पमत्तो अजोगि सेसुदअओ ।
 जा जोगि उईरिज्जइ, सेसुदया सोदयं जाव ॥ ७ ॥
 निद्दाउदयवईणं, समिच्छपुरिसाण एगचत्ताणं ।
 एयाणं चिय भज्जा, उदीरणा उदए नन्नासिं ॥८॥
 होइ अणाइअणंतो, अणाइसंतो य साइसंतो य ।
 बंधो अभव्वभव्वोवसंतजीवेषु इइ तिविहो ॥ ९ ॥
 पयडीठीईपएसाणुभागभेया चउव्विहेक्केक्को ।
 उक्कोसाणुक्कोसगजहन्नअजहन्नया तेसिं ॥१०॥
 ते वि हु साइअणाईधुवअद्धुवभेयओ पुणो चउहा ।
 ते दुविहा पुण नेया, मूलुत्तरपयइभेएणं ॥ ११ ॥
 भूओगारप्पयरग, अव्वत्त अव्वट्ठिअओ य विन्नेया ।
 मूलुत्तरपगईबंधणासिया ते इमे सुणसु ॥ १२ ॥

इगछाइ मूलियाणं, बंधट्टाणा हवंति चत्तारि ।
 अबंधगो न बंधइ, इइ अवत्तो अओ नत्थि ॥१३॥
 भूओगारप्पयरगअवत्तअवठिया जहा बंधे ।
 उदए उदीरणाए, संते जह संभवं नेया ॥ १४ ॥
 बंधट्टाणा तिदसठ्ठ, दंसणावरणमोहनामाणं ।
 सेसाणेगमवठियबंधो सव्वत्थ ठाणसमो ॥ १५ ॥
 भूओगारा दो नव, छ यप्पतरा दु अठ सत्त कमा ।
 मिच्छाओ सासणत्तं, न एकतीसेक्कगुरु जम्हा ॥१६॥
 चउ छ विइए नामंमि, एग गुणतीस तीस अवत्ता ।
 इग सत्तरस य मोहे, एक्केक्को तइयवज्जाणं ॥ १७ ॥
 इगसयरेगुत्तर जा, दुवीस छवीस तह तिपन्नाइं ।
 जा चोवत्तरि वावठ्ठिरहियबंधाओ गुणतीसं ॥ १८ ॥
 एक्कार बार तिचउक्कवीस गुणतीसओ य चउतीसा
 चउआला गुणसठ्ठी, उदयट्टाणाइं छवीसं ॥ १९ ॥
 भूयप्पयरा इगिचउवीसं जन्नेइ केवली छउमं ।
 अजओ य केवलित्तं, तित्थयरियरा व अन्नोन्नं ॥२०॥
 एक्कारबारसासी, इगि चउ पंचाहिया य चउणउई ।

एत्तो चउदहियसयं, पणवीसाओ य छायालं ॥२१॥
 बत्तीसं नत्थि सयं, एवं अडयाल संत ठाणाणि
 जोगिअघाइचउक्के, भण खिविउं घाइसंताणि ॥२२॥
 साई अधुवो नियमा, जीवविसेसे अणाइ अधुव धुवो ।
 नियमा धुवो अणाई, अधुवो अधुवोव साई वा ॥२३॥
 उक्कोसा परिवडिए, साइ अणुक्कोसओ जहन्नाओ ।
 अब्बन्धाओ वियरो, तदभावे दो वि अविसेसा ॥२४॥
 तेणाई ओहेणं, उक्कोसजहन्नगो पुणो साई ।
 अधुव्राण साइ सव्वे, धुवाणणाइ वि संभविणो ॥२५॥
 मूलुत्तरपगईणं, जहन्नओ पगइबन्ध उवसंते ।
 तब्भठा अजहन्नो, उक्कोसो सन्निमिच्छंमि ॥२६॥
 आउस्स साइअधुवो, बन्धो तइयस्स साइअवसेसो ।
 सेसाण साइआई, भव्वाभव्वेसु अधुवधुवो ॥ २७॥
 साई अधुवो सव्वाण, होइ धुवबन्धियाण णाइधुवो ।
 निययअबन्धचुयाणं, साइ अणाई अपत्ताणं ॥२८॥
 नरयतिगं देवतिगं, इगिविगलाणं विउव्वि नो बन्धे ।
 मणुयतिगुच्चं च गईतसंमि तिरि तित्थआहारं ॥२९॥

वेउव्वाहारदुगं, नारयसुरसुहुमविगलजाइतिगं ।
 बन्धहि न सुरा सायवथावरएगिदि नेरइया ॥ ३० ॥
 मोहे सयरी कोडाकोडीओ वीस नामगोयाणं ।
 तीसियराण चउण्हं, तेत्तोसयराइं आउस्स ॥ ३१ ॥
 सोत्तुमकसाइ तणुया, ठिइ वेयणियस्स वारसमुहुत्ता ।
 अछ्छ नाम गोयाण, सेसयाणं मुहुत्तंतो ॥ ३२ ॥
 सुक्किलसुरभीमहुराण, दस उ तह सुभचउण्ह फासाणं
 अट्ठाइज्ज पवुट्ठी, अंबिलहालिहपुव्वाणं ॥ ३३ ॥
 तीसं कोडाकोडी, असायआवरणअंतरायाणं ।
 मिच्छे सयरी इत्थीमणुदुगसायाण पन्नरस ॥ ३४ ॥
 संघयणे संठाणे, पढमे दस उवरिमेसु दुगवुट्ठी ।
 सुहुमतिवामणविगले, ठारस चत्ता कसायाणं ॥ ३५ ॥
 पुंहासरईउच्चे, सुभखगतिथिराइछक्कदेवदुगे ।
 दस सेसाणं वीसा, एवइयावाहवाससया ॥ ३६ ॥
 सुरनारयाउयाणं, अयरा तेत्तीस तिन्नि पलियाइं ।
 इयराणं चउसु वि पुव्वकोडितंसो अवाहाओ ॥ ३७ ॥
 वोलीणेसुं दांसुं, भागेसुं आउयस्स जो बन्धो ।

भणिओ असंभवाओ, न घडइ सो गइचउक्के वि ॥३८
 पलियासंखेज्जंसे, बंधंति न साहिए नरतिरिच्छा ।
 छम्मासे पुण इयरा, तदाउ तंसो बहं होइ ॥ ३९ ॥
 पुव्वाकोडी जेसिं, आऊ अहिकिच्च ते इमं भणियं ।
 भणिअं पि नियअवाहं, आउं बंधंति अमुयंता ॥४०॥
 निरुवकमाण छमासा, इगिविगलाणं भवठिई तंसो ।
 पलियासंखेज्जंसं, जुगधम्मीणं वयंतन्ने ॥ ४१ ॥
 अंतो कोडीकोडी, तित्थयराहार तीए संखाओ ।
 तेतीसपलियसंखं, निकाइयाणं तु उक्कोसा ॥४२॥
 अंतोकोडाकोडी, ठिइए वि कहं न होइ ? तित्थयरे ।
 संते कित्तियकालं, तिरिओ अह होइ उ विरोहो ॥४३॥
 जमिह निकाइयतित्थं, तिरियभवे तं निसेहियं संतं ।
 इयरंमि नत्थि दोसो, उवट्टणवट्टणासप्पे ॥४४॥
 पुव्वकोडीपरओ; इगि विगल्लो वा न बन्धए आउं ।
 अंतो कोडाकोडीए आरउ अभवसन्नी उ ॥४५॥
 सुरनारयाउयाणं, दसवाससहस्स लघु सतित्थाणं ।
 इयरे अंतमुहुत्तं, अंतमुहुत्तं अवाहाओ ॥४६॥

पुंवेए अठ वासा अठ मुहुत्ता जसुच्चगोयाणं ।
 साए बारसहारगविग्घावरणाण किंचूणं ॥४७॥
 दोमास एग अद्धं, अंतमहुत्तं च कोहपुवाणं ।
 सेसाणुक्कोसाओ, मिच्छत्तठिईए जं लद्धं ॥४८॥
 वेउविठक्कि तं, सहसताडियं जं असन्निणो तेसिं ।
 पलियासंखंसूणं ठिई अबाह्णियनिसेगो ॥४९॥
 मोत्तुमवाहासमए, बहुगं तयणंतरे रयइ दलियं ।
 तत्तो विसेसहीण, कमसो नेयं ठिई जाव ॥५०॥
 आउस्स पढमसमया, परभविया जेण तस्स उ अवाहा ।
 पल्लासंखियभागं, गंतुं अद्धद्धयं दलियं ॥५१॥
 पलिओवमस्स मूला, असंखभागम्मि जत्तिया समया
 तावइया हाणीओ, ठिइबन्धुक्कोसए नियमा ॥५२॥
 उक्कोसठिईबन्धा, पल्लासंखेज्जभागमित्तेहिं ।
 हसिएहिं समएहिं हसइ अवाहाए इगसमओ ॥५३॥
 जा एगिदिजहन्ना, पल्लासंखंससंजुया सा उ ।
 तेसिं जेठा सेसाण संखभागहिय जा सन्नी ॥५४॥
 पणवीसा पन्नासा, सय दससयताडिया इगिदिठिई ।

विगलासन्तीण कम्मा, जायइ जेठा व इयरा वा ॥
 ठिइठाणाइं एगिंदियाण थोवाइं हेांति सवाणं ।
 बेदीण असंखेज्जाणि, संखगुणियाणि जह उप्पिं ॥५६॥
 सव्वजहन्ना वि ठिइं, असंखलोगप्पएसतुल्लेहिं ।
 अप्पवसाएहिं भवे, विसेसअहिएहिं उवरुरिं ॥५७॥
 अस्संखलोगखपएसतुल्लया हीणमप्पिमुक्कोसा ।
 ठिइं बंधप्पवसाया, तीए विसेसा असंखेज्जा ॥५८॥
 सत्तण्हं अजहन्नो, चउहा ठिइबंधु मूलपगईणं ।
 सेसा उ साइअधुवा, चत्तारि वि आउए एवं ॥५९॥
 नाणंतरायदंसणचउक्कसंजलणठिइं अजहन्ना ।
 चउहा साइं अधुवा, सेसा इयराण सवाओ ॥६०॥
 अट्टारसण्ह खवगो, वायरएगिंदि सेसधुवियाणं ।
 पज्जो कुणइ जहन्नं साइं अधुवो अओ एसो ॥६१॥
 अट्टाराणऽजहन्नो, उवसमसेढीए परिवडंतस्स ।
 साइं सेसवियप्पा, सुगमा अधुवा धुवाणंपि ॥६२॥
 सव्वाणवि पगईणं, उक्कोसं सन्निणो कुणंति ठिइं ।
 एगिंदिया जहन्नं असन्निखवगा य काणंपि ॥६३॥

सव्वाण ठिई असुभा, उक्कोसुक्कोससंकिलेसेणं ।
 इयरा उ विसोहीए, सुरनरतिरिआउए मोत्तुं ॥६४॥
 अणुभागोणुक्कोसो, नामतइज्जाण घाइ अजहन्नो
 गोयस्स दोवि एए, चउठिवाहा सेसया दुविहा ॥६५॥
 सुभधुवियाणणुक्कोसो, चउहा अजहन्न असुभधुवियाणं
 साई अधुवा सेसा, चत्तारिवि अधुवबंधीणं ॥६६॥
 असुभधुवाण जहणं, बंधगचरमा कुणंति सुविसुद्धा ।
 समयं परिवडमाणा, अजहणं साइया दोवि ॥६७॥
 सयलसुभाणुक्कोसं, एवमणुक्कोसगं च नायवं ।
 वन्नाई सुभअसुभा, तेणं तेयाल धुवअसुभा ॥६८॥
 सयलासुभायवाणं, उज्जोयतिरिक्खमणुयआऊणं ।
 सन्नी करेइ मिच्छो, समयं उक्कोस अणुभागं ॥६९॥
 आहार अप्पमत्तो, कुणइ जहन्नं पमत्तयाभिमुहो ।
 नरतिरिय चोइसण्हं, देवाजोगाण साउण ॥७०॥
 ओरालियतिरियदुगे, नीउज्जोयाण तमतमा छण्हं ।
 मिच्छनरयाणभिमुहो सम्मदिठी उ तित्थस्स ॥७१॥
 सुभधुवतसाइचउरो, परघायपणिंदिसास चउगइया ।

उक्कडमिच्छा ते च्चिय, थीअपुमाणं विसुप्रंता ॥ ७२
 थिरसुभजससायाणं सरडिवक्खाण मिच्छ सम्मो वा।
 मप्पिमपरिणामो कुणइ. थावरेगिंदिए मिच्छो ॥७३॥
 सुसुराइतिन्नि दुगुणा, संठिइसंघयणमणुयविहजुयले ।
 उच्चे चउगइमिच्छा, अरईसोगाण उ पमत्तो ॥७४॥
 सेढिअसंखेजंसो, जोगछाणा तओ असंखेज्जा ।
 पयडीभेअ्या तत्तो, ठिइभेया हेअंति तत्तो वि ॥७५॥
 ठिइबंधप्पवसाया, तत्तो अणुभागबंधठाणाणि ।
 तत्तो कम्मपएसाणंतगुणा तो रसच्छेया ॥ ७६ ॥
 एगपएसोगाढे, सव्वपएसेहिं कम्मणो जोगे ।
 जीवो पोग्गलदव्वे, गिणहइ साई अणाई वा ॥७७॥
 कमसो बुद्धुठिईणं, भागो दलियस्स होइ सविसेसो ।
 तइयस्स सव्वजेट्ठो, तस्स फुडत्तं जओ णप्पे ॥७८॥
 जं समयं जावइयाइं, बंधए ताण एरिसविहीए ।
 पत्तेयं पत्तेयं, भागे निव्वत्तए जीवो ॥ ७९ ॥
 जह जह य अप्पपगईण, बंधगो तह तहत्ति उक्कोसं ।
 कुव्वइ पएसबंधं, जहन्नयं तस्स वच्चासा ॥ ८० ॥

नाणंतराइयाणं, परभागा आउगस्स नियगाओ ।
 परमो पएसवन्धो सेसाणं उभयओ होइ ॥ ८१ ॥
 उक्कोसमाइयाणं, आउम्मि न संभवो विसेसाणं ।
 एवमिणं किंतु इमो, नेओ जोग छइविसेसा ॥ ८२ ॥
 मोहाउयवज्जाणं, अणुक्कोसो साइयाइओ होइ ।
 साई अधुवा सेसा, आउगमोहाण सव्वेवि ॥ ८३ ॥
 छव्वन्धगस्स उक्कस्स, जोगिणो साइअधुवउक्कोसो
 अणुक्कोस तच्चुयाओ, अणाइअधुवाधुवा सुगमा ८४
 होइ जहन्नोऽपज्जत्तगस्स सुहुमगनिगोयजीवस्स ।
 तस्समउप्पन्नगसत्तबंधगस्सप्पविरियस्स ॥ ८५ ॥
 एक्कं समयं अजहन्नओ तओ साइअच्छुवा दोवि ।
 मोहेवि इमे एवं, आउम्मिय कारणं सुगमं ॥ ८६ ॥
 मोहस्स अइकिलिट्ठे उक्कोसो सत्तबंधए मिच्छे ॥
 एक्कं समयणुक्कोसओ तओ साइअधुवाओ ॥ ८७ ॥
 नाणंतरायनिद्दाअणवज्जकसायभयदुगंठाण ।
 दंसणचउपयत्ताणं, चउवि(वि)गप्पो अणुक्कोसो ॥ ८८ ॥
 सेसा साई अधुवा, सव्वे सव्वाण सेसपयईणं ।

जाण जहिं बंधंतो । उक्कोसो ताण तत्थेव ॥८९॥
निययअबंधचुयाणं, णुक्कोसो साइणाइतमपत्ते ।
साइं अधुवोऽधुवबंधियाण धुवबंधणा चेव ॥९०॥
अप्पतरपगइबन्धे, उक्कडजोगी उ सन्निपज्जत्तो ।
कुणइ पएसुक्कोसं, जहन्नयं तस्स वच्चासे ॥९१॥
सत्तविहबन्धमिच्छे, परमो अणमिच्छथीणगिद्धीणं ।
उक्कोससंकिलिछे, जहन्नओ नामधुवियाणं ॥९२॥
समयादसंखकालं, तिरिदुगनीयाणि जाव वप्पंति ।
वेउव्वियदेवदुगं, पल्लतिगं आउ अंतमुहू ॥ ९३ ॥
देसूणपुव्वकोडी, सायं तहऽसंखपोग्गला उरलं ।
परघाउस्सासतसचउपणिंदि पगसिय अयरसयं ॥९४॥
चउरंसउच्चसुभखगइपुरिससुस्सरतिगाग छावठी ।
बिउणा मणुदुगउरलंगरिसहतित्थाण तेत्तीसा ॥९५॥
सेसाणंतमुहुत्तं, समया तित्थाउगाण अंतमुहू ।
बन्धो जहन्नओवि हु, भंगतिगं निच्चबन्धीणं ॥९६॥
होइ अणाइ अणंतो, अणाइसंतो धुवोदयाणुदओ ।
साइसपज्जवसाणो, अधुवाणं तह य मिच्छस्स ॥९७॥

पयडिठिइमाईया, भेया पुव्वुत्तया इहं नेया ।
 उदीरणउदयाणं, जन्नाणत्तं तयं वोच्छं ॥ ९८ ॥
 चरमोदयमुच्चाणं, अजोगिकालं उदीरणाविरहे ।
 देसूणपुव्वकोडी, मणुयाउगवेयणीयाणं ॥ ९९ ॥
 तइयच्चियपज्जत्ती, जा ता निदाण होइ पंचण्हं ।
 उदओ आवलिअंते, तेवीसाए उ सेसाणं ॥१००॥
 मोहे चउहा तिविहोवसेससत्तण्ह मूलपगईणं ।
 मिच्छत्तुदओ चउहा, अधुवधुवाणं दुविहतिविहो ॥१०१॥
 उदओ ठिइक्खएणं, संपत्तीए सभावतो पढमो ।
 सति तम्मि भवे वीओ, पओगओदीरणा उदओ १०२
 उदीरणजोग्गाणं, अब्भहियठिईए उदयजोग्गाओ ।
 हस्सुदओ एगठिईणं, निहुणाएगियालाए ॥१०३॥
 अणुभागुदओवि उदीरणाए तुल्लो जहन्नयं नवरं ।
 आवलिगंते सम्मत्तवेयखीणंतलोभाणं ॥ १०४ ॥
 अजहण्णोऽणुक्कोसो, चउहतिहा छण्ह चउविहो मोहे ।
 आउस्स साइ अधुवा, सेसविअप्पा य संब्वेसिं ॥१०५॥
 अजहन्ने णुक्कोसो, धुवोदयाणं चउत्तिहा चउहा ।

मिच्छते सेसासिं, दुविहा सव्वे य सेसाणं ॥ १०६ ॥
 संमत्तदेससंपुन्नविरइउप्पत्तिअणविसंजोगे ।
 दंसणखवणे मोहस्स, समणेउवसंतखवगे य ॥१०७॥
 खीणाइतिगे असंखगुणियगुणसेढिदलिय जहक्कमसो ।
 सम्मत्ताईणेक्का रसणह कालो उ संखसे ॥१०८॥
 झत्ति गुणाओ पडिण, मिच्छत्तगयंमि आइमा तित्थि ।
 वंभंति न सेसाओ, जं झीणासुं असुभमरणं ॥१०९॥
 उक्कोसपएसुदयं, गुणसेढीसीसगे गुणियकम्मो ।
 सव्वासु कुणइ ओहेण, खवियकम्मो पुण जहन्नं ११०
 सम्मत्तवेयसंजलणयाण खीणंतदुजिणअंताणं ।
 लहु खवणाए अंते, अवहिस्स अणोहिणुक्कोसो १११
 पढमगुणसेढिसीसे, निदापयत्ताण कुणइ उवसंतो ।
 देवत्तं झत्ति गच्छो, वेउव्वियसुरदुग स एव ॥११२॥
 तिरिणंगंतुदयाणं, मिच्छत्तणमीसथीणगिद्धीणं ।
 अपजत्तस्स य जोगे, दुत्तिगुणसेढीण सीसाणं ॥११३॥
 से कालेंतरकरणं, होही अमरो य अंतमुहुपरअथो ।
 उक्कोसपएसुदओ, हासाइसु मग्गिमडण्हं ॥११४॥

हस्सठिई बंधित्ता अच्चाजोगाइठिइनिसेगाणं ।
 उक्कोसपए पढमोदयम्मि सुरनारगाऊणं ॥ ११५ ॥
 अच्चा जोगुक्कोसे, बंधित्ता भोगभूमिगेसु लहुं ।
 सव्वप्पजीवियं वज्जइत्तु ओवट्टिया दोणहं ॥११६॥
 नारयतिरिदुगदुभगाइनीयमणुयाणुपुव्विगाणं तु ।
 दंसणमोहक्खवगो, तइयगसेढीउ पडिभग्गो ॥११७॥
 संघयणपंचगस्स उ, विइयादितिगुणसेढिसीसम्मि ।
 आहारुज्जोयाणं, अपमत्तो आइगुणसीसे ॥११८॥
 गुणसेढीए भग्गो, पत्तो बेइंदिपुढविकायत्तं ।
 आयावस्स उ तव्वेइ, पढमसमयंमि वट्टंतो ॥११९॥
 देवो जहन्नयाऊ, दीहुव्वट्टित्तु मिच्छ अन्तम्मि ।
 चउनाणदंसणतिगे, एगिंदिगए जहन्नुदयं ॥१२०॥
 कुव्वइ ओहिदुगस्स उ, देवत्तं संजमाउ संपत्तो ।
 मिच्चुक्कोसुक्कट्टिय, आवलिगंते पएसुदयं ॥१२१ ॥
 वेयणियउच्चसोयंतराय अरईण होइ ओहिसमो ।
 निहादुगस्स उदए, उक्कोसठिईउ पडियस्स ॥१२२॥
 मइसरिसं वरिसवरं, तिरियगई थावरं च नीयं च ।

इंदियपज्जत्तीए, पढमे समयंमि गिद्धित्तिगे ॥१२३॥
 अपुमित्थिसोगपढमिल्लअरइरहियाण मोहपगईणं ।
 अंतरकरणाउ गए, सुरेसु उदयावलीअंते ॥ १२४ ॥
 उवसंतो कालगओ, सव्वट्टे जाइ भगवई सिद्धं ।
 तत्थ न एयाणुदओ, असुभुदए होइ मिच्छस्स ॥१२५॥
 उवसामइत्तु चउहा, अन्तमुहू बंधिज्जण बहुकालं ।
 पालिय सभ्मं पढमाण, आवलीअंतमिच्छगए ॥१२६॥
 इत्थीए संजमभवे, सव्वनिरुद्धंमि गंतु मिच्छतो ॥
 देवी लहु जिट्ठिठई, उव्वट्टिय आवलीअंते ॥ १२७ ॥
 अप्पद्धाजोगसमज्जियाण, आज्जण जिट्ठिठइअंते ।
 उवरिं थोवांसेगे, चिर तिव्वासायवेईणं ॥ १२८ ॥
 संजोयणा विजोजिय, जहन्नदेवत्तमंतिममुहुत्ते
 बंधिय उक्कोस्सठिइं, गंतूणेगिंदियासन्नी ॥ १२९ ॥
 सव्वलहुं नरयगए, नरयगई तम्मि सव्वपज्जत्ते ।
 अणुपुव्वसगइत्तुल्ला, ता पुण नेया भवाइम्मि ॥१३०॥
 देवगई अओहिसमा, नवरं उज्जोयवेयगो जाहे ।
 चिरसंजमिणो अंते, आहारे तस्स उदयम्मि ॥१३१॥

सेसाणं चखुसमं, तंमिव अन्नंमि वा भवे अ चिरा ।
 तज्जोगा बहुयाओ, ता ताओ वेयमाणस्स ॥१३२॥
 पढमकसाया चउहा । तिहा धुवं साइ अध्धुवं संतं
 दुचरिमखीणभवन्ता । निहादुगचोइसाऊणि ॥१३३॥
 तिसु मिच्छत्तं नियमा, अट्टसु ठाणेसु होइ भइयव्वं ।
 सासायणंमि नियमा, सम्मं भज्जं दससु संतं ॥१३४॥
 सागणभीसे मीसं सन्तं नियमेण नवसु भइयव्वं ।
 सासायणंत नियमा, पंचसु भज्जा अओ पढमा ॥१३५॥
 मब्झिल्लठकसाया, ता जा अणियट्टिखवगसंखेया ।
 भागा तो संखेया, ठिइखंडा जाव गिद्धितिंगं ॥१३६॥
 थावरतिरिगइदोदो, आयावेगिंदिविगलसाहारं ।
 नरयदुगुज्जोयाणि य, दसाइमेगंततिरिजोग्गा ॥१३७॥
 एवं नपुंसइत्थी सन्तं छक्कं च वायर पुरिसुदए ।
 समऊणाओ दोल्लिउ, आवल्लियाओ तओ पुरिसं ॥
 इत्थीउदए नपुंसं, इत्थीवेयं च सत्तगं च कमा ।
 अपुमोदयंमि जुगवं, नपुंसइत्थी पुणो सत्त ॥१३९॥
 संखेज्जा ठिइखंडा, पुणोवि कोहाइलोभसुहुमत्ते ।

आसज्ज खवगसेढी, सव्वा इयराइ जा संतो ॥१४०॥
 सव्वाणवि आहारं, सासणमीसेयराण पुण तित्थं ।
 उभये संति न मिच्छे, तित्थगरे अंतरमुहुत्तं ॥१४१॥
 अन्नयरवेयणीयं, उच्चं नामस्स चरमउदयाओ ।
 मणुयाउ अजोगंता सेसा उ दुचरिमसमयंता ॥१४२॥
 मूलठिई अजहन्ना तिहा चउद्धा उ पढमयाण भवे ।
 धुवसंतीणंपि तिहा, सेसविगप्पाऽधुवा दुविहा ॥१४३॥
 बंधुदउक्कोसाणं उक्कोसठिई उ संतमुक्कोसं ।
 तं पुण समयेणूणं अणुदयउक्कोसबंधीणं ॥१४४॥
 उदसंकमउक्कोसाण, आगमो सालिगो भवे जेष्ठो ।
 सन्तं अणुदयसंकमउक्कोसाणं तु समऊणो ॥१४५॥
 उदयवईणोमठिई अणुदयवइयाणु दुसमया एगा ।
 होइ जहन्नं सत्तं दसण्ह पुण संकमो चरिमो ॥१४६॥
 हासाइ पुरिसकोहाइ, तिन्नि संजलण जेण बंधुदए
 बोछिन्ने संकामइ तेण इहं संकमो चरिमो ॥ १४७ ॥
 जावेगिंदिजहन्ना नियगुक्कोसा हि ताव ठिइठाणा ।
 नेरंतरेण हेष्ठा खवणाइसु संतराइंपि ॥ १४८ ॥

संकमतुल्लं अणुभागसंतयं नवरि देसघाईणं ।
हासाईरहियाणं जहन्नयं एगठाणं तु ॥ १४९ ॥
मणनाणे दुट्टाणं देसघाई य सामिणो खवगा ।
अंतिमसमये सम्मत्तवेयखीणत्तलोभाणं ॥ १५० ॥
मइसुयचखुअचखू, सुयसम्मत्तस्स जेट्टलद्धिस्स ।
परमोहिस्सोहिदुगे, मणनाणे विपुलनाणिस्स ॥१५१॥
अणुभागछाणाइं तिहा कमा ताणसंखगुणियाणि ।
बंधा उव्वट्टोवट्टणाउ अणुभागघायाओ ॥ १५२ ॥
सत्तण्हं अजहन्नं, तिविहं सेसा दुहा पएसंमि ।
मूलपगईसु आउस्स, साइ अधुवाय सव्वेवि ॥१५३॥
सुभधुवबधितसाई, पणिदिचउरंसरिसभसायाणं ।
संजलगुस्साससुभखगइपुंपराघायणुक्कोसं ॥ १५४ ॥
चउहा धुवसंतीणं, अणजससंजलणत्तोभवजाणं ।
तिविहमजहण्ण चउहा, इमाण छण्हं दुहाणुत्तां ॥१५५॥
संपुण्णगुणियकम्मो, पएसउक्कस्ससंतसामीओ ।
तस्सेव सत्तमीनिग्गयस्स काणं विसेसो वि ॥१५६॥
मिच्छमीसेहिं कमसो, संपक्खित्तेहिं मीससम्मेषु ।

वरिसधरस्स उ ईसाणगस्स चरिमम्मि समयम्मि ॥
 ईसाणे पूरित्ता, नपुंसगं तो असंखवासीसु ।
 पल्लासंखियभागेग, पुरए इत्थीवेयस्स ॥१५८॥
 जो सब्बसंक्रमेणं,, इत्थिपुरिसम्मि बुहइ सो सामी ।
 पुरिसस्स कम्मसंजलणयाण सो चेव संछोभे ॥१५९॥
 चउरुवसामिय मोहं, जसुच्चसायाण सुहुमखवगंते ।
 जं असुभपगइदलियस्स संक्रमो होइ एयासु ॥१६०॥
 अद्धाजोगुक्कोसेहिं देवनिरयाउगाण परमाए ।
 परमं पएस संतं, जा पढमो उदयसमओ सो ॥१६१॥
 सेसाउगाणि नियगेसु, चेव आगंतु पुव्वकोडीए ।
 सायबहुलस्स अचिरा, बंधंते जाव नो वट्टे ॥१६२॥
 पूरित्तु पुव्वकोडी-पुहुत्तनारयदुगस्स बंधंते ।
 एवं पलियतिगंते, सुरदुगवेउव्वियदुगाणं ॥१६३॥
 तमतमगो अइखिप्पं, सम्मत्तं लभिय तंमि बहुगच्छं ।
 मणुयदुगस्सुक्कोसं, सब्बजरिसभस्स बंधंते ॥१६४॥
 बेछावृत्तिचियाण, मोहस्सुवसामगस्स चउखुत्तो ।
 सम्मधुववारसण्हं, खवगंमि सबंधअंतम्मि ॥१६५॥

सुभथिरसुभधुवियाणं, एवं चिय होइ संतमुक्कोसं ।
 तिथ्यराहाराणं, नियनियगुक्कोसबंधंते ॥ १६६ ॥
 तुब्ला नपुंसगेणं, एगिंदिय थावरायवुज्जोया ।
 सुहुमतिगं विगलावि य, तिरिमणुयचिरच्चिया नवरिं ॥
 ओहेण खवियकम्मे, पएससंतं जहन्नयं होइ ।
 नियसंकमस्स विरमे, तस्सेव विसेसियं मुणसु ॥१६८॥
 उव्वलमाणीणेगठिई, उव्वलए जया दुसामइगा ।
 थोवद्धमज्जियाणं, चिरकालं पालिआ अंते ॥१६९॥
 अंतिमलोभजसाणं, असेढिगाहापवत्तअन्तंमि ।
 मिच्छत्तगए आहारगस्स सेसाणि नियगंते ॥१७०॥
 चरमावलिप्पविष्ठा, गुणसेढी जासि अत्थि न य उदओ
 आवलिगा समयसमा, तासिं खलु फड्डगाई तु ॥
 सब्वजहन्नपएसे, पएसवुड्डीएणंतया भेया ।
 ठिइठाणे ठिइठाणे, विन्नेया खवियकम्माओ ॥१७२ ॥
 एगट्ठिइयं एगाए, फड्डुगं दोसु होइ दोठिइगं ।
 तिगप्पाईसुवि एवं, नेयं जावंति जासिं तु ॥ १७३ ॥
 आवलिमेत्तुक्कोसं, फड्डुगमोहस्स सब्वघाईणं ।

तेशसनामतिनिहाण, जाव नो आवली गलइ १७४
 खीणद्धासंखंसं, खीणंताणं तु फड्डुगुक्कोसं ।
 उदयवईणेगहियं, निहाणं एगहीणं तं ॥ १७५ ॥
 अज्जोगिसंतिगाणं, उदयवईणं तु तस्स कालेणं ।
 एगाहिगेण तुल्लं, इयराणं एगहीणं तं ॥ १७६ ॥
 ठिइखंडाणइखुड्डं, खीणसजोगीण होइ जं चरिमं ।
 तं उदयवईणहियं, अन्नगए तूणमियराणं ॥ १७७ ॥
 जं समयं उदयवई, खिज्जइ दुच्चरिमयन्तु ठिइठाणं ।
 अणुदयवइए तम्मि, चरिमं चरिमंमि जं कमइ ॥१७८
 जावइयाउ ठिईओ, जसंतलोभाणहापवत्तंते ।
 तं इगिफड्डुं संते, जहन्नयं अकयसेढिस्स ॥ १७९ ॥
 अणुदयतुल्लं उव्वल्लणिगाण जाणिज्ज दीहउवल्लणे ।
 हासाईणं एगं, संछोभे फड्डुगं चरमं ॥१८०॥
 बन्धावलियाईयं, आवलिकालेण बीइठिइहिंतो ।
 लयठाण लयठाणं, नासेई संकमेणं तु ॥१८१॥
 संजलणतिगे दुसमय-हीणा दो आवलीण उक्कोसं ।
 फड्डुं विईय ठिइए, पढमाए अणुदयावलिया ॥१८२॥

आवलियदुसम ऊणा—मेत्तं फडुं तु पढमठिइविरमे ।
 वेयाण वि वे फडा ठिई दुगं जेण तिणहं पि ॥१८३॥
 पढमठिईचरमुदये, विइयठिईए व चरमसंछोमे ।
 दो फडा वेयाणं, दो इगि संतंहवा एए ॥१८४॥
 चरमसंछोभसमए, एगाठिई होइ त्थीनपुंसाणं ।
 पढमठिईए तदंते, पुरिसे दोआलिदुसमूणं ॥१८५॥
 ॥ इति श्रीपञ्चमं बन्धविधिद्वारम् ॥

॥ अथ कर्मप्रकृतिसंग्रहः ॥ बंधनकरणम् ॥
 णमिऊण सुयहराणं वोच्छं करणाणि बंधणाईणि ।
 संकमकरणं बहुसो अइदिसियं उदयसंते जं ॥१॥
 आवरणदेससव्वक्खएण दुविहेहवीरियं होइ ।
 अहिसंधिअणहिसंधी अकसाइ सलेसउभयंपि ॥२॥
 होइ कसाइ वि पढमं इयरमलेसी वि जं सत्तेसं तु ।
 गहणपरिणामफंदणरूवं तं जोगश्चो तिविहं ॥३॥
 जोगो विरियं थामो उच्छाह परक्कमो तथा चेट्टा ।
 सत्ती सामत्थं ति य जोगस्स हवंति पज्जाया ॥४॥

पन्नाए अविभागं जहन्नविरियस्स वीरियं छिन्नं ।
एक्केक्कस्स पएसस्स असंखलोगप्पएससमं ॥५॥
सवप्पवीरिएहिं जीवपएसोह वग्गणा पढमा ।
वीयाइ वग्गणाओ रूवुत्तरिया असंखाओ ॥६॥
ताओ फग्गमेगं अओ परं नत्थि रूववुद्धिए ।
जाव असंखा लोगा पुव्वविहाणेण तो फडा ॥७॥
सेढी असंखभागिय फडेहिं जहणयं हवइ ठाणं ।
अंगुल असंखभागुत्तराहिं भूओ असंखाइं ॥ ८ ॥
सेढीअसंखियभागं गंतुं गन्तुं भवंति दुगुणाइं ।
फडाइं ठाणेसु पलियासंखंसगुणयारा ॥ ९ ॥
वड्ढंति व हायंति व चउहा जीवस्स जोगठाणाइं ।
आवलिअसंखभागंतमुहत्तमसंखगुणहाणी ॥१०॥
जोगठाणठिइओ चउसमया अछ दोण्णि जा तत्तो
अछगुभयठिइजाओ ^{जाउ} नाववा परमसंखगुणियाणं ॥११॥
सुहुमेयराइयाणं जहणउक्कोसपज्जपजाणं ।
आसज्ज असंखगुणाणि हेतिं इह जोगठाणाणि ॥१२॥
जोगणुरूवं जीवा परिणामंतीह गिण्हउं दलियं ।

भासाणापाणमणोचियं च अवलंबए दठ्वं ॥१३॥
 एवकपएसाइ अणंतजाओ होऊण हेांति उरखस्स ॥
 अज्जोगंतरिआओ वग्गणाओ अणंताओ ॥ १४ ॥
 ओराल१विउवा२हार३तेय४भासा ५णुपाण६मण७कम्मेट
 अह दठ्ववग्गणाणं कमो विवज्जासओ खित्ते ॥१५॥
 कम्मोवरि धुवेयर सुन्नापत्तेय सुन्नवायरगा ।
 सुन्ना सुहुमे सुन्ना महखंधे सगुणनामाओ ॥१६॥
 सिद्धाणंतसेणं अहव अभव्वेह णंतगुणिएहिं ।
 जुत्ता जहन्नजोग्गा उरालाईणं भवे जेठा ॥ १७ ॥
 पंचरस पंचवणेहिं परिणया अठफासदोगंधा ।
 जावाहारगजोग्गा चउफासविसेसिया उवरिं ॥१८॥
 अविभागाइनेहेण जुत्तया ताव पोग्गला अत्थि ।
 सव्वजियाणंतगुणेण जाव नेहेण संजुत्ता ॥ १९ ॥
 जे एगनेहजुत्ता ते बहवो तेहिं वग्गणा पढमा ।
 जे दुगनेहाइजुत्था असंखभागूण ते कमसो ॥२०॥
 इय एरिसहाणीए जंति अणंताउ वग्गणा कमसो ।
 संखंसूणा तत्तो संखगुणूणा तओ कमसो ॥ २१ ॥

तत्तो असंखगुणूणा अणंतगुण ऊणिया वि तत्तो वि ।
 गंतुमसंखलोगा अद्धद्धा पोग्गला भूय ॥२२॥
 पढमहाणीए एवं बीयाए संखवग्गणा गंतुं ।
 अद्ध उवरित्थाअओ हाणीओ हेअंति जा तीए ॥२३॥
 थोवाओ वग्गणाअओ पढमहाणीए उवरिमासु कमा ।
 हेअंति अणंतगुणाओ अणंतभागो पएसाणं ॥२४॥
 पंचण्हसरीराणं परमाणूणं मतीए अविभागो ।
 कप्पिययाणेगंसो गुणाणु भावाणु वा हेअंति ॥२५॥
 जे सब्बजंहणणगुणा जोग्गा तणुबंधणस्स परमाणू ।
 तेवि य संखासंखगुणपलिभागेअ इक्कंता ॥२६॥
 सब्बजीयाणंतगुणेण जे उ नेहेण पोग्गला जुत्ता ।
 ते वग्गणा उ पढमा बंधणनामस्स जोग्गाअओ ॥२७॥
 अविभागुत्तरियाओ सिद्धाणं अणंतभागतुल्लाओ ।
 ताओ फड्डगमेगं अणंतविवराइं इय भूय ॥२८॥
 जइमं इच्छसि फड्डं तत्तियसंखाए वग्गणां पढमा ।
 गुणिया तस्साइल्ला रूवुत्तरियाओ अणंताअओ ॥२९॥
 अभवाणंतगुणाइं फड्डाइं अंतराउ रूवुणा ।

दोणंतरवुड्डीओ परंपरा हेअंति सठवाओ ॥३०॥
 पढमा उ अणंतेहिं सरीरठाणं तु होइ फडेहिं ।
 तयणंतभागवुड्डी कंडगमेत्ता भवे ठाणा ॥३१॥
 एक्कं असंखभागुत्तरेण पुण णंतभागवुड्डीए ।
 कंडगमेत्ता ठाणा असंखभागुत्तरं भूय ॥३२॥
 एवं असंखभागु-त्तराणि ठाणाणि कंडमेत्ताणि ।
 संखेज्जभागवुड्ढं पुण अन्नं उच्छए ठाणं ॥३३॥
 अमुयंतो तह पुव्वुत्तराइं एयंपि नेसु जा कंडं ।
 इय एयविहाणेणं च्छविहवुड्डी उ ठाणेसु ॥३४॥
 असंखलोगतुल्ला अणंतगुणरसजुयाय इयठाणा ।
 कंडंति एत्थ भन्नइ अंगुलभागो असंखेज्जो ॥३५॥
 होति पओगो जोगो तठाणविबुड्ढणाए जो उ रसो । ८३६
 परिवुडेइ जावो पओगफडं तयं वेति ॥३६॥
 अविभागवग्गफड्ढगअंतरठाणाइं एत्थ जह पुठिंवि ।
 ठाणाइं वग्गणाओ अणंतगुणणाए गच्छंति ॥३७॥
 तिणहंपि फड्ढगाणं; जहणणउक्कोसगा कमा ठविउं ।
 णेया णंतगुणाओ वग्गणा णेहफड्ढाओ ॥३८॥

अणुभागविसेसाओ मूलुत्तरपगइभेयकरणं तु ।
 तुल्लस्साविदलस्सा पयईओ गोणनामाओ ॥३१॥
 ठितिबंधो दलस्स ठिई पएसबंधो पएसगहणं जं ।
 ताण रसो अणुभागो तस्समुदाओ पगतिबंधो ॥४०॥
 मूलुत्तरपगईणं पुठिं व दलभागसंभवो वुत्तो ।
 रसभेएणं इत्तो मोहावरणाण निसुणेह ॥४१॥
 सब्बुक्कोसरसो जो मूलविभागस्सणंतिभो भागो ।
 सब्बघाईण दिज्जइ सो इयरो देसघाईणं ॥ ४२ ॥
 उक्कोसरसस्सद्धं मिच्छे अद्ध तु इयरघाईणं ।
 सज्जलणनोकसाया सेसं अद्धद्धयं लेंति ॥ ४३ ॥
 जीवस्सज्जवसाया सुभासुभासंखलोगपरिमाणा ।
 सब्बजीयाणन्तगुणा एक्केक्के हेंति भावाणू ॥४४॥
 एक्कज्जवसायस-मज्झियस्स दलियस्स किं रसो तुल्लो
 न हु हेंति णन्तभेया साहिज्जन्ते निसामेह ॥४५॥
 सब्बप्परसे गेणहइ जे बहवे तेहिं वग्गणा पढमा ।
 अविभागुत्तरिण्हिं अन्नाओ विसेसहीणेहिं ॥ ४६ ॥
 दठ्वेहिं वग्गणाओ सिद्धाणमणन्तभागतुल्लाओ ।

एयं पढमं फडुं अओ परं नरिथ रूवहिया ॥४७॥ दारं
 सव्वजियाणंतगुणा पलिभागा लंघितं पुणो अन्नो ।
 एवं हवति फड्डा सिद्धाणमणंतभागसमा ॥ ४८ ॥
 एयं पढमं ठाणं एवमसंखेज्जलोगठाणाणं ।
 समवग्गणाणि फड्डाणि तेसिं तुल्लाणि विवराणि ४९
 ठाणाणं परिवुड्डी-छठाणकमेण तं गयं पुठ्विं ।
 भागो गुणो य कीरति जहुत्तरं एत्थ ठाणाणं ॥५०॥
 ठठाणगअवसाणे अन्नं ठठाणयं पुणो अन्नं ।
 एवमसंखा लोगा छठाणाणं मुणेयव्वा ॥५१॥
 सव्वासिं बुड्डीणं कंडगमेत्ता अणंतरा बुड्डी ।
 एगंतरा उ बुड्डी वग्गो कंडस्स कंडं च ॥ ५२ ॥
 कंडं कंडस्स घणो वग्गो दुगुणो दुगंतराए उ ।
 कंडस्स वग्गवग्गो घणवग्गा तिगुणीआ कंडं ॥५३॥
 अड कंडवग्गवग्गा वग्गा चत्तारि छग्घणा कंडं ।
 चउअन्तर बुड्डीए हेछठाणपरूवणया ॥ ५४ ॥
 परिणामपच्चएणं एसा णेहस्स छव्विहा बुड्डी ।
 हाणी व कुणंति जिया आवलिभागं असंखेज्जं ॥५५॥

अन्तमुहुत्तं चरिमा दोवि समयं तु पुण जहण्णेणं ।
जवमज्झविहाणेणं एत्थ विगप्पा बहुठिईया ॥५६॥
कलिबारतेयकडजुम्म- सन्निया हेअंति रासिणो कमसो
एगाइसेसगा चउहियंमि कडजुम्म इह सव्वे ॥५७॥ ५
सुहुमगणिं पविसन्ता चिट्ठंता तेसि कायठितिकालो
कमसो असंखगुणिया तत्तो अणुभागठाणाइं ॥५८॥ ५१
सव्वत्थोवा ठाणा अणंतगुणणाए जे उ गच्छंति ।
तत्तो असंखगुणिया--णंतरबुद्धीए जह हेट्ठा ॥ ५९ ॥
हेअंति परंपरबुद्धीए थोवगाणंतभागबुद्धा जे ।
अस्संखसंखगुणिआ एक्कं दो दो असंखगुणा ॥६०॥
एगट्ठाणपमाणं अंतर ठाणा निरन्तरा ठाणा ।
कालो बुट्ठी जवमज्झ फासणा अप्पबहु दारा ॥६१॥
एक्केक्कंमि असंखा तसेयराणंतया सपाउगे ।
एगाइ जाव आवलिअसंखभागो तसा ठाणे ॥ ६२ ॥
तसजुत्तठाणविवरेसु सुण्णया हेअंति एक्कमाईआ ।
जाव असंखा लोगा निरन्तरा थावरा ठाणा ॥६३॥
दो आइ जाव आवलि असंखभागो निरन्तरतसेहिं ।

नाणा जिएहिं ठाणं असुण्णयं आवलिअसंखं ॥६४॥
 जवमज्झम्मि य बहवो विसेसहीणाओ उभयओ कमसो
 गंतुमसंखा लोगा अद्धद्धा उभयओ जीवा ॥६५॥
 आवलि असंखभागं तसेसु हाणीण होइ परिमाणं ।
 हाणिदुगन्तरठाणा थावरहाणी असंखगुणा ॥ ६६ ॥
 जवमज्झे ठाणाइं असंखभागो उ सेसठाणाणं ।
 हेठंमि हेंति थोवा उवरिंमि असंखगुणियाणि ॥६७॥
 दुग चउरद्वुतिसमइग सेसा य असंखगुणणया कमसो
 कालेऽईए पुठा जिएण ठाणा भमंतेणं ॥ ६८ ॥
 तत्तो विसेसअहियं जवमज्झा उवरिमाइं ठाणाइं ।
 तत्तो कंडगहेट्टा तत्तो वि हु सबठाणाइं ॥ ६९ ॥
 फासणकालप्पबहू जह तह जीवाण भणसु ठाणेसु ।
 अणुभागबन्धठाणा अज्झवसाया व एगट्टा ॥ ७० ॥
 ठित्तिठाणे ठिइठाणे कसाय उदया असंखलोगसमा
 एक्केक्ककसायुदए एवं अणुभागठाणाइं ॥७१॥
 थोवाणुभागठाणा जहण्णठित्तिपढमबंधहेउम्मि ।
 तत्तो विसेसअहिया जाचरमाए चरमहेऊ ॥ ७२ ॥

गंतुमसंखा लोगा पढमाहिंतो भवन्ति दुगुणाणि ।
 आवलिअसंखभागो दुगणठाणाण संवग्गो ॥ ७३ ॥
 असुभपगईणमेवं इयराणुक्कोसगम्मि ठिइवन्धे ।
 सव्वुक्कोसगहेऊ उ होइ एवंचिय असेसं ॥ ७४ ॥
 थोवाणुभागठाणा जहण्णठित्तिबंध असुभपगईणं ।
 समयवुड्डीए किंचि-हिवाइं सुहियाण विवरीयं ॥ ७५ ॥
 पलिया संखियमेत्ता ठितिठाणा गंतु गंतु दुगुणाइं ।
 आवलिअसंखमेत्ता गुणा गुणंतरमसंखगुणं ॥ ७६ ॥
 सव्वजहण्णठिईए सव्वाण वि आउगाण थोवाणि ।
 ठाणाणि उत्तरासु असंखगुणणाए सेढीए ॥ ७७ ॥
 गंठीदेसे सण्णी अभव्वजीवस्स जो ठिईबंधो ।
 ठिइवुड्डीए तस्स उ बन्धा अणुकड्ढिओ तत्तो ॥ ७८ ॥
 वग्गे वग्गे अणुकड्ढि तिव्वमंदत्तणाइं तुल्लाइं ।
 उवघाय घाइपयडी कुवण्णनवगं असुभवग्गो ॥ ७९ ॥
 परघाय बन्धणतणू अंगसुवण्णाइत्तित्थनिम्माणं ।
 अगुरुलहूसासतिगं संघाय छयालसुभवग्गो ॥ ८० ॥
 सायं थिराइ उच्चं सुर-मणुदोदो पणिंदि चउरंसं ।

रिसहपसत्थविहगइ सोलस परियत्तसुभवग्गो ॥ ८१ ॥
 अस्सायथावरदसं नरयदुगं विहगई य अपसत्था ।
 पंचिंदिरिसभचउरंसगेयरा असुभघोलणिया ॥ ८२ ॥
 मोत्तुमसखं भागं जहन्नठिइठाणगाण सेसाणि ।
 गच्छंति उवरिमाए तदेकदेसेण अण्णाणि ॥ ८३ ॥
 एवं उवरिं हुत्ता गंतूणं कंडमेत्तठितिवंधा ।
 पढमठितिठाणाणं अणुकड्डी जाइ परिणिठं ॥ ८४ ॥
 तदुवरिम आइयासुं कमसो वीयाईयाण निछाइ ।
 ठितिठाणाणणुकड्डी आउक्कस्सं ठिई जाव ॥ ८५ ॥
 उवघायाईणेवं एसा परघायमाइसु विसेसो ।
 उक्कोसठिईहिंतो हेट्टमुहं कीरइ असेसं ॥ ८६ ॥
 सप्पडिवक्खाणं पुण असायसायाईयाण पगईणं ।
 ठावेत्थ ठिईठाणा अन्तोकोडाइ नियनियगा ॥ ८७ ॥
 जा पडिवक्खक्कंता ठिईओ ताणं कमो इमो होई ।
 ताणन्नाणि य ठाणा सुद्धठिईणं तु पुव्वकमो ॥ ८८ ॥
 मोत्तूण नियमियराऽसुभाण जो जो जहन्नठितिवन्धो
 नियपडिवक्खसुभाणं ठावेयव्वो जहणयरो ॥ ८९ ॥

पडिवक्खजहन्नयरो तिरिदुगनीयाण सत्तममहीए ।
 सम्मत्ताईए तओ अणुकड्डी उभयवग्गेषु ॥ ९० ॥
 अछारस कोडीओ परघायकमेण तसचउक्के वि ।
 कंडं निवत्तणकंडगं च पल्लस्सऽसंखंसो ॥ ९१ ॥
 जा निवत्तणकंडं जहण्णठितिपढमट्टाणगेहिं तो ।
 गच्छंति उवरिहुत्तं अणंतगुणणाए सेढीए ॥ ९२ ॥
 तत्तो पढमठितीए उक्कोसं ठाणगं अणंतगुणं ।
 तत्तो कंडग उवरिं आउक्कस्सं नए एवं ॥९३॥
 उक्कोसाणं कंडं अणन्तगुणणाए तन्नाए पच्छा ।
 उवघायमाइयाणं इयराणुक्कोसगाहिंतो ॥९४॥
 अस्सायजहण्णट्टिइठाणेहिं तुल्लयाइं सव्वाणं ।
 आपडिवक्खक्कंतगठिईण ठाणाइं हीणाइं ॥९५॥
 तत्तो अणंतगुणणाए जंति कंडस्स संखिया भागा ॥
 तत्तो अणंतगुणियं जहण्णठिति उक्कसं ठाणं ॥९६॥
 एवं उक्कस्साणं अणंतगुणणाए कंडगं वयइ ।
 एक्कं जहण्णठाणं जाइ परक्कंतठाणाणं ॥ ९७ ॥
 उवरिं उवघावसमं सायस्स वि नवरि उक्कसट्टिईओ


अंतेसुवघायसमं मज्झे नीयस्स सायसमं ॥९८॥
 संजयवायरसुहुमग पज्ज अपज्जाण हीणमुक्कोसो ।
 एवं विगलाऽऽसन्निसु सञ्जयउक्कोसगो बन्धो ॥ ९९ ॥
 देसदुगविरय चउरो सण्णीपञ्चेन्द्रियस्स चउरो य ।
 संखेज्ज गुणा कमसो सञ्जयउक्कोसगाहितो ॥१००॥
 थोवा जहन्नवाहा उक्कोसा वाहठाण कंडाणि ।
 उक्कोसिया अवाहा नाण पएसन्तरा तत्तो ॥१०१॥
 एगं पएसविवरं अब्बाहाकण्डगस्स ठाणाणि ।
 हीणठिईं ठिइठाणा उक्कोसठिईं तथो अहिया १०२
 आउसु जहन्नवाहा जहन्नबन्धो अवाह ठाणाणि ।
 उक्कोसवाहणाणंतराणि एगन्तरं तत्तो ॥ १०३ ॥
 ठितिवन्धठाणाइं उक्कोसठिईं तओ वि अब्भहिआ ।
 सण्णिसु अप्पाबहुयं दसठभेयं इमं भणियं ॥१०४॥
 ठिइठाणे ठिइठाणे अज्झवसाया असंखलोगसमा ।
 कमसो विसेस अहिया सत्तणहाउस्सऽसंखगुणा ॥१०५
 पल्लासंखसमाथो गन्तूण ठिईंइ हेति ते दुगुणा ।
 सत्तणहऽज्झवसाया गुणगारा ते असंखेज्जा ॥१०६॥

ठितिदीह्याए कमसो असंखगुणणाए होंति पगईणं
 अज्झवसाया आउग-नामठगदुविहमोहाणं ॥१०७॥
 सव्वजहन्नस्स रसो अणंतगुणिअओ य तस्स उक्कोसो
 ठितिवन्धे ठिइवन्धे अज्झवसाओ जहाकमसो ॥१०८
 धुवपगडीवन्धंता चउठाणाई सुभाण इयराणं ।
 दो ठाणगाइतिविहं सठाणजहन्नगाईसु ॥१०९॥
 चउदुट्टाणाइ सुभासुभाण बन्धे जहन्नधुवठिईसु ।
 थोवा विसेसअहिया पुहुत्तपरओ विसेसूणा ॥११०॥
 पल्लाऽसंखियमूला गन्तु दुगुणा हवन्ति अद्धा य ।
 नाणा गुणहाणीणं असंखगुणमेगगुणविवरं ॥ १११ ॥
 चउठाणाईजवमज्झ हेठउवरिं सुभाण ठितिवन्धा ॥
 संखेज्जगुणा ठिइठाणगाई असुभाण मीसाय ॥११२॥

॥ इति बन्धनकरणम् ॥



॥ अथ संक्रमकरणम् ॥



(२३३)

॥अथ संक्रमकरणम् ॥

बज्जंतियासु इयरा ताओ वि य संकमंति अन्नोन्नं ।
जा संतयाए चिष्ठहिं बंधाभावे वि दिट्ठीओ ॥१॥
संकमइ जासु दक्षियं ताओ उ पडिग्गहा समक्खाया ।
जा संकमआवलियं करणासज्जं भवे दलियं ॥२॥
नियनिय दिट्ठि न केइ दुइया तइज्जा न दंसणतिगंपि ।
मीसम्मि न सम्मत्तं दंसकसाया न अन्नोन्नं ॥३॥
संक्रामंति न आउं उवसंतं तहय मूलपगईओ ।
पगइठाणविभेया संकमणपडिग्गहा दुविहा ॥४॥
खय उवसमदिष्ठीणं सेठीए न चरिमलोभसंकमणं ।
खवियट्ठगस्स इयराइ जं कमा होइ पंचणहं ॥५॥
मिच्छे खविए मीसस्स नत्थि उभए वि नत्थि सम्मस्सा ।
उवल्लिएसुं दोसुं पडिग्गहया नत्थि मिच्छस्स ॥६॥
दुसु तिसु आवलियासु समयविहीणासु आइमठिईए ।
सेसासु पुंसंजलणयाणं न भवे पडिग्गहया ॥७॥
धुवसंतीणं चउहेह-संकमो मिच्छणीयवेयणीए ।
साईअधुवो बंधोव होइ तह अधुवसंतीणं ॥८॥
साअणजसदुविहकसायसेसदोदंसणाजइपुठ्ठा ।

संकामगंत कमसो समुच्चाणं पढमदुइया ॥९॥
 चउहा पडिग्गहत्तं धुवबंधीणं विहाय मिच्छत्तं ।
 मिच्छाऽधुवबंधीणं साइ अधुवा पडिग्गहया ॥१०॥
 संतछाणसमाइं संकमठाणाइं दोणिण वीयस्स ।
 बंधसमा पडिग्गहया अछहिया दो वि मोहस्स ॥११॥
 पणरस सोलसत्तर अडचउवीसा य संकमे नत्थि ।
 अछदुवालस सोलस वीसा य पडिग्गहे नत्थि ॥१२॥
 संकमणपडिग्गहया पढमतइज्जछमाण चउभेया ।
 इगवीसो पडिग्गहगो पणवीसो संकमो मोहे ॥१३॥
 दंसणवरणे नवगो संकमणपडिग्गहो भवे एवं ।
 साई अधुवा सेसा संकमणपडिग्गहट्टाणा ॥ १४ ॥
 नवछक्कचउक्केसु नवगं संकमइ उवसमगयाणं ।
 खवगाण चउसु छक्कं दुइए मोहं अथो वोच्छं ॥१५॥
 लोभस्स असंकमणा उव्वलणा खवणतो च्छं सत्तण्हं
 उवसंताणवि दिछीणं संकमा संकमा नेया ॥ १६ ॥
 आमीसं पणवीसो इगवीसो मीसगाथो जा पुव्वो ।
 मिच्छखवगे दुवीसो मिच्छे य तिसत्तच्छव्वीसा ॥१७॥

खवगस्स सबन्धच्चिय उवसमसेढीए सम्ममीसजुया
 मिच्छखवगे ससम्मा अट्टारस इय पडिग्गहया ॥१८॥
 दसगट्टारसगाई चउचउरो संकमंति पंचमि ।
 सत्तठ चउ दसिगारस बारसठारा चउक्कम्मि ॥१९॥
 तिन्नि तिगाइसत्तठ नव य संकमिगारस तिगंमि ।
 दोसु उगट्टुदुपंच य इगि एक्कं दोणि तिण्णिपणा ॥ २० ॥
 पणवीसो संसारिसु इगुवीसे सत्तरसे य संकमइ ।
 तेरस चोदस छक्के वीसा छक्के य सत्तेय ॥ २१ ॥
 बावीसे गुणवीसे पन्नरसेक्कारसेसु छठवीसा ।
 संकमइ सत्तवीसा मिच्छे तह अवरियाईणं ॥ २२ ॥
 बावीसेगुणवीसे पणरसेक्कारसे य सत्ते य ।
 तेवीसा संकमई मिच्छा विरयाइयाण कमा ॥ २३ ॥
 अठारसचोदसदससत्तगेसु बावीस खीणमिच्छाणं ।
 सत्तरस तेरनवसत्त-गेसु इगवीस संकमइ ॥ २४ ॥
 दसगाइ चउक्कं एक्कवीसखवगस्स संकमहिं पंचे
 दस चत्तारि चउक्के तिसु तिन्नि दु दोसु एक्केक्कं ॥ २५ ॥
 अट्टाराइ चउक्कं पंचे अठार बार एक्कारा ।

चउसु इगारस नव अड तिगे दुगे अछछप्पं च ॥२६॥
 पण तिणण दोणिण एक्के उवसमसेढीए खइयदिट्टिस्स
 इयरस्स उ दो दोसु सत्तसु वासाइ चत्तारि ॥२७॥
 छसु वीस चोइतेरस तेरेक्कारस य दस य पंचम्मि ।
 दस अड सत्त चउक्के तिगम्मि सग पंच चउरो य
 गुणवीस पन्नरेक्कारसाइ तिति सम्मदेसविरयाणं ।
 सत्त पणाइ ठ पंच उ पडिग्गहा उभयसेढीसु ॥२९॥
 पढमचउक्कं तित्थयर-वज्जियं अधुवसंततियजुत्तं ।
 तिगपण छवीसेसु संकमइ पडिग्गहेसु तिसु ॥३०॥
 पढमं संतचउक्कं इगतीसे अधुवतिगजुत्थंतं तु ।
 गुणतीसतीसएसु जसहीणा दो चउक्क जसे ॥३१॥
 पढमचउक्कं आइल्ल-वज्जियं दो अणिच्च आइल्ला ।
 संकमहि अछवीसे सामी जहसंभवं नेया ॥ ३२ ॥
 संकमइ नन्नपगइं पगईओ पगइसंकमे दलियं ।
 ठिति अणुभागा चेवं ठंति तहत्था तयणुरूवं ॥३३॥
 दलियरसाणं जुत्तं मुत्तत्ता अन्नभावसंकमणं ।
 ठितिकालस्स न एवं उउसंकमणमिव अदुट्ठं ॥३४॥

॥ इति प्रकृतिसङ्क्रमः ॥

उव्वट्टणं च ओवट्टणं च पगइंतरम्मि वा नयणं ।
 बंधे व अबन्धे वा जं संकामो इइ ठिईए ॥ ३५॥
 जासिं बन्धनिमित्तो उक्कोसो बन्ध मूलपगईणं ।
 ता बन्धुक्कोसाओ सेसा पुण संकमुक्कोसा ॥ ३६ ॥
 बन्धुक्कोसाण ठिई मोत्तुं दो आवलीए संकमइ ।
 सेसा इयराणं पुण आवलियतिगं पमोत्तूणं ॥३७॥
 तित्थयराहाराणं संकमणे बन्धसंतएसुं पि ।
 अन्तो कोडाकोडी तहा वि ता संकमुक्कोसा ॥३८॥
 एवइय संतया जं सम्मद्विट्ठीण सव्वकम्मेषु ।
 आऊणि बन्धउक्कोसगाणि जं नन्नसंकमणं ॥३९॥
 गंतुं सम्मो मिच्छं तस्सुक्कोसं ठिइं च काऊणं ।
 मिच्छियराणुक्कोसं करेति ठितिसंकमं सम्मो ॥४०॥
 अंतोमुहुत्तहीणं आवलियदुहीण तेसु सट्टाणे ।
 उक्कोससंकमपहू उक्कोसगबन्धगन्नासु ॥ ४१ ॥
 बन्धुक्कोसाणं आवलिए आवलिदुगेण इयराणं ।
 हीणा सव्वा वि ठिई सो जठिइ संकमो भणिओ ४२

साबाहा आउठिई आवलिगूणा उ जठिइ सट्टाणे ।
 एक्का ठिई जहन्नो अणुदइयाणं निहयसेसा ॥४३॥
 जो जो जाणं खवगो जहन्नठिइसंकमस्स सो सामी
 सेसाणं तु सजोगी अंतमुहुत्तं जओ तस्स ॥४४॥
 उदयावलिणं छोभो अन्नपगईए जो उ अंतिमओ ।
 सो संकमो जहन्नो तस्स पमाणं इमं होइ ॥४५॥
 संजलणलोभनाणंतरायदंसणचउक्क आऊणं ।
 सम्मत्तस्स य समओ सगआवलियातिभागम्मि ॥४६॥
 खविऊण मिच्छमीसे मणुओ सम्मंमि खविय सेसम्मि ।
 चउगईओ वि उ होउ जहन्नठिति संकमस्सामी ॥४७॥
 निदादुगस्स साहिय आवलियदुगं तु साहिए तंसे ।
 हासाईणं संखेज्ज वच्छरा ते य कोहम्मि ॥ ४८ ॥
 पुंसंजलणेण ठिई जहणिया आवलिदुगेगूणा ।
 अंतो जोगंतीणं पलियासंखंसइयराणं ॥ ४९ ॥
 मूलठिईणं अजहणणे सत्तण्हतिहा चउव्विहो मोहे ।
 सेसविगप्पा साईअधुवा ठितिसंकमे हेअंति ॥ ५० ॥
 तिविहो धुवसंतीणं चउव्विहो तह चरित्तमोहाणं ।

अजहन्नो सेसासु दुविहा सेसा वि दुविगप्पा ॥५१॥

॥ इति स्थितिसंक्रमः ॥

ठितिसंकमोव्व तिविहो रसंमि उव्वट्टणांइ विन्नेओ ।

रसकारणओ नेयं घाइत्तविसेसण भिहाणं ॥५२॥

देसघाइरसेणं पगईओ हेअंति देसघाईओ ।

इयरेणियरा एमेव ठाणसन्ना वि नेयव्वा ॥५३॥

सव्वघाई दुठाणो मीसायवमणुयतिरियआऊणं ।

इगदुठाणो सम्मम्मि तदियरो न्नासु जह हेछा ॥५४॥

दुठाणो चिय जाणं ताणं उक्कोसओ वि सो चेव ।

संकमइ वेयगे वि हु सेसासुक्कोसओ परमो ॥५५॥

एगछाणजहन्नं संकमइ पुरिससम्मसंजलणे ।

इयरासुं दोठाणिय जहन्न रससंकमे फडुं ॥ ५६ ॥

बंधिय उक्कोसरसं आवलियाओ परेण संकामे ।

जावंतमुहू मिच्छो असुभाणं सव्वपयडीणं ॥५७॥

आयावुज्जोवोरालपढमसंघयणमणदुगाऊणं ।

मिच्छसम्मा य सामी सेसाणं जोगि सुभियाणं ॥५८॥

खवगस्संतरकरणे अकए घाईण जो उ अणुभागो ।

तस्स अणंतो भागो सुहुमेगिंदिय कए थोवो ॥५९॥
 सेसाणं असुभाणं केवलिणो जोउ होइ अणुभागे ।
 तस्स अणंतो भागो असणिणपंचिदिए होइ ॥६०॥
 सम्मद्धिठी न हणइ सुभाणुभागं दुवेवि दिट्ठीणं ।
 सम्मत्तमीसगाणं उक्कोसं हणइ खवगोवि ॥६१॥
 घाईणं जे खवगा जहणणरससंकमस्स ते सामी ।
 आजुण जहणणठिईबन्धाओ आवली सेसा ॥ ६२ ॥
 अणतिथुव्वलणाणं संभवणा आवलीइ परएणं ।
 सेसाणं इगि सुहुमो घाइयअणुभागकम्मंसो ॥६३॥
 साइयवज्जो अजहणणसंकमो पढमदुइयचरिमाणं ।
 मोहस्स चउविगप्पो आउस्सअणुक्कोसओ चउहा ॥६४॥
 साइयवज्जो वेयणियनामगोयाण होइ अणुक्कोसो ।
 सव्वेसु सेसभेया साई अधुवा य अणुभागे ॥ ६५ ॥
 अजहन्नो चउभेओ पढमगसंजलणनोकसायाणं ।
 साइयवज्जो सोच्चिय जाणं खवगो खवियमोहो ॥६६॥
 सुभधुवचउवीसाए होइ अणुक्कोस साइपरिवज्जो ।
 उज्जोयरिसभओरालियाण चउहा दुहा सेसा ॥६७॥

॥ इति रससंक्रमः ॥

विज्झाउव्वलणअहापवत्तगुणसव्वसंकमेहि अणू ।
 जन्नेइ अणणपगइं पएससंकामणं एयं ॥ ६८ ॥
 जाणं न बन्धो जायइ आसज्ज गुणं भवं व पगईणं ।
 विज्झाओ ताणंगुलअसंखभागेण अन्नत्थ ॥ ६९ ॥
 पलियस्सऽसंखभागं अंतमुहुत्तेण ठिईए उव्वलइ ।
 एवं पलियासंखियभागेण कुणइ निल्लेवं ॥ ७० ॥
 पढमाओ बीयखंडं विसेसहीणं ठिईए अवणेइ ।
 एवं जाव दुचरिमं असंखगुणियं तु अंतिमयं ॥७१॥
 खंडदलं सट्ठाणे समए समए असंखगुणणाए ।
 सेढीए परठाणे विसेसहीणाए संबुभइ ॥७२॥
 दुचरिमखंडस्स दलं चरिमे जं देइ सपरठाणम्मि ।
 तम्माणेणस्स दलं पल्लंगुलऽसंखभागेहिं ॥ ७३ ॥
 एवं उव्वलणासंकमेण णासेइ अविरओ हार ।
 सम्भोऽणमिच्छमीसे छत्तीस नियट्ठि जा माया ॥७४॥
 सम्ममीसाइं मिच्छो सुरदुगवेउव्विच्छक्कमेगिंदी ।
 सुहुमतसुच्चमणुदुगं अंतमुहुत्तेण अनिअट्ठी ॥ ७५ ॥

संसारत्था जीवा सबन्धजोगाण तद्वलपमाणा ।
संकामंतणुरूवं अहापवत्तीए तो नामं ॥ ७६ ॥
असुभाण पएसग्गं बज्झंतीसु असंखगुणणाए ।
सेढीए अपुव्वाइं छुभन्ति गुणसङ्कमो एसो ॥७७॥
चरमठिईए रइयं पइसमयमसंखियं पएसग्गं ।
ता छुभइ अन्नपगइं जावंते सव्वसंकामो ॥७८॥
वाहिय अहापवत्तं सहेउणाहो गुणो व विज्झाओ ।
उव्वलणसंकमस्सवि कसिणो चरमम्मि खंडम्मि ॥७९॥
पिंडपगईण जा उदयसंगया तीए अणुदयगयाओ ।
संकामिऊण वेयइ जं एसो थिबुगसंकामो ॥८०॥
गुणमाणेणं दलिअं हीरन्तं थोवएण निछाइ ।
कालोऽसंखगुणेणं अहविज्झाउव्वलणगाणं ॥ ८१ ॥
जं दुचरिमस्स चरिमे सपरछाणेसुं देइ समयम्मि ।
ते भागे जहकमसो अहापवत्तुव्वलणमाणे ॥ ८२ ॥
चउहा धुव छव्वीसगसयस्स अजहन्नसंकमो होइ ।
अणुक्कोसो विहु वज्जिय उराल आवरणवविग्घं ॥८३॥
सेसं साई अधुवं जहन्न सामी य खवियकम्मंसो ।

ओरालाइसु मिच्छो उक्कोसस्सा गुणियकम्मो ॥८४
 वायर तस कालूणं कम्मठिइ जो उ वायरपुढवीए ।
 पज्जत्तापज्जत्तगदीहेयरआउगो वसिउं ॥ ८५ ॥
 जोगकसा उक्कोसो बहुसो आउं जहन्न जोगेण ।
 बन्धिअ उवरिल्लासु ठिइसु निसेगं बहुं किच्चा ॥८६॥
 वायरतसकालमेवं वसित्तु अंते य सत्तमखिईए ।
 लहु पज्जत्तो बहुसो जोगकसायाहिओ होइ ॥८७॥
 जोगजवमज्झ उवरिं मुहुत्तमच्छित्तु जीविअवसाणे ।
 तिचरिमदुचरिमसमए पूरित्तु कसायमुक्कोसं ॥८८॥
 जोगुक्कोसं चरिमे दुचरिमसमए उ चरिमसमयम्मि ।
 संपुन्नगुणियकम्मो पगयं तेणेह सामित्ते ॥ ८९ ॥
 तत्तो तिरियागय आलिगोवरिं उरल्लएक्कवीसाए ।
 सायं अणंतर बन्धिऊण आलीपरमसाए ॥ ९० ॥
 कम्मचउक्के असुभाण बज्झमाणीण सुहुमरागन्ते ।
 संबोभणम्मि नियगे चउवीसाए नियट्टिस्स ॥ ९१ ॥
 संबोभणाए दोण्हं मोहाणं वेयगस्स खणसेसे ।
 उप्पाइय सम्मत्तं मिच्छत्तगए तमतमाए ॥ ९२ ॥

भिन्नमुहुत्ते सेसे जोगकसाउक्कसाइं काऊण ।
संजोअणणा विसंजोयगस्स संछोभणा एसिं ॥९३॥
ईसाणागयपुरिसस्स इत्थियाए व अछवासाए ।
मासपुहुत्तबभ्हिए नपुंसगस्स चरिमछोभो ॥९४॥
पूरित्तु भोगभूमीसु जीविय वासाणिसंखयाणि तओ
हस्सठिइं देवागय लहुछोभे इत्थिवेयस्स ॥९५॥
वरित्तवरित्थि पूरिय सम्मत्तमसंखवासियं लभिय ।
गन्तुं मिच्छत्तमओ जहन्नदेवठिइं भोच्चा ॥९६॥
आगन्तु लहु पुरिसं संबुभमाणस्स पुरिसवेअस्स ।
तस्सेव सगे कोहस्स माणमायाणमवि कसिणो ॥९७॥
चउरुवसमित्तु खिप्पं-लोभजसाणं ससंकमस्संते ।
चउसमगो उच्चस्स खवगो नीया चरिमवन्धे ॥९८॥
परघायसकलतसचउ सुसरादिति सासखगति चउरंसं
सम्मधुवा रिसभजुया संकामइ विरचिया सम्मो ॥९९॥
नरयदुगस्स विछोभे पुव्वकोडीपुहुत्तनिचियस्स ।
थावरउज्जोयाववएगिंदीणं नपुंससमं ॥ १०० ॥
तेत्तीसयरा पालिय-अंतमुहुत्तूणगाइं सम्मत्तं ।

बन्धित्तु सत्तमाथ्यो निग्गम्म समए नरदुगस्स ॥१०१॥
 तित्थयराहाराणं सुरगइनवगस्स थिरसुभाणं च ।
 सुभधुवबन्धीण तहा-सगबन्धा आलिंगं गन्तुं ॥१०२॥
 सुहुमेसु निगोएसु कम्मठितिं पलियऽसंखभागूणं ।
 वसिउं मंदकसाथ्यो जहन्नजोगो उ जो एइ ॥१०३॥
 जोग्गोसु तो तसेसु सम्मत्तमसंखवार संपप्प ।
 देसविरइं च सठवं अणउव्वलणं च अडवारा ॥१०४॥
 चउरुवसमित्तु मोहं लहुं खवेतो भवे खवियकम्मो ।
 पाएण तेण पगयं पडुच्च काओ वि सविसेसं ॥१०५॥
 हासदुभयकुच्छाणं खीणंताणं च बन्धचरिमम्मि ।
 समए अहापवत्तेण अोहिजुगले अणोहिस्स ॥१०६॥
 धीणतिगइत्थिमिच्छाण पालिय बे छसठि सम्मत्तं ।
 सगखवणाए जहन्नो अहापवत्तस्स चरमम्मि ॥१०७॥
 अरइ सोगठकसाय असुभधुवबन्धिअथिरतियगाणं ।
 अस्सायस्स य चरिमे अहापवत्तस्स लहु खवगे ॥१०८॥
 हस्सगुणद्धंपूरिय सम्मं मीसं च धरिय उक्कोसं ।
 कालं मिच्छत्तगए चिरउव्वलगस्स चरिमम्मि ॥१०९॥

संजोयणाए चउरुवसमित्तु संजोयइत्तु अप्पद्धं ।
 छावट्टिदुगं पालिय अहापवत्तस्स अंतम्मि ॥११०॥
 हस्सं कालं बंधिय विरओ आहारमविरइं गन्तुं ।
 चिरउव्वलणे थोवो तित्थं बन्धालिगापरओ ॥१११॥
 वेउव्विक्कारसगं उव्वलियं बन्धिऊण अप्पद्धं ।
 जेट्टुत्तिनारयाओ उव्वट्टित्ता अबन्धित्तु ॥११२॥
 थावरगसमुव्वलणे मणुदुगउच्चाण सुहुमबद्धाणं ।
 एमेव समुव्वलणे तेऊवाऊसुवगयस्स ॥ ११३ ॥
 अणुवसमित्ता मोहं सायस्स असायअंतिमे बन्धे ।
 पणतीसाए सुभाणं अपुव्वकरगालिगाअंते ॥११४॥
 तेवठं उदहिसयं गेविज्जाणुत्तरे अबन्धित्ता ।
 तिरिदुग उज्जोयाइं अहापवत्तस्स अन्तम्मि ॥११५॥
 इगिविगलायवथावरचउक्कमबन्धिऊण पणसीयं ।
 अयरसयं छट्ठीए वावासयरे जहा पुव्वं ॥ ११६ ॥
 दुसराइतिन्ननायासुभखगइसंघयणसंठिअपुमाणं ।
 सम्मा जोगाणं सोलसण्हसरिसत्थिवेएणं ॥११७॥
 समयहि आवलीए आऊण जहन्नजोगबद्धाणं ।

(२४७)

उक्कोसाऊअंते नरतिरिया उरखसत्तस्स ॥ ११८ ॥
पुंसंजलणतिगाणं जहन्नजोगिस्स खवगसेढीए ।
सगचरिमसमयवद्धं जं छुभइ सगंतिमे समए ॥११९॥
॥ सङ्कमकरणं समाप्तम् ॥

॥ अथ उद्वर्त्तनाऽपवर्त्तनाकरणम् ॥

उदयावलिबज्झाणं ठिईण उव्वट्टणा उ ठितिविसया
सोक्कोस अवाहाअओ जावावलि होइ अइत्थवणा ॥१॥
इच्छियठितिठाणाओ आवलियं लंघिऊण तद्दलियं ।
सव्वेसु विनिक्खिप्पइ ठितिठाणेषु उवरिमेसु ॥२॥
आवलिअसंखभागासु जाव कम्मठितित्ति निक्खेवो ।
समउत्तरावलीए सावाहाए भवे ऊणो ॥३॥
अवाहोवरिठाणगदलं पडुच्चेह परमनिक्खेवो ।
चरिमुव्वट्टणठाणं पडुच्च इह जायइ जहणणो ॥४॥
उक्कोसगठितिवन्धे बन्धावलिया अवाहमेत्तं च ।
निक्खेवं च जहन्नं मोत्तुं उव्वट्टए सेसं ॥५॥
निव्वाघाए एवं वाघाअओ संतकम्महिगबन्धो ।

आवलिअसंखभागा जावावलि तत्थ अइत्थवणा ॥ ६
 आवलिदोसंखसा जति वड्डइ अहिणवो उ ठितिवन्धो
 उव्वट्ठति तो चरिमा एवं जावलिय अइत्थवणा ॥७॥
 अइत्थावणालियाए पुण्णाए वड्डइत्ति निक्खेवो ।
 ठितिउव्वट्ठणमेवं एत्तो ओव्वट्ठणं वोच्छं ॥८॥
 ओव्वट्ठतो उ ठितिं उदयावलिवाहिरा ठिईठाणा ।
 निक्खवति से तिभागे समयहिगे लंघितं सेसं ॥९॥
 उदयावलि उवरित्था एमेवोवट्ठए ठितिठाणा ।
 जावावलितिभागो समयहिगो सेसठितिणं तु ॥१०॥
 इच्छोवट्ठणठिइठाणगाओ उल्लंघिऊण आवलियं ।
 तद्वलियं निक्खवइ अह ठितिठाणेषु सव्वेषु ॥११॥
 उदयावलिउवरित्थं ठाणं अहिकिच्च होइ अइहीणो ।
 निक्खेवो सव्वोवरि ठिइठाणवसा भवे परमो ॥१२॥
 समयार्हय अइत्थवणा बन्धावलिया य मोत्तु निक्खेवो
 कम्मठिई बन्धोदय आवलियं मोत्तु ओवट्ठे ॥ १३ ॥
 निव्वाघाए एवं ठितिघाओ एत्थ होइ वाघाओ ।
 वाघाए समऊणं कंडगमइत्थावणा होइ ॥ १४ ॥

उक्कोसं डायठिई किंचूणा कंडगं जहणं तु ।
 पल्लासंखंसं डायठिई जत्तो परमबन्धो ॥ १५ ॥
 चरमं नो वट्टिज्जइ जाय अणंताणि फड्डगाणि तओ ।
 उस्सक्किय उवट्टइ उदया ओवट्टणा एवं ॥ १६ ॥
 अइत्थावणाइयाओ सन्नाओ दुसु वि पुव्ववुत्ताओ ।
 किंतु अणंतभिलावेण फड्डगा त्तासु वत्तत्त्वा ॥ १७ ॥
 थोवं पएसगुणहाणि अंतरे दुसुवि हीणनिक्खेवो ।
 तुल्लो अणंतगुणिओ दुसुवि अइत्थावणा चेवं ॥ १८ ॥
 तत्तो वाघायणुभागकंडगं एक्कवग्गणाहीणं ।
 उक्कोसो निक्खेवो तुल्लो सविसेससंतं च ॥ १९ ॥
 आवन्धं उवट्टइ सव्वथोवट्टणा ठितिरसाणं ।
 किट्ठीवज्जे उभयं किट्ठिसु ओवट्टणा एक्का ॥ २० ॥
 ॥ इति उद्वर्त्तनाऽपवर्त्तना ॥

॥ अद उदीरणा ॥

जं करणेणोकट्टिय दिज्जइ उदए उदीरणा एसा ।
 पगइठिइमाइ चउहा मूलत्तरभेयओ दुविहा ॥ १ ॥

वेयणियमोहणीयाण होइ चउहा उदीरणाउस्स ।
 साई अधुवा सेसाण साइवजा भवे तिविहा ॥ २ ॥
 अधुवोदयाण दुविहा मिच्छस्स चउविहा तिहन्नासु ।
 मूलुत्तरपगईणं भणामि उदीरगा-एत्तो ॥ ३ ॥
 घाईणं छउमत्था उदीरगा रागिणो उ मोहस्स ।
 वेयाऊण पमत्ता सजोगिणो नामगोयाणं ॥ ४ ॥
 उवपरघायसाहारणं च इयरं तणूए पज्जत्ता ।
 छउमत्था चउदंसणनाणा वरणंतरायाणं ॥ ५ ॥
 तसथावराइ तिगतिगआउगतिजातिदिट्ठिवेयाणं ।
 तन्नामा अणुपुवीणंपि किंतु ते अंतरगईए ॥ ६ ॥
 आहारी उत्तरतणु-नरतिरितव्वेयए पमोत्तूणं ।
 उदीरंती उरखं ते चेव तसा उवंगं से ॥ ७ ॥
 आहारी सुरनारगसन्नी इयरे निलो उ पज्जत्तो ।
 लद्धीए बायरोदीरगाओ वेउव्वियतणुस्स ॥ ८ ॥
 तदुवंगस्य वि तेच्चिय पवणं मोत्तूण केइ नरतिरिया ।
 आहारसत्तगस्स वि कुणइ पमत्तो विउव्वंतो ॥ ९ ॥
 तेत्तीसं नामधुवोदयाण उदीरगा सजोगीओ ।

लोभस्स य तणुकिट्ठीण हेअंति तणुरागिणो जीवा ॥१०॥
पंचेदियपज्जत्ता नरतिरि चउरंस उसभपुव्वाणं ।
चउरंसमेव देवा उत्तरतणुभोगभूमी य ॥ ११ ॥
आइमसंघयणं चिय सेढीमारूढगा उदीरंति ।
इयरे हुंडं ठेवठगं तु विगला अपज्जत्ता ॥ १२॥
वेउव्वियआहारगउदये न नरा वि हेअंति संघयणी ।
पज्जत्त बायरोच्चिय आयावुद्धीरगो भोमो ॥ १३ ॥
पुढवी आउवणस्सइ बायरपज्जत्तउत्तरतणू य ।
विगलपणिंदियतिरिआ उज्जोवुद्धीरगा भगिया ॥१४॥
सगला सुगतिसराणं पज्जत्ताऽसंखवासदेवा य ।
इयराणं णेरइया नरतिरि सुसरस्स विगला य ॥१५॥
उस्सासस्स सरस्स य पज्जत्ता आणपाणभासासु ।
जा न निरुंभइ ते ताव हेअंति उद्धीरगा जोगी ॥१६॥
नेरइआ सुहुमतसा वज्जिय सुहुमाय तह अपज्जत्ता ।
जसकीत्तुदीरगाएज्जसुभगनामाण सण्णसुरा ॥१७॥
उच्चं चिय जइ अमरा केइ मणुआ व नीयमेवण्णे ।
चउगईआ दुभगाई तित्थयरो केवली तित्थं ॥ १८ ॥

मोक्षण खीणरागं इंदियपज्जत्तगा उदीरेंति ।
निहा पयला सायासायाइं जे पमत्तत्ति ॥ १९ ॥
अपत्ताई उत्तरतणू य अस्संखया उ वज्जित्ता ।
सेसनिहाण सामी संबंघगता कसायाणं ॥ २० ॥
हासरईसायाणं अन्तमुहुत्तं तु आइमं देवा ।
इयराणं नेरईया उड्डं परियत्तणविहीए ॥२१॥
हासाईछक्कस्स उ जाव अपुव्वो उदीरगा सव्वे ।
उदउव्वुदीरणाए इव ओघेणं होइ नायव्वो ॥२२॥
पगइठाणविगप्पा जे सामी हेांति उदयमासज्ज ।
तेच्चिय उदीरणाए नायव्वा घातिकम्माणं ॥२३॥
मोक्षं अजोगिठाणं सेसा नामस्स उदयवन्नेया ।
गोयस्स य सेसाणं उदीरणा जा पमत्तोत्ति ॥२४॥

॥ अथ स्थित्युदीरणा ॥

पत्तोदयाए इयरा सह वेयइ ठिइ उदीरणा एसा ।
बेअ्यावलिया हीणा जावुक्कोसत्ति पाउग्गा ॥२५॥

वेयाणियाऊग दुहा चउव्विहा मोहणीय अजहण्णा ।
 पंचण्हं साइ वज्जा सेसा सव्वेसु दुविगप्पा ॥२६॥
 मिक्खत्तस्स चउद्धा धुवोदयाणं तिहा उ अजहण्णा ।
 सेसविगप्पा दुविहा सव्वविगप्पाउ सेसाणं ॥२७॥
 सामित्तद्धा ठेया इह ठिइसंकमेण तुल्लाओ ।
 बाहुल्लेण विसेसं जं जाणं ताण तं वोच्चं ॥२८॥
 अंतो मुहुत्तहीणा सम्मे मिस्संमि दोहि मिच्छस्स ।
 आवलिदुगेण हीणा बन्धुक्कोसाण परमठिई ॥२९॥
 मणुयाणुपुव्वि आहार देवदुगसुहुमविगलतियगाणं ।
 आयावस्स य परिवडणमंतमुहुहीणमुक्कोसा ॥३०॥
 हयसेसा तित्थठिइं पल्लासंखेज्जमेत्तिया जाया ।
 तीसे सजोगिपढमे समए उद्दीरणुक्कोसा ॥ ३१ ॥
 भयकुच्छ आयवुज्जोय सव्वघाई कसायनिद्दाणं ।
 अतिहीणसंतबन्धो जहण्णउद्दीरगो अतसो ॥३२॥
 एगिंदियजोगाणं पडिवक्खा बंधिऊण तव्वेई ॥३३॥
 बन्धालि चरमसमए तदागए सेसजाईणं ।
 दुमगाइणीयतिरिदुग अपढम संघयणनोकसायाणं ।

मणुपुव्वऽपज्जतइए सन्निस्सेवं इगागयगे ॥ ३४ ॥
 अमणागसस्स चिरठिइ अंते देवस्स नारयस्सा वा ।
 वेउव्वंगगईणं अणुपुव्वीणं तइयसमये ॥३५॥
 वेयत्तिगं दिठ्ठिदुगं संजलणाणं च पढमगठितीए ।
 समयहिगालियाए सेसाए उवसमे वि दुसु ॥३६॥
 एगिंदागय अइहीणसंत सण्णीसु मीस उदयंते ।
 पवणो सठिइजहणणग समसंत विउव्विच्छस्संते ॥३७
 चउरुवसमित्तु मोहं मिच्छं खविउं सुरोत्तमो होउं ।
 उक्कोससंजमंते जहणणगाहारगदुगाणं ॥३८॥
 खीणंताणं खीणे मिच्छत्तकमेण चोइसण्हंपि ।
 सेसाण सजोगंते भिन्नमुहुत्तठिईगाणं ॥ ३९॥

॥ अथ रसोदीरणा ॥

अणुभागुदीरणाए घाईसण्णा य ठाणसण्णा य ।
 सुभया विवागहेज्ज जोत्थ विसेसो तयं वोच्छं ॥४०॥
 पुरिसित्थिविग्घअचक्खु चक्खुसम्माणइगिदुठाणे वा

मणपज्जनपुंसाणं वच्चासो सेसबन्धसमा ॥ ४१ ॥
देसोवघाइयाणं उदए देसोव होइ सव्वो वा ।
देसोवघायओ च्चिय अचक्खुसम्मत्तविग्घाणं ॥ ४२ ॥
घाइं ठाण पडुच्चं सव्वघाईण होइ जह बन्धे ।
अग्घाईणं ठाणं पडुच्च भणिमो विसेसोत्थ ॥ ४३ ॥
थावरच्चउ आयवउरलसत्ततिरिविगलमणुयतियगाणं ।
नग्गोहाइ चउण्हं इगिंदिसभाइछण्हंपि ॥ ४४ ॥
तिरिमणुपाओगाणं मीसगुरुय खरनरयदेवपुव्वीणं ।
दुष्ठाणि उ च्चिय रसो उदए उदीरणाए य ॥ ४५ ॥
सम्मत्तमीसगाणं असुभरसो सेसयाण बन्धुत्तं ।
उक्कोसुदीरणा संतयंमि छ्छाणवडिए वि ॥ ४६ ॥
मोहणियनाणवरणं केवलियं दंसणं विरयविग्घं ।
संपुन्नजीवदव्वे न पज्जवेसु कुणइ पाकं ॥ ४७ ॥
गुरुलहुगाणंतपएसिएसु चक्खुस्स सेसविग्घाणं ।
जोग्गेषु गहणधरणे ओहीणं रूविदव्वेषु ॥ ४८ ॥
सेसाणं जह बन्धे होइ विवागोउ पच्चओ दुविहो ।
भवपरिणामकत्थो वा निगुणसगुणाण परिणईओ ४९ ॥

उत्तरतणुपरिणामे अहिय अहोतावि हुंति सुसरजुया
मिउलहुपरघाउज्जोव खगइचउरंस पत्तेया ॥ ५० ॥
सुभगाइ उच्चगोयं गुणपरिणामाउ देसमाइणं ।
अइहीणफडुगाओऽणंतसो नोकसायाणं ॥ ५१ ॥
जा जम्मि भवे नियमा उदीरण ताओ भवनिमित्ताओ
परिणामपच्चयाओ सेसाओ सई स सव्वरथ ॥ ५२ ॥
तिस्थयरं घाईणि य आसज्ज गुणं पहाणभावेण ।
भवपच्चइआ सव्वा तहेव परिणामपच्चइया ॥ ५३ ॥
वेयणीएणुक्कोसा अजहणणा मोहणीए चउभेया ।
सेसघाईण तिविहा नामागोयाण एक्कोसा ॥ ५४ ॥
सेसविगप्पा दुविहा सव्वे आउस्स होउमुवसंतो ।
सव्वट्ठगओ साए उक्कोसुदीरणं कुणइ ॥ ५५ ॥
कक्खडगुरुमिच्छाणं अजहणणा मिउलहूणएक्कोसा
चउहा साइयवज्जा वीसाए धुवोदयसुभाणं ॥ ५६ ॥
अजहणणा असुभधुवोदयाण तिविहा भवे तिवीसाए
साई अधुवा सेसा सव्वे अधुवोदयाणं तु ॥ ५७ ॥
दाणाइ अचक्खूणं उक्कोसाइम्मिहीणलद्धिस्स ।

सुहुमस्स चक्खुणो पुण तिइंदिए सव्वपज्जत्ते ॥५८॥

निइाणं पंचणहवि मज्झिमपरिणामसंकिलिट्टस्स ।

पण नोकसायऽसाए नरए जेठ्ठि ति सम्मत्तो ॥५९॥

सम्मत्तमीसगाणं से काले गहिहितित्ति मिच्छत्तं ।

हासरईणं पज्जत्तगस्स सहस्सारदेवस्स ॥६०॥

पंचिंदी तसवायर पज्जत्तगसायसुस्सरगईणं ।

वेउव्वुस्सासस्स य देवो जेठ्ठि ति सम्मत्तो ॥६१॥

गइहुंडुवघायाणिट्टुखगतित्तुभगाइ(चउ)नीयगोयाणं ।

णेरईओ जेठ्ठिई मणुओ अंते अपज्जस्स ॥६२॥

कक्खडगुरुसंघयणथीपुंसंठाणतिरिगईणं च ।

पंचिदिअओ तिरिक्खो अठमवासे ठवासाऊ ॥६३॥

तिगपलियाऊ सम्मत्तो मणुअगतिउसभउरलसत्ताणं ।

(मणुओ मणुयगइउसभउरलाणं पाठांतर)

पज्जत्ता चउगईआ उक्कोससगाउयाणं तु ॥६४॥

हस्सठिईपज्जत्ता तन्नामा विगलजाइसुहुमाणं ।

थावरनिगोअएगिं-दिआणमिह वायरा नवरिं ॥६५॥

आहारतण पज्जत्तगो य चउरंसमउ य लहुयाणं ।

पत्तेयखगइपरघाय तइयमुत्तीण य विसुद्धो ॥६६॥
 उत्तरवेउद्विजई उज्जोवस्सायवस्स खरपुढवी ।
 नियगगईणं भणिया तइए समए णुपुढवीणं ॥६७॥
 जोगंते सेसाणं सुभाणमियराण चउसु वि गईसु ।
 पज्जत्तुक्कडमिच्छे सुलद्धिहीणेसु ओहीणं ॥६८॥
 सुयकेवल्लिणो मइसुयचक्खुअचक्खुणुदीरणा मंदा ।
 विपुलपरमोहिगाणं मणनाणोहीदुगस्सावि ॥६९॥
 खवगम्मि विग्घकेवलसंजलणाणं समोकसायाणं ।
 सगसगउदीरणंते निद्दापयलाणमुवसंते ॥७०॥
 निद्दानिद्दाइणं पमत्तविरए विसुज्झमाणम्मि ।
 वेयगसम्मत्तस्स उ सगखवणोदीरणा चरमे ॥७१॥
 सम्मपडिवत्तिकाले पंचणहवि संजमस्स चउचउसु ।
 सम्माभिमुहो मीसे आउए जहण्णठितिगोत्ति ॥७२॥
 पोग्गलविवागियाणं भवाइसमए विसेसमुरलस्स ।
 सुहुमापज्जो वाज्ज वादरपज्जत्त वेउव्वे ॥ ७३ ॥
 अप्पाज्ज वेइंदी उरलंगे नारओ तदियरंगे ।
 निल्लेवियवेउव्वा असण्णिणो आगओ कूरो ७४॥

मिच्छोतरे किलिद्धो वीसाए धुवोदयाण सुभियाणं ।
 आहारजई आहारगस्स अविमुद्धपरिणामो ॥७५॥
 अप्पाउरिसभचउरंसगाण अमणो चिरठिइचउण्हं ।
 संठाणाण मणुओ संघयणाणं तु सुविमुद्धो ॥७६॥
 हुंडोवघायसाहरणाण सुहुमो सुदीहपज्जत्तो ।
 परघाए लहुपज्जो आयावुज्जोय तज्जोगो ॥ ७७ ॥
 ठेवठस्स बेइंदी बारसवासाज्ज मउयलहुआणं ।
 सण्णिण विमुद्धो णाहारगो य पत्तेयमुरलसमं ॥७८॥
 कक्खडगुरूण मंथे विणियट्टे णाम असुहधुवियाणं ।
 जोगंतंमि नवण्हं तित्थस्साउज्जियाइम्मि ॥ ७९ ॥
 सेसाणं वेयंतो मज्झिमपरिणामपरिणाओ कुणइ ।
 पच्चयसुभासुभावि य चिंतिय णेओ विवागीओ ॥८०॥

॥ अथ प्रदेशोदीरणा ॥

पंचणहसणुकोसा तिहा चउद्धा य वेयमोहाणं ।
 सेसविगप्वा दुविहा सव्वविगप्पाओ आउस्स ॥८१॥

तिविहा धुवोदयाणं मिच्छस्स चउव्विहा अणुक्कोसा ।
 सेसविगप्पा दुविहा सव्वविगप्पा य सेसाणं ॥८२॥
 अणुभागुदीरणाए हेअंति जहण्णाए सामिणो जे उ ।
 जेठपएसुद्धीरणसामी ते घाइकम्माणं ॥ ८३ ॥
 वेयणियाण पमत्तो अपमत्तत्तं जया उ पडिवज्जे ।
 संघयणपणगतणुदुगउज्जोवाणं तु अपमत्तो ॥ ८४ ॥
 तिरियगईए देसो अणुपुव्विगईण खाइओ सम्मो ।
 दुभगाई नीयाणं विरई अब्भुट्ठिओ सम्मो ॥८५॥
 देवनिरयाउयाणं जहन्नजेठठिई गुरुअसाए ।
 इयराऊणं इयरा अट्टमवासे ठवासाऊ ॥८६॥
 एगंतेणं चिय जा तिरिक्खजोग्गाओ ताण ते चेव ।
 नियनियनामविसिट्ठा अपज्जनामस्स मणु सुद्धो ॥८७॥
 जोगंतुदीरगाणं जोगंते दुसरसुसरसासाणं ।
 नियगंतकेवलीणं सव्वविसुद्धस्स सेसाणं ॥ ८८ ॥
 तप्पाओगकिलिठा सव्वाणं हेअंति खवियकम्मं सा ।
 ओहीणं तव्वेई मंदाइ सुही य आऊणं ॥ ८९ ॥
 ॥ इति उदीरणा ॥

॥ अथ उपशमनाकरणम् ॥

देसुवसमणा सव्वाण होइ सव्वोवसामणा मोहे ।
 अपसत्थपसत्था जा करणुवसमणाए अहिगारो ॥१॥
 सव्वुवसमणा जोगो पज्जत्तपणिंदिसणिसुभक्षेसो ।
 परियत्तमाणसुभपगइ बन्धओतीव सुज्झंतो ॥२॥
 असुभसुभे अणुभागे अणंतगुणहाणिवुड्ढिपरिणामो ।
 अंतो कोडाकोडी ठिइओ आउं अबंधंतो ॥ ३ ॥
 बंधादुत्तरबंधं पलिओवमसंखभागऊणूणं ।
 सागारे उवओगे वट्टंतो कुणइ करणाइं ॥४॥
 पढमं अहापवत्तं बायं तु नियट्ठि तइयमणियट्ठी ।
 अंतोमुहुत्तियाइं उवसमअच्चं च लहइ कमा ॥५॥
 आइल्लेसुं दोसुं जहणणउक्कोसिआ भवे सोही
 जं पइसमयं अज्झवसाया लोगा असंखेज्जा ॥६॥
 पइसमयमणंतगुणा सोही उड्ढामुही तिरिच्छाओ ।
 छट्ठाणा जीवाणं तइए उड्ढामुही एक्का ॥ ७ ॥
 गंतुं संखिउजंसं अहापवत्तस्स हाण जा सोही ।

तीए पढमे समए अणंतगुणिआओ उक्कोसा ॥८॥
 एवं एक्कंतरिया हेठवरिं जाव हीण पज्जत्ते ।
 तत्तो उक्कोसाओ उवरुवरिं होइ णंतगुणा ॥ ९ ॥
 जा उक्कोसा पढमे तीसे णंता जहन्निया वीए ।
 करणे तीए जेढा एवं जा सठ्वकरणंपि ॥ १० ॥
 अपुव्वकरणसमगं कुणइ अपुव्वे इमे उ चत्तारि ।
 ठितिघायं रसघायं गुणसेढी बंधगद्धा य ॥११॥
 उक्कोसेणं बहुसागराणि इयरेण पल्लसंखंसं ।
 ठितिअग्गाओ घायइ अंतमुहुत्तेण ठितिखंडं ॥१२॥
 असुभाणंतमुहुत्तेणं हणइ रसखंडगं अणंतंसं ।
 किरणे ठितिखंडाणं तम्मि उ रसकंडगसहस्सा ॥१३॥
 घाइयठिइओ दलियं घेत्तुं घेत्तुं असंखगुणणाए ।
 साहिअ दुकरणकात्ते उदयाओ रयइ गुणसेढिं ॥१४॥
 करणाइए अपुठ्वो जो बन्धो सो न होइ जा अण्णो ।
 बंधगअद्धा सा तुल्लिगा उ ठिइकंडगद्धाए ॥१५॥
 जा करणाईए ठिई करणंते तीए होइ संखंसो ।
 अनियट्टीकरणमओ मुत्तावलिसंठियं कुणइ ॥१६॥

एवमणियट्टिकरणे ठितिघायार्इणि हुंति चउरो वि ।
संखेज्जंसे सेसे पढमठिइ अंतरं च भवे ॥ १७ ॥
अंतमुहुत्तियमेत्ताइं दोवि निम्मवइ बन्धगद्धाए ।
गुणसेढीसंखभागं अंतरकरणेण उक्किरइ ॥ १८ ॥
अंतरकरणस्स विही घेतुं घेतुं ठिइओ मज्झाओ ।
दलियं पढमठिइए विबुभइ तहा उवरिमाए ॥१९॥
इगदुग आवलिसेसाए णत्थि पढमाए दीरणागाला ।
पढमठिइए उदीरण बीयाउ एइ आगालो ॥ २० ॥
आवलिमेत्तं उदएण वेइउं ठाइ उवसमद्धाए ।
उवसमियं तत्थ भवे सम्मत्तं मोक्खवीयं जं ॥ २१ ॥
उवरिमठिइअणुभागं तिहा तओ कुणइ चरिममिच्चुदए
देसघाएण सम्मं इयरेणं मिच्छमीसाइं ॥ २२ ॥
सम्मं थोवो मीसे असंखओ तस्स असंखओ सम्मं ।
पइसमयं इइ खेवो अंतमुहुत्ताउ विज्झाओ ॥२३॥
गुणसंमेण एसो संकमो होइ सम्ममीसेसु ।
अंतरकरणम्मि ठिओ कुणइ जओ सपसत्थगुणो ॥२४॥
गुणसंकमेण समगं तिण्णि वि थक्कंति आउवज्जाणं ।

मिच्छत्तस्स उ इगिदुगआवलिसेसाए पढमाए ॥२५॥
 उवसंतद्धा अंते विहीए उक्कड्डियस्स दलियस्स ।
 अज्झवसाणविसेसा एक्कस्सुदत्थो भवे तिण्हं ॥२६॥
 ठावलिए सेसाए उवसमअद्धाए जाव इगिसमयं ।
 असुहपरिणामतो कोई जाइ इह सासणत्तंपि ॥२७॥
 सम्मत्तेणं समगं सव्वं देसं च कोइ पडिवज्जे ।
 उवसंतदंसणी सो अंतरकरणठिओ जाव ॥ २८ ॥
 वेयगसम्मदिठी सोहीअद्धाए अजयमाईआ ।
 करणदुगेण उवसमं चरित्तमोहस्स चेठंति ॥ २९ ॥
 जाणए गहणणुपालण-विरओ विरईइ अविरउन्नेसिं
 आइमकरणदुगेणं पडिवज्जइ दोणहमण्णयरं ॥३०॥
 उदयावलिए उप्पिं गुणसेठिं कुणइ सह चरित्तेण ।
 अंतो असंखगुणणाए तत्तियं वड्डुए कालं ॥ ३१ ॥
 परिणामपच्चएणं गमागमं कुणइ करणरहिअो वि ।
 आभोगनठचरणो करणे काऊण पावेइ ॥ ३२ ॥
 परिणामपच्चएणं चउव्विहं हाइ वड्डुई वावि ।
 परिणामवठयाए गुणसेठिं तत्तियं रयइ ॥ ३३ ॥

सम्मुप्यायणविहीणा चउगइथा सम्मद्दिठी पज्जत्ता ।
संजोयणा विजोयंति न उण पढमठित्तिं करेति ॥३४॥
उवरिमगे करणदुगे दलियं गुणसंकमेण तेसिं तु ।
नासेइ तओ पच्छा अंतमुहुत्ता सभावत्थो ॥३५॥
दंसणखवगस्सरिहो जिणकालीओ पुमठवासुवरिं ।
अणणासकमा करणाइं करिअ गुणसंकमं तह य ॥३६॥
अपुवकरणसमगं गुणउवलणं करेइ दोणहं पि ।
तक्करणाइ जं तं ठितिसंतं संखभागोत्ते ॥३७॥
एवं ठितिवंधो वि हु पविसइ अणियट्टिकरणसमयम्मि ।
अपुब्वां गुणसेट्ठिं ठितिरसकंडाणि बन्धं च ॥३८॥
वेसुवसमणनिकायण निहत्तिरहियं च होइ दिठितिगं
कमसो असणिणचउरिंदियाइ तुल्लं च ठिइसंतं ३९
ठितिखंडसहस्साइं एक्केक्के अंतरंमि गच्छंति ।
पल्लिओवभसंखंसे दंसणसंते तओ जाए ॥ ४० ॥
संखेज्जा संखेज्जा भागा खंडेइ सहससो ते वि ।
तो मिच्छस्स असंखा संखेज्जा सम्ममीसाणं ॥४१॥
तत्तो बहुखंडंते खंडइ उदयावलीरहिअमिच्छं ।

ततो असंखभागा सम्मा मीसाण खंडेइ ॥ ४२ ॥
 बहुखंडंते मीसं उदयावलि बाहिरं खिवइ सम्मे ।
 अडवाससंतकम्मो दंसणमोहस्स सो खवगो ॥४३॥
 अंतमुहुत्तियखंडं ततो उक्किरइ उदयसमयाओ ।
 निक्खिवइ असंखगुणं जाव गुणसेढि परे हीणं ॥४४॥
 उक्किरइ असंखगुणं जाव दुचरिमंति अतिमे खंडे ।
 संखेज्जं सो खंडइ गुणसेढीए तहा देइ ॥४५॥
 कयकरणो तक्काले कालंपि करेइ चउमुविगइसु ।
 वेइअसेसो सेढी अणणयरं वा समारुहइ ॥४६॥
 तइयचउत्थे तंमिव भवम्मि सिज्झंति दंसणे खीणे ।
 जं देवनिरयसंखाउ चरमदेहेसु ते हुंति ॥४७॥
 अहवा दंसणमोहं पढमं उवसामइत्तु सामण्णे ।
 ठिच्चा अणुदइयाणं पढमठितिआवलीनियमा ॥४८॥
 पढमुवसमुव सेसं अंतमुहुत्ताओ तस्स विज्झाओ ।
 संकेसविसोहीओ पमत्तइयरत्तणं बहुसो ॥४९॥
 पुणरवि तिण्णिउ करणाइं करेइ तइयम्मि एत्थ पुण भेओ
 अंतो कोडाकोडी बंधं संतं च सत्तण्हं ॥५०॥

ठितिव्खंडं उक्कस्सं पि तस्स पटलस्स संखतमभागं ।
ठितिव्खंड बहुसहस्से सेक्केक्कं जं भणिस्सामो ॥५१॥
करणस्स संखभागे सेसे असणिमाइयाण समो ।
बन्धो कमेग पल्लं वीसगतीसाण उ दिवडुं ॥५२॥
मोहस्स दोणि पल्ला संते वि हु एवमेव अप्पबहू ।
पलियमित्तंमि बन्धे अण्णो संखेज्जगुणहीणो ॥५३॥
एवं तीसाण पुणो पल्लं मोहस्स होइ उ दिवडुं ।
एवं मोहे पटलं सेसाणं पल्लसंखंसो ॥ ५४ ॥
वीसगतीसगमोहाण संतयं जहकमेण संखगुणं ।
पल्लअसंखेज्जंसो नामागोयाण तो बन्धा ॥५५॥
एवं तीसाणंपि हु एक्कपहारेण मोहणीयस्स ।
तीसगअसंखभागो ठितिवन्धो संतयं च भवे ॥५७॥
वीसग असंखभागे मोहं पच्छाओ घाइ तइयस्स ।
वीसाण तओ घाइ असंखभागम्मि वज्झंति ॥५७॥
असंखसमयवद्धाणु-दीरणा होइ तम्मि कालम्मि ।
देसे घाइरसंतो मणपज्जव अंतरायाणं ॥५८॥
लाभोहीणं पच्छा भोगअचक्खूसुयाण तो चक्खू ।

(२६८)

परिभोगमईणं तो विरियस्स असेढिगा घाई ॥५९॥
संजमघाईण तच्चो अंतरमुदओ उ जाण दोणहं तु ।
वेयकसायणणये सोदयतुल्लाय पढमठिई ॥६०॥
थीअपुमोदयकाला संखेज्जगुणो उ पुरिसवेयस्स ।
तस्स वि विसेसअहिओ कोहे तत्तो वि जहकमसो ॥६१॥
अंतरकरणेण समं ठित्तिखंडगबंधगद्धनिप्फत्ती ।
अंतरकरणाणंतरसमये जायंति सत्तइमे ॥६२॥
एगट्टाणणुभागो बंधो उदीरणा य संखसमा ।
अणुपुव्वीसंकमणं लोहस्स असंकमो मोहे ॥६३॥
बद्धं बद्धं छसु आवलीसु उवरेणुदीरणं एइ ।
पंडगवेउवसमणा असंखगुणाए जावंतं ॥६४॥
अंतरकरणपविष्ठो संखासंखस मोह इयराणं ।
बंधादुत्तर बंधं एवं इत्थीए संखसे ॥६५॥
उवसंते घाईणं संखेज्जसमा परेण संखसो ।
बन्धो सत्तण्हेवं संखेज्जतमंमि उवसंते ॥ ६६ ॥
नाम गोयाण संखा बन्धो वासा असंखियो तइए ।
तो सव्वाण वि संखा तत्तो संखेज्जगुणहाणी ॥६७॥

जं समए उवसंतं छक्कं उदयठिई तथा सेसा ।
पुरिसे समजणावलिदुगेण वद्धं अणुवसंतं ॥ ६८ ॥
आगालेणं समगं पडिग्गहया फिडइ पुरिसवेयस्स ।
सोलसवासियवन्धो चरमो चरमेण उदयेण ॥ ६९ ॥
तावइ कालेणं चिय पुरिसं उवसामए अवेदो सो ।
बन्धो बत्तीससमा संजलणियराण उ सहस्सं ॥ ७० ॥
अठ्वेय पढमसया कोहतिगं आढवेइ उवसमिउं ।
तिसु पडिग्गहया एक्काए उदओ य उदीरणा बन्धो ७१
फिट्ठंति आवलीए सेसाए सेसयंतु पुरिससमं ।
एवं सेसकसाया वेयइ थिबुगेण आवलिया ॥ ७२ ॥
चरिमुदयम्मि जहणो बन्धो दुगुणो उ होइ उवसमगे ।
तयणंतरपगईए चउग्गुणोन्नेसु संखगुणो ॥ ७३ ॥
लोहस्स उ पढमठिइं बीयठिईओ उ कुणइ तिविभागं ।
दोसु दलनिकखेवो तइओ पुण किट्टिवेयद्धा ॥ ७४ ॥
संताणि वज्झमाणगसरूवओ फड्डगाणि जं कुणइ ।
सा अस्सकण्णकरणद्ध मज्झिमा किट्टिकरणद्धा ॥ ७५ ॥
अपुव्वविसोहीए अणुभागोण्णविभयणं किट्टी ।

पढमसमयम्मि रसफड्डवग्गणाणंतभागसमा ॥७६॥
 सव्वजहण्णगफड्डग अणंतगुणहीणियाउ ता रसओ
 पइसमयमसंखसो आइमसमयाउ जावंतो ॥७७॥
 अणुसमयमसंखगुणं दलियमणंतंसओ उ अणुभागो
 सव्वेसु मंदरसमाइयाण दलियं विसेसूणं ॥७८॥
 आइमसमयकयाणं मंदाईणं रसो अणंतगुणो ।
 सव्वुक्कस्सरसा वि हु उवरिमसमयस्सणंतसे ॥७९॥
 किट्टीकरणद्धाए तिसु आवलियासु समयहीणासु ।
 न पडिग्गहया दोणहवि सछाणे उवसमिज्जंति ॥८०॥
 लोभस्स अणुवसंत किट्टी उदयावली य पुव्वुत्तं ।
 वायरगुणेणं समगं दोणह वि लोभा समुवसंता । ८१
 सेसद्धं तणुरागो ताओ आकड्डियाओ पढमठिई ।
 वज्जिय असंखभागं हेट्टुवरिमुदीरणं सेसा ॥ ८२ ॥
 गेण्हंतो य मुयंतो असंखभागं तु चरिमसमयम्मि ।
 उवसामिय वीयठिइं उवसंतं लभइ गुणठाणं ॥८३॥
 अन्तोमुहुत्तमेत्तं तस्स वि संखेज्जभागतुल्लाओ ।
 गुणसेढी सव्वद्धं तुल्ला य पएसकालेहिं ॥ ८४ ॥

करणाय नोवसंतं संकमणोवट्टणं तु दिट्ठितिगं ।
 मोत्तूण विलोमेणं परिवडइ जा पमत्तोत्ति ॥८६॥
 उक्कट्ठित्ता दलियं पढमठित्तिं कुणइ बीयठित्तिहिंतो ।
 उदयाइ विसेसूणं आवलिउप्पि असंखगुणं ॥८७॥
 जावइया गुणसेढी उदयवई तासु हीणगं परञ्चो ।
 उदयावलीमकाउं गुणसेढी कुणइ इयराणं ॥८८॥
 संकम उदीरणाणं णत्थि विसेसो उ एत्थ पुव्वुत्तो ।
 जं जत्थ उ वोच्छिण्णं जायं वा होइ तं तत्थ ॥८९॥
 वेइज्जमाणसंजलण कालओ अहिञ्चमोहगुणसेढी ।
 पडिवत्ति कसाउदए तुल्ला सेसेहिं कम्मेहिं ॥९०॥
 खवगुवसामगपच्छागयाण दुगुणो तहिं बन्धो ।
 अणुभागोऽणंतगुणो असुभसुभाण विवरीञ्चो ॥९१॥
 परिवाडीए पडिउं पमत्तइयरत्तणेण बहं किच्चा ।
 देसजई संजमं वा सासणभावं च कोइ वयइ ॥९२॥
 उवसमसम्मत्तच्चा अंतो आउक्खया भवे देवो ।
 जेण तिसु आउएसुं बच्चेसु न सेढिमारुहइ ॥९३॥
 सेढी पडिओ तम्हा छडावली सासणो त्रि देवेसु ।

एगभवे दुक्खुत्तो चरित्तमोहं उवसमेज्जा ॥१४॥
 दुचरिमसमये नियगोदयस्स इत्थी नपुंसगोन्नोन्नं ।
 समइत्तु सत्त पच्छा किंतु नपुंसोकमारद्धे ॥१५॥

॥ इति सर्वोपशमना ॥

॥ अथ देशोपशमना ॥

मूलुत्तरकम्माणं पगडीठितिमादि होइ चउभेया ।
 देसकरणेहिं देसं समेइ जं देससमणातो ॥१६॥
 उघट्टणओवट्टणसंकमकरणाइं हुंति नन्नाइं ।
 देसोवसामिअस्सा जा पुठवो सव्वकम्माणं ॥१७॥
 खवगो व सामगो वा पढमकसायाण दंसणतिगस्सा
 देसोवसामगो सो अपुठवकरणंतगो जाव ॥१८॥
 साइयमाइ चउद्धा देसुवसमणा अणाइसंतीणं ।
 मूलुत्तरपगईणं साईअधुवाओ अधुवाओ ॥१९॥
 गोयाउयाण दोणहं चउत्थ छठाण होइ छ सत्तणहं ।
 साइयमाइ चउद्धा सेसाणं एगठाणस्स ॥१००॥
 उवसामणा ठिईए उक्कोसा संकमेण तुट्ठलाओ ।

इयरावि किंतु अभवी उव्वलग अपुव्वकरणेसु ॥१०१

अणुभागपएसाणं सुभाणं जा पुव्वमित्थ इयराणं ।

उक्कोसियरं अभविय एगिंदी देससमणाए ॥१०२॥

॥ इति उपशमनाकरणम् ॥

॥ अथ निद्धत्तिनिकाचनाकरणम् ॥

देसुवसामणतुल्ला होइ निहत्ती निकायणा नवरिं ।

संकपणंपि निहत्तीए नत्थि सवाणि इयरीए ॥१॥

गुणसेटीपएसग्गं थोवं उवसामियं असंखगुणं ।

एवं निहयनिकाइय अहापवत्तेण संकंतं ॥२॥

ठितिवंध उदीरण तिविहसंकमे हेत्तिऽसंखगुणकमसा ।

अज्झवसाया एवं उवसामणमाइएसु कमो ॥३॥

॥ इत्यष्टौ करणानि ॥ समाप्तः कर्मप्रकृतिसङ्ग्रहः ॥

॥ अथ सत्तिकासङ्ग्रहः ॥

मूलुत्तरपगईणं साइअणाईपरूवणाणुगयं ।

भणियं बंधविहाणं अहुणा संवेहगं भणिमो ॥१॥

आउम्मि अट्ट मोहेठसत्त एक्कं व छाइ वा तइए ।
 वउझंतयंम्मि वउझंति सेसएसु छ सत्तठ ॥२॥
 मोहस्सुदये अठ वि सत्तय लब्भंति सेसयाणुदए ।
 संतोइण्णाणि अघाइयाण अड सत्त चउरो य ॥३॥
 बंधइ ठ सत्त अठ य मोहुदए सेसयाण एक्कं च ।
 पत्तेयं संतेहिं बंधइ एगं छ सत्तठ ॥४॥
 सत्तट्टुवंधेसु उदओ अट्टण्ह होइ पयडीणं ।
 सत्तण्हं चउण्हं वा उदओ सायस्स बंधम्मि ॥५॥
 दो संतठाणाइं बंधे उदए य ठाणय एक्कं ।
 वेयणियाउयगोए एगं नाणंतराएसुं ॥६॥
 नाणंतरायबंधो आसुहुमं उदयसंतया खीणं ।
 आइमदुगचउसत्तमनारयतिरिमणुसुराऊणं ॥७॥
 नारयसुराउ उदओ चउ पंचम तिरिमणुस्स चोइसमं ।
 आसम्मदेसजोगी उवसंता संतयाऊणं ॥८॥
 अब्बंधे इगिसंतं दो दो बद्धाउ वउझमाणाए ।
 चउसु वि एक्कसुदओ पणनवनव पंच इइ भेया ॥९॥
 नव छच्चउहा वउझइ दुगट्टुदसमेसु दंसणावरणं ।

(१७५)

नव वायरम्मि संतं छक्कं चउरो य खीणम्मि ॥१०॥
नव भेए भंगतियं बेच्छावट्टी उ छव्विहस्स ठिई ।
चउ समयाओ अंतो अंतमुहुत्ताउ नवछक्के ॥११॥
दंसणसनिहदंसणउदओ समकं तु होइ जा खीणो ।
जाव पमत्तो नवणहं उदओ छसु चउसु जा खीणो ॥१२॥
चउपण उदओ बंधेसु तिसु वि अबंधगेवि उवसंते ।
नव संतं अट्टेवं उइणसंताइं चउ खीणे ॥१३॥
खवगे सुहुमंमि चउबंधगम्मि अबंधगम्मि खीणम्मि ।
छस्संतं चउरुदओ पंचणह वि केइ इच्छंति ॥१४॥
बन्धो आदुगदसगं उदओ पणचोइसं तु जा ठाणं ।
निच्चुच्चगोत्तकम्माण संतया होइ सव्वेसु ॥१५॥
बन्धइ उइणणयं चियं इयरं वा दोविसंत चउ भंगो ।
नीएसु तिसु वि पढमो अबंधगे दोणिण उच्चुदए ॥१६॥
तेरसमछठएसु सायासायाण बंधवुच्छेओ ।
संतउइण्णाइं पुण सायासायाइं सव्वेसु ॥१७॥
बंधइ उइणणयं चिय इयरं वा दोवि संत चउभंगा ।
संतमुइणमबंधे दो दोणिण दुसंत इइ अट्ट ॥१८॥

दुगइगवीसासत्तर तेरस नवपंचचउ तिगदुगेगो ।
बंधो इगिदुचउत्थय पणठनवमेसु मोहस्स ॥१९॥
हासरइअरइसोगाण बंधगा आनवं दुहा सठ्वे ।
वेयविभज्जंता पुण दुगइगवीसा छहा चउहा ॥२०॥
मिच्छावन्धिगवीसो सत्तरतेरो नवो कसायाणं ।
अरईदुगं पमत्ते ठाइ चउक्कं नियट्ठिमि ॥२१॥
देसूण पुवकोडी नवतेरे सत्तरे य तेत्तीसा ।
बावीसे भंगतिगं ठिति सेसेसु मुहुत्तंतो ॥२२॥
इगिदुगचउएगुत्तर आदसगं उदयमाहु मोहस्स ।
संजलणवेयहासरइ भयदुगंछतिकसायदिठीए ॥२३॥
दुगआइ दसंतुदया कसायभेया चउविहा ते उ ।
षारसहा वेयवसा अदुगा पुण जुगलओदुगुणा ॥२४॥
अणसम्मभयदुगंछाण णोदओ संभवे वि वा जम्हा ।
उदया चउवीसाविय एक्केक्कगुणे ओओ बहुहा ॥२५॥
मिच्छे सगाइ चउरो सासणमीसे सगाइ तिण्णुदया ।
ठप्पंचचउरपुठ्ठा चउ चउरो अविरयाईणं ॥२६॥
दसगाईसु चउवीसा एक्काच्छेक्कारदससगचउक्कं ।

एक्का य नवसयाइं सछाइं एवमुदयाणं ॥ २७ ॥
 बारस चउरोतिदुएक्कगाओ पंचाइ बन्धगे उदया ।
 अबन्धगे वि एक्को तेसीया नवसया एवं ॥२८॥
 चउबन्धगे वि बारस दुगोदया जाण तेहि बूढेहिं ।
 बन्धगभेएणेवं पंचूणसहस्समुदयाणं ॥२९॥
 बारस दुगोदएहिं भंगा चउरो य संपराएहिं ।
 सेसा तेच्चिय भंगा नवसयछावत्तरा एवं ॥३०॥
 मिच्छाइ अप्पमत्तंतयाण अछठ हुंति उदयाणं ।
 चउवीसाओ सासणमीसअपुव्वाण चउचउरो ॥३१॥
 चउवीस गुणा एए बायरसुहुमाण सत्तरसअन्ने ।
 सव्वेसु वि मोहुदया पण्णट्ठा बारससयाओ ॥३२॥
 उदयविगप्पा जे जे उदीरणाए वि हुंति ते ते उ ।
 अंतमुहुत्तिय उदया समयादारब्भ भंगा य ॥३३॥
 मिच्छत्तं अणमीसं चउरो चउरो कसाय वा सम्मं ।
 ठाइ अपुव्वे छक्कं बेयकसाया परे तओ लोभो ॥३४॥
 अछगसत्तगछक्कग चउतिगदुगएक्कगाहिया वीसा ।
 तेरस वारेक्कारस संते पंचाइ जा एक्कं ॥३५॥

अणमिच्छमीससम्माण अविरया अप्पमत्त जा खवगा ।
 समकं अठकसाए नपुंस इरथीकमाछक्कं ॥३६॥
 पुंवेअं कोहाइ नियट्टि नासेइ सुहुमतणुलोभं ।
 तिन्नेगति पण चउसु तिवकारस चउ ति संताणि ॥३७॥
 छवीसणाइ मिच्छे उव्वलणा एव सम्ममीसाणं ।
 चउवीस अणविजोए भावो भूओ वि मिच्छाओ ॥३८॥
 सम्ममीसाण मिच्छो सम्मो पढमाण होइ उव्वलगो ।
 बन्धावलिआ उप्पि उदओ संकंतदलिअस्स ॥३९॥
 बावीसं बन्धंते मिच्छे सत्तोदयंमि अडवीसा ।
 संतं छ सत्तमीसा य हेअंति सेसेसु उदएसु ॥४०॥
 सत्तरसबन्धगे छोदयम्मि संतं इगट्टचउवीसा ।
 सगतिदुवीसाय सगठगोदए णेयरिगवीसा ॥४१॥
 वेसाइसु चरिमुदए इगवीसा वज्जियाइ संताइं ।
 सेसेसु हेअंति पंचवि तिसु वि अप्पुव्वंमि संततिगं ॥४२॥
 पंचाइ बन्धगेसु इगट्टचउवीसऽबन्धगेक्कं च ।
 तेरस वारेक्कारस य हेअंति पण बन्धि खवगस्स ॥४३॥
 एगाहिया य बन्धा चउबन्धगमाइआण संतंसा ।

बन्धोदयाण विरमे जं संतं बुभइ अण्णत्थ ॥४४॥
 सत्तावीसे पल्लासंखंसो पोग्गलद्धछवीसे ।
 वे छावणी अडचउवीसिगवीसे उ तिच्चीसा ॥४५॥
 अंतमुहुत्ता उ ठिई तमेव दुहअोविसेससंताणं ।
 होइ अणाइ अणंतं अणाइसंतं च छठवीसा ॥४६॥
 अप्पज्जत्तग जाई पज्जत्तगईहिं पेरिआ बहुसो ।
 बन्धं उदयं च उवेति सेसपगईओ नामस्स ॥४७॥
 उदयप्पत्ताणुदओ पएसअो अणुवसंतपगईणं ।
 अणुभागोदय निच्चोदयाण सेसाण भइयव्वो ॥४८॥
 अधिरासुभचउरंसं परघाइदुगं तसाइधुवबन्धी ।
 अजसपणिदीविउव ।हारगसुखगइसुरगइया ॥४९॥
 बन्धइ तिस्थनिमित्ता मणुउरलदुरिसभदेवजोगाअो ।
 नो सुहुमतिगेणजसं नो अजसधिरासुभाहारे ॥५०॥
 अप्पज्जत्तगबन्धं दूसरपरघायसासपज्जत्तं ।
 तस अपसस्था खगई वेउवं नरयतिगइहेज ॥५१॥
 हुंडोराळं धुवबन्धिणीओ अधिराइ दूसरविहूणा ।
 गइआणुपुविज्जाई वायरपत्तेयअपज्जत्ते ॥५२॥

बन्धइ सुहुमं साहारणं च थावरं तसंगठेषठं ।
 पज्जत्ते उसभथिरसुभजससासुज्जोवपरघायं ॥५३॥
 आयावं एगिंदिय अणसस्थविहूदूसरं च विगलेसु ।
 पंचिदिएसु सुसराइखगइसंघयणसंठाणा ॥५४॥
 तेवीसा पणवीसा छठवीसा अठवीसिगुणतीसा ।
 तीसेगतीस एगा बन्धट्टाणाइं नामेदु ॥५५॥
 मणुअणइण सठवे तिरियगइण छ आइमा बन्धा ।
 नरणुतीसतीसा पणछठवीसायदेवेसु ॥५६॥
 अठवीस नरयजोग्गा अठवीसाइं सुराण चत्तारि ।
 तिगपणछठवीसेगिंदियाण तिरिमणुअ बन्धतिगं ॥५७॥
 मिच्छंमिसासणाइसु तिअठवीसादिनामबन्धाओ ।
 छतिणिण दोति दोदो चउपण सेसेसु जसबन्धो ॥५८॥
 तग्गयणुपुषिजाइं थावरमाइं य दूसरविहूणा ।
 धुवबन्धि हुंडविग्गह तेवीसाऽपज्जथावरण ॥५९॥
 पगइणं वच्चासो होइ गइइंदियाइं आसज्ज ।
 सपराघाऊसासा पणवीसछठवीस सायावा ॥६०॥
 तग्गइयाइ दुवीसा संघयणतसंगतिरियणुवीसा ।

दूसरपरघाऊस्तास खगइगुणतीस तीसुज्जोवा ॥६१॥
 तिरि बन्धा मणुआणं तिस्थयरं तीसमंति इइ भेओ ।
 संघयणूणिगुणतीसा अडवीसा नारए षक्का ॥६२॥
 तिस्थयराहारगदो तिसंजुओ बन्धु नारयसुराणं ।
 अनियट्टीसुहुमाणं जसकित्तोए स इगबन्धो ॥६३॥
 साहारणाइ मिच्छो सुहुमायवथावरं सनरयदुगं ।
 इगिविगल्लिंदियजाई हुंडगपज्जत्तठेवठं ॥६४॥
 सासायणो पसस्था विहगगईदुसरदुभगुज्जोवं ।
 अणएज्जतिरियदुगं मज्झिमसंघयणसंठाणा ॥६५॥
 मीसो सम्मो उरलमणुयदुवयाइं आइसंघयणं ।
 बंधइ देसो विरओ अधिरासुभअजसपुठवाणि ॥६६॥
 अपमत्तो सनियट्टी सुरदुववेउवजुगलधुवबन्धी ।
 परघाऊसासखगई तसाईचउरंसपंचेदी ॥६७॥
 विरए आहारुदओ बन्धो पुण जा नियट्टि अपमत्ता ।
 तिस्थस्स अवरियाओ जा सुहुमो ताव कित्तीए ॥६८॥
 उज्जोयआयवाणं उदओ पुठ्विपि होइ पच्छावि ।
 ऊस्ताससरेहिंतो सुहुमतिगुज्जोयनायावं ॥६९॥

उज्जोवे नायावं सुहुमतिगेणं न बज्झए उभयं ।
 उज्जोव जसाणुदए जायइ साहारणस्सुदओ ॥७०॥
 दुभगाईणं उदए बायरपज्जो विउव्वए पवणो ।
 देवगाईणं उदओ दुभगअणाएज्ज उदएवि ॥७१॥
 सुसरउदओ विगलाण होइ विरयाण देसविरयाणं ।
 उज्जोवुदओ जायइ वेउठ्वाहारगद्धाए ॥७२॥
 अडनववीसिगवीसा चउवीसेगहिय जाव इगतीसा ।
 चउगईणसु बारस उदयठाणाइं नामस्स ॥७३॥
 मणुएसु चउवासा वीसडनववडिजयाओ तिरिएसु ।
 इगपण सगठ नववीस नारए सुरे सतीसा ते ॥७४॥
 इगितीसाइ मिच्छे सगठ वीसाए सासणे हीणा ।
 चउवीसूणा सम्मे पंचवीसाए जोगिम्मि ॥७५॥
 पणवीसाईं देसे छठवीसूणा पमस्सि पुण पंच ।
 गुणतीसाईं मीसे तीसुगतीसा य अपमत्ते ॥७६॥
 अओ नवो अजोगिस्स वीसओ केवलीसमुग्घाए ।
 इगवीसो पुण उदओ भवंतरे सठवजीवाणं ॥७७॥
 चउवीसाइचउरो उदया एगिंदिएसु तिरिमणुए ।

अडवीसाइछवीसा एककेककूणा विउव्वंते ॥७८॥
 गइआणुपुविजाई थावरदुभगाई तिणिण धुवउदया ।
 एगिंदिय इगवीसा सेसाणवि पगइवच्चासो ॥७९॥
 सा आणुपुविहीणा अपज्ज एगिंदितिरियमणुआणं ।
 पत्तेउवघायसरीर हुंडसहिआ चउव्वीसा ॥८०॥
 परघाय सास आयवजुत्तापणछक्कसत्तवीसा सा ।
 संघयण अंगजुत्ता चउवीस छवीस मणुतिरिए ॥८१॥
 परघायखगइजुत्ता अडवीसा गूणतीस सासेणं ।
 तीसा मरेण सुज्जोवतित्थ तिरिमणुअ इगतासा ॥८२॥
 तिरिउदयछवीसाइ संघयणविवज्जिआओ ते चेव ।
 उदया नरतिरियाणं विउव्विगाहारगजईणं ॥८३॥
 देवाणं सव्वे विहु त एव विगलोदया असंघयणा ।
 संघयणुज्जोव विवज्जियाउ ते नारएसु पुणो ॥८४॥
 तसवायरपज्जत्तं सुभगाएज्ज पणिंदिमणुयगई ।
 जसकित्ती तित्थयरं अजोगिजिणअच्छगं नवगं ॥८५॥
 निच्चोदयपगइजुया चरिमुदया केवलासमुग्घाए ।
 संठाणेसु सव्वेसु हेअंति दुसरा वि केवलिणो ॥८६॥

पत्तेऽवघायउरालदुवयसंठाणपढमसंघयणे ।

बूढे छसत्तवीसा पुव्वुत्ता सेसया उदया ॥८७॥

तिरथयरे इगतीसा तीसा सामणकेवलीणं तु ।

खीणसरे गुणतीसा खीणुस्सांसंमि अडवीसा ॥८८॥

साहारणस्स मिच्छे सुहुमअपज्जत्तआयवाणुदओ ।

सासायणम्मि थावरएगिंदियविगलजाईणं ॥८९॥

सम्ममे विउठिवच्छक्कस्स दुभग अणाएज्ज अजसपुव्वीणां ।

विरयाविरए उदओ तिरिगइउज्जोवपुव्व्वाणं ॥९०॥

विरयापमत्तएसुं अंततिसंघयणपुव्वगाणुदओ ।

अपुव्वकरणमाविसु दुइयतइज्जाणखीणाओ ॥९१॥

नामधुवोदयसूसर खगईओरालदुवयपत्तेयं ।

उवघायतिसंठाणा उसभमजोगिम्मि पुव्वुत्ता ॥९२॥

पिंडे तिरथगरूणे आहारूणे तहोभयविहूणे ।

पढमचउक्कं तस्स उ तेरसगखए भवे वीयं ॥९३॥

सुरदुगवेउवियगइ दुगे य उव्वट्टिए चउत्थाओ ।

मणुयदुगे य नवठय दुहा भवे संतयं एक्कं ॥९४॥

थावरतिरिगइ दोदो आयावेगिंदियविगलसाहारं ।

नरयदुगुज्जोत्राणि य दसाइमेगंततिरिजोग्गा ॥९५॥
 एगिंदिसु पढमदुगं वाऊतेऊसु तइयगमणिच्चं ।
 अह्वा पणतिरिएसु तस्संतेगिंदियाएसु ॥९६॥
 पडमं पढमगहीणं नरए मिच्छम्मि अधुवतिगजुत्तं ।
 देवे सा(आ)इचउक्कं तिरिएसु अतिरथमिच्छसंताणि ॥९७॥
 पढमचउक्कं सम्मा वीयं खीणाओ वायरसुहुमे य ।
 सासणि मीसि वितिरथं पढममजोगिम्मि अट्ट नव ॥९८॥
 नवपंचोदयसंता तेवीसे पणवीसच्छठवीसे ।
 अठ घउरठवीसे नवसत्तिगुतीसतीसे य ॥९९॥
 एक्केक्कं इगितीसे एक्के एक्कुदय अट्टसंतंसा ।
 उवरयबंधे दसदस नामोदयसंतठाणाणि ॥१००॥
 वन्धोदयसंतेसुं पणपण पढमंतिमाण जा सुहुमो ।
 संतोइण्णाइं पुण उवसमखीणे परे नत्थि ॥१०१॥
 मिच्छा सासायणेषु नववन्धुवलक्खियाउ दो भंगा ।
 मीसाओ य नियट्ठी जा छब्बंधेण दो दो उ ॥१०२॥
 चउबंधे नवसंते दोणिण अपुव्वाउ सुहुमरागं जा ।
 अब्बन्धे नवसंते उवसंते हुंति दो भंगा ॥१०३॥

चउबन्धे छस्संते बायरसुहुमाणमेगखवगाणं ।

छसु चउसु व संतेसु दोणिण अबन्धम्मि खीणस्स ॥१०४

चत्तारि जा पमत्तो दोणिण उ जा ओगि सायबन्धेणं

सेत्तेसि अबन्धे चउ इगिसंते चरमसमए दो ॥१०५॥

अट्टुछलाहियवीसा सोलसवीसं च बारस छ दोसु ।

दो चउसु तीसु एक्कं मिच्छाइसु आउए भंगा ॥१०६॥

नरतिरिउदए नारयबन्धविहूणा य सासणि ठवीसा ।

बन्ध सम ऊण सोलस मीसे चउबंधजुअ सम्मे ॥१०७

देसविरयम्मि बारस तिरिमणुभंगा छ बन्धपरिहीणा ।

मणुभंग तिबन्धूणा दुसु सेसा उभयसेठीसु ॥१०८॥

पंचादिमा उ मिच्छे आदिमहीणाउ सासणे चउरो ।

उच्चबन्धेण दोन्निउ मीसाओ देसविरयं जा ॥१०९॥

उच्चेणं बन्धुदए जा सुहुमो अबन्धिठट्टओ भंगो ।

उवसंता जा जोगी दुचरिमं चरमम्मि सत्तमओ ॥११०॥

ओहम्मि मोहणीए बंधोदयसंतयाणि भणियाणि ।

अहुणाऽवोग्गडगुणउदय पयसमूहं पवक्खामि ॥१११

जा जम्मि चउवीसा गुणयाओ ताओ तेण उदएण ।

मिलिया चउव्वासगुणा इयरपएहिं च पयसंखा ॥११२॥
सत्तसहस्सा सट्ठीए वज्जिया अहव ते तिवण्णाए ।
गुणतीसाए अहवा बंधगभेएण मोहणीए ॥११३॥
अठ्ठी वत्तीसा वत्तीसा सठ्ठिमेव वावण्णा ।
चोयाला बोयाला वीसा मिच्छाउ पयधुवगा ॥११४॥
तिन्नि सया वावन्ना षिलिया चउवीस ताडिया एए ।
बायर उदयपएहिय सहियाओ गुणेसु पयसंखा ॥११५॥
तेवीसूणा सत्तरस वज्जिया अहव सत्त अहियाइं ।
पंचासीइ सयाइं उदयपयाइं तु मोहस्स ॥११६॥
एवं जोगुवओगा लेसाइंभेयओ बहू भेया ।
जा जस्स जम्मि उ गुणे संखा सा तम्मि गुणागारो ॥११७॥
उदयाणुवओगेसु सगसयरिसया तिउत्तरा हुंति ।
पण्णासपयसहस्सा तिण्णि सया चेत्र पण्णारा ॥११८॥
तिगहीणा तेवण्णा सया उ उदयाण हेअंति लेसाणं ।
अडतीस सहस्साइं पयाण सगदोयसगतीसा ॥११९॥
चोइसउ सहस्साइ सयं च गुणहत्तरं उदयमाणं ।
सत्तरसा सत्तसया पणनउइसहस्सपयसंखा ॥१२०॥


मीसदुगे कम्मइए अणउदयविवज्जियाउ मिच्छस्स ।
 चउवीसा ऊण चउरो तिगुणाओ तो रिणं ताओ ॥१२१॥
 वेउव्वियमीसम्मि नपुंसवेओ न सासणे होइ ।
 चउवीस चउक्काओ अओ तिभागो रिणं तस्स ॥१२२
 कम्मयविउट्ठिवमीसे इत्थीवेओ न होइ सम्मस्स ।
 अपुमित्थिउरलमीसे तच्चउवीसाण रिणमेयं ॥१२३॥
 आहारगमीसेसुं इत्थीवेओ न होइ उ पमत्तो ।
 दोणिण तिभागा उ रिणं अपमत्तजइस्स उ तिभागो ॥
 उदएसु चउवीसा धुवगाउ पदेसु जोगमाईहिं ।
 गुणिया मिलिया चउवीस ताडिया इयरसंजुत्ता ॥१२५॥
 अपमत्तसासणेसु अड सोल पमत्ते सम्मि वत्तीसा ।
 मिच्छम्मि छन्नउई ठावेज्जा सोहणनिमित्तं ॥१२६॥
 जोगतिगेणं मिच्छे नियनियचउवीसगाहिं सेसाणं ।
 गुणिऊणं फेडेज्जा सेसा उदयाण परिसंखा ॥१२७॥
 चउवीसाए गुणेज्जा पयाणि अकिच्चा मिच्छ षण्णउई ।
 सेसाणं धुवगेहिं एगीकिच्चा तओ सोहे ॥१२८॥
 बन्धोदयसंताइं गुणेसु कहियाइं नामकम्मस्स ।

गइसु य अठवगडंमि वोच्छामि इंदिएसु पुणो ॥१२९॥
 इगि विगले पण बंधा अडवीसूणाउ अट्ट इयरम्मि ।
 पंच ठ एक्कारुदया पण पण बारस उ संताणि ॥१३०॥
 नाणंतरायदंसण बन्धोदयसंतभंग जे मिच्छे ।
 ते तेरस ठाणेंसुं सन्निम्मि गुणासिया सव्वे ॥१३१॥
 तेरससु वेयणीयस्स आइमा हुंति भंगया चउरो ।
 निच्चुदए तिणिण गोए सव्वे दोणहंपि सणिणस्स ॥१३२॥
 तिरिउदए नव भंगा जे ते सव्वे असणिणपज्जत्ते ।
 नारयसुरचउ भंगा-रहिया इगविगलदुविहाणं ॥१३३॥
 असणिण अप्पज्जत्ते तिरिउदए पंच जह य तह मणुए ।
 मणपज्जत्ते सव्वे इयरे पुण दस उ पुठवुत्ता ॥१३४॥
 बन्धोदयसंताइं पुण्णाइं सन्निणो उ मोहस्स ।
 वायरविगलासणिणसु पज्जेसु दु आइमा बंधा ॥१३५॥
 अठसु बावीसोच्चिय बन्धो अट्टाइ उदय तिन्नेव ।
 सत्तगजुया उ पंचसु अडसत्तछव्वीससंतम्मि ॥१३६॥
 सणिणमि अठ असणिणम्मि च्छाइमा तेऽठवीस परिहीणा
 पज्जत्तविगल्लवायर सुहुमेसु तहा अपज्जाणं ॥१३७॥

इगवीसाई दो चउ पणउंदयाऽपज्जसुहुमवाराणं ।
 सण्णस्स अचउवीसा इगछडवीसाइसेसाणं ॥१३८॥
 तेरससु पंच संता तिण्ण धुवासीइ वाणउई ।
 सण्णस्स हेअंति बारस गुणठाणकमेण नामस्स ॥१३९॥
 वज्झंति सत्त अठ य नारयतिरिसुरगईसु कम्माइं ।
 उद्दीरणा वि एवं संतोइण्णाइं अठ तिसु ॥१४०॥
 गुणभिहियं मणुएसु सगलतसाणं च तिरिय पडिवक्खा ।
 मणजोगी छउमा इव कायवई जहा सजोगीणं ॥१४१॥
 वेई नवगुणतुल्ला तिकसाइवि लोभे बसगुणसमाणं ।
 सेसाणिवि ठाणाइं एएण कमेण नेयाणि ॥१४२॥
 सत्तरसुत्तरमेगुत्तरं तु चोहत्तरी उ सगसयरी ।
 सत्तट्ठी तिगसट्ठी गुणसट्ठी अट्टवण्णा य ॥१४३॥
 निहादुगेछवण्णा छव्वीसा तीसबंधविरमम्मि ।
 द्वासरईभयकुच्छा विरमे बावीसपुव्वम्मि ॥ १४४ ॥
 पुंवेय कोहमाइसु अब्बज्जमाणेसु पंच ठाणाणि ।
 बारे सुहुमे सत्तरस पगतिओ सायमियरेसु ॥१४५॥
 मिच्छो नरएसु सयं छन्नवई सासणो सयरिमीसो ।

बावत्तरिं तु सम्मो चउराइसु बंधति अतित्था ॥१४६॥
 मणुयदुगुच्चागोयं भवपच्चयओ न होइ चरिमाए ।
 गुणपच्चयं तु बज्झइ मणुआउ न सव्वहा तत्थ १४७॥
 सामणसुराजोग्गा आजोइसिया न बंधहिं सतित्था ।
 इगिथावरायवजुया सणंकुमारा न बंधंति ॥१४८॥
 तिरितिगउज्जोवजुआ आणयदेवा अणुत्तरसुरा उ ।
 अणमिच्छणीयदूभग थीणतिगं अपुमधीवेयं ॥१४९॥
 संघयणा संठाणा पणपणअपसत्थविहगइ न तेसिं ।
 पज्जत्ता बन्धंति उ देवाउमसंखवासाऊ ॥१५०॥
 तित्थायवउज्जोवं नारयतिरिविगलतिगतिगेगिंदी ।
 आहारथावरचऊ आऊण असंखऽपउज्जत्ता ॥१५१॥
 पज्जत्तिगया दुभगतिगणीयअपसत्थविह नपुंसाणं ।
 संघयणउरलमणुदुगपणसंठाणाण अब्बंधी ॥१५२॥
 किणहाइतिगे असंजमे य वेउव्विजुगे न आहारं ।
 बन्धइ न उरलमासे नरयतिगं छट्टममराउं ॥१५३॥
 कम्मगजोगे अणहारगे य सहिया दुगाउ णेयाओ ।
 सगवण्णा तेवठी बन्धइ आहार उभयेसु ॥१५४॥

तेज खेसाईया बंधंति न नरयविगलसुहुमतिंग ।
 सेगिंदि थावरायव तिरियतिगुब्जोय नव धार ॥१५५॥
 सुयदेवीपसायाओ पगरणमेयं समासओ भणियं ।
 समयाश्चो चंदरिसिणा समईविभवाणुसारेणं ॥१५६॥



॥ अथ परिशिष्टम् ॥

चत्तारि वीस सोलस भंगा एगिंदियाण चत्ताला ।
 एगट्ट अठ विगलिंदियाण इगवणण तिणहंपि ॥१॥
 गुणतीसे तीसेवि य भंगाणट्टाहियाच्छयालसया ।
 पंश्चिदियतिरिजोगे पणुवीसे बन्धभंगेक्कं ॥ २ ॥
 पणवीसयम्मि एक्को छायालसया अडुत्तरिगुणतीसे ।
 मणुजोगट्ट उ सठवे छायालसया सत्तरसा ॥३॥

अट्टट्ट एकक एककग भंगा अट्टारदेवजोगेसु ।
 एक्को नारयजोगे एक्को जसकित्तिभंगाओ ॥ ४ ॥
 तेरस सहस्सनवसय पणयालभंगयाण बन्धम्मि ।
 नामस्स उदयसंखा पणयालत्तरिसयाओ ॥ ५ ॥
 एगिंदिय उदएसु पंच य एक्कार सत्ततेरसयं ।
 छक्कं कमसो भंगा बायाला हुंति सव्वे वि ॥६॥
 तिगतिगदुगचउठच्चउ विगलाण च्छसत्ति होइ तिण्हंपि
 अट्टट्ट सोलसोलस अठ वेउव्वितिरियस्स ॥७॥
 नव नव सीया दोसय पंचच्छावत्तरीय पणतिरिए ।
 ते दुगुणतिगुणदुगुणा गुणतीसाइसु उदएसु ॥८॥
 नवनव सीया दोसय च्छावत्तर पञ्चपञ्च उदयदुगे ।
 एक्कारस्स य बावन्न नराण उदएसु भंगसया ॥९॥
 अड अड नव नव एक्के वेउव्विनराण होइ पणतीसा
 एक्केक्कदोदुगेक्के आहारजईण सत्तेव ॥ १० ॥
 अठट्ट अठ सोलस सोलट्टय देवओ य भंगाओ ।
 नारयकेवल्लिउदएसु पञ्चबावत्तिभंगाओ ॥११॥

॥ अथ शुद्धिपत्रकम् ॥

पृष्ठ.	पङ्क्ति.	अशुद्ध.	शुद्ध.
६	११	तावजुभ	तावजुअं
१६	१७	मिच्छसम	मिच्छसमा
२०	१७	अक्षरकु चरकुसु	अक्षरखु चखुसु
२३	९	केवलीणा	केवलीणो
२५	३	मिच्छि	मिच्छि
२७	३	गुरुअ	गुरुअं
३२	१४	इच्छी	इत्थी
३७	१४	परघुच्च	परघुच्चं
४०	१४	गुज्जोअ	गुज्जोअं
४१	८	गुरुवइट्टं	गुरुवइट्टं
४२	११	भंडगारि	भंडगारिणं
४३	३	त	तं
४३	३	पढम	पढमं
४६	८	सजलणा	सजलणा
४६	१०	संमत्त	संमत्तं
४८	३	उदप	उदपणं
४८	१०	त	तं
४८	१२	दुगुछा	दुगुछा
४९	१६	अगुवंगे	अगुवंगे
५१	१७	तेसि	तेसि
५३	८	वायं	वीयं
५३	१३		तं
५	४	घायण	संघायण
५४	६	छेवट्ट	छेवट्टं

पृष्ठ.	पङ्क्ति.	अशुद्ध.	शुद्ध.
५४	१०	त	त
५४	११	नग्गोहमंडल	नग्गोहमंडले
५५	११	देहमि	देहम्मि
५७	६	वेइदिय	वेइदिय
५९	१४	संधणो	सधणो
६०	६	विवाग	विवागं
६०	१०	मेय	मेयं
६१	२	सपणो	संपणो
६१	६	एय	एवं
६१	६	सय	सयं
६३	९	दसणस्त	इंसणस्त
६४	३	सम्मभि	सम्मम्मि
६४	४	बाय	वीय
६४	७	सोय	सोयं
६४	७	तइ	तह
६४	७	मसुभ	मसुभं
६४	११	देवदुग	देवदुगं
६५	३	दसण	इंसण
६५	५	उवसत	उवसंत
६५	६	बधस्ततो	बंधस्तंतो
६६	१२	हवति	हवंति
६८	४	चरिममि	चरिमम्मि
७०	७	धाण-	धीण-
७२	१२	अवधा	अबंधा
७३	८	सेआ	सेसा
७५	२	मिच्छाआ	मिच्छाओ

पृष्ठ.	पङ्क्ति.	अशुद्ध.	शुद्ध.	पृष्ठ.	पङ्क्ति.	अशुद्ध.	शुद्ध.
७६	४	तिग	तिगं	२१६	१६	चियाण	चियाणं
८०	९	लेसास	लेसासु	२३०	९	तन्नाप	तन्नप
८०	१६	जागा	जोगा	२४१	१३	हार	हारं
९२	१	बंधति	बंधति	२४१	१४	नाया	नीया
१०२	११	चउक	चउकके	२४८	११	निकखवइ	निकखवइ
१२५	४	पगईण	पगईणं	२४९	३	जाय	जाव
१३१	१७	जागंता	जोगंता	२५३	३	मिक्छत्तस्स	मिक्छत्तस्स
१३५	१	पुहुत्तहिब्भय	पुहुत्तब्भहिप्प	२५३	१७	दुमगाइ	दुभगाइ
१४९	६	इय	इयरं	२५७	१७	आहारतण	आहारतणु
१५५	११	तीसगागुप्पि	तीसगाणुप्पि	२५९	११	परिणाओ	परिणओ
१५७	२	णंतगणो	णंतगुणो	२५९	१५	धिगप्पा	धिगप्पा
१६९	१४	गुणसेढा	गुणसेढी	२६१	१०	वायं	वीयं
१७६	२	सन्ना	सन्नो	२६१	१६	हाण	हीण
१८२	१२	मासाओ	मीसाओ	२६३	१५	गुणसंमेण	गुणसंकमेण
१८८	१	ओरालियाइणं	ओरालि- याइयाणं	२७३	१०	कमसा	कमसो
२०३	३	अंतमहुत्तं	अंतमुहुत्तं	२७४	९	टाणय	टाणयं
२०३	६	अवाहणिय	अवाहणिय	२७४	१५	वज्जमाणाण	वज्जमाणाणं
२०३	८	विसेसहीणं	विसेसहीणं	२८२	९	चउवासा	चउवीसा
२०९	१७	अजहन्ने	अजहन्नो	२८३	९	इगतासा	इगतीसा
२१३	७	सागण	सासण	२८३	१६	केवली	केवली
२१५	४	खीणत्त	खीणंत	२८७	१	चउव्वास	चउव्वीस
२१५	११	धुयवधि	धुवबंधि	२८७	११	गुणागारो	गुणगारो

